




అంతరిక్షం అభివృద్ధి




K 197 384
3



అంతరిక్షం
అభివృద్ధి



მთაწა საღვაჲჲ



საქართველოს
პარლამენტის
ეროვნული
ბიბლიოთეკა

„ნაბადული“, თბილისი, 1986

8CGHP + 8-93:8CGHP

84 Гр 7
ს 154



ოთარ სადრაძის ფანტასტიკურ მოთხრობებს უკვე იცნობს „ნაკადულის“ მკითხველი. ჯერ კიდევ 1962 წელს გამოვიდა მისი მოთხრობა „ბარათი მარსიდან“, რომელმაც მკითხველთა მოწონება დაიმსახურა.

ამჟამად გთავაზობთ ავტორის ახალი მოთხრობების კრებულს, სადაც მრავალ საინტერესოს იპოვიან ფანტასტიკის მოყვარულები.

R 197.384
3

საქ. სსრ კ. მარქსის
სახ. საბ. რესპუბ.
ბიბლიოთეკა

სსკპ-2000
მომწესებულება

© „ნაკადული“, 1986

70803—5

C _____ 138—86

M—603(08)—86

საგანგებო შემთხვევა

შუქი თანდათან გაძლიერდა, გაკამკამდა. ჭერში ჩამალული ნათურა მზესავით გაბრწყინდა. ნუკრი შუქმა შეაწუხა, რალაც ჩაიბუბუნა, თხელი საბანი თავზე წაიფარა და კედლისკენ გადაბრუნდა. საავარიო წითელი ნათურა აციმციმდა. ეზოდან საგანგაშო საყვირის ხმა მოისმა. ხმა გაძლიერდა და მალე მთელ მიდამოს მოედო. გიგი ლოგინზე წამოჯდა, ყური მიუგდო. ყველა საყვირი ერთდროულად ზმუოდა...

„ასე მხოლოდ საგანგებო შემთხვევისას ხდება“, გაიფიქრა გიგიმ, ნუკრის საწოლთან მიიბრინა, საბანი გადახადა.

— ადე, ძილისგულად, არ გესმის, ქვეყანა დაიქცა!

ნუკრი უხალისოდ წამოიზლაზნა, თვალები მოიფშვინტა და ნამძინარევი ხმით იკითხა:

— რა მოხდა?

— ალბათ რაკეტოდრომზე გაფუჭდა რამე.

რაკეტოდრომის ხსენებამ თოფნაკრავივით წამოაგდო ნუკრი ლოგინიდან.

— რას ამბობ, ხომ არ გადაირიე!

ჭრიალთ გაიღო კარი. სუსტად განათებული დერეფნის ფონზე მანანას ნამძინარევი სახე გამოჩნდა.

— გადი გარეთ! — იყვირა ნუკრიმ და ჩასაცმელად, გამზადებული შარვალი აიფარა.

მანანა თოჯინასავით შეხტა, კედლისკენ შეტრიალდა და აჩიჩილი თმა გაისწორა, მერე ჩაიმუხლა და ფეხსაცმელების თასმების შეკვრა დაიწყო.

— არ იცით, რატომ წამოგვეყარეს? — იკითხა მან.

— საიდან გვეცოდინება.

— ჩვენთან კი რას არ ამბობენ. მოვტრიალდე?



— მოტრიალდი.

მანანა ნუკრის საწოლის კიდეზე ჩამოჯდა და ცნობისმოყვარეობით გადახედა დაუმთავრებელ მინიატურულ რადიომიმღებს. ნუკრიმ მიმღები და სათადარიგო ნაწილები ხელის ერთი მოსმით ჩაყარა მაგიდის უჯრაში და გაბრაზებულმა შეუტია:

— აღარ იტყვი, რას ამბობენ?

მანანა უხერხულად შეიშმუშნა.

— მზისაგარი ამბობს, ხატიანის ტყეში უცნაურ კვალს წააწყდნენო.

— ეგ გაღმელების ოინბაზობა იქნება, — დასკვნა გივიმ, — იმათ უყვართ ეგეთი რამეების მოგონება.

— გაფრენა რომ გადაიდო, ესეც გაღმელების ოინბაზობაა? — გამოაჯავრა მანანამ.

— რას ამბობ, როგორ თუ გადაიდო?

ოთახში ზვიადი შემოვიდა, ბიჭებთან მივიდა და ძლივს ამოღერდა:

— რადიოტელესკოპი მწყობრიდან გამოვიდა. ისევე მოგვიხდება გაფრენის გადადება.

— რატომ?

— რას გაიგებ, ზოგი რას ამბობს, ზოგი რას. დანამდვილებით არავინ იცის.

საგანგაშო საყვირის ხმა უცებ შეწყდა. სიჩუმე ჩამოვარდა. ტელევიზორის ეკრანი ლურჯად აციმციმდა. მიმღები ახმიანდა. გამოსახულება არ ჩანდა, მაგრამ ეტყობოდა, იქ, გადამცემ პულტთან, ვილაცამ მორიდებით ჩაახველა. მერე ეკრანზე განსაკუთრებული გადაცემის მაუწყებელი წითელი ზოლი გაწვა და მალე დიქტორის დაღლილი სახეც გამოჩნდა.

— ყურადღება, ყურადღება, — მოისმა მიმღებიდან, — ლაპარაკობს პიონერული ბანაკის, „კოსმოდრომის“, ადგილობრივი ტელემაუწყებლობის გადამცემი ცენტრი. რამდენიმე წუთის შემდეგ ჩავრთავთ თბილისს, ყურადღება, ვიმეორებ...

ბავშვებმა გაკვირვებით გადახედეს ერთმანეთს.

— მგონი, აღარ ხუმრობენ, — თქვა ნუკრიმ და სკამზე გასწორდა.

ეკრანზე შავი ხაზები გაწვა, მერე უცებ მოჩქენებასავით გაქრა

და მათ მაგივრად რძისფერ მინაზე ახალგაზრდა კაცის სახე გამოიკვეთა.

— რესპუბლიკური საბჭოდანაა, — თქვა ნუკრიმ.

— რა იცი?

— საქალაქო შეკრებაზე მინახავს.

დიქტორმა მძიმედ ასწია თავი, ორად გაკეცილი ქალღიმილი გაშალა და დინჯად, დამაჯერებლად დაიწყო:

„— ეს წუთია, აერონავტიკისა და კოსმოსური კვლევის მთავარი ცენტრიდან მივიღეთ ცნობა, რომ კომეტამ, რომელმაც თხუთმეტ მაისს თავისი ტრაექტორიის ყველაზე აღმავალ წერტილს მიადგინა და თანდათანობით დაიწყო დედამიწისაგან დაშორება, უცებ შეიცვალა მიმართულება და ახლა კატასტროფული სიჩქარით გვიახლოვდება. ღამით მოსალოდნელია მისი შემოჭრა დედამიწის ატმოსფეროში. ვარაუდობენ, რომ კომეტის მიმართულების შეცვლა ხელოვნურად არის გამოწვეული. შესაძლებელია, იგი უახლოესი პლანეტიდან ამოვებული შუშუნა იყოს. თუ კომეტის ტრაექტორიაში შემდგომი ცვლილებები არ მოხდა, იგი პიონერული ბანაკის „კოსმოდრომის“ მიდამოებში დაეცემა. ამასთან დაკავშირებით პიონერული რესპუბლიკური საბჭო ბრძანებს: დილისათვის მთელი ბანაკი მზად იყოს სალაშქროდ და, კომეტის ახლო-მახლო დაცემის შემთხვევაში, აქტიური დახმარება გაუწიოს მთავრობის მიერ საგანგებოდ შექმნილ ძირითად საძიებო ჯგუფს. ბრძანების გამოცხადებისთანავე ბანაკში შეწყდეს ყოველგვარი საქმიანობა და გაუქმდეს შუშუნის ახალი მოდელების გამოცდის ყველა ვადა. დაევალოს ბანაკის ადგილობრივ ხელმძღვანელობას — საჭიროების შემთხვევაში გაითვალისწინოს ბანაკის სასწრაფო ევაკუაცია და...“

ნახევარ საათს მინც ილაპარაკა თბილისელმა დიქტორმა. კიდევ ათასი რამ თქვა. ბოლოს უახლოესი დღეების მოქმედების გეგმა ჩაიკითხა და უეცრად გაქრა ეკრანიდან. წითლად მოციმციმე საავარიო ნათურა გამოირთო. შუქს თანდათან დაეკარგა სიკაშკაშე და უსიამოვნო, მონაცრისფრო ბინდი ჩამოწვა. მერე ფანჯრიდან მთვარემ შემოიჭყიტა და ვერცხლისფერი ზოლით ორად გაყოთათხი.

ნუკრი თანჯარასთან მივიდა.

ნათელი ღამე იყო. სავსე მთვარე თავზე ადგა ხატიალის მთას და



მისი შუქი ტყვიისფერ ლაქებად აჩნდა ფერდობებზე შეფენულ მეჩხერ ტყეს. რაკეტოდრომის სანიშნო ბოძზე ბანაკის ტყლამუნობდა. შოლტის ხეობიდან მდინარე ხმაურას ხმა ისმოდა. სადღაც შორს, ძალიან შორს ტურა კიოდა.

— რა საინტერესო იქნება, კომეტა რომ მართლა შუშხუნა აღმოჩნდეს, — დაარღვია მყუდროება გიგიმ და ოცნებაში წასულმა მეგობრებს გადახედა.

— შუშხუნაში კი უცხო სამყაროს წარმომადგენლები ისხდნენ, — დაუმატა ზვიადმა.

— თქვენ ხუმრობთ, მაგრამ წარმოიდგინეთ, რომ ძიების დროს მართლა გადავეყარეთ ასეთ არსებებს, რა უნდა ვქნათ, როგორ უნდა მოვიქცეთ?

— ხვალ დაგვირიგებენ ინსტრუქციებს და ალბათ იქ გათვალისწინებული იქნება ყველაფერი... ესეც არ იყოს, რატომ დაიჩემეთ მაინცდამაინც შუშხუნა, როცა გადმოცემაში მართო კომეტაზე იყო ლაპარაკი, — თქვა ნუკრიმ.

— გადმოცემაში შუშხუნაც ახსენეს, — შეეპასუხა ზვიადი.

— არა მგონია...

— ეჰ, თქვენი არ ვიცი, ბიჭებო, მე კი ყოველივე ეს ერთი ქართველი მწერლის ფანტასტიკური მოთხრობის დასაწყისს მაგონებს. თუ მოვლენებიც ისევე განვითარდა, როგორც მოთხრობაშია, მერწმუნეთ, რომ მომავალი ჩვენი ლაშქრობა მეტად საინტერესო იქნება.

— რა გაათენებს ამ ღამეს, — თქვა ნუკრიმ, ფანჯარას მოსცილდა, გიგის გვერდით ჩამოჯდა და მხარზე მეგობრულად ხელი მოუთათუნა.

უკვე დიდი ხანია ჩაეძინა ბანაკს. უკანასკნელ ფანჯარაშიც ჩაქრა შუქი. მთვარე მთის იქით გადაიკარგა და მიდამოს კუბრისფერი ღამე დაეუფლა. არ ეძინათ გიგის და მის მეგობრებს. ისხდნენ ჩაბნელებულ ოთახში და ერთმანეთს ეჩურჩულებოდნენ. გეგმებს აწყობდნენ, კამათობდნენ. კომეტის უეცარმა შემობრუნებამ ისევ ამოატივტივა კოსმიური რომანტიკის თემა. მოგონებებში წამოიშალნენ ფანტასტიკურ მოთხრობებში წაკითხული ამბები, ტრანსგალაქტიკური შუშხუნების კაპიტნები, გამოუვალ მდგომარეობაში ჩავარდნილი ეკიპაჟის უკანასკნელი გაბრძოლება, მეტეორივით გაელქე-

ბული იმედის ნაპერწკალი, სხვა პლანეტის მოაზროვნე არსებებთან შეხვედრები, და ბოლოს რეალობით სავსე ხვალისდელი დღე.

— ნეტა მართლა ჩვენი ბანაკის ახლოს დაეცეს კომეტა, — ინატრა ნუკრიმ, — მაშინ ჩვენ პირველნი მივალთ მასთან...

კიდევ დიდხანს ჩურჩულებდნენ მეგობრები. ბოლოს ოცნებებით გაბრუებულებს ტანგაუხდელად ჩაეძინათ; ჩაეძინათ ისე, როგორც ჯარისკაცებს სჩვევიათ მძიმე ბრძოლის შემდეგ.

შავნაბადმოსხმულმა ცამ საწვიმრად შეიკრა შუბლი. შორეული ჩრდილოეთიდან მოვარდნილი ქარი წივილით შემოიჭრა შოლტის ხეობაში და მშვიერი მგელივით ყოველ კუნჭულში შეყო ცხვირი. მდინარე ხმაურამაც აღიმალლა ხმა და ქაფად გადაევილო გასიზულ ლოდებს. ჰორიზონტს რიჟრაჟმა დაჰკრა. განთიადისას გამაყრუებელმა გრუხუნმა მთელი ბანაკი ფეხზე წამოაგდო. ზედიზედ იძრა მიწა, ზრიალით ჩაიმსხვრა რამდენიმე ფანჯრის მინა. შეშინებული ბავშვები ცნობისმოყვარე თვალებით იცქირებოდნენ ხატიანის მთისკენ, სადაც ვეება სვეტად იდგა ცეცხლის ალი და ჯადოქრული ლანდები ტორტმანებდნენ.

— ტყე იწვის! — იყვირა ვილაცამ.

მართლაც, ისეთი სანახაობა იყო, გეგონებოდათ, ტყეს ცეცხლი უკიდიაო. გარშემო ყველაფერს მოყვითალო ფერი გადაჰკრავდა. შორიდან მობერილმა ნიავემა დამწვარი ხის სურნელი და აღმოდებული შეშის ტკაცატკუცის ხმა მოიყოლა. ცეცხლის ალმა თანდათან მალლა აიწია, გამობრწყინდა. მერე ხატიანის მთის წვერი კვამლში გაეხვია და უცებ ყველაფერი გაქრა.

გაწვიმდა.

— მზისავარ თურმანაული! — გაისმა სიბნელეში.

მზისავარი ამხანაგებს გამოეყო და ხმის მიმართულებით გაიქცა.

— ზვიად არშბა!

— ნუკრი კანდელაკი!

-- მანანა აბესაძე!

— ვიტალი ბიბა!

— გიგი გიგაური!

ბავშვებმა უფროს პიონერხელმძღვანელთან მიიბრინეს და ერთ რიგად მოეწყვნენ.



პიონერული რაკეტოდრომიდან გუგუნის ხმა მოისმე-
შვეულმფრენების შავი სილუეტები გამოეყო და კალიისმაგვარი
მანქანები ერთიმეორის მიყოლებით გაუჩინარდნენ ხატიანის მთის
მიმართულებით.

— ძირითადი საძიებო ჯგუფი გაფრინდა, — თქვა პიონერხელ-
მძღვანელმა. — მალე თქვენი ჯერიც დადგება. ახლა კი ძია შალვას-
თან წადით და სალაშქრო მოწყობილობა მიიღეთ.

უამრავი ნივთი დაურჩევს ბავშვებს, — ჯიბის ფარნის სათა-
დარიგო ნათურებიდან დაწყებული, მშრალი სპირტის ხელშეუხე-
ბელი მარაგით დამთავრებული. ყველაზე მეტი მაინც საჭმელი იყო,
ათასფრად მოხატულ სხვადასხვა ზომის თუნუქის ქილებით აივსო
ზურგჩანთები. ნეილონის მსუბუქი საძილე ტომრებიც ჩამოარიგეს,
ბავშვები ყველაზე მეტად გააოცა მოკლეტარიანმა, გამაბრუებელი
გაზით დატენილმა თოფებმა.

— ამას განსაკუთრებით გაუფრთხილდით, — თქვა პიონერ-
ხელმძღვანელმა, მინიატურულ რადიოგადამცემს ბუდე შეხსნა და
ნუკრის მიაწოდა. — შენ რადიოსაქმეს კარგად იცნობ და ჩვენთან
კავშირის დამყარება გევალება.

ნუკრიმ მოწიწებით ჩამოართვა რადიოგადამცემი და პერან-
გის გულის ჯიბეში ჩააცურა.

ათი წუთის შემდეგ რაზმი მზად იყო სალაშქროდ. უფროსმა
პიონერხელმძღვანელმა კმაყოფილებით გადაავლო თვალი ლარივით
გაკიშულ რაზმს. რამდენიმე ნაბიჯით უკან დაიხია და ომახიანად
ბრძანა:

— რაზმო, სმენა! მარჯვნისაკენ! ნაბიჯით იარ!

რაკეტოდრომზე გაბმით ზუზუნებდნენ შვეულმფრენები. ბავ-
შვები რიგრიგობით აღიოდნენ კიბეზე და კედლების გასწვრივ
ჯდებოდნენ. უფროსი პიონერხელმძღვანელი სულ ბოლოს ავიდა მან-
ქანაში. ერთხელ კიდევ ჩამოუარა რაზმის წევრებს, სათითაოდ შეა-
მოწმა ყველაფერი და ჯგუფის ხელმძღვანელი დანიშნა.

— ამ წუთიდან თქვენ დამოუკიდებლად მოგიხდებათ გადაწყ-
ვეტილებების მიღება, — თქვა მან გამომშვიდობებისას, — საზრი-
ანი მოქმედებისათვის და დასახული მიზნის პირნათლად შესრუ-
ლების შემთხვევაში რაზმი დაჯილდოვდება პირველი კოსმოსური
გაფრენით პიონერულ ორბიტაზე.



პიონერხელმძღვანელი კაბინიდან გავიდა. ტკაცუნით ჩაიკეტა შემოსასვლელი კარი. ლითონის კიბე აიკეცა. უფრო ენერგიულად დაბზრიალდა პროპელერი. შვეულმფრენი მსუბუქად მოსწყდა მიწას და თანდათან უმატა სიმაღლეს. ბავშვები ფანჯრებს გაეკვრნენ.

ინათა.

მზის შუქმა ჯერ ხატიანის მთის წვერი შეაფერადა, მერე თავქვე დაკიდებულ ბილიკზე დაცურდა და ფერდობზე გაწოლილი ხეთა ჩრდილები დაამოკლა. ალერსით ჩაიხედა შოლტის ხეობაში. მდინარეში გამსხლტარი კალმახის ტანზე ათინათინდა. სინათლით და სითბოთი აივსო არემარე.

ნაწვიმარზე ფერები გამოცოცხლდნენ. გარემომ სახე იცვალა. ხეები პატარა ნაკადულებით დაიხაზა. ბალახი წელში გაიმართა, ყვავილნარმა ათასფრად გამოიხედა. ჰაერი დაიწმინდა და ბროლივით გაკრიალდა.

გათენდა.

მონოტონურად გუგუნებდა მოტორი. დროდადრო შვეულმფრენი ნისლში გაეხვეოდა და კაბინის ფანჯრის მინები ნამით იფარებოდა. თანდათან მატულობდა სიმაღლე, თუმცა მიწა ისევ ახლოს ჩანდა. შვეულმფრენი მთის ფერდობის გასწვრივ მიფრინავდა. ნაპრალებს ხეები ცვლიდა, ხეებს — ნაპრალები. ზოგან ბილიკები ძარღვებივით იქსელებოდა, ერთმანეთში იხლართებოდა და მთაც შიშვლდებოდა ასეთ ადგილას.

კაბინა გადაიხარა, მიწა აყირავდა, გიგანტი მთები თავზე წამოემზო ბავშვებს. ასე გეგონებოდა, დედამიწა აგორდა და გეჯახებო. ბავშვები სახელურებს ჩაებლაუჭნენ, შეშინებულებმა გადახედეს ერთმანეთს.

— ხომ არ გაფუჭდა? — იკითხა მზისავარმა.

ხმა არავენ გასცა. კაბინა გასწორდა. შვეულმფრენი ერთ ადგილზე გაირინდა. მერე დაიწყო დაშვება და ნარნარად შეეხო მიწას. კაბინაში მწვანე შუქნიშანი აინთო, რადიო ახმიანდა, მფრინავმა ბავშვებს ფრენის დასრულება ამცნო.

— გაათავისუფლეთ მანქანა, — მოისმა მიმღებიდან. ავტომატურად გაიღო კაბინის კარები.

ბავშვები აფუსფუსდნენ, ქვევით ჩამოვიდნენ და შვეულმფ-

რენის შორიახლო შეჭგუფდნენ. ისევ აგუგუნდა მოტორი, შვეულმფრ
რენი მიწას მოწყდა და ცის სილურჯეში გაუჩინარდა.

პირველად გიგი გამოერკვა, არემარე შეათვალეირა და გაი-
ფიქრა:

„აი, თურმე როგორი ყოფილა „მეფის კალო“, აქედან ხატიანის
მთამდე ნახევარი საათის სავალიც კი არ იქნება“.

საითაც გაიხედავდით, ირგვლივ ყველგან მთები იყო. უფრო
იქით ქლიაფისფერი ჭიუხები ჩანდა. ალაგ-ალაგ შარშანდელი თოვლი
ნაპრალეებს კიდევ შერჩენოდა და „დიდი გამოქვაბულების“ მთის
ფერდობი ხევისურულ ძროხასავით აქრელებულიყო. „მეფის კალო-
ზე“ აქა-იქ მოჰკრავდით თვალს ჯგუფად მდგარ ხეებს, მაგ-
რამ ცოტა იქით მხოლოდ მწვანე ხავერდოვანი მინდვრებილა ჩანდა.
მინდორი ღრმა ნაკვალევს გაეყო, თითქოს ნაწვიმარზე დიდი მორი
გათრიესო. „აღბათ ძირითადმა საძიებო ჯგუფმა გაიარა“, — გაი-
ფიქრა გიგიმ და მშერა სხვა მხარეს გადაიტანა.

მეორე მხარეს „მეფის კალო“ ციცაბო უფსკრულით მთავრდებ-
ოდა. ქვემოთ, მთებს შორის, სოლივით გაჭედლილიყო ხეობა. ერთ-
მანეთზე გადამჯდარი მთები, გაყინულ ტალღებს ჰგავდნენ, თანდა-
თან დაბლდებოდნენ და ჰორიზონტის დასასრულთან იკარგებოდნენ.
მდინარე ხმაურა ელვასავით ჩანასკვოდა ვიწრო ხეობას.

— გესმით, ბიჭებო? — იკითხა მანანამ.

ბიჭებმა მხრები აიჩეჩეს. მართალია, რამდენჯერმე გიგის მო-
ესმა რაღაც ხმები, მაგრამ იფიქრა, მეჩვენებო, და ყურადღება არ
მიაქცია.

— არაფერი გესმით? — ისევ იკითხა მანანამ.

— რა უნდა გვესმოდეს? — დაინტერესდა ნუკრი.

— წუილის მაგვარი რაღაც... ნუთუ მომეჩვენა?

— შენ ყოველთვის რაღაც გეჩვენება, — გამოაჯავრა ვიტალიმ
და ბრტყელი ქვა უფსკრულში ისროლა.

ახლა ზვიადსაც მოესმა ხმა, ზვიადს გიგიც დაემოწმა. ცოტა
ხნის შემდეგ კი ყველას გარკვევით ესმოდა წუილი, რომელსაც ში-
გადაშიგ ტკაცატკუციც ერთვოდა, თითქოს თოფს ისვრიანო. ხმა
თანდათან გაძლიერდა, მერე უცებ, თვალის დახამხამებაზე უსწრა-
ფესად, მინდორი კონუსის ფორმის მბზინავმა სხეულმა გადასერა

და კიუხების მიმართულებით გაუჩინარდა. წული შეწყდა. ველი ნაკვალევი ახალმა ნაკვალევმა გადაკვეთა ჯვარედინად.

— ნეტავი რა იყო? — ცნობისმოყვარეობით იკითხა მზისავარმა.

— რომელიმე გეოლოგიური პარტიის მზვერავი ავტომატი იქნებოდა, — თქვა ნუკრიმ.

— არა მგონია, — გიგიმ თავი გააქნია, — აქ ახლომასლო არცერთი გეოლოგიური პარტია არ მუშაობს.

— მაშინ რა იყო? — ჩაეკითხა მზისავარი.

— კაცმა არ იცის, — თქვა გიგიმ და მცირე დუმისის შემდეგ დაუმატა: — რა ვქნათ?

— ხელმძღვანელად შენ დაგნიშნეს და გამოსავალიც შენვე გამოიხატე, — ნიშნის მოგებით მიახალა ვიტალიმ.

— შენ რომ გამოიხატე, ტენი გელრძობა?

— კარგი ერთი, — გაწყრა ნუკრი, — რა დროს კინკლაობაა, მოვიქცეთ ისე, როგორც ინსტრუქციაში წერია.

— გვეჭამა რამე, — თქვა მანანამ.

— მივალთ გამოქვამულამდე და ვისადილებთ, — თქვა გიგიმ, — ასე სწერია ინსტრუქციაში.

ბავშვებმა სწრაფად გადაკვეთეს „მეფის კალოს“ მინდორი და გამოქვამულისაკენ მიმავალ ბილიკს მძივებზე შეეკიდნენ. ქვიშანარევი ნიადაგი იფშენებოდა, ხელის წასავლები კი არსად იყო. ბილიკი ხშირად სიბ ქვებს შორის იკარგებოდა. ძნელდებოდა გზის გაკვლევა, ყვავილნარი გაქრა, მხოლოდ ბალახი აჩნდა ლაქებად აქა-იქ კლდოვან მთას. ზოგან ნაპრალებში ფესვმაგარი ჯუჯა ხეები იდგნენ. ბილიკი საბოლოოდ დაიკარგა, გამოქვამულებამდე კი კარგადიდი მანძილი იყო.

„ქვევიდან როგორ ახლოს ჩანდა“, — გაიფიქრა ზვიადმა და წამით შეისვენა. „მეფის კალოს“ თვალი გადაავლო. გაეღიმა. აქედან ისე ჩანდა, თითქოს მწვანე ქალღმერთი შავი ფანქრით ჯვარი დაუსვამთო. ბანაკი და შოლტის ხეობა მთას მოეფარა. ზვიადმა ღრმად ამოისუნთქა და გზა განაგრძო. თავდახრილი მიჰყვებოდა მეგობრების ნაკვალევს. ხანდახან თუ შედგებოდა, თავს ასწევდა ან გვერდზე გადგებოდა, რომ ზემოდან დაგორებული ქვა აეცდინა,

მერე თვალს გააყოლებდა ხტუნვა-ხტუნვით დაქანებულ ქვას და ისევ აგრძელებდა გზას.

ზემოდან ხმამალალი ლაპარაკი მოისმა; ბავშვები გამოქცაბულის ძირამდე ასულიყვნენ და რალაცაზე გაცხოველებით კამათობდნენ. ზვიადამდე თითო-ოროლა სიტყვა აღწევდა და ვერაფერს მიხვდა. ნაბიჯს მოუჩქარა, პატარა ნაბრალს თავზე გადაეგლო, დიდ ლოდზე აბობლდა და აივნისმაგვარ პლატოზე ამოყო თავი, მძიმედ სუნთქავდა.

— რას ამბობ, ბიჭო, აქ ვინ ააშენებდა კედელს, — გაწიწმატებული ამბობდა ვიტალი. — ეს, უბრალოდ, ქანების გამოფიტვის შედეგია და სხვა არაფერი.

— იქნებ ეს აივანი, ციხის გოდოლის ბურჯის ნანგრევებიც ქანების გამოფიტვის შედეგია? — გამოაჯავრა ნუკრიმ.

— რასაკვირველია, — ამაყად მიუგო ვიტალიმ, — ბუნებაში ისეთ რამეს შეხვდები, რომ...

— მათ შორის შენისთანასაც, — შეაწყვეტინა სიტყვა გიგიმ, რომელიც უკვე ვეღარ ფარავდა გაბრაზებას, — შენ რომ იცოდე, უწინ ამაზე უფრო მიუვალ ადგილებში აშენებდნენ ციხე-კოშკებს თავის დასაცავად, სიცოცხლის შესანარჩუნებლად.

— სახიზრად იყენებდნენ, — წაეხმარა გიგის ზაალი, — ან განძს მალაჯდნენ.

— ასე რომ ყოფილიყო, აქამდე შეისწავლიდნენ ამ გამოქცაბულებს, — არ თმობდა ვიტალი.

— რომელი ერთი შეისწავლონ? საცა გაიხედავ, ყოველ მთაზე გამოქცაბული და ციხის ნანგრევი.

— გეყოფათ ფილოსოფოსობა, — გასძახა მზისავარმა, — მოდით, ვისადილოთ.

ბიჭებმა კამათი შეწყვიტეს და მიწაზე გაშლილ სუფრას შემოუსხდნენ. გემრიელმა საჭმელმა ყველას გადაავიწყა გამოქცაბულიც და კამათიც. მაღიანად ილუკმებოდნენ, ზედიზედ იცლებოდა კამა წყაროს წყლით სავსე ნეილონის მათარები. დუმდნენ. ხანდახან ვინმე თუ გადაადგებდა ცარიელ თუნუქის კოლოფს და ლითონის მჭახე ხმა წამით დაარღვევდა მყუდროებას. დაწყნარდნენ, ბავშვებს ისევ გაახსენდათ გამოქცაბული. გიგიმ შეეუღლად აღმართულ კედელზე უსწორმასწორო რიგებად განლაგებულ, ჩაშავებულ ღრმუ-

ლებს თვალი გააყოლა და, რატომღაც, ვარძია მოაგონდა. მერე
შზერა უახლოეს ქვაბზე გადაიტანა და ოცნებაში წასულმა თქვა:

— ვინ იცის, რა საიდუმლოება იმალება ამ ხვრელებს იქით.

— ჩვენ უფრო საინტერესო მოგზაურობა გველის, — თქვა
ნუკრიმ, — ერთი წუთით წარმოიდგინეთ, რომ ხატინანის მთის
იქით მართლა დაეშვა შუშუნა და ჩვენ პირისპირ შევეყარეთ უც-
ნობი სამყაროს წარმომადგენლებს. რა არის ამ საოცრებასთან შე-
დარებით გამოქვაბულის საიდუმლოება? არაფერი.

რატომღაც ყველას „მეფის კალოზე“ მოჩვენებასავით გაელვე-
ბული ბრჭყვიალა კონუსი მოაგონდა.

— შენ ხუმრობ, მე კი ვფიქრობ, რომ ასეთი რამ მოსალოდ-
ნელია, — თქვა გიგიმ, — ყოველ შემთხვევაში, ჩვენ ვალდებულნი
ვართ, ინსტრუქციის მიხედვით ვიმოქმედოთ და, რასაც შევნიშ-
ნავთ, მთავარ შტაბს გაცნობოთ. დანარჩენი თვითონ იციან. ნუკრი,
გადაეცი, რომ დანიშნულების ადგილს უკვე მივალწიეთ და მორიგ
დავალებას ველით.

ნუკრიმ აღარ დააყოვნა. რადიოგადამცემი ჩართო, ბერკეტი
გადაატრიალა, ისარი საჭირო ტალღაზე დააყენა და უხილავ ანტე-
ნებს ელექტროტალღების ჯარი მოსწყდა.

— ალო, ალო, — ამბობდა ნუკრი, — ლაპარაკობს მეხუთე
დამხმარე საძიებო ჯგუფი. რაზმმა ოთხი საათისათვის დანიშნულების
ადგილს მიაღწია. დაახლოებით ორი საათის უკან „მეფის კალო“
კონუსის ფორმის სხეულმა გადასერა და ჭიუხების მიმართულებით
გაუჩინარდა. სხვა არაფერი მომხდარა მნიშვნელოვანი. თავს კარ-
გად ვგრძნობთ, ველით ახალ განკარგულებას.

ნუკრიმ მიღებაზე გადართო აპარატი და გაინაბა. პასუხს დიდ-
ხანს არ დაუგვიანია. მიმღებიდან ცივი, ლითონისებური ხმა და-
ირბა.

„მეხუთე საძიებო ჯგუფს! მდგომარეობა მოულოდნელად გარ-
თულდა. თქვენ მიერ შენიშნული საგანი სხვა საძიებო ჯგუფებმაც
შენიშნეს. ჯერ კარგად არ იციან, ერთია ასეთი ფორმის სხეული
თუ რამდენიმე. ასეა თუ ისე, ერთი მათგანი ძირითად საძიებო
ჯგუფს თავს დაესხა და სურსათ-სანოვავით საესე ზურგჩანთა გა-
იტაცა. მისი შეპყრობა ვერ მოხერხდა. ისიც ჭიუხების მიმართუ-
ლებით გაუჩინარდა. საჭიერო დაზვერვით დადგინდა, რომ ხატია-



ნის მთის იქით უცხო სამყაროს შუშხუნა დაეშვა და, ვფიქრობთ, უცნაური ფორმის სხეულებს უშუალო კაღშირი აქვთ მასთან. მსგავსეთე რაზმმა სასწრაფოდ შეაფაროს თავი გამოქვაბულს და დაიძრას ჩრდილო-აღმოსავლეთით, ჩრდილოეთით გამოქვაბული მეორე მხარეს უნდა ვადიოდეს, თქვენ იქ მეოთხე რაზმი დაგელოდებათ. ვინაიდან გამოქვაბული შესწავლილა არ არის, იმოქმედეთ დამოუკიდებლად. გისურვებთ წარმატებას“.

მიმღები დადუმდა. ბავშვებმა ერთმანეთს გადახედეს, მერე გარშემო მიმოიხედეს და ბოლოს მზერა ყველამ ჩაშავებულ ღრმულებს მიაპყრო.

— გაიგონეთ? — იკითხა გიგიმ.

— ყრუ კი არა ვართ, — იწყინა ვიტალიმ.

— რა გვეშველება? — შეწუხდნენ გოგონები.

— ყველაფერი რიგზე იქნება, — დაამშვიდა გიგიმ გოგონები. ფეხზე წამოდგა.

მზე ჰორიზონტისაკენ გადაიხარა. მთები გამუქდნენ. ხეობებში ბინდი ჩასახლდა. ქვემოდან გრილმა ნიავმა წამოუბერა და ხეობებში ჩაწოლილი ნისლი წამოშალა. რძისფერ ბურუსში გაეხვია ფერდაკარგული მზე.

— აბა, სასწრაფოდ ავიბარგოთ! — ბრძანა წინამძღოლმა.

ბავშვები დატრიალდნენ, მაგრამ აბარგებამ მაინც დიდი დრო წაიღო, ყველაფერი თავიდან გასაკეთებელი შეიქნა. ზვიადს ზურგი ეტკინა და მძიმე ტვირთის თრევა აღარ შეეძლო, ამიტომ ხელმეორედ გადაანაწილეს ტვირთი. ბოლოს, როგორც იქნა, ყველაფერი შეკრეს, მოირგეს და ფრთხილად დაიძრნენ გამოქვაბულისაკენ. დუმდნენ, ერთმანეთის დაკარგვისა ეშინოდათ და ჯგუფად მიდიოდნენ. გოგონებიც კი მიყუჩდნენ. რაზმი გამოქვაბულს მიუახლოვდა. ქვაბს ნოტიო სიბნელე გამოხდა. გიგიმ ფარანი მოიმარჯვა და ჩამრთველის წითელ დილაკს თითი დააჭირა. მოყვითალო შუქმა კუნაპეტ წყვედიადს დაბინდული სიღრმე გამოჰგლიჯა. სტალაქტიტები ათასფრად ათინათინდა. გიგი უსიამოდ შეიშმუშნა, მერე გაუბედავად გადადგა პირველი ნაბიჯი. მას ნუკრი მიჰყვა, ნუკრის — გოგონები, მერე — ვიტალი, სულ ბოლოს კი ზვიადი მიაბოტებდა. ზვიადი წამით შეჩერდა, ერთხელ კიდევ მოიხედა უკან გაფართოებული თვალებით და წინ წასულ ამხანაგებს წამოეწია. მალე ქვა-

ბის სიღრმეიდან მწყობრი ნაბიჯების ხმა და ჩურჩული მოისმა. მერე ჩურჩული და ფეხის ხმაც მიწყდა, მხოლოდ ჯიბის ფარნები ციმციმებდნენ საღდაც შორს, ძალიან შორს და, მალე ისინიც გაუჩინებდნენ ქვაბის სიღრმეში.

უხილავი მღვდარი

— გესმის? — ჩურჩულით იკითხა ნუკრიმ.

— რა გააწყალე გული! — გაწყრა მზისავარი, და როცა ქვაბის კედლებით დაბოხებულმა ექომ უკანვე დაუბრუნა თავისი სიტყვები, ნუკრისთან მივიდა და უთხრა:

— რატომ მაშინებ?

— არც მიფიქრია, — მხრები აიჩეჩა ნუკრიმ, — ნუთუ შენ არაფერი გესმის?

— არა.

ნუკრიმ თავი გააქნია და ჩაფიქრებულმა განაგრძო გზა.

ფრთხილად მიიწევდნენ წინ. ყოველი ნაბიჯი, ყოველი მოსახვევი მოულოდნელობით იყო სავსე. ფარნის მრგვალ შუქზე ხან რა გამოჩნდებოდა და ხან რა. სტალაქტიტებად ჩამოღვენილი მარტლებს ხშირად ისეთი ფანტასტიკური ფორმა ჰქონდათ, რომ ბავშვებს ურუანტელი უვლიდათ. ზოგი თმაგაწეწილ ჯადოქარს ჰგავდა, ზოგი გოლიათ ცხოველს, ზოგს სწორი ფორმა ჰქონდა და ძალიან ჰგავდა მინიატურულ შუშხუნას. შთაბეჭდილება იმდენად ძლიერი იყო რომ ხანდახან უსულო არსებანი მოძრაობას იწყებდნენ, ხელებს იქნევდნენ, სუნთქავდნენ, ჩურჩულებდნენ...

— მართლა მოგესმა რამე, თუ იხუმრე? — იკითხა ვიტალიმ, როგორც კი ნუკრის წამოეწია.

— რა მეხუმრება, — შიშნარევი სერიოზულობით უპასუხა ნუკრიმ, — ასე მგონია, ვილაც მოგვდევს.

— შიშს დიდი თვალეები აქვს, — ავტორიტეტულად განაცხადა ვივიმ.

გამოქვაბული თანდათან დავიწროვდა. წრისებრი თალი ჯერ

ოვალური გახდა, შემდეგ კედლები წელში გაიმართნენ და წვეთ-წვეთილი სამკუთხედი შეკრეს. კირქვიანი ნიღაგი გრანიტისა და ბაზალტის ქანებმა შეცვალა. ნაბზარებიდან აღარ ჟონავდა წყალი და შედარებით სიმშრალე იყო. სტალაქტიტების ტყე უკან დარჩა. კედლებმა სწორი გეომეტრიული ფორმა მიიღო და გამოქვაბული დერეფანს დაემსგავსა. გახშირდა ნაპრალები.

ნუკრი ბოლოდან მესამე მიდიოდა; ერთხელ აკვიატებული აზრი მოსვენებას აღარ აძლევდა. მაღიმალ იყურებოდა უკან, სიბნელეში. ვარკვევით ისმოდა მსუბუქი ნაბიჯების ხმა. ხან ეს ნაბიჯების ხმაც სადღაც შორს იკარგებოდა და ნუკრი გულის მომეტებულ ცემას გრძნობდა.

— ფრთხილად იარეთ! — მოისმა წინიდან.

ბავშვებმა ნაბიჯს უკლეს. ხელის ფათურით მიიწვედნენ წინ. ნაპრალებთან შემოსავლელს ეძებდნენ, და როცა ვერ პოულობდნენ, გადასასვლელებს აკეთებდნენ. გიგი თვითონ ამოწმებდა გადასასვლელის სიმაგრეს. მერე პირველად გოგოებს გაატარებდა, სულ ბოლოს ზვიადი გადადიოდა.

— შესდექ! — გაისმა სიბნელეში გიგის საოცრად დაბოხებული ხმა.

ზვიადმა დრო იხელთა, წინ გაძვრა და ცნობისმოყვარეობით იკითხა:

— რა მოხდა?

გიგიმ პასუხის ნაცვლად ფარნის შუქი ააყოლა შვეულად ამართულ კედელს და გაიფიქრა: „ნუთუ შევცდი და სხვა გზით უნდა წავსულიყავით?.. არა მგონია, — დაასკვნა ცოტა ხნის შემდეგ. — ლურჯი ისარი ყოველთვის ჩრდილო-დასავლეთს მიჩვენებდა, არა, შეცდომა არ დამიშვია. მაგრამ ვაითუ გამოქვაბული, საერთოდ, არ გადის მეორე მხარეს? მაშინ რაღა ექნათ?“

ამოდ დაცოცავდა ფარნის მრგვალი შუქი ხორკლიან კედელზე. ნაბზარიც კი არსად ჩანდა. ჩამოცხა, ჰაერი დამძიმდა და ჩამოიხუთა.

— აქეთ, ბავშვებო, აქეთ! ჩემს შუქს გამოჰყევით, — თოფის გასროლასავით გაისმა სიბნელეში ზვიადის ხმა. — აქ კიბისმაგვარი რაღაც უნდა იყოს.

ბავშვებმა ზვიადთან მიიბრინეს, შემოეხვივნენ და განცვიფ-

რებულები ათვალეირებდნენ კლდეში გამოკვეთილ მაღალ საფეხურებს. საფეხურები კაცის სიმაღლეზე იყო გაჭრილი და ბავშვების ამიტომ ვერ შენიშნეს თავიდანვე. საფეხურები მოკლე და ვიწრო იყო, აღამიანი ძლივს დაეტეოდა. შევეულად აღმართული კედლის თავზე გადადიოდა და ოთხკუთხა ღრმულში უჩინარდებოდა.

— რაღას ვუდგავართ? — იკითხა გიგიმ, — მოდიოთ, მომეხმარეთ.

ერთმა ერთი ფეხი დაუმაგრა, მეორემ მეორე, მესამე უკნიდან მიაწვა და დიდი წვალეებით, როგორც იქნა, პირველ საფეხურზე შესვეს. გიგიმ ფრთხილად აიარა კიბეები და უკვე შევეულად აღმართული კედლის თავიდან გადმოსძახა ამხანაგებს:

— ამოდით, აქ გასასვლელია.

რიგრიგობით ავიდნენ ბავშვები ვიწრო კიბეზე და შესასვლელთან შედგნენ. ნუკრიმ და ვიტალიმ ფარნები მიაშუქეს. გამოჩნდა კაცის სიმაღლის ვიწრო დერეფანი. დერეფანს აშკარად ეტყობოდა, რომ ხელოვნურად იყო გაჭრილი. კედლებს გარკვევით აჩნდა მჭრელი იარაღის ნაპირალი. იატაკიც მოსწორებული იყო. გიგი პირველი შევიდა დერეფანში და დანარჩენებს ანიშნა მომყევითო. სიწყნარეს მხოლოდ ფეხის ხმა და წყლის ჩხრიალი არღვევდა. ხმა სადღაც ქვემოდან მოდიოდა და დერეფანს გასდევდა. ლარივით სწორი დერეფანი სხვადასხვა სიმაღლეზე იყო გაჭრილი. ბავშვებს ხშირად უხდებოდათ კიბეებზე ასვლა. აქ კიბეები მოხერხებული, ფართო და უფრო კარგად შენახული იყო. ერთ დერეფანს მეორე ცვლიდა, მეორეს მესამე და ასე დაუსრულებლად. სულ ბოლოს, ერთი ყველაზე გრძელი დერეფანი ღრმა ჭით მთავრდებოდა. გიგიმ ფარნის შუქი ჩააყოლა ჭის სწორ კედლებს, ძირი გაანათა. ყალყზე დამდვარმა მოკლეტარიანმა შუბებმა ეშვებივით გაიღლვეს სინათლეზე. გაფითრებულმა ბავშვებმა უკან დაიხიეს.

— როგორ მოვიქცეთ? — იკითხა ზვიადმა.

ხმა არავინ გასცა. შიშისაგან ყველას ენა ჩაუვარდა. კარგა ხანს დუმდნენ, აქეთ-იქით აცეცებდნენ თვალებს. ბოლოს მანანა გამოერკვა და თქვა:

— უკან დავბრუნდეთ.

— უკან? რას ამბობ? — გამოერკვა ნუკრი, — რა დროს უკ-



ან დაბრუნებაა, წინ ფათერაკებით სავსე მგზავრობა გველის. ერთი ცენახოთ და, განძი აღმოვაჩინეთ, ან თამარ მეფის წაფლავს წავაწყდით. რას იტყვი, ბიჭებო, მგონი, ეს უფრო საინტერესოა, ვიდრე რაკეტის შორიდან თვალყურის დევნება.

— კარგი, თუ ძმა ხარ, ზღაპრებს ნუ ჰყვები, — შეუტია გიგმი, — მაგას ჯობია თოკი გაშალო და ჭაში ჩაეშვა.

— მესმის, მეთაურო! — ნუკრიმ ზურგჩანთის გახსნა დაიწყო.

— ჩვენ არსადაც არ წამოვალთ, — გაჯიუტდა მანანა, — მე და მზისაგარს მოგვბეზრდა ამ ჯურღმულში სიარული. ესეც არ იყოს, საცაა თერთმეტი გახდება, გვეძინება.

— ვიპოვით შესაფერის ადგილს და დასაძინებლად დავბანაკდებით, — მშვიდად მიუგო გიგმი.

— ხომ არ გადაირიე! აქ რა დაგვაძინებს!

— ასე წერია ინსტრუქციაში.

სწორედ ამ დროს დერეფნის ბოლოდან მძიმე ნაბიჯების ხმა მოისმა. ბავშვები გაისუსნენ, ერთად შექუჩდნენ. ნაბიჯების ხმა იმდენად მკაფიო და ძლიერი იყო, რომ გამოქვაბული შეზანზარდა. ყოველ ნაბიჯს ლითონის ღრქიალისა და ორთქლის შიშინის ხმა ერთვოდა. ნაბიჯებს შორის კარგა დიდი ინტერვალი იყო. ისეთი შთაბეჭდილება იქმნებოდა, თითქოს გოლიათი მოაბიჯებსო. ბავშვები სულგანაბლნი იდგნენ და არ იცოდნენ, როგორ მოქცეულიყვნენ. შუქის ანთებისა ეშინოდათ, ვაითუ ის რაღაცა შუქზე წამოვიდესო, სიბნელე კი ერთიორად აძლიერებდა შთაბეჭდილებას. ნაბიჯების ხმა თანდათან ახლოვდებოდა, ძლიერდებოდა. მერე ამ გამაყრუებელ ხმაურს მუსიკა შეეპარა; სუსტი, მეტისმეტად სუსტი, მაგრამ საამოდ თავბრუდამხვევი უცნობი იყო მუსიკის ჰანგი, ტაქტი, ყდერადობა, მაგრამ ჯადოსავით მოქმედებდა ბავშვებზე. მუხლები მოეკვეთათ, თვლებზე ბინდი გადაეფარათ. გოგოებს ძილმა წაართვა თვალები. მერე ბიჭებსაც მოერია რული და ყველას ერთბაშად ჩაეძინა. ნუკრიმ უკანასკნელი ღონე მოიკრიბა, რაც ძალი და ღონე ჰქონდა, თავი დაიქნია და წამით გონს მოეგო. ხელის ფათურით მოძებნა თოფი, სასწლეტს საჩვენებელი თითი გამოსდო, მარცხენა ხელით ფარანი ჩართო. გაუბედავად გააჩილა თვალი, გულის ფანქალით გააპარა მზერა ფარნის შუქისაკენ — გაცოცდა, დერეფანში არავინ ჩანდა.



კარგა ხანს იდგა ნუკრი გაოგნებული, თვალებს არ უჭერდა და მერე ამხანაგებს გადახედა. ისინი თანდათან მოდიოდნენ ფიზიკურად. ისე იყვნენ, თითქოს რამდენიმე დღის ღრმა ძილის შემდეგ იღვიძებნო. მთქნარებ-მთქნარებით იფშენებდნენ თვალებს.

— სადა ვართ? — მანანა უხალისოდ წამოიზლაზნა.

— დიდხანს მეძინა? — იკითხა ვიტალიმ.

— რომ იცოდეთ, როგორი სიზმარი ვნახე, — წამოიწყო მზისავარმა. — თითქოს დევთა ქვეყანაში ვიყავი და...

— მე კი უცხო სამყაროს ურჩხულებს ვებრძოდი, — სიტყვა ჩამოართვა ზვიადმა. — კონუსისმაგვარი ფორმა ჰქონდათ.

კონუსის ხსენებამ ყველა ერთბაშად გამოაფხიზლა. მოიგონეს, რაც მოხდა და ძალიან გაუკვირდათ, როცა მიხვდნენ, რომ ღრმა ძილით ეძინათ. ერთნი ამ ამბავს დაღლილობით ხსნიდნენ და დაუყოვნებლივ მოითხოვდნენ დაბანაკებას, მეორენი ამტკიცებდნენ — მოგვეჩვენაო. ზოგიც სიზმარს სინამდვილედ ასაღებდა და სისულელეებს რომავდა. ნუკრი ამტკიცებდა, რომ სინამდვილე მხოლოდ მან იცოდა, — მე ჩავრთე პირველად ფარანი და, დერეფანში რომ ვინმე ყოფილიყო, აუცილებლად დავინახავდიო.

— ჩემი აზრით, — დაასკვნა ნუკრიმ, — აკუსტიკურ ეფექტთან გვექონდა საქმე, ჰო, აკუსტიკურ ჰალუცინაციასთან. ასეთი რამ ხშირად ემართებათ კოსმონავტიებს. ერთხელ, როცა პიონერთა სასახლეში, კოსმონავტიკის კაბინეტში, მთელ სამ საათს ვიჯექი იზოლირებულ ბაროკამერაში, მომეჩვენა, თითქოს ფასკუნჯი მეძახდა წორიდან და თავისკენ მიხმობდა. „ეს ვაკუუმის ავადმყოფობაა“, — ამიხსნა მაშინ ძია გიორგიმ.

— ყოველ შემთხვევაში, ყველაფერს აქვს რაღაც ახსნა, — თქვა გიგიმ, — ისე, ტყუილუბრალოდ, არაფერი ხდება ბუნებაში.

— დაიწყო ისევ, — ხელი ჩაიქნია ზვიადმა და გვერდზე გადაიკრა, იატაკს დახედა, დააკვირდა და უცებ იყვირა:

— ნაკვალევი!

მეხი რომ გავარდნილიყო ამ ჯურღმულში, ასე არ გააოცებდა ბავშვებს. ყველამ ზვიადთან მიირბინა, დაიხარნენ. იატაკის ხორკლიან ზედაპირს აშკარად ეტყობოდა უთოს ფორმის ოდნავ ჩაღრმავებული ნაკვალევი.



შეად მოჭიქული კვალი ჯერ კიდევ თბილი იყო.

— ესეც შენი აკუსტიკური ეფექტი, — თქვა ვიტალიმმა და მოხარულად აღმშენებლად გადახედა ნუკრის, — ხედავთ, სადამდე მოსულა?

უკანასკნელი უთოს ფორმის ანაბეჭდი იქ თავდებოდა, სადაც აღრე ბავშვები იდგნენ. ბავშვებმა ბარგს გადაავლეს თვალი. შეთხელებული ეჩვენათ. ნუკრიმ ფეხი გაჰკრა გროვად დაყრილ ზურგჩანთებს. გულის ჯიბეზე მოისვა ხელი.

— რადიოგადამცემი დაიკარგა, — თქვა მან.

— ჩემი ზურგჩანთაც.

— ჩემი კი განახევრებულია.

მალე გამოირკვა, რომ ყველას რაღაც აკლდა.

— სასწრაფოდ გავეცალოთ აქაურობას! — ბრძანა გიგიმ, — ნუკრი, ჩადი, ჭა დაათვალიერე. როგორმე უნდა მოვახერხოთ მეორე მხარეს გასვლა.

ნუკრი ჭას მიუახლოვდა, შეამოწმა, როგორ იყო თოკი დამაგრებული, დაჭიმა და ზედ დაეკიდა. მკერდზე დამაგრებული ფარანი ჩართო. ფარნის მრგვალი შუქი კუთხიდან კუთხეში დახტოდა. ნუკრი ფრთხილად მიცოცავდა ქვევით. ჭა არც ისე ღრმა აღმოჩნდა და მალე სქელლანჩიანი ფეხსაცმლის ძირით ფრთხილად შეეხზო სამართებელივით ალესილ შუბის წვერს. შეჩერდა, შუბებს შორის თავისუფალი ადგილი მონახა, ფეხზე დადგა. მიმოიხედა, მარჯვნივ ვიწრო გასასვლელი შენიშნა და დაუსტვინა. სტვენას სტვენითვე უპასუხეს ზემოდან და მალე მთელი რაზმი ქვევით ჩაბარგდა.

— ყველა ჩამოვიდა? — იკითხა გიგიმ.

— ყველა.

— მაშ დროს ნულარ ვკარგავთ, წავიდეთ.

ზვიადმა პასუხის ნაცვლად ზემოთ აახედა გიგი. გიგიმ ტუჩზე იკბინა, ზვიადს მთელი ძალით მოუჭირა ხელზე ხელი. ჭა ზემოდან საცობისმაგვარი ლოდით დაიხურა.

— რა გვეშველება? — იკითხა ზვიადმა.

— ჩუ, — თითი მიიღო ტუჩზე გიგიმ, მიმოიხედა. რაკი დარწმუნდა, რომ მათ გარდა ყველას მოესწრო გასასვლელში გაძრო-

მა, ჩურჩულით დაუმატა: — უკან დასახევი გზა რომ აღარ არის ჩვენ გარდა არავინ უნდა იცოდეს, გესმის?

— მესმის, — უხალისოდ დაეთანხმა ზვიადი და ალაპლაპებულ შუბებს შორის გზა გაიკვლია, ორად მოიხარა, გასაძვრომში გაყო თავი. მას ფეხდაფეხ მიჰყვა გიგი.

„— ვაითუ მეორე მხარეს გასასვლელი არ არის“, — ფიქრობდა გიგი და სულს უფორიაქებდა ექვი, მოსვენებას არ აძლევდა. ხან უნდოდა, ყველაფერი ეთქვა მეგობრებისათვის, თავისი ექვები გაეზიარებინა, ხან ერიდებოდა გამხელისა — „ვაითუ ვცდები და ისინიც ტყუილუბრალოდ ავაფორიაქო“.

ვიწრო დერეფანი გაფართოვდა, გაიშალა. გიგი დაწინაურდა, წინ წაუძღვა ბავშვებს. ნუკრიმ პიონერული მგზავრული წამოიწყო, მოეწონა ექოთი დაბოხებული სიმღერა და უფრო აუწია ხმას. ვოგოებიც აჰყენენ. გიგი და ვიტალიც წამოეშველნენ და რამდენიმე წუთის შემდეგ ჯიბის ფარნებით განათებულ ქვის დერეფანში სიმღერა აგუგუნდა, აზვირთდა. სწრაფად ააწყვეს ფეხი. ნაბიჯს სიმტკიცე და ძალა შეემატა. ბავშვები გახალისდნენ, გამხიარულდნენ. ეხუმრებოდნენ ერთმანეთს და მაინც მთელი საზეიმო განწყობილება მოჩვენებითი იყო, რადგან ყოველი მათგანის გონებაში ღრმად იყო ჩაჭედული რამდენიმე წუთის წინ მომხდარი ამბავი.

ყველაზე შეტად მაინც ზვიადი წუხდა. ბოლოს მოთმინების ფიალა აევსო, ნაბიჯს მოუჩქარა, ვიტალის წამოეწია და ჩურჩულით შეეკითხა:

— ნაკვალევს ვერაფერი შეამჩნიე?

— რა უნდა შემემჩნია? — კითხვითვე უბასუხა ვიტალიმ.

— ნუთუ არ მიაქციე ყურადღება, რომ ნაკვალევი მხოლოდ ერთ მხარეს მიდიოდა.

— მერე რა?

— ის, რომ უხილავი მდევარი უკან არ დაბრუნებულა და როცა ჩვენ მის ნაკვალევს ვათვალიერებდით, იქვე, ჩვენს გვერდით იდგა, — ვიტალის მაგივრად ნუკრიმ უბასუხა.

— ჩვენ გვერდით? — გაიკვირვა ვიტალიმ. — კი მაგრამ, რატომ ვერავინ შენიშნა?

— იმიტომ, რომ ანტიინვეტიერებისაგან არის შექმნილი.

— კარგი ერთი, თუ ძმა ხარ, სხვა რაც უნდა გეთქვა, ყველა-



ფერს დაგიჯერებდი, მაგრამ მაგას კი — ვერა. ახლა პირველად სულელებმაც კი იციან, რომ ანტინაწილაკი ჩვენს სინამდვილეში ვერ იარსებებს. იგი იმწამსვე ენერგიაში გადავა.

— მე მახსოვს, ერთ მოთხრობაში ეწერა, რომ...

— ეჰ, — ამოიოხრა ვიტალიმ, — მოჰყვება ახლა.

— მაგისი რა მოგახსენოთ, — ჩაერია საუბარში ზაზა, — მაგრამ მე ისეთი შეგრძნება მაქვს, თითქოს უხილავი მღევარი ახლაც მოგვედევდეს.

— სისულელეა, — აჭიჭყინდნენ გოგოები.

— გადამეტება გიყვარს, — თქვა გიგიმ. — იმან თავისი საქმე გააკეთა, ბარგი მოიტაცა და წავიდა.

— კარგია, თუ კიბერია და მარტო ბარგის მოსატაცებლად არის დაპროგრამებული, მაგრამ თუ ცოცხალი არსებაა, მაშინ, არა მგონია, ასე იოლად მოგვეშვას.

— შესვენებაზე გავარჩევთ ამ საკითხს, — თქვა გიგიმ, — ახლა კი ცოტა ფეხს აუჩქარეთ.

გვირაბი უსასრულოდ გაგრძელდა. ლარივით სწორი ლაბირინთი თავსა და ბოლოში ძაფივით წვრილდებოდა და ისეთი შთაბეჭდილება იქმნებოდა, თითქოს ბავშვები ყოველთვის შუაში იმყოფებოდნენ. ერთფეროვნება გულისგამაწვრილებლად მოქმედებდა მოლაშქრეებზე და უიმედობის გრძნობას უძლიერებდა. ბოლოს, როგორც იქნა, ერთფეროვნება გვერდებში გაჭრილმა გასასვლელებმა დაარღვია. ყოველ ათ ნაბიჯზე თითო გასასვლელი იყო, ზოგი მარჯვნივ, ზოგი მარცხნივ. გულდაგულ დაათვალიერეს ყველა გასასვლელი, მაგრამ ამაოდ, — რამდენიმე მეტრის იქით გასასვლელები მთავრდებოდა. ბავშვებმა რამდენიმე ქვის საჭრელი იარაღიც იპოვეს და სათუთად შეინახეს მხარეთმცოდნეობის მუზეუმისათვის გადასაცემად.

— აქ ყველაფერი ისეა, თითქოს ახლახან შეწყვიტეს მუშაობა, — თქვა ზვიადმა. ცოტა ხნის ღუმილის შემდეგ დაუმატა: — ჩვენ ხომ არ შევუშაღეთ ხელი?

— მაგისი რა მოგახსენო, მე კი ასე მგონია, თითქოს ფარაონთა განძთსამაღში ვიყოთ, წუთიც და, რომელიმე ლაბირინთში უცნობი ფარაონის საარკოფავს წავაწყდებით, — თქვა ოცნებაში წა-

სულმა ვიტალიმ, — ასეთ ლაბირინთებში ძველად ფარაონებს მარხავდნენ ან განძეულობას მალავდნენ.

— საქართველოში ფარაონები არ ყოფილან და, თუ აქ რამეს აღმოვაჩენთ, ჩვენი წინაპრების საკუთრება იქნება. საერთოდ, საოცარია, რატომ აქამდე არ შეისწავლეს ეს გამოქვაბულები, — თქვა გიგიმ, — აქ ყველაფერი სერიოზულ კვლევას მოითხოვს.

— მე კი მოხარული ვარ, რომ გამოუყვლევ გვირაბში მოგხვდით. ყელში ამომივიდა მუზეუმად ქცეული გვირაბები — ლამაზად გამოფენილი უნიკალური ექსპონატებითა და გახეობიებული ახსნა-განმარტებებით. აქ კი სულ სხვაა, — აღტაცებას ვერ მალავდა ნუკრი. — აქ თითქოს იმ შორეული წარსულის უშუალო მონაწილე ხარ და წინაპართა ნაკვალევზე დააბიჯებ.

— ჩვენ უფრო მეტს ვლაპარაკობთ, ვიდრე ვაკეთებთ, — მკაცრად მოსჭრა გიგიმ, — უკვე თორმეტი საათია და ღამის სათევად ადგილი არ შეგვირჩევია. განძის მოძებნას ხვალაც მოვასწრებთ, ახლა სასწრაფოდ დაუარეთ ახლომახლო გვირაბებს და ადგილი შეარჩიეთ. ათი წუთის შემდეგ ისევ აქ შევიკრიბოთ. რალს უდგეხართ, იმოქმედეთ.

ბავშვები თვალის დახამხამებაში გაიფანტნენ გასასვლელებში და ძირითადი გვირაბი დაცარიელდა, წყვილიადმა მოიცვა. მხოლოდ სანიშნო ნათურა ბუხუტავდა იატაკზე და დაბინდული შუქი სუსტად ანათებდა იქვე დაყრილ ბარგს. თანდათან სიჩუმემ დაისადგურა. დრო განებივრდა და ზანტად გაიჭიმა. მოჩვენებები საშალებიდან გამოვიდნენ და ყოველდღიურ საქმიანობას შეუდგნენ. თავისებური, სმენისათვის გაუგებარი ხმაურით აივსო იქაურობა. დრო და სივრცე ერთმანეთში აირია. გაბოროტებულმა სიბნელემ ცივად ამოისუნთქა. ობლად მბუხუტავ ნათურას მთლად დაეკარგა ძალა, უფრო გამუქდა ფერები და უცებ კივილის ხმამ ხმალივით გააპო წყვილიადი. მალე მას უფრო სასოწარკვეთილი მეორე ხმა აჰყვა და ნემსივით წვრილმა ბგერამ ყრუანტელივით დაუარა გამოქვაბულს.

კიოდნენ გოგოები.

მთავარ გვირაბში ერთიმეორის მიყოლებით გაიელვა ჯიბის ფარნებმა და ლანდალქცეული მოფარფატე ჩრდილები ხმის მიმართულებით გაექანენ. გოგოები არ პასუხობდნენ, კიოდნენ და,



როგორც ეტყობოდა, ერთ ადგილზე იდგნენ. ბიჭებმა მოიმარჯვეს და უფრო სწრაფად გაიქცნენ. სულ წინ გიგამი რი გარბოდა. ნათურის მრგვალი შუქი ბაჭიასავით დახტოდა დერეფნის უსწორმასწორო იატაკზე. კივილი თანდათან გაძლიერდა და უცებ შეწყდა. ბიჭები თოფნაკრავივით შედგნენ, გაქვავდნენ. ნუკრიმ ცივი ოფლი მოიწმინდა სახიდან და ხელის ფათურით მოძებნა გვერდზე მდგომი ამხანაგი. დაძაბულობისაგან გული ამოვარდნაზე ჰქონდა.

— რაღას გავჩერდით, წავიდეთ! — უფრო თავის გასამხნევებლად იყვირა ზვიადმა და თვითონ პირველი ეკვეთა წყვდიადს. დანარჩენებიც მიჰყვნენ. ცოტა ხნის შემდეგ ზვიადი შედგა, სული მოითქვა.

— სადღაც აქ უნდა იყვნენ, — თქვა მან, — კარგად დაათვალიერეთ, არაფერი გამოგორჩეთ.

— აქეთ არავინ არის, — თქვა ნუკრიმ.

— შეუძლებელია, კარგად მოძებნე.

ნუკრიმ ფარანი მოიმარჯვა და რამდენიმე ნაბიჯი წადგა წინ. მოულოდნელად ფარნის ყვითელმა შუქმა გოგოების ფერდაკარგული სახეები გამოჰგლიჯა წყვდიადს.

— აქეთ, ბიჭებო, აქეთ! — იყვირა ნუკრიმ და გოგოებთან მიიბინა.

— რა მოგივიდათ?

— რა გაკვივლებდათ?

— რა მოხდა? — დააყარეს კითხვები.

კედელს აკრული გოგოები უაზროდ მისჩერებოდნენ ბიჭებს და ხმას ვერ იღებდნენ. ნუკრის, ცოტა არ იყოს, შეეშინდა, ნელა მიუახლოვდა მათ და ფრთხილად შეეხო ხელით. მერე უფრო ახლოს მივიდა და რაც ძალი და ღონე ჰქონდა, შეაჩღღრია. პირველად მანანა მოეგო გონს, კისერზე ჩამოეკიდა ნუკრის და აქვითინდა.

— კარგი, კარგი, დამშვიდდი, — ბუზღუნებდა ნუკრი და მეგობრულად უთათუნებდა მხარზე ხელს.

მანანას გული ამოუჯდა.

ვიტალიმ და გიგიმ ძლივს მოასულიერეს მზისავარი.

— რა მოგივიდათ, რა მოხდა? — იკითხა გიგიმ.

— იქით... — წამოიწყო მანანამ და ხელი სიბნელისაკენ გაიშალა, მაგრამ აღარ დაამთავრა და ისევ ამოუჯდა გული.

ყველამ ერთდროულად მიანათა იმ მხარეს ფარანი, საითაც მანანამ მიუთითა და მოულოდნელობისაგან უკან დაიხიეს. მზისაგარეშე სახეზე აიფარა ხელი, ამოიგმინა.

რამდენიმე მეტრის იქით აღამიანის ორი ჩონჩხი ბზინავდა. ჩონჩხები გადახლართული იყო, თითქოს სიკვდილის წინ ერთმანეთს მოეხვივნენო. იქვე ეგდო უანგმოდებული ძველებური ორლესულები.

— რა უბედურებაა, — ჩაილაპარაკა ზვიადმა და მზერა მოარიდა ჩონჩხს. გაშეშებული ბავშვები თვალს ვერ აშორებდნენ ამ უცნაურ სანახაობას. გიგიმ იმ კედლებს მიანათა ფარანი და საუკუნეებით შექს დანატრებულმა ფრესკებმა მადლიანი ღიმილით გამოანათეს გამოყვითლებული ბათქაშიდან. ოდნავ გვერდით წარწერის მსგავსი რაღაც იყო, ჰერი ეკლესიის გუმბათივით მალღდებოდა.

— ეს ან ეკლესიაა, ან რომელიმე ძველი ღიდებულის საგვარეულო აკლდამა, — თქვა გიგიმ და შუქი ისევ ფრესკებს მიანათა.

— აკლდამას არ ჰგავს, — შეეხიტიყვა ნუკრი, — წინათ ასე არ მარხავდნენ საქართველოში. ხედავ, ერთი ძვირფასი ნივთიც კი არ დევს მიცვალებულთან. მე ვყოფილვარ გათხრებზე, სადაც...

— იქნებ ჩვენამდე აქ ვინმე იყო და აკლდამა გაძარცულია, — შეაწყვეტინა ვიტალიმ, — ან იქნებ ვანძი სხვაგან გადამალეს?

— არა მგონია გაძარცული რომ იყოს, ძვლები ერთმანეთში იქნებოდა არეული და, საერთოდ, გაძარცულ საფლავებს ყოველთვის ეტყობა ქურდის ხელი.

ღუმილი ჩამოწვა. მოულოდნელმა აღმოჩენამ სული აუფორიაქა ყმაწვილებს.

მყუდროება ზვიადმა დაარღვია.

— ხედავთ, ბიჭებო, — თქვა მან, — აქ ხანჯლების გარდა კიდევ არის რაღაც. დაუკვირდით, პერგამენტი უნდა იყოს.

— პერგამენტი კი არა, — გამოაჯავრა გიგიმ.

— მოდი, ვნახოთ, იქნებ მართლა პერგამენტია, — თქვა ნუკრიმ.

ადგილიდან არავინ დაძრულა. შიში ფეხებს უბორკავდა ბავ-



შვებს, თუმცა ნახვის სურვილიც არ აძლევდათ მოსვენებას. გრძობა თანდათან ძლიერდებოდა, მთელ სხეულს ედებოდა, ბისმოყვარეობას აღიზიანებდა, აქეზებდა. ბოლოს ნუკრიმ ველარ მოითმინა.

— რა მოგივიდათ, გეშინიათ? — გამომწვევად იკითხა მან.

— შენ? — ერთდროულად შეეკითხა რამდენიმე ხმა.

ნუკრი გაფითრდა. მერე სიწითლემ გადაუარა სახეზე. სხარტად შეტრიალდა, სწრაფად მიუახლოვდა ჩონჩხებს, მრგვლად დახვეულ პერგამენტს ხელი დაავლო და სირბილით წამოვიდა უკან.

— აჰა, გამომართვი, — ამაყად თქვა ნუკრიმ და შვებით ამოისუნთქა.

— მე მომეცით, ცოტათი ვარჩევ ძველ ქართულს, — წაებოტინა პერგამენტს ზვიადი. გიგიმ არ დაანება.

— მოასწრებ წაკითხვას, ჯერ დავბანაკდეთ, ხომ ხედავ, გოგოები ძლივს დგანან ფეხზე. არც გვივახშმია. მე, მაგალითად, მშია და საერთოდ, ნუ დავარდვევთ ინსტრუქციას, — გიგიმ მთელი სერიოზულობით გადახედა ბავშვებს და გააგრძელა: — ჩემი აზრით, მოსასვენებლად მეექვსე ცრუ ლაბირინთი აჯობებს ყველას. ძირითად დერეფანთანაც ახლოს ვიქნებით და ბარგსაც უცებ გადავიტანთ. ახლა დავტრიალდეთ და დროზე გადავბარგდეთ.

ბავშვებმა სწრაფად გადაიტანეს ბარგი ცრუ ლაბირინთში და სახელდახელოდ მოეწყვენენ. ბიჭებმა საძილე ტომრები ერთმანეთის გვერდით გაშალეს. გოგოებმა სურსათ-სანოვაგე ამოალაგეს.

— თუ ძმა ხარ, მათხოვე პერგამენტი, — შეევედრა ზვიადი გიგის, — თორემ ლოდინისაგან სული დამელია.

— ჯერ ვივახშმოთ, — თქვა გიგიმ.

— რა დროს ვახშამია, მიეცი! — გაჯავრდა ვიტალი.

გიგიმ შუბლი შეიკრა, უხალისოდ გადასცა გრაგნილი ზვიადს და გვერდზე გადაგა. ზვიადმა ფრთხილად გაშალა გრაგნილი და გახარებულმა წამოიძახა:

— ბიჭებო, ასომთავრულია, წავიკითხავ!

ნუკრიმ უფრო მოხერხებულად მიუნათა ფარანი. ზვიადმა სწრაფად გადაავლო თვალი გრაგნილს და პირველი სიტყვის ასოები დამარცვლით ამოიკითხა: „მრა-ვალ-ტან-ჯული“. მომდევნო სამ სტრიქონში ასოების გარჩევა შეუძლებელი იყო. ზაზამ მაინც მოა-

ხერხა რამდენიმე სიტყვის ამოკითხვა: „მონაი ღეთისა“ და „სწავლად საქართველოსა“ ... მერე რამდენიმე ნიშანი ეწერა, რომლის მნიშვნელობა ზაზამ არ იცოდა. ეტრატის ბოლო დაახლოებით შემდეგი შინაარსისა იყო: „ვითა ეშმაკი მაცდურია... შიში დაგვეუფლა, რამეთუ არ გაგვეცა განძთსამყოფელი, რომელიც საიმედოდ ჩავფალით ადგილსა შინა ბრძანებისამებრ. თათბირი ვყავით: მოგვეკლა ერთურთი და საიდუმლო მხოლოდ უფლისთვის გაგვენდო. ღმერთო, შეგვიჩინე. ამინ“.

ზაზამ ხელშეორედ გადაიკითხა ეტრატი და ზოგიერთი ადგილიც დააზუსტა.

ვიდას ახსოვდა ჭამა. ბავშვები ერთმანეთს აღარ აცლიდნენ აზრის გამოთქმას. ფანტასტიკურ ფერებში ცოცხლდებოდა საქართველოს გმირული წარსული. აურაცხელი რბევა-აწიოკება მოიგონეს ბავშვებმა, მაგრამ ვერაფრით ვერ მოახერხეს ეტრატის დათარიღება.

— აი, გმირებიც ამათ ჰქვია! საიდუმლოს გაცემის შეეშინდათ და ერთმანეთი დახოცეს, — სიამაყით თქვა გიგომ.

— ეჰ, — ამოიგმინა ნუკრიმ, — რას არ გააკეთებინებს სამშობლოს სიყვარული, მე, მაგალითად, წამიკითხავს, რომ...

— სხვა დროს მოგვიყევი, — შეაწყვეტინა ვიტალიმ, — ხომ ხედავ, რა დღეში არიან გოგოები.

— გამოიძინებენ და ხვალ აღარაფერი ემახსოვრებათ, — ანუგეშა ზვიადმა.

— საინტერესოა, რას ფიქრობს ხელმძღვანელი, განძი უნდა მოვძებნოთ თუ, ინსტრუქციის თანახმად, გზა გავაგრძელოთ? — იკითხა ნუკრიმ.

— ისე მოვიქცევით, როგორც ინსტრუქციაში წერია. გზას გავაგრძელებთ, — კატეგორიულად განაცხადა გიგომ.

— ძალიან კარგი. რაკი ასეა, მე აქ ვრჩები და მანამ არ გამოვალ ამ ლაბირინთიდან, სანამ განძს არ ვიპოვი. ვინ დარჩება ჩემთან?

მაცდური იყო კითხვა, უფრო მაცდური — განძის პოვნის შესაძლებლობა, მაგრამ არავის გამოუთქვამს ნუკრისთან დარჩენის სურვილი.

— ლაჩრები, — გაბრაზდა ნუკრი. — გეშინიათ?



გიგი ფეხზე ადგა.

— სხვა დროს მაგ სიტყვებისათვის პასუხს გაგებინებდი ანუ კი მიპატიებია. საერთოდ, გეყოფა ლაყბობა. უკვე გვიან არის, და-ვიძინოთ.

— დაძინებას ყოველთვის მოვასწრებთ, შენ მხოლოდ ეს გამა-გებინე, აპირებ თუ არა განძის მოძებნას?

— განძი არსად გაგვექცევა, უცხო სამყაროს შუშხუნა კი არ დაგველოდება. იქნებ დაგავიწყდათ, რისთვის გამოგვგზავნენ! ხომ არ მოგაგონოთ? — გიგიმ თვალი გადაავლო ამხანაგებს. — განძისათვის ცალკე ლაშქრობას მოვაწყობთ და, თუ ვინმეს გული ერ-ჩის, მაშინ გამოიჩინოს თავი.

— სულ ჩემი დამრიგებელივით ლაპარაკობს, — ჩაიდუღღუნა ნუკრიმ და უხალისოდ გაემართა დასაძინებლად.

გიგის გულზე მოხვდა ნუკრის ნათქვამი, მაგრამ არ შეიმჩნია.

— ოთხი ბიჭი ვართ, — თქვა მან, — ორ-ორ საათს ვიმორი-გევებთ. პირველი ვიტალი იქნება, მეორე — ზვიადი, მესამე...

ნუკრის გათენებისას მოუწია მორიგეობა. სწრაფად გაიხადა, საძილე ტომარაში ჩაძვრა და მოხერხებულად მოიკალათა თუ არა, იმწამსვე ჩაეძინა. ძილში სიზმრებმა არ მოასვენა და სულ ერთთა-ვად წრიალებდა. ხან რა ესიზმრებოდა და ხან რა. ხან წარსულში დაჰქროდა, ხან კოსმოსურ ხომალდში იჯდა და უცნობ პლანეტებს იპყრობდა, ხან განძს ეძებდა პირამიდებში, ხან ვიღაც უცნობებს ეჩხუბებოდა, გაურკვეველ სიტყვებს ბურღლუნებდა. მერე წარსუ-ლი და აწმყო ერთმანეთში გადაიხლართა და ყველაფერი აირ-დაირია. ნუკრი ერთდროულად კოსმონავტიც იყო და გაყიდული ტყვეც. აი, იგი ტყვეობიდან იპარება, ყველა ხიფათი უკან ჩამოიტოვა. მარ-ტო ერთი კარიდა დარჩა, და სწორედ აქ გადაეყარა მცველს. გაქცე-ული ტყვის მიმართ მხოლოდ ერთი კანონი არსებობს. ნუკრიმ კარგად იცის ეს და ვაჟკაცურად ულის განაჩენს. ზედიმართა ნა-ხევარმთვარის ფორმის მახვილი. წუთიც და კისერს შეეხება მისი მჭრელი პირი.

სწორედ ამ დროს გამოაღვიძეს. კარგა ხანს ვერ მოვიდა გონს. წამოჯდა, თვალები მოიფშვნიტა. ბოლოს, როგორც იქნა, გამოერ-კვა, უხალისოდ ჩამოართვა თოფი გიგის და შემოსასვლელში სა-

მორიგეოდ გადაბარგდა. გიგი საძილე ტომარაში ჩაძვრა თუ არა, იმწამსვე ფშვინვა ამოუშვა.

ნუკრი შეიმშუშნა, მოხერხებულად მოკალათდა, თოფი ფეხებშუა ჩაიდო. შესცივდა, საძილე ტომარა მოათრია, ფეხებზე გადაიფარა. თანდათან მოიგონა ყველაფერი. იმ დასკვნამდე, მივიდა, რომ სინამდვილე ძალიან ჰგავდა სიზმარს. ცხადშიც ისე იყო წარსული და აწმყო ერთმანეთში გადახლართული, რომ ვერ გაიგებდი, სად მთავრდებოდა ერთი ან სად იწყებოდა მეორე.

„ნეტავ იმ წყეულ კიბერს (ასე ეძახდნენ ბავშვები ყოველგვარ კიბერნეტიკულ გონივრულ მანქანას) გადამცემი არ გაეტაცა და სხვა ყველაფერი წაეღო, — გაიფიქრა ნუკრიმ, — ბერკეტის ურთი გადაბრუნება, ოპერატიულ შტაბთან კავშირი და... ყველაფერი უცებ გაირკვეოდა. ჩვენი ხელმძღვანელი კი მხოლოდ ინსტრუქციანზე ფიქრობს, სხვა აღარაფერი ახსოვს — თუმცა, გიგი მართალია, — ასე უხეშად არ უნდა მეტყვა ტყუილად ვატკინე გული“.

ნუკრიმ თავი ჩაჰკიდა, თვალები დახუჭა. იმწამსვე წყვილიდში ჩაიძირა, თუმცა სიბნელე ისე აღარ მოქმედებდა მასზე. ეს იყო მხოლოდ, მარტობის უსიამოვნო გრძნობამ შეაწუხა. მაღიმალ გადახედავდა მეგობრებს. თუ ადრე ზვიადის ხვრინვა მოსვენებას უკარგავდა, ახლა იავნანასავით ეფინებოდა გულზე. საათს დახედა. ეგონა, მისი შორიგეობის დაწყებიდან მთელი საუკუნე გავიდა, სინამდვილეში კი მხოლოდ ნახევარი საათი გასულიყო.

„საათ-ნახევარი კიდევ, — გაიფიქრა ნუკრიმ, — მოდი, ცოტას წავუძინებ, არა მგონია, საათ-ნახევარში რამე მოხდეს“, მაგრამ როგორც კი მოიგონა, რაც გადახდათ, განზრახვაზე ხელი აიღო. გაინძრ-გამოინძრა. თოფი მუხლებზე დაიდო და მტკიცედ გადაწყვიტა — პირნათლად ემორიგა. სულ სხვა ამბებზე დაიწყო ფიქრი, მაგრამ დაღლილობამ თავისი გაიტანა. სხეული მოუღუნდა, ქუთუთოები დაუძძიმდა. ნელ-ნელა დახუჭა თვალები. კარგა ხანს ებრძოდა ჰილს, მაგრამ მალე სინამდვილე სიზმარს შეერია — ჩაეძინა.

მკრთალად ბეჭუტავდა შემოსასვლელში დადგმული ფარანი. ბავშვების სილუეტები მონაცრისფრო-მოშავო ბურუსში იყო გახვეული. სწორად თლილ კედლებს ტყვიისფერი გადაჰკრავდა. ბუნდოვნად ჩანდა მოპირდაპირე კედელი. სხვა დანარჩენი სიბნელეში იკარგებოდა.

გიგიმ ამოიგმინა, მეორე გვერდზე გადაბრუნდა და უსიამოვნო სიზმრით შეწყვეტილი ძილის გაგრძელება სცადა. ვერ მოახერხა, თვალები გაახილა, საძილე ტომრიანად წამოჯდა. ყური მიუგდო. ჩამიჩუმი არ ისმოდა. დროდადრო მყუდროებას ზვიადის ხვრინვა თუ დაარღვევდა. გიგიმ ხელის ფათურით მოძებნა ჯიბის ფარანი და შუქი ჩართო. სიბნელიდან ქვაბის დამუნჯებული კედლები გამოხტა და უფრო მეტად გამოიკვეთა საძილე ტომრებში ჩამძვრალი ბავშვების სილუეტები. საათზე დაიხედა.

„ნუკრის შეცვლის დროა“, — გაიფიქრა და ფარანი შემოსასვლელს მიანათა.

ნუკრი არ ჩანდა.

ამაოდ დაბობლავდა ფარნის მრგვალი შუქი კედლიდან კედელზე. ერთი კუთხიდან მეორე კუთხეში. ნუკრის ჭაჭანება არსად იყო.

„ნუთუ განძის საძებნელად წავიდა“, — გაუელვა გიგის უცებ და მისდაუნებურად წამოიძახა:

— ნუკრი, აუ, ნუკრი!

ხმა გაძლიერდა, უსასრულოდ გაგრძელდა. ბავშვებმა გაიღვიძეს და ზღაზვნით წამოიშალნენ.

— რა მოხდა? — დაბოხებული ხმით იკითხა ვიტალიმ.

გიგი ყოყმანობდა, არ იცოდა, რა ექნა; გაემხილა ეჭვი, თუ ცოტა კიდევ მოეცადა.

— დიდხანს მეძინა? — იკითხა მანანამ.

— საკმაოდ. — მკვახედ მოუჭრა ზვიადმა, ზვიადს ძილი დაეკლდა და უგუნებოდ იყო.

მზისაგარი ყველაზე ბოლოს წამოდგა, საათს დახედა, გაოცდა.

— გათენებულა, ბავშვებო!

ბანაკი აფუსფუსდა, აიშალა. ყველა საკუთარ ბარგის ალაგება-

შეკვრას შეუდგა. გოგი რამდენჯერმე მთავარ ღერეფანშიც გაველიძის
მაგრამ ნუკრის კვალს ვერსად მიაგნო.

„თუ მართლა განძის საძებნელად წავიდა, მოსაკლავია“, — გა-
იფიქრა მან და სწორედ ამ დროს პარალელურ ღერეფანში ვილა-
ცამ იკივლა:

— ნაკვალევი!

შემზარავი ხმა იყო, უფრო შემზარავი კი — ნაკვალევთან და-
კავშირებული წარმოდგენები. გიგიმ შეჭგუფულ ბავშვებთან მი-
ირბინა. ფარნების შუქით განათებულ, უთოს ფორმის მოჭიქულ
ნაკვალევს დააშტერდა. ნაკვალევი ზუსტად იმ ადგილას თავდებ-
ოდა, სადაც ნუკრი იჯდა.

„მოიტაცა“, — გაუელვა თავში გიგის და ხმამაღლა იკითხა: —
ნუკრისთვის ხომ არ მოგიკრავთ თვალი?

— არა, რა იყო?

— ნუკრი! — გასძახა გიგიმ.

— ნუკრი! — იყვირა ვიტალიმ.

— ნუკრი! ნუკრი! ნუკრი! — გაიმეორა ღერეფანმა და ბო-
ლოს სულ მიიღია, მიწყდა ხმა. ყველამ გიგის შეხედა. გიგი ელო-
და ასეთ შემოხედვას და არ დაბნეულა.

— განძის საძებნელად წავიდა ალბათ, — იცრუა მან.

ბავშვებმა ნაკვალევზე მიუთითეს. ზვიადმა უკან დაიხია და
მოულოდნელად წამოიყვირა:

— აქ არის!

— ვინ?

— ის... — ზვიადს ხმა აუთრთოლდა. — ნუთუ ვერ ხედავთ?
კვალი მხოლოდ აქეთ მოემართება. მეორე ნაკვალევი არ ჩანს. მა-
შასადამე, უკან არ დაბრუნებულა და სადღაც აქვე დგას.

ზვიადმა თოფი დაცალა, მაგრამ არაფერი შეცვლილა. შეშინე-
ბულმა ბავშვებმა ბარგს ხელი წამოავლეს და უკან-უკან სიარულით
გაეცალნენ საბედისწერო ადგილს. როცა კარგა მანძილზე მოსცი-
ლდნენ ნაკვალევს, უცებ შეტრიალდნენ და, რაც ძალი და ღონე
ჰქონდათ, მოკურცხლეს. სულმოუთქმელად გარბოდხებ, ერთმან-
ეთს ეკვროდნენ, ხმას არ იღებდნენ. კლდეში ნაკვეთი ღერეფანი
მოულოდნელად გათავდა და ბავშვები ისევ მიწისქვეშა გამოქვაბუ-
ლში აღმოჩნდნენ. ქვაბი ყოველ წუთს იცვლიდა ფორმას და მიმა-



რთულებას, იგი ხან მეტისმეტად ფართოვდებოდა, ხან კარგად ვერ
წროვდებოდა, ძლივს მიძვრებოდნენ ნაბზარში.

— როდემდე უნდა ვირბინოთ? — იკითხა ვიტალიმ. — იქნებ
გავჩერდეთ და მოვიტათბიროთ.

— მართალია, — დაეთანხმა ზვიადი.

— გავჩერდეთ, — თქვა გიგიმ.

ბავშვები შედგნენ, ბარგი კედელთან მიყარეს და ზედ ჩამოს-
ხდნენ. მზისავარმა სამგზავრო აფთიაქი გახსნა, ვიტალის დაშავე-
ბული მუხლისთავი მოჰბანა და გულდაგულ შეუხვია.

— რაღაც უნდა მოვიფიქროთ, — თქვა ზვიადმა. — მეგობარს
ხომ ვერ დავტოვებთ განსაცდელში!

— უნდა მოვძებნოთ და, თუ მართლა თვითნებურად წავიდა
განძის საძებნელად, ერთი გემოზე შევახუროთ.

— ვიტალი მართალია, — დაეთანხმნენ ვოგოები.

— იქნებ უმჯობესია, ჯერ თავი დავაღწიოთ აქაურობას, —
თქვა გიგიმ, — ყველაფერი ოპერატიულ შტაბს ვაცნობოთ და შე-
მდეგ ისე მოვიქცეთ, როგორც ისინი გვეტყვიან.

— რას ამბობ! გაწყრა მზისავარი. — რა დროს ინსტრუქ-
ციის მოქმედებაა, დაუყოვნებლივ დავიწყოთ ძებნა. ესეც განძი
ხომ არ არის, ადამიანის ბედი წყდება.

— რას გაწიწმატდი, — შეუტია გიგიმ, — იქნებ შენ სხვაზე
უფრო მეტად შეგტკივა გული! — მერე დანარჩენებს მიუბრუნდა:
— ამას ჰგონია, მე ძებნის წინააღმდეგი ვარ, პირიქით, მაგრამ თუ
ნუკრი მართლა უხილავმა მღევარმა მოიტაცა, აქ ჩვენ უქმად და-
გკარგავთ დროს, გამიგეთ?

— გიგი მართალია, — თქვა ზვიადმა, — სერიოზული ძებნისა-
თვის ჩვენ მოუმზადებელნი ვართ, რამდენიმე საათის შემდეგ სათ-
ადარიგო ბატარეები დაიცლება და მერე მშვიდობით — აქედან
ველარ გავაღწევთ. იქნებ მართლა ჯობდეს, გავიდეთ აქედან და ყვე-
ლაფერი მთავარ შტაბს ვაცნობოთ.

— სწრაფად გადავწყვიტოთ. დრო გადის, უხილავი მღევარი
შეიძლება ისევ გამოჩნდეს, — თქვა მანანამ და ფეხზე წამოდგა.

უხილავი მღევრის გახსენებამ დააჩქარა გადაწყვეტილების
მიღება. სახელდახელოდ ისაუხმეს, ბარგი გადაალაგ-გადმოალაგეს
და სალაშქროდ აიშალნენ. მსვლელობას ისევ გიგი ჩაუდგა თავში



და რაზმი დაიძრა. გამოქვამული თანდათან გაფართოვდა, ამალლა, გადიდდა, დარბაზებად დაიყო. გახშირდა გიგანტური სტალაქტიტები. კედლებიდან წყალმა დაიწყო უონვა. აქა-იქ ანკარა წყაროები დიდრონი მარგალიტებივით ბრწყინავდნენ შუქზე. წყალი ქვაბის ფსკერზე გროვდებოდა და პატარა ნაკადული რაკრაკით მიიკვლევდა გზას უანგისფერ ქვაბებს შორის. ბავშვები ნაკადულს გაჰყვნენ, რადგან იცოდნენ, რომ ბოლოს და ბოლოს წყალი აუცილებლად გარეთ გავიდოდა. ნაკადული თანდათან მდინარედ იქცა, შეტბორა და და რაზმეული პატარა მიწისქვეშა ტბასთან შედგა. ტბა საოცრად წმინდა იყო და სარკესავით კრიალა. მეორე მხარეს, ბექობთან, გამოქვამულის ჩაშვებულ ღრმული ჩანდა. მზისავარმა კეხჭი აიღო და ტბაში ისროლა. ტბაზე რგოლები გაიშალა, ნაპირის სუსტი ტალღა შეეთამაშა. შორიდან გუგუნნი და გაურკვეველი ლაპარაკი მოისმა. ბიჭები დაწინაურდნენ. ბექობზე ავიდნენ. ზვიადმა თოფი მოიმარჯვა და იქვე, დიდი ლოდის გვერდით ჩაიმუხლა. მალე გოგოებიც ამოვიდნენ ბექობზე და მზისავარმა ზურჩულით იკითხა:

— რა ხდება? ვინ არიან?

— ეშმაკმა უწყის, — ზურჩულითვე უპასუხა ვიტალიმ.

— იქნებ... ნუკრია, — თქვა ზვიადმა და დაიყვირა: — ნუკრი, აუ, ნუკრი!

ქვაბი აგუგუნდა. რომელიღაც სუსტი სტალაქტიტი თაღს მოსწყდა და ტლაშანით ჩავარდა ტბაში. ტბამ დაიბუყბუყა. შორიდან ვიღაც მეტად სუსტად გამოეხმაურა ძახილს. ბავშვებმა სიტყვები ვერ გაარჩიეს. სამაგიეროდ, ახლა ყველამ ერთდროულად დაიყვირა. ექო გრგვინვასავით დაირბა ქვაბში და გუგუნის ხმამ ყურთასნენა წაიღო. შორს, ქვაბის სიღრმეში ჯერ ერთი სინათლე გამოჩნდა, შემდეგ მეორე, მესამე... სინათლეები ბავშვებისაკენ მოძრაობდნენ. ახლა სხვა ბიჭებმაც იკადრეს, ჩასაფრდნენ და გაისუსნენ. ყველაზე წინ გიგი ჩასაფრდა და სულგანაბული ელოდა, რა მოხდებოდა. თვალი თანდათან შეეჩვია სიბნელეს. გიგიმ ადამიანის სილუეტები გაარჩია. მერე მათი ხმებიც მოესმა. ერთ-ერთი ხმა ძლიერ ეცნაურა, ფრთხილად გამოძვრა საფარიდან და ომახიანად გასძახა:

— ეპეი, რომელი ხარ?

— მეოთხე რაზმი, — იყო პასუხი, მურადი ვარ.



— მურადი?

ბავშვები ყვირილით გამოცვივდნენ საფარებიდან და რად გაეჭანენ. შეძახილებსა და კითხვა-პასუხებს ბოლო აღარ უჩანდა. ყველა ერთდროულად ლაპარაკობდა, ერთმანეთს ხელს უშლიდნენ. ყველას უნდოდა პირველს ეთქვა, პირველს გაეგო და ამ საერთო ყაყანაში კაციშვილს არაფერი ესმოდა. ბოლოს, როგორც იქნა, დაშოშმინდნენ. შეხვედრით გამოწვეულმა პირველმა აღტაცებამ გაიარა და დამშვიდებით მოიკითხეს ერთმანეთი.

— შორს არის გასასვლელი? — იკითხა გიგამი.

— ნახევარი საათის სავალი თუ იქნება, — უპასუხა მურადმა.

— გზა კარგია, ფართო და სწორი.

— აქ როგორ გაჩნდით, რამ მოგიყვანათ? — იკითხა ზაზამ.

— ჩვენ ჯერ, პირობის მიხედვით, გამოქვაბულის გამოსასვლელთან გელოდით; შემდეგ, როდესაც თქვენთან კავშირი გაწყდა, ბრძანება მივიღეთ, შესახვედრად წამოვსულიყავით. თქვენ რაღა მოგივიდათ, რატომ დაიგვიანეთ?

— ეჰ, — ხელი ჩაიქნია გიგამი, — იმდენი რამე გადაგვხდა, ასე უცებ რას მოგიყვებით. ჯერ იყო, უხილავმა მდევარმა არ მოგვახსენა, მერე მიწისქვეშა აკლდამა აღმოვაჩინეთ, ბოლოს ნუკრი დაიკარგა და...

— ნუკრის დაკარგვის ამბავი ვიცით, — შეაწყვეტინა მურადმა, — ძირითად საძიებო ჯგუფს დაუნახავს, როგორ მიათრევდა კონუსის ფორმის კიბერი შუშხუნისაკენ.

— მერე? — შეშფოთდა მანანა.

— რა მერე? შუშხუნას ვერავინ ეკარება, მხოლოდ წყეული კიბერები დასეირნობენ არხეინად და, რასაც კი ხელთ იგდებენ, ყველაფერს შუშხუნაში მიათრევენ; ვარაუდობენ, რომ შუშხუნა ავტომატურია და ჩვენთან დასახვერად არის მოფრენილი.

— უფროსები რას ამბობენ ნუკრიზე? — მანანას მოუთმენლობა დაეტყო.

— იმედს არ კარგავენ. ახლა ნუკრის ბედი მილიონობით ადამიანს აინტერესებს. ფიქრობენ, თუ შუშხუნა უეცრად არ აფრინდა, ბოლოს და ბოლოს მოახერხებენ ნუკრის დახსნას; თუ გაფრინდა... — მურადმა აღარ დაამთავრა და შეკრულ საძილე ტომარაზე ჩამოჯდა.

უხერხული დუმილი ჩამოვარდა. ბავშვები მურადის გარშემო შეჯგუფდნენ და ელოდნენ, როდის დაამთავრებდა სათქმელს. მურადი რატომღაც არ ჩქარობდა აზრის დამთავრებას.



„რალაცას გვიმალავს, — გაიფიქრა გიგიმ, — ნეტავ რას?“ — მერე თავში საშინელმა აზრმა გაუელვა და შეშფოთებულმა იკითხა: — ცოცხალია?

მურადმა მხრები აიჩეჩა.

ბავშვებმა მოიწყინეს, ყველაზე მეტად — მანანამ.

— რატომ ვზივართ აქ? — იკითხა მან, — წავიდეთ, იქნებ რამე ვიღონოთ, რამეთი დავეხმაროთ.

— მანანა მართალია, — თქვეს ბიჭებმა, — აქ დგომა არას გვაჩვენებს, წავიდეთ.

გაერთიანებული რაზმი დაიძრა.

უკვე იგრძნობოდა გასასვლელის სიახლოვე. ოდნავ დათბა. ჰაერი დაიწმინდა და გასუფთავდა. პაწია მდინარე გასრულდა, კალაპოტი ჩაიხრამა და დატყდა. შუქმა იმატა. ბავშვებმა ჯიბის ფარნები ჩააქრეს. წინ ნაცრისფრად ჩამუქებული ქვაბის ყელი გამოჩნდა. გასასვლელი თავარა მზეს ამოევსო. გაშმაგებული მდინარე ქვებს აწყდებოდა, ზედ გადადიოდა და, ქაფად ქცეული, ღრიალით მიიწევდა წინ. ვინ ფიქრებდა, რომ იგი წვეთ-წვეთად იშვა უკუნეთში. შეიძლება სწორედ ეს იყო მიზეზი იმისა, რომ ასე თავდავიწყებით მიილტვოდა სინათლისაკენ. სინათლის მაგიური ძალა ბავშვებსაც თავისკენ უხმობდა და აჩქარებდა. ბოლოს, როგორც იქნა, გააღწიეს გამოქვაბულს და ჩანჩქერთან შედგნენ.

უცებ ზედიზედ იძრა მიწა. მიწისძვრას გუგუნის მოჰყვა, გუგუნის ზმუილმა შეცვალა და თანდათან გაძლიერდა.

„რალაც ამბავია“, — გაიფიქრა გიგიმ და ხმამაღლა დაიძახა: — მომყევით!

ორივე რაზმი აბიბინებულ მინდორზე დაეშვა. გარბოდნენ სულმოუთქმელად, ერთმანეთს ასწრებდნენ და ხშირად მოკლე გზის ძებნაში უფრო იგრძელებდნენ გზას. ბილიკი დაბურულ ხეებს შორის მიიკლაკნებოდა. ისმოდა გოგოების წიკვინი და ბიჭების შეჩახილები. ერთ ადგილას გოგოები ღელეში ჩაცვივდნენ და გაილუმპნენ.

შორს რალაცამ დაიბუხუნა, მერე შიშინის ხმა მოისმა. რადს წამოეწია და ჰკითხა:

— რა ხმა იყო?

— შუშუნის ძრავის ხმას ჰგავდა, — უპასუხა მურადმა.

ამ მოკლე წინადადებით ყველაფერი ითქვა. გიგი შედგა, მთელი ძალით დაუსტვინა და ჩამორჩენილ ამხანაგებს ხელი დაუქნია.

ბილიკმა გაივაკა, გაფართოვდა და საურმე გზას შეუერთდა. ახლა ბავშვები ჯგუფ-ჯგუფად გარბოდნენ და ხმამალლა ლაპარაკობდნენ. ათას რამეს ვარაუდობდნენ, ზოგს შურდა კიდევ ნუკრის ბედი. ტყე გამეჩხერდა, გზა ვაკეზე გაიჭრა და ბალახებს შორის გაუჩინარდა. ბავშვები ვრცელი მინდვრის პირას შედგნენ.

შორს, საკოლმეურნეო ხნულებს იქით, სამ მონაცრისფრო ამორტიზატორზე უცხო სამყაროს შუშუნა იდგა და ვიბრატორივით ცახცახებდა, მართალია, შუშუნა შორის იყო და წვრილმანი დეტალები კარგად არ ჩანდა, მაგრამ მისი სწორი ფორმებით მოხიბლული ბავშვები თვალს ვერ აშორებდნენ. შუშუნის ახლომახლო სხვადასხვა ფერის კიბურები დარბოდნენ. ხან ერთად ქუჩიდებოდნენ, თითქოს საუბრობენო, მერე ისევ გარბი-გამორბოდნენ.

— გასაფრენად ამზადებენ, — თქვა ზვიადმა და ამხანაგებს ურჩია, მოფარებულიყვნენ.

— ჩვენ ისე შორს ვართ, რომ აქ საშიში არაფერია, — შეესიტყვა ზვიადს ვიტალი.

— რასაც გეუბნებიან, დაიჯერე, — თქვა გიგიმ და მიდამო მოათვალიერა.

ბავშვებმა საფარად დიდი ლოდი აირჩიეს და მოხერხებულად მოკალათდნენ. მიმოიხედეს და მხოლოდ ახლა შეამჩნიეს ფერდობებზე შეფენილი ხალხი. ჯგუფ-ჯგუფად იდგნენ უცნაური ფორმის ხელსაწყოებთან. მათ განლაგებაში თავისებური სიმეტრია იგრძნობოდა. გიგიმ დაასკვნა: „აღლბათ უფრო მეტად მიახლოება აღარ შეიძლება.“

ვრცელი მინდორი სხვადასხვა ფერისა და კონსტრუქციის შვეულმფრენებით აჭრებულყოფილი. აქ იდგა პირადი სარგებლობის ერთადგილიანი და ორჩაჩროიანი სამგზავრო მანქანები. სახელდახელოდ აგებული რადიოლოკატორის დასვრეტილი ბადე შუშუნისკენ იყო მიმართული. ძირითადი საძიებო ჯგუფი სხვადასხვა



კოდით ცდილობდა შუშუნასთან დაკავშირებას. ჩვენი ქვეყნის ყოველი გადამცემი ცენტრი ერთდროულად მილიონობით ტროიმპულსს უშვებდა ეთერში, იქნებ რომელიმე მათგანს გამოეხმაუროს შუშუნაო. მძლავრი ელექტრომაგნიტური ველით შუშუნის ბლოკირება არ მოხერხდა, ვინაიდან ახლომახლო ასეთი დანადგარი არ არსებობდა. ხოლო შორი მანძილიდან ბლოკირებას შედეგი არ მოჰყვა. შუშუნა საკმაოდ ძლიერი, ჩვენთვის უცნობი, შეუღწეველი ველით იყო დაცული.

გუგუნით გადაუფრინა ძირითადი საძიებო ჯგუფის შევუღმდრენმა ბავშვებს თავზე. თითქოს ამას ელოდაო, შუშუნა უფრო აცახცახდა. კიბერები გაირინდნენ, მერე ერთრიგად დაეწყვნენ, შეხტნენ და შუშუნაში გაუჩინარდნენ. მრგვალი კარი მჭიდროდ ჩაეხრახნა შუშუნის კორპუსს. ამორტიზატორები დაიჭიმა. შუშუნის ბოლოდან ბოლქვებად გამოვარდა თეთრი კვამლი და გარს შემოეხვია.

— სადაცაა გაფრინდება, — თქვა ზვიადმა.

კვამლიდან თანდათან ამოიწვერა შუშუნა. წვერს მოჰყვა პირველი დანაყოფი, პირველს — მეორე, მესამე, ილუმინატორი...

— ის არის, ის! — იყვირა მანანამ, საფარიდან გამოვარდა და ჭოგრიტიანი ხელის ქნევა დაიწყო. მას მოეჩვენა, თითქოს ილუმინატორთან ნუკრი იდგა.

— დაწეკით! — იღრიალა ზვიადმა, მაგრამ გვიანდა იყო. შუშუნა კვამლს გამოეყო, ამორტიზატორები ბუდეებში შეიკეცა, ცეცხლის კუდი გამოიბა და ზეცას ეკვეთა. მანანამ მკერდში ტკივილი იგრძნო, თვალთ დაუბნელდა. დაბარბაცდა და გულადმა დაეცა.

* * *

— სადა ხარ ამდენ ხანს? — უსაყვედურა გიგიმ დაგვიანებულ სტუმარს და სკამი შესთავაზა.

— ექიმთან ვიყავი, — თავი იმართლა მანანამ, — არაფრით არ მიხორცდება ჭრილობა. ერთ კვირას კიდევ ასე უნდა ვიარო.

— ბედი შენი, რომ გადაცემა არ დაწყებულა, — ჩურჩულით თქვა ზვიადმა და უბის წიგნაკში რალაც ჩაინიშნა.



მანანა რაზმის წევრებს მიესალმა და გიგის გვერდით თავისუფალ სკამზე ჩამოჯდა. ტელევიზორი საამოდ აციმციმდა. მანანაზე განსაკუთრებული გადაცემის მაუწყებელი ნიშანი — წითელი ხაზი — გაწვა და ადგილობრივი დიქტორის სახე გამოჩნდა.

— ყურადღება, ყურადღება, — მოისმა მიმღებიდან, — რამდენიმე წუთის შემდეგ ჩავრთავთ თბილისს. ვიმეორებ...

ყველაფერი ზუსტად ისე იყო, როგორც ამ ცოტა ხნის წინათ. ეს იყო მხოლოდ, ამხანაგებს შორის ნუკრი არ ჩანდა და მაგიდაზე დაუმთავრებელი მინიატურული რადიოგადამცემი არ იდო.

— დღეს ჩვენს აღმოჩენილ აკლდამაზე ილაპარაკებენ, — ჩურჩულით თქვა მზისავარმა, — უფროსმა პიონერებელმძღვანელმა მითხრა, შესაძლოა ექსპედიციაში თქვენც წაგიყვანონო. თუმცა, ისიც თქვეს, რომ...

— მე ნუკრის ბედი მაინტერესებს, — შეაწყვეტინა მანანამ მზისავარს — დღეს უნდა შეხვდნენ კოსმოსში ერთმანეთს ჩვენი და უცხო სამყაროს შუშხუნები. საინტერესოა, მოახერხებენ ჩვენები აბორდაჟს თუ ვერა.

— მოახერხებენ, — დარწმუნებით თქვა ვიტალიმ.

— ძნელია, — ეჭვი შეეპარა ზვიადს.

— ავტომატური შუშხუნის აბორდაჟი იოლია, ავტორიტეტულად თქვა ვიტალიმ, — ასეთი შემთხვევები ბევრი ყოფილა. გახსოვს, როგორ აიყვანეს აბორდაჟზე ჩვენებმა ორბიტას აცდენილი ამერიკული თანამგზავრი?.. ან...

— მათი პროგრამა წინასწარ იყო ცნობილი, ამისი კი, ვინ იცის! გარდა ამისა, ამ შუშხუნას ისეთი ძლიერი დაცვა აქვს, რომ მისი აბორდაჟი შეუძლებელია.

— კოსმოსში სხვა პირობებია, — არ თმობდა ვიტალი.

— კარგი ერთი, — გაწყრა გიგი, — ბოლო აღარა აქვს თქვენს ვიკამათს, მოთმინება იქონიეთ, მოვისმინოთ გადაცემა და მერე თუ გინდ დილამდე ვიკამათოთ.

ბავშვები დადუმდნენ.

თბილისელი დიქტორი ჩვეულებრივი მისალმების შემდეგ პირდაპირ საქმეზე გადავიდა. ჩვენებს მოუხერხებიათ უცხო სამყაროს შუშხუნის დამორჩილება. ნუკრის ბედი გაირკვა. იგი ცოცხალია და რამდენიმე დღის შემდეგ დედამიწაზე დაბრუნდება. მეხუ-



თე პიონერულ რაზმს დღეიდან „კოსმოსური“ რაზმი ეწოდა და პიონერულ ორბიტაზე პირველი გაფრენის უფლებით დაჯილდოვდა.

ერთსულოვანმა ვაშამ ფანჯრის მინები შეაზანზარა. ბავშვები ერთმანეთს გადაეხვივნენ.

თბილისელი დიქტორი დაწვრილებით მოჰყვა კოსმოსური აბორდაჟის ამბავს. მერე ნუკრის ჯანმრთელობის ბიულეტენი გადმოსცა და პიონერულ ბანაკს „რაკეტოდრომს“ საჩუქრად ერთ კიბერნეტიკულ მზვერავს დაჰპირდა.

— ვაშა, ჩვენ საკუთარი კიბერი გვეყოლება! — წამოიძახა მანამ და ხელი ხელს შემოჰკრა.

დაიწყო გადაცემის მეორე განყოფილება. ახალგაზრდა დიქტორმა მსცოვან მამაკაცს დაუთმო ადგილი. როგორც შემდეგ გამოირკვა, მოხუცი ერთი იმათგანი იყო, ვინც პირველებმა გაიკეთეს წითელი ყელსახვევი და საქართველოში პიონერულ მოძრაობას ჩაუყარეს საფუძველი. სწორედ მათი ინიციატივით დაუწყო რესპუბლიკურ პიონერულ საბჭოს ლაშქრობა-გართობა გაუკვალავი გზებით. შუშუნის გამოჩენა შემთხვევით დაემთხვა ლაშქრობას და უფრო მეტი რომანტიკა შემატა მას. მეხუთე რაზმის მიერ აღმოჩენილი ძეგლის მნიშვნელობაზე დიქტორმა დიდხანს ილაპარაკა და იმდენ საინტერესო რამეს მოჰყვა, რომ ყველაფრის დამახსოვრება ვეღარ შეძლეს ბავშვებმა. ბოლოს გადაცემა დამთავრდა, ეკრანი ჩაქრა და ოთახში ღუმილი გამეფდა.

— მე დარწმუნებული ვარ, — თქვა გიგიმ, — რომ მიწისქვეშა სამალავში განძთან ერთად ქართული ლიტერატურის ნიმუშებიც ინახება. ხომ შეიძლება „ვეფხისტყაოსნის“ შოთასეული ხელნაწერიც აღმოჩნდეს!

— მე კი მგონია... — წამოიწყო ვიტალიმ და კამათმა ახალი ძალით იფეთქა.

ზვიადი წამდაუწუმ იყურებოდა საათზე. ბოლოს ვეღარ მოითმინა და წამოდგა.

— ერთი წუთით მომისმინეთ, მხოლოდ ერთი წუთით, — შევევღრა ბავშვებს, — მე დღეს რაკეტოდრომზე მორიგე ვარ, უნდა წავიდე. არ დაგავიწყდეთ, სამსაფეხურიანი შუშუნის ახალი მოდელის გამოცდა ზეგ არის დანიშნული. ნუ დაიგვიანებთ.

— ვიცი, ვიცი! — წამოიძახეს ბავშვებმა და შეწყვეტილი კამათი განაგრძეს.

კატასტროფის წინაშე

— ყურადღება!

საახალწლო მაგიდის გარშემო მსხდომნი უსიტყვოდ ადგნენ. ერთმანეთს გადახედეს და იქით შეტრიალდნენ, საიდანაც უსიტყვოდ ცხლო, ლითონისებური ხმა დაირბა. სიტყვა ითქვა მეტისმეტად ცივად და მკაფიოდ, თითქოს ფოლადის ფარს ჩაქუჩი დაჰკრესო.

დარბაზი გაისუსა. კედელზე დაკიდებული დროის მრიცხველის ისარმა წამების ათვლა დაიწყო. წითელი შუქნიშანი აციმციმდა. უხმოდ ჩაერთო დროის რელე და ისევ ის ცივი ხმა:

— ყურადღება!

ზედიზედ ჩაირთო ტრანსგოლაქტიკური რელეები. საერთო სარგებლობის ტელეეკრანს რადიოშუქმა გადაუარა. ფერთა გამა გაიბნა მიმქრალ მინაზე. დარბაზი ათინათინდა. შინდისფერი სავარძლის გვერდით მდგომმა ახალგაზრდამ თავი ასწია, ფეხები გაშალა და მომუქული ხელები სპექტანსაცემლის ღრმა ჯიბეებში ჩამალა. ფართო, ჭკვიანი თვალებით შეხედა დამოუკიდებელი დროის მრიცხველს. გაიფიქრა:

„კიდევ ათი წუთი... ათი წუთი მთელი საუკუნეა“.

თავი დახარა. იატაკზე გამომკრთალ თავის გამოსახულებას ჩააშტერდა.

„პირველად ალბათ დამაკვირდება, ეხამუშება ჩემი თმის ფერი... მერე გამიღიმებს და ეშმაკურად მოწყურავს თვალებს“, — ფიქრობდა იგი.

ყრუდ გაიტაცუნა საკეტმა. მსუბუქად ჩამოცურდა გუმბათის დამცველი ფარი. ჩამობნელდა. ტელეეკრანი აციმციმდა. იატაკზე ჩრდილები გაწვნენ. კავშირის კოშკზე გიგანტმა რადიოტელესკოპებმა „ჯიბეში“ შენახული მხრები გაშალეს და სივრცის იმ მხარეს მიატრიალეს, საიდანაც სიგნალებს ელოდნენ.

ადამიანები იდგნენ, იდგნენ და ელოდნენ. ელოდნენ ცხოვრებაში ყველაზე ნეტარ წუთებს. იდგნენ ჩუმად, სურვილებად და სურვილებად ულნი. დრო კი გარბის. სამყაროს მაჯისცემას საოცრად სწრაფი ტემპი აქვს. იგი მოქმედებს კოსმოსურ სიჩქარეებით, ვეება მასშტაბებში, პატარა ადამიანის სურვილების ანგარიშგაუწევლად. მაგრამ პატარა ადამიანი ჯიუტია, ყოველდღიურად ახალ-ახალ მიჯნებს იპყრობს და უსასრულობაში ამკვიდრებს თავის არსებობას.

— ყურადღება.

„მესამედ. ახლა კი ცოტაღა დარჩა“, — გაიფიქრა მან. გასწორდა.

დარბაზი წამით შეტორტმანდა. იატაკზე გაწოლილი ჩრდილები გადაიხლართნენ, გაორდნენ. გამომთვლელმა მანქანებმა დაპროგრამებული აბების მორიგი ულუფის გადამუშავება დაიწყეს. ლილისფერი ორმაგი კედელი იატაკში გაუჩინარდა. გამოჩნდა ტრანსგალაქტიკური კავშირის მცირე დარბაზი. პაწაწინა გოგონამ მბრძანებლურად ასწია ხელი.

— ყურადღება, ყურადღება! რამდენიმე წუთის შემდეგ ვრთავთ დედამიწას. — თქვა მან და სამართავ დაფაზე გამოცდილ პიანისტივით აათამაშა თითები.

ადამიანები თვალს ვერ აშორებდნენ ქერათმიან გოგონას. დღევანდნენ. ყველაზე მეტად ახალბედები — ადამიანები, რომელთა ცხოვრებაში პირველად ხდებოდა დიდი ლაპარაკი. ეს იმდენად ძლიერი და უჩვეულო გრძნობაა, რომ მისი სიტყვებით გადმოცემა შეუძლებელია. ადამიანი ვერ უძლებს ასეთ ძლიერ დატვირთვას და ამიტომ მთელი მოსამზადებელი პერიოდი უსულგულო მანქანებს გადააბარეს. ძნელია ასეთ დროს საკუთარ თავს უნდო. მანქანის „გონება“ და „ნერვები“ კი მხოლოდ მკაცრ მათემატიკურ ლოგიკას ემყარება. მიუხედავად ამისა, მათი მონაცემებიც მოწმდება დუბლირებული მეთოდით. ისეთ დროს, როდესაც წუთში რამდენიმე წელი უნდა ჩატიო — შეცდომა საბედისწეროა. დიდი ლაპარაკი გალაქტიკის მკაცრ განრიგს ემორჩილება და ზეადამიანურ სიზუსტეს მოითხოვს.

ტაძრისეული სიმყუდროვე ჩამოწვა. ადამიანს გვერდით მდგომი ადამიანის გულისცემა ესმოდა. თითქოს მანქანებმაც იგრძნეს საზიგმო ჟამის მოახლოება და მიყუჩდნენ. უღმობლად ქრებოდა



დრო. უკვე ცოტაღა დარჩა, სულ ცოტა. მალე კონცენტრირებული ელექტრომაგნიტური ტალღები საყვარელ ადამიანთა სახვებზე დაიშლება ტელეეკრანის რძისფერ მინაზე. პირველად მშობლიური პლანეტიდან ხმა მოვა. სრულიად დედამიწის ჰიმნის მელოდია ადამიანთა სმენას დაატკბობს.

უკიდურესობამდე დაძაბული დრო ამოიწურა. დარბაზში მწვანე შუქი გაიბნა. ადამიანებმა უფრო იგრძნეს, ვიდრე გაიგეს შორეული მელოდიის მოახლოება. იგი თანდათან ძლიერდებოდა. გაისმა პირველი მუსიკალური ფრაზა, მეორე, მესამე. მელოდია გაპოიკვეთა, გაძლიერდა. მთელ დარბაზს მოედო, ყალიბივით შეაგისო, აგუგუნდა. ეკრანზე ტრანსგალაქტიკური გადაცემების დედამიწისეული ემბლემა ახალგაზრდა გოგონას სახემ შეცვალა.

— მოგესალმებით სრულიად დედამიწის მცხოვრებთა სახელით და მოგილოცავთ დიდი ლაპარაკის დასაწყისს. მოისმინეთ უკანასკნელი ცნობები.

დარბაზი გაისუსა.

„მეორე დიდი ლაპარაკის დროს სხვა დიქტორი იყო, — გაიფიქრა მარტოდ მდგომმა კაცმა. — თუმცა არც ეს არის ურიგო გოგო“.

ახალმა ამბებმა მსმენელთა გაკვირვება გამოიწვია. უკანასკნელი წლების ფანტასტიკური გეგმები რეალობად იქცა და ისტორიას ჩაბარდა. მომავლისათვის უფრო გასაოცარი გეგმები იყო დასახული. პოლუსებზე ხელოვნური მზის ანთება თუ შათი ყინულოვანი საფარის მარსისაკენ ტრანსპორტირება. ზღვისქვეშა ქალაქების განაშენიანება-ექსპლოატაცია. ახალი სინთეზური საწვავის მიღება თუ... ბევრი, ძალიან ბევრი რამ გაიგეს ადამიანებმა შორეულ დასახლებაზე, მაგრამ მაინც ერთი სული ჰქონდათ, როდის დამთავრდებოდა უკანასკნელი ცნობები. ბოლოს ისიც დამთავრდა. რიო ხალხს გამოეყო. გადამცემ პულტთან დადგა. ავტომატურმა მექანიკამ ვიდეოფონის ობიექტივი დაუმიზნა. ეკრანზე შუახნის ქალი გამოჩნდა ბავშვით ხელში.

— მამა, მამიკო, — გაისმა მიმღებიდან ბავშვის წკრიალა ხმა.

— მე მალე კოსმონავტი გავხდები და შენთან მოვფრინდები.

— რიოს ჩაელძმა.

— რიო, — თქვა ქალმა. — კუმა სამხრეთ პოლუსზე გაემგზავრა ისევ იმ გოგოსთან.

— მოსალოცად გქონია საქმე, — თქვა რიომ.

ქალმა უსიამოვნოდ გააქნია თავი.

— რატომღაც გამხდარი მეჩვენები, ან იქნებ ეკრანი ამახინჯებს გამოსახულებას. ხომ არაფერი შეგემთხვა?

გადამცემ პულტზე წითელი ნათურა აინთო. ეს უკვე ლაპარაკის დამთავრებას ნიშნავდა. რიო აჩქარდა, წინ გადაიხარა.

— მე კარგადა ვარ, კარგად! — იყვირა მან. — პატარას გაუფრთხილდი! გამოსახულება გაქრა. რიომ გზიდან ერთხელ კიდევ მოხედა ეკრანს და ახალგაზრდა ქალ-ვაჟის გამოსახულებას შეავლო თვალი. უხალისოდ მიუახლოვდა საახალწლო მაგიდას, ჭიქა ალისფერი სასმელით შეავსო და სულმოუთქმელად გამოცალა.

— მამი, შენ ალბათ ყველაფერს ხვდები, — ისმოდა მიმღებიდან, — ეს კაცი ჩემი ქმარია, ზღვისქვეშა ქალაქების მშენებელი. მოგწონს, მამი?

— მომილოცავს, შვილებო, — აბუბუნდა რადა. და ვინაიდან ახალგაზრდების ახლოს მეუღლეს ვერ მოჰკრა თვალი, იკითხა:

— ლაღა სადღაა?

— დედა ექვსი თვით ვენერაზე მიავლინეს, რომელიღაც უცნობი ბაქტერიის შესასწავლად, მალე ჩამოვა.

რაღამ თავისუფლად ამოისუნთქა.

— კარგად იყავით, შვილებო, კარგად, — თქვა მან. — მე ალბათ ცვლას ჩამოვყვები, — დაუმატა მერე და ადგილი სხვას დაუთმო.

ასე მოკლე და ასე თითქოსდა უბრალო იყო დიდი ლაპარაკი, მაგრამ ალფა ცენტავრა ბ-105 პლანეტის კოლონისტებისათვის მეტად მნიშვნელოვანი. თუნდაც ერთი წუთით დაინახო ყველაზე საყვარელი ადამიანი, იგრძნო მისი სიახლოვე, სუნთქვა და გულისცემა, საოცრად გაახლოებს დედამიწასთან და ესოდენ დიდი სიხარულის წინაშე მანძილის გალაქტიკური მასშტაბებიც კი კარგავენ თავიანთ კოლოსალურ მნიშვნელობას.

„ერთი კაცის შემდეგ ჩემი რიგია, — გაიფიქრა მარტოდ მდგომმა კაცმა. ნაბიჯი წარსდგა წინ. — საინტერესოა, რომელი მოვა სალაპარაკოდ, ცისა?“

— ვამეხ! — გაისმა ავტომატის მჭახე ხმა.

ახალგაზრდა შეტოკდა. თვალი მოაელო დარბაზს და მიუახლოვდა გადამცემ პულტს.

— მე მზად ვარ, — თქვა მან რამდენადაც შეეძლო მშვიდად.

ტელეეკრანი აიმღვრა. ფართე შავი ზოლებით დაიფარა. მერე აფეთქებასავით გაბრწყინდა.

— ურბა... ეკო... ბო... — ახრიალდა მიმღები.

— „რა ხდება?“ — გაიფიქრა ვამეხმა, მაგრამ ეკრანი თანდათან დაიწმინდა და ვამეხიც დამშვიდდა. ბარიერს დაეყრდნო ხელებით. დაბინდულ მინაზე ანტიკური სილამაზის უცნობი ქალი გამოიკვეთა. თითქმის შიშველი, ჩამოშლილი ალისფერი თმით. ერთადერთი სამოსი გამჭვირვალე შავი ნაჭერი, თეძოზე კქონდა შემოხვეული. ფეხთ ეცვა ქოშისმაგვარი ფაჩუჩები, წვივებზე ოქროსფერი თასმებით შეკრული. ტოკავდა და ვერ ისვენებდა. შემინებელი ჩანდა.

ვამეხმა შუბლი და თვალები მოისრისა.

„იქნებ ჩემი რიგი არ იყო და ავტომატს შეეშალა“, — გაიფიქრა მან.

ისევ აიმღვრა ტელეეკრანი. გამოსახულება გაქრა. მიმღებთან გაურკვეველი შინაარსის სიტყვები მოისმა. ვამეხმა მოიხედა. შეწუხებული მზერა მიაპყრო დროის მრიცხველს.

— სამი წუთილა დარჩა — გაიფიქრა მან. — თუ დროზე არ გამოსწორდა მდგომარეობა, ჩემი ლაპარაკი აღარ შედგება!.. — მთვარეულივით გაიმეორა მან. სახე დაენამა.

ჩურჩულის ტალღა შეასკდა ვამეხის ზურგს. გაისმა აჩქარებული ნაბიჯების ხმა. ვიღაცამ დარბაზი დატოვა. შუქმა იკლო. ეკრანი გამკრთალდა.

— გაურკვეველი მიზეზების გამო, — გამოაცხადა ადგილობრივმა დიქტორმა, — ვწყვეტთ დიდ ლაპარაკს. ვფიქრობთ, ჩვენს ტალღაზე უცნობი სამყაროს ტელეცენტრი ჩაერთო. ვეცდებით მათთან დაკავშირებას. შედეგს მოგვიანებით გაცნობებთ. დასახლების დიდი საბჭო სინანულს გამოთქვამს და თანაუგრძნობს ვამეხს, მაგრამ ასეთი შემთხვევა ერთადერთია და საბჭოს მიაჩნია, რომ...

ვამეხს სიტყვები აღარ ესმოდა. შექანდა. ორივე ხელით ჩაეჭიდა სალაპარაკო პულტის ბარიერს. მთელი ძალით მოუჭირა თი-

თები. მერე უცებ მოეშვა, მომჩვარდა. ბოლმა დაუგუნდავდა
ში. თვალეები აუწყლიანდა. უსიცოცხლოდ ჩაჰკიდა თავი.

სიკვდილმისჯილივით იღვია.

„გათავდა, ყველაფერი გათავდა, — ფიქრობდა იგი. — ჩემი
დრო ამოიწურა და ჩემი ლაპარაკი აღარ შედგება. აღარ შედგება!
— სიმწრის ღიმილმა გადაუარა სახეზე — ერთი სიტყვის თქმა
მაინც მომესწრო, მხოლოდ ერთის.“

— სხვა დროს შენ პირველი ილაპარაკებ, — თქვა ვილაკამ.

„კარგი ნუგეშია, — გაიფიქრა ვამეხმა. — მომავალი ლაპარაკი
ათი წლის შემდეგ შედგება. ათი წლის შემდეგ, — მთვარეულივით
გაიმეორა. — ამდენს კი ნამდვილად აღარ დამიცდის.“

უცებ მოტრიალდა. რისხვით სავსე თვალეები მოავლო დარბაზს,
რაღაცის თქმა დააპირა, გადაიფიქრა და ტყვიანაკრავივით გავარდა.
დარბაზმა ამოიოხრა.

— არ გაუმართლა ყმაწვილს, — თქვა რადამ. — სამწუხაროა,
რომ მისი პირველი დიდი ლაპარაკი არ შედგა.

— ძნელია, — დაეთანხმა რუმი, — ახლა ათ წელს უნდა ელ-
ოდოს. ათ წელში კი ვინ იცის რა არ მოხდება. თუმცა, მგონი,
ვამეხი ცვლასთან ერთად აპირებს გაფრენას.

— გადაიფიქრა. სწორედ ამ დილით ითხოვა ვადის გაგრძელ-
ება და დიდმა საბჭომ ნება დართო დარჩენაზე.

— არაფერია. ვამეხს საინტერესო სამუშაო აქვს და ათი წელი
ისე გაირბენს, რომ ვერც კი გაიგებს. ჩვენ გაცილებით დიდხანს
გვიხდებოდა ლოდინი, წინა თაობა კი მხოლოდ ოცნებობდა ასეთ
შორეულ კავშირზე.

— ეგ ვერაფერი ნუგეშია, — ჩაიბუბუნა რადამ.

— სამაგიეროდ, ახალი წლის პირველ დღეს ცვლა მოვა და დე-
ტალურ ინფორმაციას ჩამოგვიტანს.

— თვალს რომ შეავლებ, მაინც სულ სხვაა, — არ დაეთანხმა
რუმი. — ხშირად საყვარელი ადამიანის სახის დანახვა უფრო მე-
ტი ღირს, ვიდრე მთელი საუკუნის ფოსტა. ესეც არ იყოს, კაცმა
არ იცის, ათი წლის შემდეგ ვინ გაგიღიმებს ეკრანიდან. მოვა ის,
ვისაც ელოდი. თუ განსაკუთრებული შემთხვევის გამო დიქტორ-
თან მოგიხდება საუბარი. მით უმეტეს, თუ შეყვარებული ხარ, —



რუმმა ბოლო სიტყვა განგებ გაქიმა და მრავალმნიშვნელოვნად გადახედა მის.

მიამ მზერა მოარიდა.

თუ დიდი საბჭოს ვარაუდი გამართლდა, — სალაპარაკო თემა გამოცვალა რადამ, — მაშინ ალბათ ახალი ტრანსგალაქტიკური არხი შეემატება პრესბიუროს. საჭიროა შეიქმნას ჯგუფი...

— მე ვფიქრობ, ამაზე ლაპარაკი ნადრევიცა, -- შეაწყვეტინა რუმმა, — წინასწარი გამოთვლებით უცნობი გადამცემი ობიექტი იმდენად ახლოს იყო, რომ მისი დანახვა შეუიარაღებელი თვალითაც შეიძლებოდა. სინამდვილეში ახლომასლო პლანეტის ნასახიც არაა. უახლოესი მზის სისტემა...

— მე თქვენს ყურადღებას ანტისამყაროზე შევაჩერებ. მე ვფიქრობ...

— მე არა მჯერა ასეთი სამყაროს არსებობა ჩვენს მეზობლად, და, საერთოდ, თუ ასეთი სამყარო მაინც არსებობს, მისი უახლოესი საზღვარი ჩვენგან მილიონი პარსეკით არის დაშორებული.

— მაგრამ სამყარო გამრუდებულია. შესაძლებელია იგი რომელიღაც ნაწილით ჩვენი სამყაროს განზომილებაში შემოდის და უბრალოდ ვერ ვამჩნევთ.

— შესაძლებელია. ყველაფერი შესაძლებელია, — ჩაილაპარაკა რუმმა, შუშის კედელთან მივიდა, შუბლით მიეყრდნო, გადაიხედა. მერე გასწორდა, ხელები მკერდზე გადაიჭდო და აღტაცებულია თქვა:

— რა ფერებია. აი, ეს მესმის!

— ყოველი დიდი ლაპარაკი ლურჯი მზის ჩასვლას ემთხვევა. ძალე გარდამავალი პერიოდი დაიწყება — ორფერიანობა. ფერები შენ მაშინ უნდა ნახო, როდესაც პორიზონტზე მეწამული მზე ამოიწვერება.

— მე ეს ფერიც ძალიან მომწონს.

— კარგი ფერია, დაეთანხმა რადა. — თუმცა მეტად ლირიულია. გასული საუკუნის პოეტთა ფერია.

რუმმა აღარ უპასუხა. თვალი გაუშტერა ბროლივით წმინდა მოლურჯო სივრცეს.

„მეც რომ ვამეხივით ლექსების წერა შემეძლოს, იქნებ იმ ქვის

ნატეხის გული როგორმე მომეგო“, — გაიფიქრა მან, ღრმად ამო-
ისუნთქა.



მეზღრა ფრთხილად შეეხო ხელით. მოაბრუნა.

— რა ქალი იყო, — თქვა მან. გაიღიმა.

— ვინ? — ვერ მიხვდა რუმის.

— აი, ის, — თვალით ანიშნა ტელეეკრანზე, — რა ტანი ჰქონდა, რა თვალები. თუმცა ვამეხის საცოლის თვალების მსგავსი მე არაფერი მინახავს ამ ქვეყანაზე.

— მაინც რა არის ასეთი.

— ვერ აგისხნი. რაკეტოდრომზე ვნახე პირველად, ვამეხს აც-
ილებდა. მე დღემდე მახსოვს მისი თვალების ფერი. რაღაც გაურ-
კვეველი ფერია.

„სამი წლის უკან მეც გამაცილებდნენ ალბათ, — გაიფიქრა რუმმა. — მაგრამ რაც ვამეხი ჩამოვიდა, ერთხელაც არ შემოუხე-
დავს წესიერად.“ ხმამაღლა კი დაუმატა: — შენ ყველაფერი გაუ-
რკვეველი მოგწონს.

— სიყვარულის გარდა, — ნიშნისმოგებით უპასუხა მეზღრამ და სადისპეჩერო პულტს მიუჯდა. რამდენჯერმე გამოიძახა ვამეხი. ვამეხი არ პასუხობდა.

— უახლოეს დროში ნულოვანი მერიდიანისაკენ სპეციალური ექსპედიცია უნდა გავგზავნოთ. იქნებ სადმე სიცოცხლის ან გამჭ-
რალი ცივილიზაციის ნიშნებს წავაწყდეთ.

— ასეთი ხასიათის სამუშაოები წელს არ არის დაგეგმილი. თუმცა, მოელაპარაკე შეფს, იქნებ ნება დაგროთოს.

— დღესვე მოველაპარაკები, — თქვა რუმმა, — ყოვლად შეუ-
ძლებელია, ორმზიან პლანეტებზე სიცოცხლე არ არსებობდეს. ვნა-
ხთ, თუ შეფი დავიყოლიე, გამგზავრებას შორის აღარ გადავდებ.

გამჭვირვალე კედელს მიუახლოვდა, ქვევით გადაიხედა, უკვე ამოწვერილიყო მეწამული მზე. ჰორიზონტზე ცისარტყელას ფერე-
ბი ფარფატებდნენ. ზღაპრულ ხალიჩად გადაშლილიყო მიდამო.

„ამის შემყურე ძალაუნებურად გახდები პოეტი“, — გაიფიქრა რუმმა. ელექტროგაზეთთან მივიდა. ჩართო. დასახლების ახალი ამბები გადაიკითხა და ისევ მეზღრას მიუბრუნდა.

— რა ისმის შორეული კავშირის ბიუროდან?

— დუმილია.

დუმილი? — უფრო თავისთვის გაიმეორა რუმმა და სხვათა შორის დაუმატა: — სამი წუთით ადრე ვამეხი ლაპარაკს მთავრად და. მხოლოდ სამი წუთი იყო საჭირო. ვინ მოთვლის, რამდენი ფუჭი სამი წუთი ყოფილა ცხოვრებაში და აღარც კი გვახსოვს. ზოგიერთი კი სიკვდილამდე გვემახსოვრება.

გამოძახების პულტზე წითელი ნათურა აინთო. ტაბლოზე რუმის პირადი ნომერი განათდა.

— შეფი მეძახის, — თქვა მან, — წავალ და იქნებ ჩემი თხოვნაც შევაპარო. ცვლის შემდეგ ვამეხთან ამოდი, დაგელოდები.

რუმი დარბაზიდან გავიდა. მეზღრამ ისევ გამოიძახა ვამეხი, მაგრამ მიმღები ძველებურად, ჯიუტად დუმდა. მეზღრა შეწუხდა.

* * *

ვამეხი, თავის ოთახში, სავარძელში იჯდა. თვალდახუჭული უსმენდა საკუთარ ფიქრს. თავი ოდნავ გადაეწია. უსიცოცხლოდ ელაგა ხელები სავარძლის სახელურზე. მაგიდაზე, უწესრიგოდ გაბნეულ ქაღალდებს შორის, ახალგაზრდა გოგონას სურათი ჩანდა და ფერადი, ცისფერი სიმფონიის უკანასკნელი ვარიანტის ბოლო ფურცელი. პირადი გამოძახების წითელი ნათურა გამუდმებით ციმციმებდა. მიმქრალ ეკრანზე მეზღრას შეწუხებული სახე ჩანდა.

— ას ოცი, ას ოცი! — რატომ დუმხარ, მიპასუხე! — ისმოდა მიმღებიდან მეზღრას მონოტონური ხმა.

ვამეხი ოდნავ გადაიხარა წინ. ხელის მექანიკური მოძრაობით გადაადგილა ბერკეტი. ეკრანი ჩაქრა. ისევ სავარძლის ზურგს მიესვენა. თვალები დახუჭა. კარგა ხანს იყო ასე უმოძრაოდ. მერე უცებ ასწია თავი, შეატუხა გოგონას სურათს დაამტერდა. კარგა ხანს უყურა. ნოტის ფურცელზე გადაიტანა მზერა. გაკრული ხელით მინაწერ სტრიქონზე შეჩერდა.

„შენ შეგქმნა ფერმა, ლურჯმა ფერმა

და სიმფონიის უღერადობამ ჩაგიდგა სული“, —

ამოიკითხა მან. მაგიდას დაჰკრა გაშლილი ხელი. ნოტის ფურცელი დაჰმუჭუნა.

— ჯანდაბას ყველაფერი! — გამოსცრა კბილებში, ახლავე წა-

ვალ და დიდ საბჭოს გადაწყვეტილებას შევაცვლევინებ. აქ დარწმუნებული ჩენა აღარ შემიძლია, აღარ! — იყვირა უცებ. — მოვა ცვლადი დედამიწაზე გავფრინდები.

ადგა. წინ და უკან დაიწყო სიარული. ფანჯარასთან შეჩერდა. ნერვულად გასწია ფარდა. გადაიხედა, ზუმერის გაბმულმა ხმამ შეაწუხა.

— ას ოცი, ას ოცი. რატომ არ მპასუხობ? — გაუთავებლად ისმოდა მიმღებიდან.

ვამეხი უხალისოდ მიუახლოვდა ტელერადიოეკრანს. არც უფიქრია პასუხის გაცემა. გაუნძრევლად იდგა და სადღაც სივრცეში იყურებოდა. მეზღრა ილიმებოდა და განაგრძობდა ლაპარაკს. ვამეხს სიტყვები არ ესმოდა. არც ის შეუმჩნევია, როდის გამოირთო ეკრანი.

„ნუ წახვალ, ნუ! — ესმოდა შორეული იდუმალი ხმა. — განა დედამიწაზე ცოტა საქმეა. დარჩი, დარჩი, თორემ ათი წელი დიდი დროა და ვინ იცის“...

ვამეხი არ დარჩა. მას ძალიან უნდოდა ვარსკვლავეთში წასვლა და ვერ დარჩა. ვერ დარჩა, თუმცა სიყვარულით დამძიმებული გული თან წაიყოლა.

— დამელოდება, უნდა დამელოდოს! — აღმოხდა უცებ და თითქოს საკუთარ ხმას ემალებო, სახეზე ხელები აიფარა.

ტაბლოზე წითელი ნათურა აციმციმდა. სამართავ დაფაზე ავარიის მაცნე ჩაერთო. ოსცილოგრაფის ეკრანზე ციცაბო მრუდები აღიმართა. შახტებთან კავშირის ეკრანი გამაფრთხილებელი ყვითელი ფერით დაიფარა.

ვამეხმა მძიმედ ასწია თავი. ხელსაწყოებს გადააელო თვალი. არ მოეწონა მონაცემები. შახტებთან კავშირის ბლოკი ჩართო. ეკრანზე საშახტო მეურნეობის მთავარი დისპეტჩერი გამოჩნდა, მიმღებიდან ჩქარი ლაპარაკი მოისმა. ვამეხი ყურადღებით უსმენდა. ფითრდებოდა. მერე სასწრაფოდ გამორთო ტელეტელეფონი და გარეთ გავარდა.

„თუ ეს მართალია, დავიღუპეთ“, — ფიქრობდა იგი. სულმოუთქმელად გაირბინა დერეფანი. ჩქარი ლიფტით პირველ სართულზე დაეშვა და სადისპეტჩეროში შევარდა.

— რა ამბავია, რა მოხდა?



— მეხუთე შახტი არ პასუხობს.

ვამეხისათვის ყველაფერი ნათელი გახდა. პირადი სკანდალის კარადას მიუახლოვდა. მსუბუქი სკაფანდრის მორგება-ჩაცმა დაიწყო. სადისპეტჩეროში მიაშვენიერდა. —

— ვამეხ, შეფი გეძახის, — თქვა მან.

— გადაეცი, რომ არა მცალია.

— სასწრაფო საქმეა.

— ამაზე სასწრაფო რა უნდა იყოს... რამდენიმე წუთის შემდეგ მეხუთე შახტი აფეთქდება, — გაბრაზდა ვამეხი. სკაფანდრი კარადაში მიაგდო და სწრაფი ნაბიჯებით გავიდა სადისპეტჩეროდან. მოკლებზე გადაკვეთა ორანჟერეა, ბნელ კარში გაძვრა და შეფთან შევიდა. ცოტა ხნის შემდეგ მიაც შემოვიდა ოთახში და თანჯარასთან დადგა.

შეფს „ზეცა გაეხსნა“ და ტელესკოპში იყურებოდა. რუმი შორეული ხედვის პულტთან იჯდა. გამომთვლელი მანქანები მთელი დატვირთვით მუშაობდნენ.

დღეს მგონი განრიგით, ვამეხიდის მორიგი პარტია უნდა გაგეყვანათ დედამიწის მახლობელ ორბიტაზე? — იკითხა შეფმა, ისე, რომ ტელესკოპისათვის თვალი არ მოუშორებია.

— ღიბ. — თქვა ვამეხმა.

— გადადეთ, დღეს არ მოხერხდება.

— კი მაგრამ, განრიგის დარღვევამ...

— გადადეთ. — შეაწყვეტინა შეფმა და რუმს მოუბრუნდა: — როგორ არის საქმე?

— ძველებურად.

შეფმა ტელესკოპი ავტომატურ მართვაზე გადართო და მაგიდასთან მივიდა. ქალაღის ნაგლეგებზე რამდენიმე ციფრი დაწერა, დააჯამა. გასწორდა, ჭალარა საფეთქლებზე გადაისვა ხელი.

— ცუდად არის საქმე, ვამეხ, ძალიან ცუდად, — თქვა მან.

— გამაგებინეთ, რა ხდება. დრო აღარ ითმენს, რამდენიმე წუთის შემდეგ მეხუთე შახტი აფეთქდება.

— არა, შახტი არ აფეთქდება, — თავისთვის ჩაილაპარაკა შეფმა. ამას კი მგონი აღარაფერი ეშველება. — რუმთან მივიდა. — როგორია სიჩქარე? — იკითხა მან.

— წამში ოცდაათი კილომეტრი.



— მაშასადამე ნახევარ საათში ყველაფერი გათავდება. ^{განგაშის} ცხადეთ განგაში.

— გამაგებინეთ, რა ხდება! — ხმას აუწია ვამეხმა.

— გან-გა-ში! — დამარცვლით გაიმეორა შეფმა და ღილაკისა-
კენ წაიღო ხელი.

ვამეხი წინ გადაუდგა.

— ნებას არ მოგცემთ!

— სისულელეს თავი დაანებეთ! — გაწყრა შეფი. — დასახლე-
ბა კატასტროფის წინაშეა. სასწრაფოდ გამოაცხადეთ განგაში. მია,
შემოწმე გარე სამყაროსთან კავშირი.

ვამეხი გაოგნებული იდგა.

— პლანეტის მაგნიტური ველი დაირღვა, — თქვა მამ. — მი-
სმა ცენტრმა საგრძნობლად გადაინაცვლა ნულოვან მერიდიანისა-
კენ.

— ასეც ვფიქრობდი, — ჩაილაპარაკა შეფმა. — ახლა ამას კა-
ვშირის გაწყვეტა და სრული იზოლაცია მოჰყვება.

— ზუსტად ასეა, — დაეთანხმა მია. — გარე სამყაროსთან კა-
ვშირი გაწყვეტილია. აპარატურა დუმს.

— რაღას უყურებთ!

ვამეხმა მექანიკურად წაიღო ხელი წითელი ღილაკისაკენ. გა-
ისმა საგანგაშო საყვირის ხმა. ტკაცანიტ გაიღო სამოსამსახურო ბი-
უროს სტანდარტული კარებები. სხვადასხვა ფერის რობოტები და-
სახლებას შეესივნენ. სასწრაფოდ გადაიკეტა ორანჟერეის თალი
დამცველი ფარით. ჰელიოელექტროსადგურებმა ჩაზნექილი სარ-
კეები „ჯიბებში“ შეინახეს. შუქმა იკლო. ფიზიოლოგიური საც-
დელი სადგურიდან ცხოველების ზმუილი მოისმა. ვამეხმა ზევით
აიხედა და ყველაფერს მიხვდა.

დასახლებას მოხეტიალე ასტეროიდი უახლოვდებოდა. ყველა-
ფერი მის სიდიდესა და მიმართულებაზე იყო დამოკიდებული. წი-
ნასწარი გამოთვლებით კი ასტეროიდი საკმაოდ დიდი იყო და პი-
რდაპირ დასახლებისაკენ მოჰქროდა.

— გადადით სამალებში, დამტოვეთ მარტო! — თქვა შეფმა და
ტელესკოპი გამორთო.

ჯერ კიდევ იყო მცირეოდენი იმედი და ადგილიდან არავინ და-
ძრულა. ადამიანები უმოქმედოდ იდგნენ და ელოდნენ. მათზე უკ-



ვე აღარაფერი იყო დამოკიდებული. ვამეხმა უცებ განმარტება ასტეროიდის მასა, მისი სიჩქარე დაცემისას და შეშფოთებულმა გაიფიქრა:

„წესიერად სულის მოთქმას ვერც კი მოვასწრებთ, რომ სიზმარივით გავქრებით“.

სცადეს ასტეროიდის დამანგრეველი ყუმბარებით აფეთქება. ორი ატომურმუხტიანი მართული რაკეტაც გაუშვეს, მაგრამ უშედეგოდ: რაკეტები შუა გზაში აფეთქდნენ. ადამიანებს კიდევ ერთი იმედის ნაპერწკალი ჩაუქრათ. კატასტროფა ულმობელი სისწრაფით ახლოვდებოდა. ორანჟერეის თაღს ბაწაწა მეტეორიტი დაეცა და წამით თვალისმომკრელად გადააშუქა იქაურობა.

— ეს მხოლოდ ყვავილებია, ნაყოფსაც მალე ვიხილავთ. — ჩაილაპარაკა შეფმა და ხელსაწყოებს თვალი მოარიდა.

მეტეორიტთა ბულში გახვეული ასტეროიდი უკვე შეუიარაღებელი თვალთაც კარგად ჩანდა. ზედიზედ იძრა დასახლება. როგორც ჩანს, სადღაც ახლოს მოზრდილი მეტეორიტი დაეცა. მინები აზრილდა, რკინის რთული კონსტრუქციები შეირყა, ალაგ-ალაგ გაიღუნა.

მეტეორიტთა ცვენა გაზვირდა. ორანჟერეის დამცველ ფარზე შუქთა მთელი ფეიერვერკი აენთო-აკიაფდა. ცას ჟანგისფერი მტვერი მოედო. ირგვლივ უსიამოვნო მუქი ყავისფერი ჩრდილები გაწვინდა.

„როდემდის გაუძლებს დამცველი ფარი“, — გაიფიქრა მამ და ვაკვირვებით გადახედა გარე სამყაროსთან კავშირის ბლოკს. მოეჩვენა, თითქოს ვიღაც ლაპარაკობდა. უფრო ახლოს მიუჯდა სამართავ პულტს. სმენა არ ატყუებდა. კანტიკუნტად ისმოდა გაუგებარი სიტყვები. მიმღებიდან აშკარად ისმოდა რომელიღაც უცნობი სამყაროს გადაცემა. ვერაფრით ვერ მოახერხა მამ ხმის დაწმენდა, სიტყვების გაგება.

წამები ზღაპრული სისწრაფით ქრებოდნენ. ტრაგიკულ ბედს წეგუებული ადამიანები გულგრილად შეჰყურებდნენ ზეცას, როგორც რამდენიმე წუთის შემდეგ მათი ბედი უნდა გადაეწყვიტა. კულმინაციას მიღწეულმა უსუსურობამ საბოლოოდ მოსპო ადამიანები. ახლა მათ ნაცვლად ხორცით შევსებული სხეულები იდგნენ მხოლოდ. მაგრამ მოხდა სასწაული — დაუჯერებელი ამბა-

ვი. ჩრდილოეთიდან ასტეროიდს უცნობი შუშუნა მიუახლოვდა მოჩვენებასავით უეცრად გაჩნდა ჟანგისფერ ცაზე. ასტეროიდი შეიჭრა. ყველაფერი იმდენად სწრაფად და იმდენად მოულოდნელად მოხდა, რომ ადამიანები ვერაფერს მიხვდნენ. იდგნენ ძველებურად და უიმედოდ შეპყურებდნენ ზეცას. შუშუნა ასტეროიდის ბულში შევიდა, მზესავით გაბრწყინდა. მისმა ელვარებამ თვალები მოსჭრა ადამიანებს. მხოლოდ ვამეხი იდგა თვალგახელილი და სუნთქვაშეკრული ქანდაკივით. აფეთქების ტალღამ პლანეტამდე მოაღწია. ელექტრომაგნიტურ გრიგალად გადაუარა. ჯაძხახებივით აცეკვდნენ ხელსაწყოების ისრები. დასახლება წამით უარყოფითად დაიშრება. ჩამობნელდა. შერე ერთდროულად აენთო ყველა ნათურა და ორანჟერეის დამცველ ფარს ლურჯი ელვის დაქსაქსული ტოტი მოსწყდა. დაიქუხა. ადამიანები შეკრთნენ, გამოერკვნენ. მაგრამ აღარც ასტეროიდი ჩანდა და აღარც შუშუნა, მათ ადგილას ჟანგისფერი ღრუბელი უცნაურად იწლანებოდა და მთელ კოსმოსს ედებოდა. ბოლოს ისიც გაქრა. ცა გადაიწმინდა და პლანეტაზე ორფერიანობა დამკვიდრდა.

— „ნუთუ გადავრჩით, — ოფლი მოიწმინდა შეფმა, სავარძელში ჩაჯდა. ზურგს მიესვენა. თვალეები დახუჭა. — ერთი წუთის შემდეგ ყველაფერი უაზრობა იქნებოდა... წარმოუდგენელი სიზუსტეა, წარმოუდგენელი თავდადება“.

ვამეხს ნერვი არ შერბნევია ფერმკრთალ სახეზე, მხოლოდ შურით გაიფიქრა: „რა ძალა იყო, რა ფერები!“ მიამ მექანიკურად ჩართო შორეული კავშირის ბლოკი. ტური და რიო ხელიხელგადაჩვეულნი იდგნენ, სულელურად უღიმოდნენ ერთმანეთს. ვილაცამ ორანჟერეის დამცველი ფარი გახსნა. დარბაზში ლაცლაცა ლურჯი ფერი გაიბნა. ისევ ამოქმედდნენ საავარიო რობოტები. ალფა ცენტავრა ბ — 105 პლანეტის შორეული დასახლება თანდათან ჩაღვა ცხოვრების ჩვეულებრივ კალაპოტში.

— საინტერესოა, ვის უნდა ვუმაღლოდეთ გადარჩენას, — დაარღვია ერთფეროვნება რუმმა.

— ვინ იცის? — უფრო თავისთვის თქვა შეფმა. — ფაქტია მხოლოდ, რომ უბედურები ჩვენს გადარჩენას შეეწირნენ. საკუთარი სიცოცხლის ფასად სხვისი გადარჩენა ეწინააღმდეგება კოსმოსის მკაცრ კანონს. ვინ იყვნენ ნეტავ? რომელ ცივილიზაციას ეკუ-



თვნიდნენ? ან კოსმოსის ამ მხარეში რას დაეძებდნენ? ექვნი ვინაა-
ლაფერ ამას რაიმე კავშირი აქვს დიდ ლაპარაკთან, უცნობი სამ-
ყაროს ტელეცენტრთან?..

— საოცარი ძალის აფეთქება იყო, — თქვა ვამეხმა და მცირე
დუმილის შემდეგ დაუმატა: — ახალი მზის დაბადებას ჰგავდა.

— ძლიერი იყო, — დაეთანხმა რუმი, — ვერცერთი ტრანსგა-
ლაქტიკური შუშხუნის კაპიტანი ვერ გაბედავდა მოხეტიალე ას-
ტეროიდთან მიახლოებას, ღრმად დარწმუნებული რომ არ ყოფი-
ლიყო გადაწყვეტილების სისწორეში. კოსმოსის ეს წმინდათა წმი-
ნდა კანონი ყველასათვის კარგადაა ცნობილი.

— იქნებ შუშხუნა მართული იყო და...

— ჩუმად, მეგობრებო, ჩუმად, — მგონი ისევ სიგნალებია.

ყველა მისა გარშემო შემოიკრიბა. მიმღებიდან მართლაც ის-
მოდა გაურკვეველი შინაარსის სიგნალები. სიგნალები ხან ძლიერ-
დებოდა, ხან სუსტდებოდა, ეტყობოდა, გადამცემი სადგური
მოძრაობდა.

— კოსმოსური დამახინჯებებია, -- დაასკვნა შეფმა. მერე გას-
წორდა და ვამეხს მიუბრუნდა: — თქვენ, მგონი, მადნის მორიგი
პარტიის გაყვანას აპირებდით დედამიწის მახლობელ ორბიტაზე?

— დიახ, მაგრამ...

— შეგიძლიათ გაგზავნოთ. თქვენს განკარგულებაში ოცი წუ-
თია. იმოქმედეთ.

ვამეხი სწრაფად გავიდა ოთახიდან. კიბეები ჩაირბინა, ვაკუუმ-
ოთახში შევიდა. მეზღრას გაუღიმა და სკაფანდრის ჩაცმა დაიწყო.
ყველაფერი მოირგო, ყველა საკეტი ჩაკეტა. ჟანგბადის მარაგი შე-
ამოწმა. ავტომატური სუნთქვა ჩართო და უწყვეტ ლენტზე დადგა.

ყველგანმავალი მეხუთე ანგარში გელოდება, — ჩასძახა პირა-
დი კავშირის მიკროფონში მეზღრამ და მიღებაზე გადართო აპარა-
ტი.

ვამეხმა პასუხად ხელი ასწია. უწყვეტი ლენტი ამოძრავდა და
მალე იგი ვაკუუმკარის იქით გაუჩინარდა.

მია და რუმი შეფის ოთახის გამჭვირვალე კედელთან იდგნენ.
შორს, სასტარტო მოედანზე, ელექტროამჩქარებლის სპეციალურ
ლულაში ვამეხიდის მადნის მოიაგ პარტიას ტვირთავდნენ. გამა-



წონასწორებელი გირაგები წინ და უკან დაგორავდნენ და საოცრად ბზინავდნენ ორფერი მზის შუქზე. კოშკურა ამწეები სასაცილოდ დაცოცავდნენ მადანთმსროლელის გარშემო. ფაქიზად ამოძრავებდნენ საცეცის მსგავს მექანიკურ „ხელებს“. სკაფანდრებში გამოწყობილი ხალხი თეთრთავა ხოჭოებივით დაბობღავდნენ სასტარტო მოედანზე. ვამეხი მადანთმსროლელის კონტაქტებს ამოწმებდა. როცა დარწმუნდა, რომ ყველაფერი რიგზე იყო, ხელი ასწია. სასტარტო მოედანი უცებ დაცარიელდა. მომსახურე პერსონალი ღრმა, დაბეტონებულ სამალებში გაუჩინარდა. მადანთმსროლელის ლულა შეიბრა, აიწია და ვერტიკალურ მდგომარეობაში გაჩერდა. ვამეხმა ერთხელ კიდევ ყველაფერი თავიდან შეამოწმა და ყველგანმავალში ჩაჯდა.

„ერთი წუთის შემდეგ გავარდება“, — გაიფიქრა მიამ და შეფს გადახედა. შეფი თითქოს მიუხედა.

— მე ყოველთვის განსაკუთრებულ სიამოვნებას მგვრის მადნის გაგზავნა, — თქვა მან, — როდესაც კოსმოსში მადნის მორიგი პარტიის გაგზავნას ვუყურებ, მჯერა, რომ ჩვენს შრომას უქმად არ ჩაუვლია.

— ლამაზი სანახავია, — ჩაურთო რუმმა.

— კიდევ წამი და გავარდება, — თქვა მიამ.

— დროა. რატომ აგვიანებს ნეტავ? — შეწუხდა შეფი. — ყოველმა დაკარგულმა წუთმა შეიძლება საბედისწერო შედეგი გამოიღოს.

პირადი სარგებლობის მიმღებიდან ვამეხის აჩქარებული ხმა მოისმა:

— მადანთმსროლელი არ ირთვება. დენის წყარო განიმუხტა. მაგნიტური ველი მერყეობს. მოსალოდნელია ქარიშხალი. როგორ მოვიქცე?

დაგვიანება ყოვლად დაუშვებელი იყო. შეფი გადამცემთან მივიდა და მთელი ხმით ჩასძახა:

— გამორთეთ აპარატურა!

წესიერად წინადადება დამთავრებული არა ჰქონდა, რომ კოსმოსზე დაკვირვების პუნქტიდან ცნობა მოვიდა:

— მეოცე პარალელიდან დასასწავლას უცნობი უშუხუნა უახლ-



ოვდება. წრიულ ორბიტაზე გადადის. მოსალოდნელია დაშვება. კავშირის ვერ ვამყარებთ.

შეფი წამით დაიბნა. აღარ იცოდა, რა მოემოქმედა, საიდან ელოდა საშიშროება. ან რას ნიშნავდა უცნობი შუშხუნის ხელმეორედ გამოჩენა. რა კავშირი ჰქონდა ყველაფერ ამას ერთმანეთთან. ბოლოს ესლა მოისაზრა: ვამეხს უკან დაბრუნება უბრძანა. თქმა ვერ მოასწრო, რომ გარე სამყაროსთან კავშირის მიმღებიდან ისევ მოისმა გაუგებარი სიტყვები. ამჟამად გარკვევით.

— ურბა. ეკო. ბო.

მიმღები ხრიალებდა. დროდადრო ამ ხმაურს ადამიანური ხმები ჩაერთვოდა, მაგრამ მეტისმეტად სუსტად, სიტყვას ვერ გაარჩევდით. უცნობი შუშხუნა უკვე თვალითაც კარგად ჩანდა. პაწაწკინტელა მნათი წერტილი საოცრად სწრაფად იზრდებოდა. მან უკვე მიიღო გარკვეული, ტრანსგალაქტიკური ტიპის, შუშხუნის ფორმა. ცაზე ვეებერთელა წრე მოხაზა და ტყვიასავით წამოვიდა დასახლებისაკენ. საკუთარი სიმეტრიის ღერძის ირგვლივ შემობრუნდა. შექანდა. ელვისუსწრაფესად გაიარა სიჩქარის დაკარგვის ზონა. თითქმის აღარაფერი დარჩა დასახლებამდე. ათასი მეტრი.. ხუთასი... სამასი... შუშხუნა შეტორტმანდა. წამით გაქვავდა, შერე ამოტრიალდა და სისხლისფერი ამორტიზატორებით ხარხარად დაეშვა სასტარტო მოედანზე.

— მაღალი კლასის პილოტაჟია, — ველარ დაფარა რიომ ალტაცება.

მადანთმსროლელის კონტაქტებზე მოჭარბებულმა დენმა ფეთქებ-ფეთქებით გაირბინა და გამაყრუებელმა გრუნხუნის ხმამ ყურთასმენა წაიღო. ვამეხიდის მადნის მორიგი პარტია დედამიწაზე გაგზავნა.

— დავიღუპეთ, — ამოთქვა ნირწართმეულმა რუმმა. — დავიანებით გასროლილი ტვირთა სხვა ორბიტაზე გავა და დედამიწას დააზიანებს.

— სასწრაფოდ გაიანგარიშეთ ტრანექტორია და, თუ ტვირთი ავარიულ ორბიტაზე გავიდა, მგვრეველი რაკეტები დაადევნეთ. კოსმოსის რომელიმე თავისუფალ კვადრატში ააფეთქონ. ეს როგორ მოუვიდა ვამეხს, — თქვა შეწუხებულმა შიფმა.

მაგრამ საყვედურების დრო აღარ იყო. სასტარტო მოედნიდან



ზარდაცემული მუშები გამორბოდნენ. ვამეხის ყველგანმავალი გილზე ძიგძიგებდა. უცნობი შუშხუნა თანდათან წითლდებოდა. მერე მზესავით გაბრწყინდა და სასტარტო მოედანი ორთქლასა და მტვრის ბუღში გაეხვია. როცა ჰაერი დაიწმინდა, აღარც სასტარტო მოედანი იყო და აღარც მადანთმსროლელი თავისი დამხმარე სათავსოებით. ყველაფერი სიზმარივით გამქრალიყო. მარტო ვამეხის ყველგანმავალი ეგდო აყირავებული გზის პირას.

— მოამზადეთ მაშველი ჯგუფი! — ბრძანა შეფმა. ყველა შემოსასვლელი ჩაკეტეთ და კიბერნეტიკული მცველები მიუჩინეთ. სადისპეტჩეროში ჩადით. სწრაფად, რაღას უდგეხართ!

მამ სულმოუთქმელად გაირბინა დერეფანი და სადისპეტჩეროში შესვლისთანავე სათვალთვალო საკანი გახსნა. თითქოს არაფერი შეცვლილიყო. თუმცა ვამეხის ყველგანმავალი შეირბა. ისიც გამოჩნდა, ორადმოხრილი გამოფორთხდა გზაზე და გამოიქცა. ისევ გაბრწყინდა შუშხუნა და უცებ გაჰქრა ყველგანმავალი. ვამეხმა წაიფორხილა, დაეცა. მერე ძლივს აითრია წელი და ისევ გამოიქცა.

— სასწრაფოდ გახსენით შემოსასვლელი კარები! — იყვირა მოამ. — გაამზადეთ ეაკუუმოთახი!

გამეორება არ დასჭირდა. მეზდრამ ჯამბაზივით აათამაშა თითები სამართავ პულტზე. როდესაც ატმოსფერულმა წნევამ ნორმალურს მიადწია, კარები გახსნა, მოძრავი იატაკი ჩართო. ვამეხმა არაფრისმთქმელი მზერა მოავლო ოთახს, დაბარბაცდა და ხელებგაშლილი დაეცა იატაკზე. რისხვით აესიღმა მამ შუშხუნისაკენ გაიხედა და ყელში მომდგარი ბოღმა ნერწყვს გადააყოლა.

უცნობი შუშხუნის ზედა საძრომიდან უცნაურემბლემიანი, დროშისმაგვარი რაღაც გადმოეკიდათ.

ვამეხმა ოდნავ ასწია დამძიმებული ქუთუთოები. შუბლშეკმუხნულმა შეათვალიერა ოთახი. თითქოს რაღაცას ეძებსო, ყველაფერს აკვირდებოდა. უხალისოდ წამოდგა. რობოტ მედდასთან მივიდა. სპეციალურ კრილში ჩაჰყო ხელი.

— ტემპერატურა ნორმალური, — მოისმა მიმღებიდან. — უმნიშვნელო ნევროზი, პერიოდული სპაზმები. საერთო სისუსტე, მკურნალობის იგივე რეჟიმი.

ვამეხს ირონიულად გაეღიმა. აპარატი გამორთო. კარგა ხანს



იდგა გაუძირველად, თავჩაქინდრული. უდროოდ გაგზავნილი წერილი ერთი მოაგონდა. შუქთა ფეიერვერკი, ქუხილი, ახლაც რომ ხარავს სმენას. ტკივილი, არაადამიანური ტკივილი. მერე აღარაფერი ახსოვს. ახსოვს მხოლოდ, რომ ინსტინქტურად მოძრაობდა. გარბოდა, გარბოდა შორს — უსასრულობაში, ფერთა სამყაროში.

ბეჭები გაშალა. ჩაცმა დაიწყო. ვერცხლისფერბალთიანი ქამარი შემოიკრა წელზე. სქელლანჩიან ფეხსაცმელებში წაყო ფეხები. ამკრეფით შეიკრა თასმები. ადგა. წვერზე ხელი მოისვა, შუბლი მოისრისა.

„კარგა ხანს მძინებია, — გაიფიქრა მან. — ოთხდღენახევარი დედამიწის დროით. — გაეღიმა. მეხუთე წელია აქ არის და ვერაფრით ვერ შეეჩვია ადგილობრივ დროს. გვერდი ასტივდა, დაიღრიჯა. — ჯოჯოხეთი იყო, — ტკივილმა გაუხსენა ისევ. — წამით რომ დამეგვიანა, ტყვიის პატარა ჭურჭელი და მკედართა ორბიტა არ ამცდებოდა. იქნებ, უკეთესიც იყო...“

ცისა მოაგონდა, მერე უცნობი ტელეცენტრის დიქტორი, ისევ ცისა და ყველაფერი თავიდან.

„საოცარია, — ფიქრობდა ვამეხი, — რატომ ჩაერთო მადანტ-მსროლელი დაგვიანებით? ნუთუ გაანგარიშებაში შევცდი?.. შეუძლებელია. რამდენადაც მახსოვს, ყველაფერი რიგზე იყო... იქნებ გასროლასა და უცნობი შუშხუნის გამოჩენას შორის რაიმე კავშირი არსებობს? იქნებ...“

ხელი ჩაიქნია, ოთახიდან გავიდა. ისე გაიარა ორანჟერეა, არავინ შეხვედრია. არ ესიამოვნა. ასეთ დროს აქაურობა სავსე იყო ცვლიდან თავისუფალი ხალხით. ნაბიჯს აუჩქარა. ერთ-ერთ კოშკზე მემონტაჟეები შენიშნა, ახალ პელიოელექტროსადგურს ამონტაჟებდნენ. მოეჩვენა, თითქოს მუშები ჩქარობდნენ და, საერთოდ, ყველგან და ყველაფერში შინაგანი დაძაბულობა იგრძნობოდა. კოსმოექსპერიმენტული ფიზიკის შენობას ჩაუარა, გზა გადაჭრა და ფართო, გამჭვირვალე კარები შეაღო. ფეხაკრეფით შევიდა დარბაზში, განმარტოვდა. ლაპარაკობდა რუმში.

— ყურადღებას იპყრობს, — ამბობდა, — იგი, — შუშხუნის ზედა კარიდან გადმოფენილი ემბლემები. იგი საოცრად ჰგავს ახალ ზელანდიაში აღმოჩენილ ნიშნებს. მაშინ ეს ნიშნები ორმხიანი სისტემის გამომსახველ სტილიზებულ ემბლემებად მიიჩნიეს. დღეს



ეს მოსაზრება უფრო მტკიცდება. შუშხუნის აგრესიულობა სრულიადაც არ განსაზღვრავს მის დანიშნულებას, რაც შეეხება ბიორობოტებს, ჩემი აზრით, მათი არსებობა არ არის გამორიცხული.

— საეჭვოა, რომ ბიორობოტები ჩვენს მოსასპობად ან ჩვენს გადასარჩენად იყვნენ დაპროგრამებული, — ჩაუბრუნო ვიღაცამ დაბაზიდან.

— დასაშვებია. — დაეთანხმა რუმი. მაგრამ რითი ავსნათ მათი უმოქმედობა? შუშხუნა, რომელმაც დასახლება განადგურებისაგან იხსნა, დუმს. სად არის ლოგიკა? არა, მეგობრებო, ასე მხოლოდ მანქანები იქცევიან. ისინი დაპროგრამებული არიან და, სამწუხაროდ, ყველა მოსალოდნელი შემთხვევა გათვალისწინებული არ არის.

— პირიქით, — გაიფიქრა ვამეხმა. — შუშხუნა მიზანდასახულად და გააზრებულად მოქმედებდა. ვინ გაბედავდა ასტეროიდის აფეთქებას საკუთარი სიცოცხლის ფასად? ეს თვითმკვლელობაა, ყოვლად გაუთვალისწინებელი თვითმკვლელობა. ესეც არ იყოს... — აზრი აღარ დაამთავრა. მას აწუხებდა რაღაც იდუმალი გრძნობა და ეჭვი, მაგრამ რა, კარგად ვერ გარკვეულიყო. — ერთი რამ ცხადია, — ფიქრობდა იგი, — სასწრაფოდ უნდა გაირკვეს სტუმრების მოფრენის მიზანი. კოსმოსი ამდენად სავსეა ხიფათით, რომ ყოველგვარ მოულოდნელობას უნდა ველოდეთ.

ვამეხმა სიტყვა ითხოვა, აუჩქარებლად გავიდა წრისმაგვარ ამალღებულ მოედანზე, შუაგულში დადგა.

— ჩემი აზრით, — სმდაბლა დაიწყო მან, — დროა დაცვაზე ვიზრუნოთ. — დაბაზს ჩოჩქოლმა გადაუარა. ვამეხი მცირე ხნით დადუმდა და ისევ განაგრძო: — ასტეროიდი და უცნობი შუშხუნა ერთ სიბრტყეში მოძრაობდნენ. ეს თითქმის უკვე დადგენილია. მაშასადამე, დაჯახება გარდუვალი იყო. შუშხუნა იძულებით მოქმედებდა. კაცთმოყვარეობა გამორიცხულია. მათ, უბრალოდ, სხვა გამოსავალი არ ჰქონდათ. ამიტომაც უკიდურესი, მაგრამ სწორი გზა აირჩიეს. საჭიროდ ვთვლი, მოგაგონოთ ყველასათვის კარგად ცნობილი მეექვსე ექსპედიციის ტრაგიკული ბედი. ანალოგია, ვფიქრობ, ზედმეტი არ იქნება. რაც შეეხება ბიორობოტებს, თუ აღამიანის მსგავს არსებებს, ამას მომავალი გვიჩვენებს. ეს არ არის პირველგადასაწყვეტი საქმე.



— ვამეხი მართალია. — წამოიძახა ადგილიდან რომცევაზე ფიქრი არ გვაწყენდა. უცნობი სამყაროს ცივილიზაციის რომოდგენლებთან კონტაქტები ყოველთვის ხიფათიანია. ხშირად, რაც ჩვენთვის გონიერულია. მათთვის სულელურია და პირიქით. შეხედეთ, მეგობრებო, მგონი ჩვენმა სტუმრებმა გაიღვიძეს.

ყველა გამჟვინვალე კედლისაკენ შეტრიალდა. პირველად ვერაფერი შენიშნეს. შუშხუნა ძველებურად იდგა უანგმოდებულყოფილ სასტარტო მოედანზე. როცა უფრო დააკვირდნენ, მაშინღა შეამჩნიეს განსხვავება. ვამეხს მოეჩვენა კიდეც. თითქოს შუშხუნამ ფერი იცვალა. ყურადღება გაამახვილა. შუშხუნა ამკარად წითლდებოდა. შეირხა. სულ ზემოთ, წვერში, მრგვალი კარი ამოიხრანდა და მის შავ ნახვრეტში წითელი სფერო გამოჩნდა. ერთ ხანს გაუნძრევლად იყო, შემდეგ გადმოვარდა. მიწაზე დაეცა, რამდენჯერმე შეხტა და შუშხუნის ძირში ჩავიწვინდა.

ვამეხს გაეღიმა.

შუშხუნამ ისევ იცვალა ფერი. გავარდისფერდა. კარებში ვარდისფერი სფერო გამოჩნდა. ისიც პირველივეთ გადმოვარდა. რამდენჯერმე შეხტა და შუშხუნის ძირში გაუჩინარდა.

— იქნებ ფერთა ცვლა რაიმეს ნიშნავს, ან სფეროთა ცვენა თავისებური შორზეს ანბანია? ათი, თერთმეტი, თორმეტი, — დაიწყო რუმმა თვლა. — ცამეტი.

როდესაც სხვადასხვა ფერის სფეროთა რიცხვმა შუშხუნის ძირში ცამეტს მიადწია, ერთრიგად გამწყრივდნენ და დასახლებისაკენ გამოგორდნენ. ხტუნვა-ხტუნვით მოგორავდნენ. მაგრამ რიგს არ არღვევდნენ. უახლოეს გორაკზე ავორდნენ. შუაგადაიხსნენ.

ამას კი არავინ მოელოდა. გადახსნილ სფეროთა შორის საოცრად დიდთავა სფეროელნი იდგნენ. საცეცის მსგავსი სამი ფეხი პირდაპირ თავზე ჰქონდათ გამობმული. თავის ქვედა ნახევარი თმას დაეფარა. ზედა ნახევარზე ერთადერთი თვალი მუწყუკივით აჯდათ. თავის ძირში, იქ სადაც ფეხები იწყებოდა, ბრჭყვიალა მილისმსგავსი რალაც ეკიდათ.

სფეროელნი შეჯგუფდნენ. თითო საცეცი თავებზე დაადეს ერთმანეთს. კარგა ხანს იდგნენ ასე. მერე ყველამ ერთდროულად ჩამოიღო საცეცი. გახსნილ ნახევარსფეროთა შორის დადგნენ და სფეროები შეიკრნენ.



— ტელეპატიური მართვის პრინციპია. — თქვა რუმმა.

— მართალი იქნებოდნი, ადამიანები რომ იყვნენ, — შეეპასუროს რუმმა. — ამათ ისევე უსმით ტელეპატია, როგორც მე ანტისამყაროს წარმომადგენლის ენა.

რუმი მიხვდა, რაზედაც მიანიშნებდა ვამეხი. იწყინა, მაგრამ არ უპასუხა და მზერა ისევე შუშხუნისაკენ გადაიტანა.

სფეროები მიწოდორზე გაიშალნენ და დასახლებისაკენ გამოგორდნენ ერთნაირი სიჩქარით. ერთმანეთისაგან ერთნაირად დაშორებულნი. ხშირად იცვლიდნენ მიმართულებას, როდესაც დასახლებას მიუახლოვდნენ, ერთი სფერო დაწინაურდა, მიწაყრილზე აგორდა, გადაიხსნა. სფეროელი ერთ საცეცხე აიწურა, გაიჭიმა. დანარჩენი ორი თავზე შემოიწყო, თითქოს მზეს იჩრდილავსო. სამკუთხა პირი ააცმაცუნა. გარე სამყაროსთან კავშირის მიმღები ახრილდა. მია მაგიდას მიუჭდა და თვითნებურად ჩართული მიმღები ნორმალური მუშაობის რეჟიმზე გადაიყვანა.

— ურბა, ეკო, ბო, — მოისმა მიმღებიდან. ეტყობოდა მიმღების სფეროელის სალაპარაკო ტალღაზე ჩაერთო.

— როგორ მოვიქცე? — იკითხა მამა.

— იგივე უპასუხე, — თქვა რუმმა. — საინტერესოა რა დაემართება. როდესაც საკუთარ ენაზე მოისმენს პასუხს.

მამა თხოვნა შეუსრულა. მიწაყრილზე მდგომმა სფეროელმა შუბლთან მიტანილი საცეცხეები ჩამოიღო, აცახცახდა. თავი დაუნაოჭდა, დაიგრიხა. ხტუნვა დაიწყო. ქვემოთ მდგომმა სფეროელებმაც იგივე გაიმეორეს. ბოლოს ზემოთ მდგომი სფეროელი თითქოს დამშვიდდა. ნახევარსფეროთა შორის დადგა. სფერო შეიკრა. სხეებიც ასევე მოიქცნენ და შეკრული სფეროები შუშხუნისაკენ გაგორდნენ.

— მგონი, ავჩქარდით. — ჩაილაპარაკა შეფმა. — უფრო სერიოზულად უნდა მოგვეფიქრა პასუხი.

— დალახვროს ეშმაკმა, — თქვა რუმმა. — ვერცერთ კოსმიურ კატალოგში ვერ იხილავ მსგავს ფორმებს. იქნებ შევცდი და ბიოციბერნეტიკული მანქანები მატერიის უმაღლეს ფორმად მივიჩინე? საინტერესოა, როგორ შეათვას ანალიზატორმა მისი ლაპარაკი?

— უარყოფითად.



— უცნაურია, მეტისმეტად უცნაური, — ჩაიდუღუნა რუმმა და ციფრებად ჩამწკრივებულ ანალიზატორის პასუხს თვალებში ავლო.

ვამეხი სამზერ საკანთან იდგა და საუბარში არ ერეოდა. ძველებურად უყურებდა შუშხუნას, რომელმაც ისევ იცვალა ფერი, ახლა მეორე კარი გაიღო პირველის ქვემოთ და სხვადასხვა ფერის სფეროელებმა უწესრიგოდ დაიწყეს ცვენა. ჭაჭვივით გაიჭიმნენ შუშხუნასა და გორაკს შორის. უცნაური ფორმის საგნების გადაწოდება დაიწყო. ზოგჯერ გორაკზე მდგომი სფეროელი რომელიმე საგანს უკან აბრუნებდა, უმეტესობას კი იჭვე, რომოში ყრიდა. დროდადრო ორმოდან ცეცხლის ენა ამოიწვევებოდა.

— ისე იქცევიან, თითქოს ჩვენ საერთოდ არ ვარსებობდეთ, — შენიშნა ვამეხმა.

— ადვილი შესაძლებელია, მათთვის მართლაც არ ვარსებობთ, — უპასუხა რუმმა. — კაცმა არ იცის, რა არის მათთვის ცივილიზაცია. იქნებ, მათი თვალსაზრისით, ჩვენ მატერიის სწორედ ის ნაწილი ვართ, რომელიც უნდა მოისპოს, როგორც სარეველა ბალახი.

— თქვენი არ ვიცი და მე კი, რატომღაც მანერვიულებს მათი უყურადღებობა, — ჩაერია მია საუბარში.

— თუ ჩვენს სტუმრებს თუნდაც მხედველობის უნარი გააჩნიათ, უნდა მიხვდნენ, რომ აქ ყველაფერი შოაზროვნე არსებების გაკეთებულა. სამყაროში არსებობს გარკვეული კანონზომიერება, რომლის საფუძველზე...

— ჩვენი თვალსაზრისით, მართალია, — შეაწყვეტინა მია, — მაგრამ კოსმოსში ჩვენი შეხედულებები სავალდებულო არაა. ყველას კარგად გახსოვთ...

— იქნებ, ჩვენს სტუმრებს შუშხუნა დაუზიანდათ ან საწვავი შემოაკლდათ და აქ აპირებენ მის შევსებას, — თქვა ამ ხნის განმავლობაში ჩუმად მდგარმა რიომ.

— სამწუხაროდ, გარკვევით არაფრის თქმა არ შეიძლება. — დაასკვნა შეფმა. — უმჯობესია ახლა დავიშალოთ და ყოველმა ჩვენგანმა კარგად აწონ-დაწონოს შექმნილი მდგომარეობა, ერთი საათის შემდეგ ისევ შევიკრიბოთ. იქნებ ამ დროისათვის კონკრეტული წინადადებები შევიმუშაოთ.

ხალხი თანდათან გაიკრიფა. დარბაზში მხოლოდ ვამეხი ზდრა დარჩნენ. ვამეხი სავარძელს მიუახლოვდა, მაგრამ დაჯდომა გადაიფიქრა და სამხერთან მივიდა.

— რამდენ ხანს დაავციანდება ცვლას? — იკითხა მან.

— ახალი წლის პირველ დღეს ჩამოვლენ, — უპასუხა მეზდრამ. ვამეხმა დროის მრიცხველს შეხედა, გაიფიქრა:

„ახალწლამდე ჩვენებური ოცი დღეა“, — ღრმად ამოისუნთქა. სამხერს მოსცილდა და ხმამაღლა დაუმატა: — დაუგვიანია როდესმე ცვლას ან ღროზე ადრე მოსულა?

— არა, ასეთი შემთხვევა არ ყოფილა.

— როდის შემოვლენ ჩვენთან კავშირის ზონაში?

— მოფრენამდე ორი დღით ადრე. ყველაფერი მარშრუტზე დასიჩქარეზე დამოკიდებული. ჩვენ არც მარშრუტი ვიცით და არც სიჩქარე.

„მაშასადამე, ახალ წლამდე როგორმე უნდა გავძლო, — გაიფიქრა ვამეხმა. — ჩვენების მოფრენის შემდეგ კი ძალები გათანაბრდება, თავდასხმას ვეღარ გაბედავენ.“ — იარალი თუ გაგზაჩნია? — იკითხა ხმამაღლა.

— ათიოდე მოძველებული სისტემის ატომოკარაბინი, ოთხი ბეტატრონი და საშუალო რადიუსის რამდენიმე ელექტროიმპულსატორი.

— ცოტაა, — ჩაილაპარაკა ვამეხმა.

საუბარში შეუმჩნევლად გაიღია დრო. დარბაზი ისევ შეივსო ხალხით. მოდიოდნენ ჯგუფ-ჯგუფად და ცალ-ცალკე. ზუსტად დანიშნულ დროს ყველა ადგილზე შეიკრიბა. შეფი უგუნებოდ იყო, განმარტობით დაჯდა. თავჩაქინდრული უსმენდა კოლეგებს. ხმას არ იღებდა. ბოლოს თავი ასწია და თვალი მოავლო დარბაზს.

— მდგომარეობა თანდათან რთულდება, — წყნარად დაიწყო მან. — ინფრაწითელი სხივებით დაზვერვამ — შედეგი არ მოგვცა. რადიოკავშირის დამყარებაზე ლაპარაკიც ზედმეტია. სფეროელნი უგულუბელყოფენ ჩვენს არსებობას. გაურკვეველი დანიშნულების მშენებლობით არიან გართული. ჩქარობენ. დედამიწიდან ცვლა მხოლოდ ახალ წელს მოფრინდება, ჩვენი დროით ოთხას ოთხმოცსაათში. ეს დიდი დროა, ამიტომ ზოგიერთი საკითხი ახლაც უნდა გადავწყვიტოთ.



— მგონი ვაზვიადებთ მდგომარეობას, — ჩაუბრუნა ვიმეორებ: ჩვენს წინაშე არიან მაღალცივილიზებული ერის წარმომადგენლები. ცივილიზებული ერი კი შეუძლებელია აგრესიულად იყოს განწყობილი. ნუთუ უნდა მოგაგონოთ კოსმიური კოდექსის მეექვსე ჰეგემონია?

— კოდექსებით ლაპარაკი არას გვარგებს. კონკრეტულად რა-მეს თუ გვთავაზობთ? — შეეკითხა რუმი.

— მე ვფიქრობ... — წამოიწყო რომ, მაგრამ ვამეხმა აღარ დაამთავრებინა აზრი.

— სტუმრები წიგნში წაკითხულ დანაწევრებულ სახელმწიფოთა დროინდელ დედამიწისეულ მეკობრეებს მაგონებენ. — ვამეხი დარბაზის შუაგულში გავიდა. — ხოლო თუ კანონების მოგონება საეკლესიოა, მეც შეგახსენებთ ზოგიერთს: „როდესაც დასახლება ან ტრანსგლავიკური შუშუნის ეკიპაჟი გარდუვალი საშიშროების წინაშე აღმოჩნდება, უცნობი ცივილიზაციის აგრესიულად განწყობილი ობიექტი დაუყოვნებლივ უნდა მოისპოს.“

— შეუძლებელია! — აღშფოთდა რუმი. — ეს ბარბაროსობაა. კანონები ძველდება, ძველდება ჩვენი შეხედულებები საგნებსა და მოვლენებსზე. ჩვენ დავკარგავთ უცნობ ცივილიზაციასთან კავშირის დამყარების ერთადერთ და, ვფიქრობ, უკანასკნელ შესაძლებლობას. ჩვენი მორალური კოდექსი...

— რას იზამთ, — შეაწყვეტინა ვამეხმა, — ასეთია კოსმოსის უღმობელი კანონი. ჩვენ ვალდებული ვართ, დავემორჩილოთ მას.

— გამოუსწორებელ რომანტიკოსად დარჩები, — თქვა რუმმა, მხრები აიჩეჩა, ხელები გაშალა. — საიდან გამოჩხრიკა კოსმოსის მეკობრენი.

— მეტი სერიოზულობა გვმართებს, — შენიშნა შეფმა. — თავისთავად ცხადია, გამოსავალი არსებობს, საჭიროა მხოლოდ მისი პოვნა. როდესაც ასტეროიდი გვიახლოვდებოდა, ჩვენ უსუსურები ვიყავით. ახლა ჩვენი და მოწინააღმდეგის ძალები თითქმის თანაბარია. მხედველობაში მიიღეთ: მალე მეწამული ღამეები დაიწყება და არავინ იცის, როგორ მოიქცევიან ჩვენი დაუპატიებელი სტუმრები.

— უნდა ვცადოთ, მოველაპარაკოთ, — თქვა რუმმა, — იქნებ ანალიზატორმა გვიჩიოს რამე.

რუმმა დისკი შეარჩია, გამომთვლელი მანქანის კრილში
შვა, ჩართო. თანდათან გახურდა „ტვინი“. პასუხების განყოფილებაში პირველი ციფრები გაჩნდა. დეშიფრატორმა ასოების გამოყვანა დაიწყო, როდესაც გამაყრუებელმა გრუხუნმა ყურთასმენა წაიღო, შენობა შეირყა. მინები აზრიალდა. აპარატურა გამოირთო. საგრძნობლად იკლო შუქმა. ვამეხი სამზერი საკნისკენ შეტრიალდა. მეოთხე ვაკუუმკარის წინ ზეატყორცნილი მიწა ნარნარად ჩამოიშალა, ჰაერი დაიწმინდა. გორაკზე სფეროელნი გამოჩნდნენ. უცნაურად ასაგსავებდნენ საცეცეშს, ხტოდნენ, იგრიხებოდნენ. ხან სოკოსებრ ნაგებობას მიესეოდნენ. საცეცებს უთათუნებდნენ. კმაყოფილები ჩანდნენ.

— საცდელი გასროლაა, — თქვა ვამეხმა. — როდესაც ამ უცნაური ნაგებობის მონტაჟს დაამთავრებენ, გვიან იქნება. ლოდინი აღარ შეიძლება. წავალ, ვცდი. თუ საერთო ენა ვერ გამოვნახე, შუშხუნის სამანქანო განყოფილებას ავაფეთქებ. ვეცდები, სფეროელნი არ დაეაზიანო.

— შენ?

— დიახ, მე.

შეფმა თვალი მოავლო დარბაზს, იკითხა:

— როგორია თქვენი აზრი?

დარბაზი გაისუსა. სფეროელთა საცდელმა გასროლამ მოულოდნელად შეცვალა განწყობილება. ახლა თითქმის ყველასათვის ნათელი გახდა სტუმართა განზრახვა. მშვიდობიანი მოლაპარაკების იდეა სიზმარივით გაქრა. რუმი ვამეხს მიუახლოვდა.

— დალახვროს ეშმაკმა, — თქვა მან, — მგონი მართალი ხარ. მაგრამ იცოდე, სახიფათოა, მეტი სმეტად სახიფათო... მე არ ვირჩევდი.

ვამეხს გაეღიმა.

ლურჯი მზის უკანასკნელი სხივიც მიიღია, ჩაქრა. ჰორიზონტს მეწამული ფერების ჯადოქრული გამა შეეკიდა. მიდამო ჩამუქდა. ყველაფერი ისე უცბად და ისე ძლიერ შეიცვალა, რომ გეგონებოდა, სხვაგან მოვხვდიო. დასახლებამაც იცვალა სახე. ჰელიოელექტროსადგურების ჩაზნექილ სარკეებში ათობით მეწამული მზე ათინათინდა. ადგილობრივმა დიქტორმა მოსახლეობას მოაგონა, რომ დასახლება ცხოვრების ღამის რეჟიმზე გადავიდა. სკაფანდ-



რებისა და ნებართვის გარეშე ათვისებული ტერიტორიების ფარგლებს გარეთ გასვლა, აგრეთვე შახტებისაქენ მიმავალი გზებით სარგებლობა აიკრძალა.

მია ვამეხთან მივიდა.

— ძალიან სახიფათოა, — თქვა მან. — იქნებ გადაიფიქრო?

— რა? — მექანიკურად იკითხა ვამეხმა.

— მე ბევრი წამიკითხავს მეკობრეთა შესახებ. თუ ესენი რა-ნეთი მაინც ჰგვანან მათ, მაშინ... — ხმაში ბზარი შეეპარა. აღარ დაამთავრა აზრი, თავი ჩაღუნა.

ვამეხმა თანაგრძნობით მოუთათუნა ხელი მხარზე, ნაძალადევად გაუღიმა. რაღაც ჩაილაპარაკა და ოთახიდან გავიდა. თანდათან მოუმატა ნაბიჯს, გაიქცა, სულმოუთქმელად გაირბინა დერეფანი. თავის ოთახში შევარდა. საწოლზე დაემხო და ნერვულად ჩაბლუჯა ბალიში.

„— მით უკეთესი, — ფიქრობა იგი, — ასე უფრო მალე დამთავრდება ყველაფერი... საშიშიაო?... ჰოდა, ძალიან კარგი“. — ფიქრები აერია. წამოჯდა. უაზრო მზერა მოავლო ოთახს. ისე აკვირდებოდა ყველაფერს, თითქოს პირველად ხედავსო. ადგა. სინათლე ჩართო. თაროსთან მივიდა. თვალი გაუშტერა მადნის ეტიკეტს.

„ვამეხიდი, ვამეხიდი, ვამეხიდი“... — დაუსრულებლად კითხულობდა ეტიკეტზე გულდაგულ გამოყვანილ წარწერას. ეს იშვიათი მადანი თავის დროზე ვამეხმა აღმოაჩინა და მის პატივსაცემად ვამეხიდი უწოდეს.

უცებ შებრუნდა: საწერ მაგიდასთან მივიდა. დიდხანს ეძება უწესრიგოდ გაბნეულ ქაღალდებში რაღაც. როგორც იქნა, იპოვა. ახალგაზრდა გოგონას სურათი აიღო. იქვე სავარძელში ჩაჯდა. ჩაფიქრდა. ღიმილმა გადაუარა სახეზე. რაღაც თქვა. შუბლი დაუნაოჭდა. სახე აემღვრა. სურათი მაგიდაზე ისროლა და თოფნაკრავივით წამოვარდა. თავი დააქნია.

„რა მემართება? — გაიფიქრა. — ეს რა აზრები ამეკვიატა. ნუ-თუ კოსმიურმა ავადმყოფობამ... გადავიღალე? თაროდან ანგარა-მ-მიუცემლად გადმოიღო წიგნი. სადაც მოხვდა, იქ გადაშალა. ხარჭად დაიწყო კითხვა. მალე ესეც მობეზრდა. მუსიკალურ ავტომატთან მივიდა. ცისფერი სიმფონიის შესავალი ჩართო. გაირინდა.

„ნუ წახვალ ასე შორს. განა დედამიწაზე ცოტა საქმეა? —
ჩაესმა შორეული, იღუმალი ხმა.

ვერა და ვერ მოისვენა. რაზეც არ უნდა ეფიქრა, ბოლოს მა-
ინც მისი სახე ეხატებოდა თვალწინ. მარტოობა ველარ აიტანა და
სადისპეტჩეროში დაბრუნდა.

— ხომ არ გადაიფიქრე? — შეეკითხა რუმი.

— არა! — მოსჭრა ვამეხმა.

— რახან არ იშლი, რას იზამ, ეს პორტატული რადიოგადამცე-
ში გამომართვი. — რუმმა პატარა ფირფიტა გაუწოდა. — სკა-
ფანდრიც შეგიჩჩიეთ. კომბინირებული, ორმაგი სარქველით, სა-
თადარიგო ქანგბადის ბრიკეტებით. გვიანმოქმედი ატომონაღმი და
პირადი სარგებლობის ერთი ბეტატრონი. — რუმმა ნივთები ერ-
თად დაალაგა — სულ ეს არის შენი ბარგი.

ვამეხი მაგიდას მიუახლოვდა, სკაფანდრის ნომერს დახედა.

— ჩამაცვით, — თქვა მან.

ნახევარი საათის შემდეგ ვამეხი ჩამცმელი კომისიის წინ იდგა.
ყველაფერი თავიდან შეამოწმეს. სახსრებთან დამატებითი სადებე-
ში დაუტანეს. შიგა ტანსაცმლის ნაოჭები გაუსწორეს. გათბობა გა-
სინჯეს. ახალი სისტემის ელასტიკური ხელთათმანები ჩააცვეს. ბო-
ლოს მკერდზე დამაგრებული პიროვნების გამოსაცნობი ფირფიტა
კოსმომფრენის კატალოგის ნომრით შეუცვალეს და სკაფანდრის
საყელს გამჭვირვალე მუზარადი ჩაახრახნეს. მუზარადს ორივე
შხრიდან წყვილ-წყვილი ანტენები ამოეწვერა.

— როგორ მუშაობს გადამცემი? — ჰკითხა მეზღრამ.

— ჩინებულად.

— დელავ?

— იმაზე მეტად არა, შუშხუნაში პირველად რომ ეჯდებოდი.
ვამეხი შეფის წინ ხელგაშლილი დადგა. სულ ბოლოს შეფი ამოწ-
მებდა სკაფანდრის ვარგისიანობას. იგი კმაყოფილი დარჩა ვამეხის
ჩაცმულობით. ტრადიციულად დაჰკრა მხარზე ხელი.

— კეთილი მგზავრობა. — თქვა მან.

ვამეხმა მეზღრა მოიხმო.

— ყველაფერი მოსალოდნელია, — ვამეხს უჭირდა ლაპარაკი.
— თუ ჩემი მისია ისე დამთავრდა... ხომ გესმის რასაც ვგულის-
ხმობ? — ხელი ჩაიქნია, — ერთი სიტყვით, მომავალი დიდი ლა-

პარაკის დროს, თუ ცისა გამოცხადდება, აუხსენი როგორცისა
როა... ეტყვი, რომ...

სიტყვა აღარ დაამთავრა. მუზარადი ჰერმეტულად ჩაკეტა. დის-
პეტჩერს ანიშნა მზადყოფნა. ტაბლოზე მწვანე შუქნიშანი აინთო.
მოდრავმა იატაკმა ვაკუუმოთახში გაიყვანა ვამეხი. მსუბუქად ჩა-
მოცურდა გამყოფი კედელი. ძლიერმა ტუმბოებმა უანგბადი გაი-
წოვეს. ატმოსფეროსმზომის ისარი ნულს გაუსწორდა. კარები გაი-
ხსნა. ვამეხმა უკანასკნელად ერთხელ კიდევ შეამოწმა ყველა აგ-
რეგატის მუშაობა და გასასვლელისაკენ შეტრიალდა. გასწორდა,
ცალი ხელი ასწია.

— მე მზად ვარ, — მოისმა მიმღებიდან ვამეხის ლითონისებუ-
რი ხმა.

— მშვიდობით იარე! — ჩასძახა გადამცემს მეზღრამ
ვამეხი კარებში გავიდა და სიბნელეში გაუჩინარდა.
მიამ ტელერადიოლოკატორი ჩართო.

ე ლ ჩ ო ბ ა

ვამეხი შედგა. მოიხედა. მოშავო-მოწითალო ცის ფონზე ფან-
ტასტიკურ ნახატივით ჩანდა დასახლება. განსაკუთრებით გამოირ-
ჩეოდა ჰელიოელექტროსადგურის რიგი, გაკაშკაშებული ორანჟი-
რეა. ობობას ქსელივით მოსდებოდა მთელ დასახლებას შახტებ-
თან დამაკავშირებელი დახურული „ბილიკები“. დანარჩენი ჩრდ-
ლში იყო და გარჩევა არ ხერხდებოდა. ვამეხმა მზერა შუშუნისკენ
მიმავალ გზაზე გადაიტანა. ფრთხილად გადადგა ნაბიჯი. ხშირად
ჩერდებოდა, აკვირდებოდა. ტყვიის სქელლანჩიანი ფეხსაცმელები
უსიამოვნოდ ღრჭიალებდა ლურჯად მოჭიქულ ყოფილ სასტარტო
მოედანზე, სხლტებოდნენ. ხმაურს შეეძლო სფეროელთა ყურად-
ღება მიეპყრო. ამას კი, ვინ იცის, რა მოჰყვებოდა. ვამეხი უფრო
გაფრთხილდა.

„როგორ ყველაფერი სარკესავით მოუსწორებიათ. — უკვირდა
ვამეხს. — სადღაა ელექტრომაგნიტური ზარბაზნის აუტრული კონ-
სტრუქცია, სათავსოები. რას შეეძლო გამოეწვია ასეთი ნგრევა?



ნუთუ ანტისამყაროსთან შეხებამ...“ კიდევ რამდენიმე მეტრიც წაიწია წინ. უკვე შეიძლებოდა შუშხუნის ზოგიერთი ნაწილის გარჩევა. უფრო ახლოს მივიდა. დაელოდა, როდესაც სფეროელნი გაიკრფნენ, გზა გადაირბინა და შუშხუნის ძირში, ორმოში, ჩაგორდა... ორმო არ აღმოჩნდა ღრმა, ვამეხი წამოდგა და ზურვით შუშხუნის სამართავ ფრთას მიეყრდნო. დააკვირდა.

„ეტყობა, მათ პლანეტაზეც მკვრივი ატმოსფეროა, თორემ ასეთი ფორმის ფრთებს არ გაუკეთებდნენ, — ფიქრობდა ვამეხი, — მოყვანილობითაც ძალიან წააგავს ჩვენებურ შუშხუნას, თუმცა ეს გაცილებით უფრო მასიურია და გრძელი. დასწყევლოს ღმერთმა, ერთი ნაკერი არსად ატყვია. ამხელა მონოლითის მთლიანად ჩამოსხმა არ გინდოდა?“

ორმოდან ამოფოფხდა. შუშხუნას ახედა. უსასრულოდ გრძელი ეჩვენა. ზემო საძვროში ასელაზე ფიქრიც კი ზედმეტი იყო. ლითონისმაგვარი მასალისაგან დამზადებული შუშხუნის გლუვი შინდისფერი ზედაპირი მეტისმეტად მტკიცე ჩანდა და თბილი იყო.

„იქნებ ნაღმები სამართავ ფრთებზე დამემაგრებინა, — გაიფიქრა ვამეხმა, თუმცა ეს არაფერს მომცემს. ასეთ დაზიანებას იოლად შეაკეთებენ. მაინც მოლაპარაკებას ვცდი. სოკოსებური ნაგებობისაკენ წავალ. იქნებ იქ გამიღიმოს ბედმა.“

მიმოიხედა. არავინ ჩანდა და ფრთხილად გაუყვა გზას. მოჭიქული სასტარტო მოედანი გაიარა, ვრცელ მინდორზე გავიდა. მეტეორიტის ლოდს ამოეფარა. როცა დარწმუნდა, რომ ახლომანლო არავინ იყო, რამდენიმე მეტრით კიდევ წაიწია წინ. მოხერხებულად წამოწვა ყავისფერი ქვის გვერდით. აქედან კარგად ჩანდა სოკოსებური ნაგებობა და მტვრიან მინდორზე გაკვალული გზა. გზაზე დროდადრო ჯაჭვივით გადაბმული სფეროთა რიგი გამოჩნდებოდა. იმდენად სინქრონულად მოგორავდნენ და ისე რიტმულად ირწყოდნენ, რომ ერთი მთლიანი სხეული გეგონებოდათ. სოკოსებრი ნაგებობისკენ მისრიალებდნენ, გარს უვლიდნენ, შიგნით ძვრებოდნენ და ტყვიანაკრავივით გამორბოდნენ უკან. ისევ გადაებმებოდნენ ერთმანეთს და ახლა შუშხუნისაკენ მისრიალებდნენ.

„ისევ გზაზე ვავალ, — გაიფიქრა ვამეხმა, — იქ შეიძლება მარტოხელა სფეროს გადავეყარო. უმჯობესია პირისპირ ველაპარაკო.“



იქნებ რამე გავაგებინო. თუ არა და ერთს როგორმე გავუტყულოვდე.
 დები. იქნებ სფეროც წავართვა.“

გზაზე ისევ გამოჩნდა სფეროთა კოლონა. ლამაზად მოსრიალე-
 ზდა ათასფრად გასხივოსნებული ვეებერთელა სიგრძის ცეცხლს
 ფეიერვერკო. ვამეხმა წამით თვალი მოსწყვიტა გზას და გადამცემის
 ჩართვა გადაწყვიტა. გადაატრიალა კიდევ ჩამრთველი, მაგრამ
 მისი ყურადღება ხმაურმა მიიპყრო. თავი ასწია. მისკენ მარტოხე-
 ლა სფერო მოექანებოდა. ვამეხი გაისუსა. სფერო შორიახლო შე-
 დგა და ციბრუტივით დაბზრიალდა. ვამეხმა დრო იხელთა, წამო-
 ხტა და ლოდს ამოეფარა. სფეროს არ გამოჰპარვია მისი მოძრაო-
 ბა. ბზრიალი შეწყვიტა და მისკენ გამოგორდა.

„ნუთუ შემამჩნია?“ — გაიფიქრა ვამეხმა.

სფერო შედგა, გაირინდა. მერე სწრაფად მიგორდა ვამეხთან
 და ზედ მის ცხვირწინ შუაგადაიხსნა. გამოჩნდა შემზარავი არსება
 — ერთი თავი და სამი დაგრეხილი საცეცი ჰქონდა.

„ამას რა უნდა გავაგებინო“, — გაუელვა ვამეხს.

სფეროელი თავით დაერჭო. საცეცები ჰაერში გაასაესავა და ვა-
 მეხს მყრალი სითხე შეაფრქვია. მერე ბურთივით შეხტა, უცნაუ-
 რად დაიგრიხა და ვამეხს წაებოტინა. ფიქრის დრო აღარ იყო. ვა-
 მეხმა ბეტატრონის ლულა ჩასჩარა სფეროელს პირში და გამშვებლ
 თითი გამოსდო. ელვასავით განათდა წამით იქაურობა. სფეროელი
 გაშეშდა, გაწითლდა. გავარვარებულ ლითონს დაემსგავსა და და-
 იფერფლა. ვამეხმა შვებით ამოისუნთქა. საჭირო იყო მოქმედება,
 რაიმეს მოფიქრება, ვამეხი კი ისე იყო მოულოდნელობით დაბნე-
 ული, რომ არ იცოდა რა მოემოქმედა. უფრო თავისთავად, მექანი-
 კურად მოძრაობდა. ნახევარსფეროთა აწევა სცადა. ადგილიდან
 ვერ დაძრა. ფეხი მიარტყა, ეტკინა. სფეროს კი არაფერი დააჩნდა.
 მერე შემთხვევით ორ სფეროთა შორის მოხვდა და ნახევარსფერ-
 იებში შეიკრნენ. ფეხებთან შუაგახვრეტილი სკამი ამოიწია. წინ ათ-
 ასფერლილიანი დაფა გადმოიშალა. კედლები თანდათან გაუფერულ-
 და, გაჰქრა. გამოჩნდა დასახლების უღიმღამო პეიზაჟი.

— მივგორაე! — აღმოხდა ვამეხს.

ისეთი შეგრძნება ჰქონდა, თითქოს საყრდენის გარეშე ჰაერში
 იჯდა გაუნძრევლად და ყველაფერი დანარჩენი მისკენ მოექანე-
 ბოდა. თანდათან გაუფერულდა ნაცნობი ადგილები. გვერდით ჩა-



იქროლა იმედის კონცხმა. დიდი მორევის მინდორიც უკან ახალი პარალელის სანიშნო გამოჩნდა. აქედან ნაკლებად ლილი მხარე იწყებოდა, „შავი ურჩხულის ხახა.“ ვამეხს ნერვიულობა დაეტყო. ხან რომელ ღილაკს დააჭერდა თითს და ხან რომელს. ამოდ ცდილობდა მიმართულება შეეცვალა სფეროსთვის. სფერო ჭიუტად მიგორავდა გაურკვეველი მიმართულებით. ვამეხს თითქმის გადაუწყდა იმედი. სასოწარკვეთილი, ავტომატურად ათამაშებდა თითებს სამართავ დაფაზე და აღარ იცოდა რა ელონა. უცებ ვარდისფერი შუქი გაიბნა მის გარშემო. საამო ციალში გაეხვია. სფერო შემობრუნდა და მარცხნივ გაქანდა. რაღაც იმედის ნაპერწკალი გაჩნდა. ვამეხი გაშმაგებით აჭერდა თითს ღილაკებს. ერთი ორჯერ მოულოდნელად შეხტა სფერო და თუმცა მსუბუქად დაეშვა უკანვე, ვამეხს გული კინაღამ შეულონდა. მერე თანთან რაღაც კანონზომიერება შეამჩნია ღილაკებს შორის. ზოგი რამ გაიგო. მოხვევა და სიჩქარეები ისწავლა. ბოლოს ისე გაიწაფა, რომ საითაც მოინდომებდა, იქით მიჰყავდა სფერო. როცა ნაცნობ ადგილებს მოჰკრა თვალი, საბოლოოდ დამშვიდდა და თავისი მისიის შესრულებაზე დაიწყო ფიქრი. მცირე გამოდგა სიხარული. სფერომ ისევ იცვალა ფერი და მიმართულება. ისე რომ, ვამეხს თითი არაფერზე არ დაუქარებია. რა არ იღონა ვამეხმა, მაგრამ რაფერი გამოუვიდა. სფერო აღარ ემორჩილებოდა მის ნებას. იგი შუშუნისაკენ მიმავალ სფეროებს გამოეკიდა და ბოლოში ჩადგა. მოვლენები სწრაფად ვითარდებოდა. ვამეხი წესიერად ერთ სიტუაციაში გარკვევას ვერ ასწრებდა, რომ ახალი საფრთხის წინაშე იდგა. ახლაც, მის წინ მიმავალი სფერო შეხტა და შუშუნის ზემო ნახვრეტში გაუჩინარდა.

„ასე თუ გაგრძელდა, ტყვეობა არ ამცდება“. — ამის გაფიქრებალა მოასწრო. სფერო შეხტა. ზემოთ აფრინდა. რაღაცამ გაიტყაცუნა, სფერო შუა გადაიხსნა. ვამეხმა ძლივს მოასწრო წამოხტომა. მისაღებ ბაქანზე იდგა. გარშემო ბუზებივით ირეოდნენ სფეროელნი. ყოველ წამს ახალი სფერო შემოფრინდებოდა ნახვრეტში და გადახსნილი სფეროებიდან თავის ცანცარით გადმოდიოდნენ სტანდარტული ზომის სფეროელნი. გაშტერებული უყურებდნენ ვამეხს. მეღუზასავით თრთოდნენ. გამუდმებით აცმაცუნებდნენ ტუჩებს და ბაყაყისმაგვარ ბგერებს გამოსცემდნენ. გამოჩნდა დიდ-



თავა სფეროელი, იმდენად დიდთავა, რომ საცეცები არც კი უჩანდა. რალაც თქვა. უფრო სწორად, სტვენისმაგვარი ბგერა გამოსცა. ყველამ თავში წაიშინა საცეცები. ისეთი ტყაპატყუპი ატყდა, რომ სკაფანდრში დამონტაჟებული მიმღებები კინაღამ გასკდა. ვამეხმა ისარგებლა არეულობით და ვინაიდან საძრომიდან გადმოხტომას აზრი არ ჰქონდა, კარებს ეცა და შუშუნის სიღრმისაკენ გაიქცა. მრავალწახნაგა ოთახში ამოჰყო თავი. ყოველ კედელში კარი იყო დატანებული, რომლის იქით სხვადასხვა ფერის დერეფნები ჩანდა. ოთახში რეფლექტორმომარჯვებული სფეროელი შემოვიდა. ვამეხი კარებს აეკრო, გაისუსა.

„დავიღუპე“, — გაიფიქრა მან და ბეტატრონისაკენ გააცურა ხელი.

სფეროელმა ოთახი გულდაგულ დაათვალიერა. მცირე ხნით ვამეხის წინაც შეჩერდა, დააკვირდა, მერე მშვიდად შებრუნდა და ოთახიდან გავიდა.

„აგაშენა ღმერთმა“, — ამოისუნთქა თავისუფლად. დერეფნებს დააკვირდა, ალაღბედზე შეარჩია ერთ-ერთი. მორიდებით გადადგა ნაბიჯი. ერთი, ორი, სამი. თანდათან გათამამდა. ნაბიჯი ააჩქარა, გაიქცა. რატომღაც ძალიან უნდოდა იქაურობას გასცლოდა და ფეხები თავისთავად მიაქროლებდნენ. დერეფანი სპირალურად ეშვებოდა ქვემოთ. ხან მეტად ფართოვდებოდა, ხან კი ისე ვიწროვდებოდა, რომ გვერდულად ძლივს ახერხებდა გაძრომას. რამდენი ირბინა, არ იცოდა. დერეფანს კი ბოლო არ უჩანდა. თანაც აკვიატებული უსიამოვნო გრძნობა მოსვენებას არ აძლევდა და რაც უფრო მეტად ფიქრობდა არ ეფიქრა ამაზე, მით უფრო ხშირად აგონებდა თავს. მალიმალ იყურებოდა უკან. ასე ეგონა, ვილაც უხილავი მდევარი მოსდევდა. ერთხელ ისიც კი მოეჩვენა, თითქოს ვილაც კარნახობდა, როგორ მოქცეულიყო, საით წასულიყო, რა მოემოქმედა. რა არ იღონა და ვერ მოიშორა ეს აკვიატებული აზრი.

„სხვა გზით უნდა წავსულიყავი. ამ დაწყველილს ბოლო აღარა აქვს. ასე შეიძლება დედამიწამდე ირბინო. კარი მაინც იყოს სადმე ან ფანჯარა“, — უკან დაბრუნება დააპირა, მაგრამ გადაიფიქრა. დერეფნის ბოლოდან სფეროელთა ყაყანი მოისმა. ხმა თანდათან ძლიერდებოდა. ეტყობოდა, ახლოს იყვნენ. შედგა. უიმედოდ მოა-



ვლო თვალი დერეფანს და წყალწადებულებით მზერა სახელურის-
მაგვარ გამონაშვერზე შეაჩერა. დრო აღარ ითმენდა. საცაა სფერო-
ლნი გამოჩნდებოდნენ. უკანასკნელი ღონე მოიკრება, შეხტა და
სახელურს ჩამოეკიდა. სახელური ჭერში აიკეცა. ვამეხი სხვა დე-
რეფანში აღმოჩნდა.

„სიზმარია თუ ცხადი, — თვალებს არ უჭერებდა ვამეხი. —
რა ხდება? სად ვარ? ვარ კი საერთოდ? — ფეხი აუსხლტა და ცი-
ვაზე დამჯდარივით დაცურდა. ჯანდაბას! — ფიქრობდა. — რაც
მოსახდენია, მოხდეს. სულერთია, აქედან ცოცხალი ველარ გავალ.
აქ გამათავებენ თუ იქ, რა აზრი აქვს.“ — ღია კარები შეამჩნია.
ხელი გამოსდო რიდეს. შეჩერდა. ოთახში შებობლდა. დერეფან-
ში ყაპყაპით ჩაიარა ორმა სფეროელმა.

„ეტიყომა, შუშხუნა სავსეა სფეროელებით. უკან უნდა წავსუ-
ლიყავი. რაც არ უნდა იყოს, იქ გასასვლელია. ამ გიგანტურ სა-
თაგურში კი ისე ამოიხრჩობი, რომ მზის შუქსაც ვერ იხილავ. —
სმენა გაამახვილა, მიაყურადა. ხმები ისევ განმეორდა. არა, ეს არ
იყო ბგერითი ჰალუცინაცია. კედელს იქით ვილაც აშკარად იზებო-
რებდა, ან გადასცემდა. ვამეხმა გარკვევით გააჩნია დამარცვლით
ნათქვამი: — მე-ყო-ბრე-ნი. მერე ერთხანს ჩამიჩუმი აღარ ისმო-
და, ვიდრე რაღაც არ გატყდა თუ დაიმსხვრა. უკიდურესობამდის
დაძაბა სმენა. ტყუილად ელოდა. ლაპარაკი აღარ განმეორებულა.
კედელთან მივიდა. ყური მიადო. ისევ მოეძალა უხილავ მღევარზე
უსიამოვნო ფიქრი. კედელზე თავის გამოსახულებას დააკვირდა.
გაფითრდა. მუზარადზე იტაცა ხელი. მუზარადი ღია იყო.

„უანგბადი! დავიღუპე!“ — სწრაფად გადაკეტა მუზარადი. უან-
გბადის მარაგი შეამოწმა. სარქველები. ხელსაწყობებს დახედა. შე-
ანჯღრია. ეგონა ტყუოდნენ, ისევ დახედა. ისევ მოიფათურა ხელი
სკაფანდრზე. ყველგან ყველაფერი რიგზე იყო. „ნუთუ უანგბადი
ვსუნთქავდი. ნუთუ...“ — სუნთქვა შეიკრა. ფრთხილად გააღო
მუზარადი. „რაც არის, არის, ვცდი“, — შუილით ამოუშვა ჰერო-
და ისევ შეისუნთქა“. „უანგბადია, ნამდვილად უანგბადი“. — გაუ-
ხარდა ვამეხს. იმედის ნაპერწკალმა იელვა.“ ჩვენ ერთი და იგივე
ატმოსფეროთი ვსუნთქავთ. ეს უკვე რაღაცას ნიშნავს. რაღაც სა-
ერთო გაჩნდა. ორივესთვის ერთი და აუცილებელი. მართალია მათ
უანგბადს ოდნავი სიმწარე დაჰკრავდა, მაგრამ სიმწარეს ვინ დაე-
ძებს, რახან მათ შორის ხელშესახები დამაკავშირებელი ძაფა



გაჩნდა. ეს ძაფი უანგბადია და, ვინ იცის, იქნებ ელჩობამაც შედეგი გამოიღოს. ვამეხმა მხოლოდ ახლა შეამჩნია, რომ იატაკი წრეხაზებით იყო დახაზული. ბევრს ეცადა, როგორმე აეხსნა მათი მნიშვნელობა, მაგრამ ვერაფერს მიხვდა და კარადის კარი გამოაღო. იატაკზე ლურჯად მოლივლივე ქვეები გაიბნა. ერთი აიღო. დააკვირდა. ქვა ხელოვნურად იყო დაწახნაგებული და ნიმუშად შეინახა. დანარჩენი მოხვეტა და კარადაში შეყარა.

დერეფნიდან ყაპყაპი მოისმა. ვამეხი კარებს ეცა. დააგვიანდა. მოსახვევეში სფეროელნი გამოჩნდნენ. ბევრი არ უფიქრია, კარადაში შეძვრა და ის იყო კარები მოიხურა, რომ ოთახში პირველი სფეროელი შემოტყაპუნდა. პირველს მეორე მოყვა, მეორეს მესამე. მეოთხე და მალე მთელი ოთახი სფეროელებით აივსო. რეფლექტორები კუთხეში მიყარეს. დაიკლაკნენ. თითქოს გააყრუოლათო, და ოთახის შუაში დახაზულ წრეხაზის გარშემო დადგნენ. როგორც კი წრეხაზი შეიკრა, იატაკიდან მრგვალი მაგიდა ამოვიდა. მაგიდის გარშემო კი, როგორც ზღაპრებში ხდება, შუაში გახვრეტილი სკამები გაჩნდა. ოთახმა ფერი იცვალა, გაწითლდა. სფეროელებმა თანდათან აუწიეს ხმას. ვამეხს უჭირდა პაწაწკინტელა ნახვრეტიდან ყველაფრის დანახვა, მაგრამ ის მაინც გაარჩია, როგორ მიჰქონდათ საცეცით პირთან კონუსისმაგვარი გამჭვირვალე რაღაც საგანი. უცებ სამარისებური სიჩუმე ჩამოვარდა. ერთი სფეროელი მაგიდაზე შეხტა და მთელი ხმით იყვირა:

— ურბა!

— ეკო! — იკივლა მეორემ და ისიც მაგიდაზე შეხტა. დანარჩენები მაგიდას მისცვივდნენ, თითო საცეცე სკამის ნახვრეტში გაჰყვეს და პირდაპირ თავით დასხდნენ.

ვამეხს გაელიმა.

— ბია! — იყვირა მაგიდაზე პირველად შემხტარმა სფეროელმა.

— ბია! — მიახალა მეორემ.

მაგიდის გარშემო მსხდომმა სფეროელებმა გაკვირვებით გადახედეს ერთმანეთს. ოთახში თეთრთმიანი სფეროელი შემოლაცლაცდა, მაგიდასთან მივიდა და დაწახნაგებული შავი ქვეჭი დადო. პირველმა ოთხი კენჭი აიღო და სამჯერ შემოიკრა საცეცე თავზე.

— ოკო! — თქვა დიდგულად.

— ბიტა! აღარ დაახანა მეორემ და დარჩენილი ქვები საცეცით მობოჭა.



ყველა გაისუსა, გაირინდა. თვალბდაჭყეტილი შეჰყურებდნენ პირველს. იგი თრთოდა. ყურადღებით ათვალიერებდა პრილა ქვებს. დუმდა.

— ხაზო! — თქვა ბოლოს.

— ხატიბ! — შეაგება სიტყვა მეორემ.

დაძაბულობამ კულმინაციას მიაღწია, როდესაც პირველმა ქვები პირში ჩაიყარა და მცირე ხნის შემდეგ მაგიდაზე გადმოაპურჭყა. იგივე გაიმეორა მეორემ. თეთრწვერამ აკრიფა კენჭები, დიდხანს ათვალიერა და სათითაოდ გადაყლაპა ყველა. პირველთან მივიდა, საცეცი დაადო თავზე და ყველას გასაგონად თქვა:

— ბიკო!

მეხივით გავარდა სიტყვა. ყველა შეხტა და ჰაერში დაბზრიალდა. მერე მოგებულს ეცნენ და თითო საცეცი დაადეს თავზე. მოგებული თანდათან გაფუვდა. ჰერს მიბჯენილი ერთადერთი თვალი კინალამ გუგიდან ამოუყარდა. ამოდ აცმაცუნებდა პაწია ტუჩებს, ირგვლივ ისეთი ღრიანცელი იდგა, რომ ზარბაზნის გასროლის ხმას ვერ გაიგებდა კაცი.

— რაბა! — იქუხა თეთრწვერა სფეროელმა. წაგებულმა უხალისოდ შეიყო საცეცი აბუნდულ წვერში და ექვსი ლურჯად მოლივლივე ქვა მოგებულის მიმართულებით ისროლა. მოგებულმა ჰაერშივე დაიჭირა ექვსივე, გადაყლაპა და თავში წაიშინა საცეცეში. სფეროელთა სიხარულს საზღვარი აღარ ჰქონდა. ხტოდნენ, იგრიხებოდნენ და გულისშემადონებლად ყაპყაპებდნენ.

„ახლა მგონი ყველაზე ხელსაყრელი მომენტია. ისე არიან გავიყებულები, რომ ჩემს გაპარვას ვერ შეამჩნევენ. უცებ გამოვვარდები კარადიდან და... აზრი აღარ დაამთავრა, კარადას წაგებულის სფეროელი უახლოვდებოდა. ვამეხს ცივმა ოფლმა დაასხა. „ნუთუ ჩემს აზრებს კითხულობენ“, — კუთხეში მიიყუჟა. ინსტიქტურად მიაწვა კარადის ზურგს. ისევ მოაგონა თავი უხილავ მდევარზე ფიქრმა. ისევ მოესმა ნაცნობი ხმები. კედელს იქით ვიღაც მონდომებით იხეპირებდა: მე კო ბრე ნი... მე კო ბრე ნი. — „გავგიჟდები! ნამდვილად გავგიჟდები! — ფიქრობდა ვამეხს“. ზურგს უკან

რალაც გატაცუნდა. კარადის კარი შეტრიალდა და სანამ სფერო-
ლი კარს გამოაღებდა, იგი უკვე მეორე დერეფანში იყო.

— ეეეეე...! — იყვირა მთელი ხმით ვამეხმა.

— ეეეეეე!!!... — დაუბრუნდა წამის შემდეგ ექოდ ქცეული სა-
კუთარი ხმა. საკუთარი ხმის გაგონებამ ოდნავ დაამშვიდა. მიმოი-
ხედა. არავინ ჩანდა. — „ვილაც მმფარველობს. — გაიფიქრა მახ.
— თორემ ამდენჯერ ხიფათიდან თავის დაღწევა ზღაპრებშიაც
არ ხდება. ან იქნებ ზღაპარში მოვხვდი და რეალობად ვიწამე იგი.
იქნებ სხვა განზომილების სამყაროში ვარ და... ეეე! რა გემართე-
ბა?“ — შემოჟღახა საკუთარ თავს ვამეხმა. ასე ფიქრი არ შეიძლე-
ბოდა, ეს კარგად ესმოდა ვამეხს და სანამ ჯერ კიდევ გვიან არ იყო,
სანამ ჯერ კიდევ შეიძლებოდა მორეოდა კოსმიური მარტოობის
შიშს, ცდილობდა არ ეფიქრა ამაზე. „თუ არაფერი გამომივიდა, შუ-
შხუნას მაინც ავაფეთქებ. სიცოცხლის ფასად, მაგრამ მაინც ავა-
ფეთქებ. საჭიროა სამანქანო განყოფილებას მივაგნო, ქვემოთ იქ-
ნება სადმე“. — წასვლა დააპირა, მაგრამ მხოლოდ ახლა შენიშნა,
რომ მოკლე დერეფნის კუთხეებში ბიუსტისმაგვარი ქანდაკებანი
იდგნენ. დააკვირდა. „რა უნდა იყოს?“ — ფიქრობდა იგი. ფრთხ-
ილად მიუახლოვდა. ხელით შეეხო. ლითონისებურმა სიცივემ ხელ-
ათმანებში გაატანა. უკან დაიხია. მზერა გააყოლა ჰაეროვან ხალი-
ჩას, რომელიც დერეფნის ბოლოს, კარებთან თავდებოდა. თუმც
დერეფანში სხვა არაფერი იყო, ვამეხი რალაც საზეიმო განწყობი-
ლებას გრძნობდა. კარებთან შივიდა. სახელური მოსწია, მიაწვა, მა-
გრამ ძვრა ვერ უყო. თითის წვერებზე აიწია. ძლივს მისწვდა კარს
ზემოთ დატანებულ მინას. ოთახში შეიჭყიტა და თოფნაკრავივით
შემობრუნდა. ზურგით მიეყრდნო კარებს. თვალები დახუჭა.

— შეჩვენება, ნამდვილად შეჩვენება. — სცადა თავის დამ-
შვიდება. კარგა ხანს იდგა გაუნძრევლად. ამაოდ ცდილობდა აფ-
ორიაქებულნი გონება დაერწმუნებინა ნანახის რეალობაში. არ გა-
მოსდიოდა. საწინააღმდეგო აზრები ელვისუსწრაფესად ცვლიდნენ
ერთმანეთს. თვალები გაახილა. კიდევ ერთხელ გულმოდგინედ შეათ-
ვალიერა დერეფანი. ყველაფერი ძველებურად იყო. საკუთარი სხეუ-
ლიც მოსინჯა. მუზარადი მოიხსნა. დაცვარული შუბლი ხელის
ზურგით მოიწმინდა და გაიფიქრა: „არ მომჩვენებია. რაც ვნახე

ამ კარებს იქით, ყველაფერი რეალობაა“. ცნობისმოყვარეობამ სძლია და ისევ აიწია ფეხის წვერებზე. ოთახში შეიჭყიტა, კარს იქით ქალი იდგა. ჩვეულებრივი, მიწიერი ქალი. გავიწყებული სახით და გაცეცხული თვალებით. ნახევრად შიშველი. მხარზე გადაგდებული გამჭვირვალე შავი ქსოვილით, მზისფერი კანით. ფერფლისფერი თმით. იდგა გაუხმრევლად. ქანდაკივით. მხოლოდ შიშველი მკერდი უცემდა ოდნავ და ამით თუ მიხვდებოდი, რომ სილამაზის ეს საოცრება ცოცხალი იყო. ვამეხი ფეხის წვერებზე დგომით დაიღალა და მდგომარეობა შეიცვალა. ქალი შეკრთა. უფრო გაუფართოვდა თვალები. უკან გადადგა ნაბიჯი. ხელები წინ გაიშვირა. რალაც თქვა. მერე ხელები დაუშვა, თავი დახარა და ასე იდგა უმოძრაოდ.

ვამეხი კარებს მიაწვა. ამოდ.

ქალმა მკერდზე გადაიჭდო ხელები. ისევ თქვა რალაც. უხალისოდ მოსცილდა კარებს, შუა გზაზე შედგა, მოიხედა და ხელაყრობილი დაემხო ტახტზე. ფიფქია თმა ჩამოეშალა, ჩამოეთარა სახეს.

ვამეხმა მიმოიხედა. დერეფანში მის გარდა არავინ იყო. „კარები უნდა შევამტვრიო, უნდა შევიდე, იქნებ ამას გავაგებინო რამე“. — ბეტატრონის ლულა საკეტში შედო. ჩახმახს გამოსდო თითი, მაგრამ გამოწვევა გადაიფიქრა. სფეროელთა ყაპყაპი მოესმა. ხმა სადღაც ახლოდან მოვიდა. საცაა გამოჩნდებოდნენ. ვამეხმა გაცლა ამჯობინა. კუთხეში მიიბრინა და ქანდაკებას ამოეფარა. დიდხანს ლოდინი არ დასჭირვებია. დერეფნის ბოლო კედელი იატაკზე გადმოიშალა და იარაღმომარჯვებული სფეროელნი ქანდაკების წინ დადგნენ. ერთი იმდენად ახლოს იდგა, რომ მისმა მყრალმა სუნმა ნესტოები აუწვა ვამეხს. ჭერი გაუფერულდა, გაქრა. დერეფანში შუქმა იმატა. რალაცამ გაიტკაცუნა. ზემოდან ოქროსფერი ტახტრევანი ჩამოეშვა. ზედ უცნაურად მორთული სფეროელი იჯდა. თავი პრიალა ლითონით ჰქონდა შეჭედილი და მარტო თვალი და პირი უჩანდა. უთმო იყო, შედარებით დიდი. თავის ძირში ელვარე ქვევით მოჭედილი ქამარი ეკეთა. სალტეზე მინიატურული რეფლექტორი ეკიდა.

„მეთაური თუა“, — გაიფიქრა ვამეხმა.

„მეთაური“ გიჟივით წამოხტა. ცალი საცეცი ასწია, გაირინდა.

შეტა, დაიგრიხა, დაიკლავნა. დაპატარავდა. პაწია ბურთივით შე-
იკუმშა, დამრგვალდა. ჩამოგორდა. იატაკზე გაიშალა, გაიშალა
მთრთოლვარე საცეცებზე წამოიწლაწნა, სიმივით გაიჭიმა, გაიშარ-
თა. კარებს გაუშტერა შუერა. კარები თავისთავად გაიღო. დიდთა-
ვამ მზისფერი ფხვნილი თავზე გადაიყარა და მხოლოდ შემდეგ შე-
ვიდა ოთახში. კუთხეში მდგომმა სფეროელებმა პირბაღე ჩამო-
ცფარეს.

— ხაბა, ობი ხი! — მოესმა ვამეხს დიდთავას ხრინწიანი ხმა.
არავინ უპასუხა.

— ხაბა! — ხმამაღლა გაიმეორა დიდთავამ.

ისევ დუმილი.

— ხაბა! — ახლა უკვე მკაცრად გაისმა სისინისმაგვარი ხმა.
სფეროელნი შეირხნენ, ოდნავ წინ წაიწიეს. ვამეხმა ყურადღება
გაამახვილა.

დიდთავა წინ და უკან დარბოდა. უფრო სწორედ! პაერში და-
სრიალებდა. იკლავებოდა. პროჟექტორივით უბრდღვიალებდა ერ-
თადერთი თვალი. ხან საყვირივით კიოდა, ხან კატასავით კნაოდა.
უცებ შუა ოთახში შედგა. ცალ საცეცზე დაბზრიალდა, ყელიდან
კვერცხისოდენა ლურჯად მოციანე ქვა ამოიღო და ქალისაკენ გა-
ქანდა. რაღაც ნახევარ მეტრში შედგა. ქვა ქალს მიუგდო და შე-
დარებით ნაზად თქვა:

— ხობაი ხაბა.

ქალს წარბიც არ შეუჩხვია. მშვიდად აიცილა ქვა, ტახტრე-
ვანზე ავიდა, ზურგით მიეყრდნო კედელს და სევდიანი თვალებით
გახედა კარებს. ვამეხს გული დაეწვა.

დიდთავა გაწითლდა, გავარვარდა. ქვა საცეცებით აიტაცა და
იატაკზე დაანარცხა. მოლივლივე ნამსხვრევეები მანათობელ მძივე-
ზად გაიბნენ ოთახში. მერე რაც მოხდა, ადამიანისათვის ძნელი
გასაგებია. ან რა სისწრაფით მოძრაობდა, ან რა ილეთებს აკეთებ-
და. ერთი-ორჯერ თავითაც გასრიალდა. რამდენჯერმე ქალსაც მი-
ეკრო ტკიპასავით, კბენა დაუპირა. ქალმა მოხერხებულად მოიშო-
რა. ეტყობა, პირველი შემთხვევა არ იყო. ერთი სიტყვით, გაგაყ-
და. ბოლოს სიმწრისაგან საცეცები ერთმანეთში გადაეხლართა, გა-
ენასკვა, კრუნჩხვები დაეწყო.

„რაღაც არ უნდა დამიჯდეს, უნდა ვიხსნა, — ფიქრობდა ვამე-

ტი. — ამ ურჩხულს არაფერი აქვს ადამიანებთან საერთო. ეს ქალი კი ტყვეს უფრო ჰგავს, ვიდრე მათ პატრონს. — ისევ მთავრდება ნაცნობი ხმები: „მე-კო-ბრე-ნი“. რას უნდა ნიშნავდეს ეს გაუთავებელი შეხსენება. ვინ არის, რომ მოსვენებას აღარ მძლევს. ან ჩქნებ ეს უცნაური არსებანი აჯანყებული რობოტებია? ბიორობოტები, ქალი კი მათი ყოფილი ბატონ-პატრონი“.

დიდთავა თანდათან ფუფუნდებოდა. სოკოსავით ამოიზნიქა, ქოლგასავით გადაიშალა. ერთი წუთით მედუზას დაემსგავსა და არნახული სისწრაფით ქალისაკენ გაქანდა. ქალმა უკანასკნელ წამს ადგილი შეიცვალა, დიდთავა კედელს შეასკდა და უფორმო ლაქასავით ჩამოიღვენთა იატაკზე. მაგრამ არ გასულა წამიც და ამ უფორმო მასისაგან ისევ აღსდგა სიმწრისაგან გალურჯებული დიდთავა. ცალ საცეცხე შედგა, დაბზრიალდა.

„ყველაფერი თავიდან იწყება, — გაიფიქრა ვამეხმა. — ამ საზიზღრობის ყურება აღარ შემიძლია. ქალი უნდა ვიხსნა. ქალში იმალება ყველა საიდუმლო და შესაძლებელია ჩვენი ხსნაც. მაგრამ ვაითუ ესეც ფორმაშეცვლილი სფეროელია და ჩემს მისატყუებლად გამოიგონეს ამ რობოტებმა? — შუბლი მოისრისა, — რაც არ უნდა იყოს, ჩემეულია და თუ ეს მატლები გამოცდას მიწყობენ, მირჩევნია ჩემებურად, ჩემი სიკვდილით მოვკვდე“. — საფარიდან გამოხტა. დიდთავა, ეტყობა, არ ელოდა, ერთ ადგილზე გაიყინა. ვამეხმა ისარგებლა მისი წამიერი დაბნეულობით და ბეტატრონის ლულა პირში ჩასჩარა. ჩანმახს გამოსდო თითი. ოთახი ელვასავით განათდა. დიდთავა შეხტა, დაიგრისა. ნარნარად დაეშვა იატაკზე და ახარხარდა. სფეროელებმა პირბადეები ჩამოიხსნეს, ეცნენ, მაგრამ მის ნაცვლად მოლურჯო-მონაცრისფრო ფერფლიდა შერჩათ.

„სანამ გონს მოვლენ, უნდა გავასწორო, — გაიფიქრა ვამეხმა.“ ქალს დაუწყო თვალებით ძებნა. ქალი გამჭრალიყო. ვამეხი ტახტრევანზე შეხტა და, სანამ რამეს მოისაზრებდა, ათასფრად აჭრელებულ მომცრო ოთახში ამოყო თავი. საითაც გაიხედავდი, ყველგან ღილაკები იყო, მოციმციმე, სხვადასხვა ზომის. ყველაფერი ციალებდა, სივრცე ცოცხალი ორგანიზმივით თრთოდა. — სწრაფად უნდა გავეცალო აქაურობას, — ფიქრობდა იგი. ვიმოძრავებ გასასვლელისაკენ. თუ მოვახერხებ გასვლა, ხომ კარგი, თუ არადა შუშხუნასთან ერთად ავფეთქდები... — ქამრიდან ატომონადმები მოიხსნა. კედლის ძირებში დაამაგრა. მაჯაზე დამაგრებული გადამ-



ცემი დასახლების ტალღაზე ჩართო და აჩქარებით დაიწყო გადა-
ცემა. „ჩემი აქ ყოფნა გამოძედა. კონტაქტს ვერ ვმყარებთ“
თუ დროზე არ გავეცალე აქაურობას, გამაქრობენ. ვიმყოფები სა-
მანქანო განყოფილებაში. ვეძებ გასასვლელს. ათი წუთის შემდეგ
თუ არ დაგიკავშირდით, შეგიძლიათ დაღუპულად ჩამთვალოთ, შუშ-
ხუნა აფეთქდება.“ — გადამცემი გამორთო. ბეტატრონს ხელი წა-
მოავლო და დერეფანში გავარდა. გარბოდა უმისამართოდ და უკან-
მოუხედავად. თუმცა არ კი იცოდა, საით.

„ზემოთ გასასვლელი უნდა იყოს, ზემოთ... — გაუთავებლად
იმეორებდა ვამეხი და ყოველი მოსახვევის შემდეგ ელოდა მის გა-
მოჩენას. — ჯერ მრავალწახნაგა ოთახია, შემდეგ მისაღები ბაქანი:
უცებ უნდა გამოვეცხადო მცველებს. სანამ მიხვდებიან, ვინა ვარ,
იქნებ გავასწრო კიდეც, — აწყობდა გეგმას. შედგა, სული მოითქვა.
საათს დახედა. საოცრად სწრაფად გარბოდა დრო, დერეფანს კი
ბოლო არ უჩანდა. — მგონი მევე გამოვუტანე განაჩენი ჩემს თავს,
— გაიფიქრა ვამეხმა. — წუთებილა დარჩა შუშხუნის აფეთქებამდე.
— დერეფნის კედლები თანდათან წითლდებოდა. ჩამოცხა. სუნთქვა
გაჭირდა. ტყვიასავით დამძიმდა ფეხები. — რა მემართება, ნუთუ
დგება აღსასრულის ჟამი? ნუთუ ასე სულელურად, ასე უსახელოდ
უნდა გათავდეს ყველაფერი. — ღიმილისმაგვარმა ტალღამ გადაუარა
სახეზე. — თავად ავირჩიე ეს გზა და ახია ჩემზე. ჯანდაბას ყვე-
ლაფერი, ოღონდ სწრაფად მოხდეს, უცებ...“

დერეფნის ბოლოდან სფეროელთა ყაპყაპის ხმა მოისმა. ვამე-
ხმა უკანასკნელი ღონე მოიკრიბა. მუზარადი ჰერმეტიულად გადა-
კეტა, ჟანგბადის სათადარიგო ბალონი გახსნა და ოდნავი შვება
იგრძნო. ლასლასით გალია დერეფანი, კარი შეაღო და მრავალწა-
ხნაგა ოთახში ამოყო თავი. იმედი მიეცა. მისაღები ბაქანის კარებს
იქით ჩამიჩუმი არ ისმოდა. — ვცდი! — გადასწყვიტა ვამეხმა.
კარი მოსწია და მისაღებ ბაქანზე მოჩვენებასავით გაჩნდა. გასასვ-
ლელთან შეიარაღებული სფეროელნი იდგნენ. ხმაურზე მობრუნ-
დნენ, ვამეხისაკენ გამოეჭანენ.

„გათავდა“, — გაიფიქრა მან და ანგრიშმიუცემლად დაუწყო
ძებნა ბეტატრონის ჩახმახს.

ღია გასასვლელში ალფა ცენტავრა ბ-105 პლანეტის ნაცნობი
პეიზაჟი ჩანდა.

ალმოდებული შუშხუნა ძიგძიგებდა.

მიამ კედელზე დაკიდებულ დროის მრიცხველს შეხედა.

— სათადარიგო კავშირის დროც იწყება, — თქვა მან. — თუ ახლაც არ გავგავონა, უნდა ვიფიქროთ, რომ... — აზრი აღარ დაამთავრა.

განაჩენივით გაისმა მის სიტყვები. ყველა ასე ფიქრობდა, მაგრამ რატომღაც არავის უნდოდა დაჯერება, მით უმეტეს — ხმამაღლა თქმა. ხმამაღლად თქმულმა ნაფიქრმა სავარძლიდან წამოაგდო რუმი, ტელერადიოლოკატორთან მივიდა და ინფრაწითელი სხივების რეჟიმზე გადაართო.

დაკავშირების უკანასკნელი წამებიც ამოიწურა. შეფმა ნერვიულად აათამაშა თითები სავარძლის სახელურზე. მკაცრად მოკუმბო ტუჩები. თანაგრძნობით გადახედა დარბაზში შეკრებილთ. წამოდგა.

— გათავდა! — ჩაილაპარაკა თავისთვის.

მიამ ვედრებით სავსე თვალები მიაპყრო შეფს.

— ეს თქვენი აზრია, თუ...

— ჩემი! — შეფმა უაზროდ აიქნია ხელი.

„მაშინ ცოტაოდენი იმედი კიდევ რჩება“, — გაიფიქრა მიამ.

— რას გაჩუმებულხართ? — ნაძალადევი სიმხნევით იკითხა შეფმა. — რას ჩამოუშვით ცხვირები. იქნებ გგონიათ, ამით დამთავრდა ყველაფერი?

— ჯერ არა, — თავი ასწია რუმმა, — როდესაც სოკოსებრ ნაგებობას დაამთავრებენ, მაშინ კი შეიძლება მართლაც ყველაფერი დამთავრდეს.

— ადრე თქვენ უფრო ოპტიმისტურად იყავით განწყობილი. რა დაგემართათ?

— ადრე სხვა იყო.

— იქნებ გვირჩიოთ რამე?

— მე? — გაიკვირვა რუმმა. — მე რა უნდა გირჩიოთ. ყველაფერი თავისთავად ნათელია. სტუმრებისაგან კარგს არაფერს უნდა ველოდეთ. რახან ვამეზი ვერაფერს გახდა, მხოლოდ თავდაცვაზე უნდა ვიფიქროთ. — ადგა, სადემონსტრაციო ეკრანი ჩართო. — აი, ჩემი აზრით, ყველაზე უფრო საშიში უბნები. — რუკა-6. ო. სადრაძე

ზე ელექტროჯოხმა შესატყვისი უბნები მოხაზა. — ჩრდილოეთის მხარე, წყლის ძირითადი მარაგით. ცენტრალური ნაწილი მარაგის მარაგით და სამხრეთი — ფეტქებადი ნივთიერებებით. ყველაზე მეტად წყალსა და ჟანგბადს უნდა გავუფრთხილდეთ. ეს სამი პუნქტი არის ჩვენი ძირითადი სასიცოცხლო არტერია. საკვების საკითხი ყველაზე იოლი მოსაგვარებელია.

— თქვენ ფიქრობთ, თავდასხმა გარდუვალია და თავი უნდა დავიცვათ? რითი?

— როგორ თუ რითი? მართალია, კბილებამდის შეიარაღებული არა ვართ, მაგრამ არც უიარაღონი გვევია. შორეული პლანეტების კოლონიზაციის პერიოდში იყო შემთხვევები, როცა ნაკლებად შეიარაღებულ კოლონისტებს საკმაოდ ეფექტურად დაუცავთ თავი.

— რუმი სწორია, — დაეთანხმა რიო. — საჭიროა ბეტატრონი შევაწყვილოთ. ელექტროიმიპულსატორი ზარბაზნად გადავაკეთოთ. ამას დაუმატეთ რამდენიმე ატომოკარაბინი. საქმის კარგი ორგანიზაცია და....

— ვამეხი დაადგამდა ამ საქმეს თავს, — ამოიოხრა მეზღრამ. რუმი შუა დარბაზში გავიდა. ხელი ასწია.

— გადავიფიქრე, ბატონებო, სასაცილოდ გამოიყურება ჩვენი შეიარაღება. ეგ იგივეა, გოლიათს რომ კენჭების სროლა დაუწყო. არსებობს ერთადერთი გამოსავალი. ნება მომეცით, სანამ გვიან არ არის, მე ვცდი. რაც უნდა იყოს, უცხო სამყაროს წარმომადგენლებთან კავშირის დამყარება ჩემი პირდაპირი მოვალეობაა, მე ხომ კოსმოლოგი ლინგვისტი ვარ. მომეცით უფლება და ის, რაც ვამეხმა ვერ შეძლო, იქნებ მე გამომივიდეს. იქნებ მე გამიღიმოს ბედმა.

შეფმა მრავალმნიშვნელოვნად ასწია წარბი.

— საკმარისია ერთი მსხვერპლი. მეორე კაცის გაშვების უფლება აღარა მაქვს. ესეც არ იყოს, ერთად ყოფნა სჯობს. ერთად გაცილებით უფრო ძლიერი ვართ, ვიდრე ცალ-ცალკე. გარდა ამისა, ჩვენ ყველაფერი ვცადეთ, სისხლის ღვრა რომ თავიდან აგვეცილებინა. ახლა მათი ჯერია. თუ მოლაპარაკება სურთ, თავად გვეახლონ.

— რა ვქნა, სხვა გამოსავალს ვერ ვხედავ, — მხრები აიჩეჩა რუმმა.

— განმეორებითი ელჩობა უფრო გაათავხედებს ჩვენს „სტუმ-

რებს“, — განაგრძო შეფმა. — გარდა ამისა, ვამეხი დუმს. დუმილი კი ჯერ არაფერს ნიშნავს. იქნებ გადამცემი დაუზიანდა, ან მოლაპარაკება გაჭიანურდა. ფაქტია, რომ შუშხუნა არ აფეთქებულა, არადა უკანასკნელი გადმოცემიდან ზუსტად ერთი საათი გავიდა დამოუკიდებელი დროით. ასე რომ, უმჯობესია, თავდაცვაზე ვიზრუნოთ. დავუკავშირდეთ კოსმიურ ცენტრს, ან უახლოეს დასახლებას, დახმარება ვთხოვოთ. ცვლის მოსვლამდე როგორმე უნდა გავძლოთ. მერე კი, არა მგონია, რამე გაბედონ ჩვენმა „სტუმრებმა“. მოვაგონებთ ერთ ამბავს...

„მოჰყვება ახლა,“ — გაიფიქრა რუმმა და მიასთან მივიდა. — რა ისმის? — იკითხა მან.

— მხოლოდ კოსმიური „ხიხინი.“

რუმმა უსუსურად გაშალა ხელები. — წავალ, ვცდი. — ჩაილაპარაკა მან. — იქნებ ლოკატორის ბადეს მოედოს რამე. — მივიდა, სამართავ პულტს მიუჯდა. მიყოლებით დაიწყო დასახლების ტერიტორიის გაცხრილვა. კაცის ჭაჭანება არსად იყო. აღარც სფეროელნი ჩანდნენ. უფრო მოიაზლოვა მხედველობა და თავიდან გაჰყვა ვამეხის „ნაკვალევს“.

„დაახლოებით სადღაც აქ ვამეხმა სფერო ჩაიგდო ხელში, — ფიქრობდა იგი. — შემდეგ შუშხუნისაკენ გაემართა. შესვლა სცადა, შევიდა. — საათს შეხედა. — საათ-ნახევრის შემდეგ დაგვიკავშირდა: „ათი წუთის შემდეგ შუშხუნა აფეთქდებაო“. შუშხუნა არც ათი წუთის და არც საათ-ნახევრის შემდეგ არ აფეთქებულა. თუ ვამეხი ისევ შუშხუნაშია, უნდა ვიფიქროთ, რომ ტყვედ ჩაიგდეს, ან რაღაც სასწაულით თავი დააღწია და ახლა ჩვენკენ მომავალი გზის ნახევარი მაინც უნდა ჰქონდეს გამოვლილი“. — უკან დააბრუნა ხედვის აპარატი. ტელელოკატორის მხედველობის არეში რაღაცამ გაიღვა. უფრო დააზუსტა ფოკუსი. ეკრანზე ყვირთელი სფერო გამოიკვეთა. დასახლებისაკენ მოგორავდა“. „—ნუთუ დაიწყო? — გაიფიქრა რუმმა. მეზღრასკენ შემობრუნდა. — რას ხედავ? — იკითხა.

— დასახლებას სფერო უახლოვდებოდა, — თქვა მეზღრამ და საერთო ხედვის ეკრანი ჩართო.

უცებ ყველას გამოცოცხლება დაეტყო. დაფაცურდნენ, დატრი-ალდნენ. შეფი რუმთან მივიდა.



— კარგად დაძებნე, თუ ღმერთი გწამს. მარტო არ იქნება.

— მეხუთე ბაქანს უახლოვდება. ახლომასლო არავინ იცნობს.

— კარგად ნახე.

— ამაზე კარგად რალა ვნახო. ყველა დეტალი დღესავით ჩანს. კარს უახლოვდება. როგორ მოვიქცე?

— შეფი ყოყმანობდა. რა გადაეწყვიტა, არ იცოდა. „გაითუ მზვერავია?“ — ფიქრობდა იგი. — ჩვენს ადგილ-სამყოფელს ეძებს. გამოგვიტყუოს უნდა. ან იქნებ მოსალაპარაკებლად გამოგზავნეს? მაგრამ მარტო რატომ არის? თუმცა ჩვენც ხომ ერთი კაცი გავგზავნეთ. ვაითუ ვამეხია? — წამით გაიფიქრა შეფმა, მაგრამ უცებე უარყო. — მარტო ვინ გამოუშვებდა. ბადრაგი კი არსად ჩანს.

— კარს მოადგა. რა ვქნა? — ისევ იკითხა მეზღრამ.

„რაც არის, არის“, — გაიფიქრა შეფმა დ ხმამაღლა დაუმატა: — ყველანი მისაღებ ოთახში ჩადით. მოემზადეთ სტუმრის მისაღებად. ყოველ შემთხვევაში, იარალი თან იქონიეთ. ვინ იცის, რა სიურპრიზი გველის. აბა აჩქარდით.

რამდენიმე წუთის შემდეგ ყველანი მეხუთე მისაღები ბაქანის მთავარი დისპეტჩერის ოთახში იყვნენ. კიდევ რამდენიმე წუთი და მისაღები ბაქანის კარების დამცველ ფარზე სფერო აგორდა. ყველამ შეფს შეხედა.

„სანამ მარტოა და არავინ ჩანს, უნდა შიგნით შემოვიტყუოთ. თუ სამტროდ არის მოსული, აქ უფრო იოლად გავუშკლავდებით, თუ სამოყვროდ“ ... — ფიქრის დრო აღარ იყო. სფერო ისევ აგორდა დამცველ ფარზე და ბრახაბრუხით ჩამოვარდა ქვემოთ.

— ანალიზატორი ჩართეთ? — იკითხა შეფმა.

— დიახ.

— დუმს?

— დუმს.

— რუმ, მოემზადე.

თქვენი ერთი ნიშანი, შეფ, და ბეტატრონის მთელი მუხტა სტუმრის სხეულში გადავა.

— ვიჩქაროთ, თორემ სფეროელთა მთელი ჯარი მოედო სასტარტო მოედანს. მშიერ მგლებივით დაძრწიან, ყველგან დაძვრებიან, თითქოს რალაცას დაეძებდნენ.

— ასწიეთ დამცველი ფარი! — ბრძანა შეფმა.

მეზღრამ ლილას თითი დააჭირა. დამცველი ფარი მსუბუქად აცურდა. კარები გაიღო. ვაკუუმოთახში სფერო შემოგორდა. მეზღრამ ჰერმეტიკულად ჩაკეტა შემოსასვლელი კარები. ვაკუუმოთახი ჰაერით შეივსო. საოპერატოროს გამყოფი გამჭვირვალე კედელა გადმოიშალა და სფერო სადისპეტჩეროში შემოგორდა. ოღნავ გვერდებშეჭყლეტილი ციციანთელასავით ელავდა. გაუნძრევლად იდგა. რუმს დაძაბულობისაგან ცივმა ოფლმა დაუნამა შუბლი. შეფი სუნთქვაშეკრული ელოდა. სახეზე წამოწითლდა. მოულოდნელად სფერო შუაგადაიხსნა.

— ვამეხ! — აღმოხდა მიას.

ვამეხი თვალებს არ უჯეროდა. იდგა. კურცხალი უციმციმებდა წამწამებზე. ღრმად და ხარბად სუნთქავდა.

მეზღრა მივარდა, მოეხვია.

— სად დაიკარგე? რატომ დუმდი? — გულაჩუყებულმა დააყარა კითხვები. ხელს უფათურებდა ბეჭებზე. — მადლობა ღმერთს, ცოცხალი ხარ. ჩვენთან ერთად ხარ. რას გაჩუმებულხარ? ხმა ამოიღე, ბიჭო!

— მერე! მაგის დრო არ არის, — თქვა ვამეხმა. — შეფთან შივიდა, თვალბში ჩახედა. — მაპატიეთ, — თქვა მან. — დავალეზა ვერ შევასრულე, მაგრამ ღმერთმა იცის, ჩემი ბრალი არ არის. ვამომართვით, ავტომატურად მუშაობს, — ბეტატრონი მიაწოდა. — ახლა კი „სტუმრების“ დასახვედრად მოვემზადოთ. არა მგონია, ასეთი თავხედობა მაპატიონ. უპირველეს ყოვლისა, ყანგბადი გადავშალოთ. მე ობსერვატორიაში გავმაგრდები. რუმი ჩრდილოეთ მხარეს დაიცავს. დანარჩენები ადგილზე დარჩნენ. — იმდენად მტკიცედ და თვითდაჯერებულად თქვა ვამეხმა, რომ ყველანი სიტყვის უთქმელად დაემორჩილნენ.

სადისპეტჩეროდან გაიკრიფა ხალხი. ბოლოს ვამეხი და შეფი გავიდნენ. უსიტყვოდ დაემშვიდობნენ ერთმანეთს. შეფი თავისთან წავიდა. როცა ის თვალს მოეფარა, ვამეხმა ობსერვატორიისაკენ გასწია. ორანჟერეაში შედგა. თვალი შეავლო თადის აუტურულ კონსტრუქციას. „თუ ახლა გაუძლო, — ფიქრობდა ვამეხი, — შემდეგ აუცილებლად უნდა გავაძლიეროთ მზიდი ფერმები. დამცველი ფარიც ორმაგი უნდა გაკეთდეს. ანტიმეტეორიტიული ველიც უნდა გავზარდოთ“, — გავონი გადაიარა. „ბნელ“ კარში გაძვრა. მოძრავ

კიბეზე დადგა. ისევ წაიღო ფიქრმა. ტყვექალის გაცეცხული საბუღალტრო დაუდგა თვალწინ. ვედრებით სავსე გამოხედვა. გაავებუღა. და თავას აჭარხლებული სხეული. სხვადასხვა ფერის დერეფნები და იდუმალი ხმა მოსვენებას რომ უკარგავდა. ყველაფერი თვალნათლივ ახსოვს, ეს არის მხოლოდ, ვერ იქნა და ვერ მოიგონა წამი, როდესაც ერთადერთი და სწორი გადაწყვეტილება მიიღო. კიბე გაჩერდა. ვამეხმა დერეფანი გაიარა და ობსერვატორიის კარის სახელური მოსწია. ოთახში შევიდა.

ოთახში მია იდგა.

— შენ?! — გაკვირვებულმა ვამეხმა გარშემო შემოუარა.

— რა იყო, არ მელოდი? — ჩუმი იკითხა მიამ.

ვამეხმა არ უპასუხა. პირადი ხედვის პულტთან მივიდა. ეკრანზე ჩართო.

მია სავარძელს მიუახლოვდა, შედგა. თვალს არ აშორებდა ვამეხს. მერე ფიფქივით მსუბუქად ჩამოჯდა სავარძლის კიდეზე.

— ძალიან გაგიჭირდა იქ? — ჰკითხა მიამ.

ვამეხმა თავი მოატრიალა. წარბებს ქვემოდან გახედა და ამჯერადაც არაფერი უპასუხა.

— ალბათ მეტისმეტად უცნაურები არიან, — განაგრძო მიამ, — თორემ შენ არ გაგიძნელებოდა საერთო ენის გამოჩახვა.

ვამეხი სავარძლიანად მოტრიალდა, გაუღიმა.

— უცნაურს კიდეც ეშველებოდა რამე, — თქვა მან, — უბედურება ისაა, რომ ჩვენთან საერთო არაფერი აქვთ.

ისევ დუმილი და ისევ მიამ დაარღვია ერთფეროვნება:

— გეშინოდათ? — იკითხა.

— მეშინოდა? — გაიმეორა ვამეხმა. ჩაფიქრდა — მგონი არა, არ მახსოვს.

მია ადგა. ოთახში გაიარა-გამოიარა. ჩაფიქრებულ სახეზე უსიამოვნო ნერვი აუთამაშდა. რამდენჯერმე დააპირა რალაცის თქმა, მაგრამ გადაიფიქრა.

მერე ვამეხთან მივიდა, ფრთხილად შეახო მხარზე ხელი.

— ზევით ვიყავი. შენი უკანასკნელი ლექსი წავიკითხე. ძალიან მომეწონა. ალბათ იმას უძღვენი ისევ.

ვამეხმა რატომღაც დამნაშავესავით დაიმორცხვა.

— ბევრი არაფერია. ისე დავწერე, — იცრუა რატომღაც და
ჰკითხა: — იქ რამ აგიყვანა? რა გინდოდა?

მამ არ უპასუხა. შებრუნდა. ეკრანს შეხედა.

შუშხუნდიან სფეროები ცვიოდნენ. რკალად ეწყობოდნენ. რო-
ცა რამდენიმე რიგად მოეწყვნენ, დასახლებისაკენ გამოგორდნენ.
შორიასლოს შედგნენ. გადაიხსნენ. ცალი საცეცი ერთმანეთს თავზე
დაადეს, პირები ააცმაცუნეს. ვამეხმა ბერკეტი გადასწია.

— ურბა! ეკო! ბო! — მოსმა მიმღებიდან ბრძანების კილოზე.

— ეშმაკმა უწყის, რას ამბობენ, — ჩაილაპარაკა ვამეხმა. —
რახან არ იშლი და ჩემთან აპირებ ყოფნას, გამომართვი, — ბე-
ტატრონი გაუწოდა. — უიარალოდ საშიშია.

მამ ბეტატრონი ჩამოართვა, სამხერ ფანჯარასთან დადგა.

— შენ ფიქრობ, თავს დაგვესხმიან?

— ყველაფერს ელოდე. ხომ ხედავ, რა დღეში არიან.

— ურბა! ეკო! ბო! — ხრიალებდა მიმღები. ყოველ წუთს
შვირდებოდა დასახლებასა და სფეროელთა შორის მანძილი. უცებ
ყველა სფერო გაქვავდა. შუაგადაიხსნა. ცალ საცეცხე დადგნენ
და ორი ზემოთ გაიწვდინეს. გაირინდნენ. მიმღები გაჩუმდა. ირგვ-
ლივ სამარისებური სიწყნარე გამეფდა. მერე უცებ ყველაფერი
აირია. დატრიალდა, დაბზრიალდა. სფეროელნი სფეროებში ჩასხდნენ
და უწესრიგოდ გამოქანდნენ დასახლებისაკენ. ერთმანეთს ასკდე-
ბოდნენ, ასწრებდნენ. თანდათან უმატებდნენ სიჩქარეს. „ურბა!
ეკო! ბო!“ — ზანზარებდა მიმღები. უკვე მოადგნენ ორანჟერეას.
რამდენიმე დამცველ ფარზე აგორდა. ზოგმა ობსერვატორიამდე მო-
აღწია. გამჟვირვალე კედელს შემოაბობლდა. შუაგადაიხსნა. სულე-
ლივით მიაშტერა ერთადერთი თვალი მთას. შუშაში შემოჰყო სა-
ცეცი. პირი ააცმაცუნა. მთას გააჟრჟოლა. ბეტატრონის გამშვებს
ვამოსდო თითი. ყრუდ გაიტკაცუნა საკეტმა. სფეროელი დაიკლაკნა,
დაიგრიხა და სიცილ-კისკისით ჩავარდა ქვემოთ.

— პირში უნდა მოართყა, — ურჩია ვამეხმა, — ისე ვერაფერს
დააკლებ.

შუშხუნის ძირში კი ახალ-ახალი სფეროელები ეწყობოდნენ
რკალებად. სოკოსებრი ნაგებობა ბზრიალებდა. ერთი-ორჯერ გაი-
ვლვა ორანჟერეის თავზე. ჰაერში ბურთისმაგვარი სხეული გა-
მოეკიდა. მხესავით გაბრწყინდა. დღესავით გადაანათა იქაურობა,

სფეროელნი თითქოს ამას ელოდნენ, დატრიალდნენ, ჰიანკველ-
ბივით შეესიენ დასახლებას. ობსერვატორიის სამხერ ფანჯარაში
რამდენიმე სფერო შემოაბობლდა. ვამეხი ელოდა, როდის გადაიხს-
ნებოდა ყველაზე ახლოს მდგომი. როგორც კი დრო იხელთა, წუი-
ლით დასცალა რეფლექტორი. გაიხარა. პირში მოარტყა. სფეროე-
ლი გაწითლდა, გადაიგრიხა და დაიფერფლა, როცა ქვემოთ მდგომთ-
ფერფლი დაეყარათ, ისინიც გაწითლდნენ, დაიგრიხნენ და დაიფერ-
ფლნენ. მათ ადგილზე სხვები გაჩნდნენ, მაგრამ წინ გაგორება ვერ
მოახერხეს. ერთმანეთს უშლიდნენ ხელს. ერთ ადგილზე ტრია-
ლებდნენ. ეჯახებოდნენ, ელავდნენ, ნაპერწკლები სცვიოდათ. უცებ
სფეროელნი გაქვავდნენ, მერე ამოძრავდნენ და შუშხუნისაკენ
გაგორდნენ.

— მგონი გადავრჩით, — შვებით ამოისუნთქა ვამეხმა, სამხერ
ფანჯარას მოსცილდა, ბეტატრონი მაგიდაზე დადო და მოწყვეტით
ჩაჯდა სავარძელში. — გადავრჩით? — ჩაეკითხა თავს, — ჯერ კი,
მაგრამ თუ განმეორდა, არა მგონია გავუძლოთ, — ნაძალადევად
გაიღიმა. — როგორ მოგეწონა პირველი საბრძოლო ნათლობა? —
შეეკითხა მიას.

— ჩვენ თავს ვიცავდით მხოლოდ, — იმართლა თავი მიამ.

— რა მნიშვნელობა აქვს, — ვამეხმა ხელი ჩაიქნია, — სიკ-
ვდილი სიკვდილია. — სავარძლის ზურგს მიესვენა, სახეზე აიფარა
ხელები. რატომღაც ტყვექალი გაახსენდა და თითებშუა გაჰხედა
მიას.

მია რაღაც უხილავმა ძალამ მოაბრუნა, თვალი გააპარა ვამე-
ხისაკენ და მის მოპარულ მხერას შეეფეთა. შეცბა. ყრუოლამ დაუა-
რა ტანში.

„რა მიმზიდველი ყოფილა, — ფიქრობდა ვამეხი. — რატომ
აქამდე ვერ ვამჩნევდი. რა ტანი აქვს. მკერდი, ყელი, ტუჩები. მაგ-
რამ ის მაინც სულ სხვაა. — ვამეხმა თითები მიატყუბა. მისა და
მას შორის უკუნეთი ჩამოწვა. უმანძილო, უკიდევანო. შორეული,
ზარივით წმინდა ხმა ჩაესმა: „სიკვდილს ეთამაშები. დიდებით გინ-
და დატკბე. მისი ბრწყინვალეობა გვირგვინად დაიდგა. ნუ, ნუ წახ-
ვალ, თორემ... განა აქ ცოტა საქმეა? განა აქ არავინ გრჩება ისე-
თი, ვისი გულისათვისაც ღირს დარჩენა, მიწისეული ტვირთის
ზიდვა. „პატარკაცობა?“ — სიტყვებს ხატება მოჰყვა. შეწუხებული,
ვედრებით სავსე თვალები.



— ისევ იმაზე ფიქრობ? — მირაჟით გაისმა უცხო ღვეთაებრივი სიმფონია დაირღვა, შეწყდა. ჯერ ეგონა, მომეჩვენაო, ისე არ უნდოდა განშორებოდა წარსულს, მაგრამ ძველის აღდგენა აღარ მოხერხდა. უხალისოდ მოიშორა ხელები სახიდან. თვალები გაახილა.

— ისევ იმაზე ფიქრობ? — გაუმეორა კითხვა მიამ.

— არა, — იცრუა ვამეხმა და იქვე ინანა, საკუთარ თავს ჯაუჯავრდა: — რა დაგეშართა, რატომ ტყუი. — სიტყვა არ უთქვამს, ისე მორჩილად შეხედა მისა.

— ძალიან გიყვარს? — ჯიუტად შეეკითხა მია.

— მე? — დაიბნა ვამეხი. — ვინ უნდა მიყვარდეს? რატომ?

— მია უფრო ახლოს მივიდა.

— სხვას რომ უყვარდე? — არ ეშვებოდა იგი.

— არა! — სწრაფად იუარა ვამეხმა, თითქოს შეეშინდა, სხვა რამე არ წამომცდესო. — რად უნდა ვუყვარდე? ვის?

— ტყუი! — ხმას აუწია მიამ.

— ვამეხმა დამნაშავესავით დახარა თავი. მან მშვენივრად იცოდა ყველაფერი, მაგრამ არ უნდოდა საკუთარ თავს გამოტყლომოდა.

— ყველაფერი ძალიან კარგად იცი, მაგრამ ტყუი, — განაჩენივით გამოაცხადა მიამ. მერე ნაძალადევად გაიღიმა. — თუმცა ამას რა მნიშვნელობა აქვს ახლა. რამდენიმე საათის შემდეგ ყველაფერი დამთავრდება. გესმის? ყველაფერი! არც სცადო ჩემი შეჩერება. რახან დავიწყე, ბოლომდე ვიტყვი. შენ ხომ ყველაფრის ცოდნა გიყვარს. ჰოდა, მომისმინე: ჩვენ მოჯადოებულ სამყაროში შოვხვდით. კოსმოსის ყველა ბოროტმა ძალამ პირი შეკრა ჩვენს წინააღმდეგ. ჩვენ განწირულნი ვართ. აბა, ვინ მეტყვის, რამდენს ვიტოვებთ კიდევ. ვინ გამცემს პასუხს? განა არსებობს ადამიანი, რომელიც ამ კითხვაზე მიპასუხებს. არა, არ არსებობს! თუმცა ამასაც აღარ აქვს მნიშვნელობა. არც იმას, რის თქმასაც ვაპირებ, მაგრამ მაინც უნდა ვთქვა. მე ვიცი ყველა შენი სიმფონია. ყველა შენი ლექსი ზეპირად მახსოვს. ყველა პოემა, ძველი თუ ახალი. მე ვიცი შენი ცხოვრების ყველა დეტალი, ყველა წვრილმანი. მე ვფიქრობ შენზე დღისით თუ ღამით, ყოველ წუთს, ყოველ წამს. ყველგან და ყოველთვის. შენ ავსებ ჩემს ცხოვრებას.

ჩემი ცხოვრების აზრი და მიზანი ხარ. შენ კი არ გინდა დაინა-



ხო. განგებ თვალებს ხუჭავ. ჩემთან შეხვედრას ერიდებო, ჩემთან ყოფნას გაურბიხარ. მაგრამ ველარ მოგართვეს. ის, რაც ჩვენ არ გამოგვივიდა, დრომ მოახერხა. ახლა ჩვენ ერთი ბედით ვართ გადაჯაჭვულნი. ბედს კი ადამიანი ვერსად გაექცევა. — მია! საზეიმო, გამარჯვებული იერი მიიღო. — ცისა აღარ არსებობს. ამოდ იტყუებ შორეული ზმანებით თავს. ჩვენ ისე შორს ვართ, რომ ყველაფერი უსასრულობამ შთანთქა. დრომ და სივრცემ დაგვიმონა, დაგვიმორჩილა. სამუდამოდ დაგვაკავშირა ერთმანეთს. აქ არის ჩვენი დასაწყისი, აწყყო და ბოლო, აქ, და წარსულში ნუ იყურები.

— მია! — ვამეხი ყურებს არ უჯერებდა. ვაოგნებული უყურებდა. მართალი იყო მია, მართალი, მაგრამ ამას შეიძლება კოსმიური აგონია მოჰყვეს, ეს კი უკვე საშიშია. ვამეხმა შესიტყვება სცადა.

— ნუ მაწყვეტინებ, — შეევედრა მია, — ბოლომდე მათქმევინე. მცირე საბჭოზე ვერ მოვახერხე, ვერ გავბედე. ახლა კი ყველაფერი უნდა ვთქვა. ნუ გაგიკვირდება. ცოტადა დარჩა და იმიტომ ვჩქარობ. ეს იქნება განწირული ადამიანის აღსარება. ბოლოთქმა. მეტად მე აღარ შეგაწუხებ. გარე სამყაროსთან კავშირი გაწყვეტილია. ვერავინ გაიგებს ჩვენს ძახილს. ჩვენს ხმას. არავინ გამოეშურება ჩვენს საშველად. რამდენიმე საათის შემდეგ დასახლება ძმათა სასაფლაო გახდება. ჩვენ, დრო და მეკობრენი სამკვდროსასიცოცხლოდ დავუპირისპირდით ერთმანეთს.

— მია! — იყვირა ვამეხმა. — რას ამბობ, მია! — მივიდა, ორივე ხელი მხრებში ჩაჭიდა, შეანჯღრია. — გონს მოდი, მია!

მია გაჩუმდა. სიზმარეულად შეხედა ვამეხს. აკვირდებოდა, თითქოს პირველად ხედავსო. ხელებიდან დაუძვრა. უკან დაიხია. გაკვირვებულმა გააქნია თავი, გადაიხარხარა. მერე უცებ გაჩუმდა. მოეშვა, მოდუნდა. დატუქსული ბავშვივით მივიდა ვამეხთან. კისერზე მოეხვია, აზლუქუნდა:

— მაპატიე, მაპატიე! — ლულულულებდა მია.

ვამეხმა უსაშველო შვება იგრძნო. რაღაც მძიმე ტვირთი მოშორდა თითქოს ღრმად ამოისუნთქა. ხელი შეაპარა თმებში. მოეფერა, მიეალერსა. შუბლზე აკოცა. მსუბუქად აიტაცა ხელში. სავარძელში ჩასვა, საკინძე შეხსნა.

— არაფერია, გაგივლის, — ანუგეშა ვამეხმა. — ასე იცის



შედმეტმა დაძაბულობამ. მოულოდნელმა ტრაგიზმმა. ხუმრობა, ხუმრობა არ არის, ასე მოკლე დროში ამდენი მოულოდნელობა. ერთი-ორი ელექტრომაგნიტური აბაზანა და ხვალ ჩიტყვივით იქნები. მია ზომიერად სუნთქავდა და ვამეხი მიხვდა, რომ ეძინა. ფრთხილად მოშორდა. სამხერ ფანჯარასთან მივიდა. გაიხვდა.

ყოფილ სასტარტო მოედანზე სფეროები ირეოდნენ. აქა-იქ უწყსრიგოდ ეყარა შუაგადახსნილი ნახევარსფეროები. თავშეკეცილი სფეროელი ხტუნვა-ხტუნვით დარბოდა შუშხუნასა და სოკოსებრ ნაგებობას შორის. რამდენჯერმე გარშემოც შემოუბრინა. საცეცები მოუთათუნა და ისევ შუშხუნისაკენ გაქანდა. მინდორში სფეროები რიგებად ეწყობოდნენ.

— შეტევისთვის თუ ემზადებიან, — ხმამალლა გაიფიქრა ვამეხმა. — არაფერია, ჩვენც წესისამებრ დავხვდებით.

— უაზრობაა. ჩვენ მარტონი ვართ. უმწეონი. სასაცილო მიზნით და სურვილებით. არავის ვახსოვართ. ერთი ცვლა დარჩა და, თუ ისინიც დროზე მოფრინდნენ, მათი საზრუნავიც მიცვალებულთა მოვლა-პატრონობა იქნება მხოლოდ. ეს არის სიმართლე. სიმართლე კი რატომღაც არავის უნდა.

„არ სძინებია“, — გაიფიქრა ვამეხმა და თითქოს მის ნათქვამი სულაც არ გაუგონიაო, ისე შეეკითხა:

— დედამიწაზე რომ დაბრუნდები, რას გააკეთებ?

— არ ვიცი, — შექანიკურად უპასუხა მია, — არასოდეს მიფიქრია ამაზე.

— მე კი ვიცი, — ძალდატანებული ხალისით თქვა ვამეხმა. — ცოტა ხნით მშობლიურ სოფელში დავისვენებ. მერე ახალ ექსპედიციაში ჩავეწერები და სხვა უცხო პლანეტას დავიპყრობ.

მის გაეღიმა.

— მოუსვენარი ბუნების კაცი ხარ, ვამეხ. ძალიან მოუსვენარი. როგორ შეგიძლია ამაზე ფიქრი ახლა... ნუთუ არაფრის გეშინია? — ქალების გარდა არაფრის.

— მე კი გეშინია, — არ მიიღო ხუმრობა მია. — უფრო სწორედ გული მწყდება. სისულელეა ჩემს ასაკში ასე სიკვდილი. განა რა ვნახე? რას მოვესწარი?

— ყოველგვარი სიკვდილი სისულელეა, მაგრამ ამაზე ნუ ვი-



ლაპარაკებთ. ხედავ, სფეროელნი ისევ რკალებად ეწყობიან და დასხმას აპირებენ.

— ალბათ ძალიან სასაცილო ვიყავი წელან, — მამ ხმას აუწია. — უნდა მაპატიო. თვითონაც არ ვიცი, რას ვაკეთებდი, რას ვამბობდი. ეტყობა, ნერვებმა მიმტყუნეს. გადავიღალე. ნეტა შეიძლებოდა დასვენება, სიამოვნებით დავიძინებდი საღათას ძილით და როცა ეს ჯოჯოხეთი დამთავრდებოდა, გავიღვიძებდი.

— ყველაფერი კარგად იქნება, ყველაფერი. მხოლოდ ასე ფიქრს თავი დაანებე. მოიშორე როგორც მტერი, როგორც სხეულის დამშლელი მატლი. საქმეზე იფიქრე, მოყვასზე ზრუნვა გამოგაფხიზლებს. იმოქმედე.

ფრონტულად გაშლილი სფეროელნი დასახლებისაკენ მოგორავდნენ. სოკოსებრი ნაგებობა მზესავით ბრწყინავდა. დასახლების ჩრდილოეთით ჟანგისფერი მტვერი აისვეტა. წყლის გამომშუშავებელი კოშკი თვალის დახამხამების უმალ გაქრა. სასოებით ნაგროვები წყალი ხარბად შეიწოვა გამომშრალმა ნიადაგმა. ზედიზედ იქუხა ატომოკარაბინმა. რამდენიმე სფეროელი კარებშივე დაიფერფლა. ორანჟერეის თალი დაიცხრილა. ნაწილი ჩამოინგრა.

— სკაფანდრები! — ბრძანა ვამეხმა. ოთახში გაბნეული ნივთები ერთად მიაწყო. „უკან დახვევისას ხელი რომ არ შეგვიშალოს,“ — ფიქრობდა იგი.

მამ უხალისოდ დაიწყო ჩაცმა.

აფეთქების ძლიერმა ტალღამ მთელი დასახლება შესძრა. ობსერვატორიის გამჭვირვალე კედელი დასკდა, დაიბზარა. ჰერმეტიკობა დაირღვა.

— ფეთქებად ნივთიერებათა საწყობი ააფეთქეს, — თქვა ვამეხმა. — მეზღრას გადაეცი, სამალში გადავიდეს. თუმცა მოიცა, მგონი უკვე გვიან არის.

ორანჟერეაში რუმი და მისი რაზმი უკან იხევდა. მათ ფეხდაფეხ მოსდევდნენ სფეროელნი. დროდადრო ელავდნენ, ყველაფერს ფერფლაგდნენ გზაზე. რაზმეულის ერთმა წევრმა წაიფორხილა, დაეცა. დანარჩენებმა ექსპერიმენტული ფიზიკის შენობას შეაფარეს თავი. სფეროელებმა დაჭრილი ცალი საცეცით აიტაცეს და შუშხუნისაკენ გააქანეს. უნდა გენახათ, რა დღეში იყვნენ, როგორ ზმუოდნენ. ისევ გაბრწყინდა სოკოსებრი ნაგებობა. უხილავმა

ყუმბარამ ობსერვატორიის თალი გააქრო. ვამეხმა და მამ მოსწრეს გამჭვირვალე მუზარადების ჰერმეტულად ჩაკეტვა. უკვე სახიფათო იყო ოთახში ყოფნა. ქანქარასავით ქანაობდა ობსერვატორიის კედელი. ყოველ წუთს შეიძლებოდა ჩამონგრეულიყო. ეზოდან ატომკარაბინების ბათქი მოისმა: რუმის რაზმი საფარიდან გამოვიარდა, ქუჩა გადაირბინეს და სადისპეტჩეროს კარებს იქით მიიმალნენ. სფეროები კარებს შეალოდნენ. ვაკუუმოთახის ორმაგი კარი შეიბრყა. სფეროთა ალყა თანდათან ვიწროვდებოდა. არ ჩქარობდნენ, ჯიუტად მიიწეოდნენ წინ.

— „ალბათ, ცოცხლად აპირებენ ხელში ჩაგდებას“—გაიფიქრა ვამეხმა და თოფნაკრავივით შემობრუნდა უეცარი შეხებისაგან. გვერდით მია იდგა, რაღაცას ანიშნებდა ხელით. პირველად ვერ გაიგო, რაში იყო საქმე. მერე მოისაზრა და მისთან ერთად დერეფანში გავარდა. ბეწვზე გაასწრეს. ობსერვატორიის კედელი ჩამოიქცა. მტერის კორიანტელმა დაფარა ყველაფერი. ხელის ფათურით მიიკვლევდნენ გზას და დიდი წვალეების შემდეგ, როგორც იქნა, გარეთ გააღწიეს, ეზოში გავიდნენ.

სადისპეტჩერო მიწასთან იყო გასწორებული. რუმი რაზმთან ერთად სამალისაკენ გარბოდა. ხანდახან ჩერდებოდა და ატომოკარაბინების ქუხილი არემარეს აყრუებდა. სფეროელნი ჩერდებოდნენ. ელოდნენ, სანამ წინ მიმავალი დაიფერფლებოდა და მხოლოდ შემდეგ მიგორავდნენ წინ. რუმი ხეს ამოეფარა. კარაბინი შეათვალიერა. ქამარზე მოისვა ხელი. სათადარიგო ვაზნები გასთავებოდა. ბევრი აღარ უფიქრია. კარაბინი ჯოხივით მოიმარჯვა და პირველსავე სფეროელს თავზე გადაატეხა. სფეროელი ბურთივით შეხტა. გარუჯული ხის ტოტებში გაეჩხირა. მეორე უკანიდან წამოეპარა რუმს და საცეცებით შემოეხვია ფეხებზე. ვამეხმა მია სამალში გაგზავნა, თვითონ რუმისკენ გაეშურა. რეფლექტორის გამშვებს გამოსდო თითი. სფეროელი გაწითლდა და დაიფერფლა. მეორე ადამიანის გამოჩენას სფეროელნი, ეტყობა, არ მოელოდნენ. სფეროებში ჩაძვრნენ და შუშხუნისაკენ გაგორდნენ. ამით ისარგებლა ვამეხმა, რუმს მხარში ამოუდგა და სამალავისაკენ წაიყვანა.

გათავებებული სფეროელნი წაღმა-უკუღმა დაგორავდნენ ორანჟერეაში. ყველაფერს ანადგურებდნენ, წვაოდნენ. გრუხუნით ჩამოინგრა მეორე თალიც. ცენტრალური პელიოელექტროსადგური



ჯანიმუხტა. წამით ცისფერმა ელვამ ხელოვნური მზის ელვარება დაჩრდილა. ორანჟერეა სფეროებით აივსო. ბრძოლას აზრი აღარ ჰქონდა.

ვამეხმა ენერგიულად მიაბრახუნა კარებზე. ცოტა ხნის შემდეგ ვაუღეს და სამალავში შევიდა.

მოულოდნელი სტუმარი

კიდევ კარგა ხანს ისმოდა სფეროელთა ყაპყაპი ორანჟერეიდან, ინგროდა შენობები, დამხმარე ნაგებობანი. ნადგურდებოდა ყველაფერი, რაც ადამიანის დაუღალავმა და დაძაბულმა შრომამ შექმნა. მტვრად იქცა უნიკალური აპარატურა და მეტად საჭირო ხელსაწყოები. გადაიბუგა სასოებით მოვლილ-ნაპატრონები ბაღჩაბადები. შინაურ ცხოველთა უმრავლესობა გაწყდა. რაც გადარჩა, ისიც მალე დაიხოცებოდა შიმშილით. გარუჯული ხეები ნაწამები ადამიანებივით იდგნენ აქა-იქ. გავარვარებული მიწა დასკდა, შავი ნაპრალებით დაისერა. თანდათან დაეკარგა ელვარება ხელოვნურ მზეს. არემარეს შავ ლაქებად დააწვა მთათა ჩრდილები. მერე ჩრდილები და გარემო ერთმანეთში აირია, აითქვიფა. უკუნეთმა დაისადგურა.

ზედიზედ დაიქუხა კარაბინებმა. მოულოდნელობით დაფეთებულიმა სფეროელებმა გააფთრებით შეუტყეს ცოცხლად დარჩენილებს. ძნელი და იმედგადაწურული იყო უთანასწორო ბრძოლის ბედი. მაგრამ სამალავში შეხიზნულები მაინც არ კარგავდნენ იმედს.

სროლა აღარ განმეორებულა. სფეროელნი თითქოს დამშვიდდნენ. უწყინრად დაგორდნენ ყოფილ ორანჟერეაში. სოკოსებრმა ნაგებობამ ბზრიალი შეწყვიტა. შუშხუნას პირვანდელი ფერი დაუბრუნდა. სფეროებმა ერთხანს კიდევ იწრიალეს ნანგრევებში და როცა დარწმუნდნენ, რომ დასანგრევ-დასაფერფლი აღარაფერი იყო, იქაურობას გაეცალნენ.

ვამეხმა სათადარიგო ტელერადიოლოკატორი ჩართო. მეტრობით დაათვალიერა სამალის ახლომახლო ტერიტორია. ეკრანზე ნანგრევებს ნანგრევი ცვლიდა, დაღეწილ ხეებს — დამსხვრეული აპა-

რატურა. ძლივს გაარჩია ნანგრევებს შორის ადამიანის დასახლებული
ბული გვამი.

„ამსაც მოვესწარით“, — გაიფიქრა მან. ეკრანი გამორთო..
მეზდრას მოლიმარი სახე წარმოუდგა. — ნუთუ ველარასოდეს ვე-
ლარ ვიხილავ? ნუთუ მია, რუმი, მე ან სხვები ერთ მშვენიერ დღეს
ასე სულელურად, არაფრისათვის დავიხოცებით? რატომ? — ვერ
იჯერებდა ვამეხი. ადრე არასოდეს უფიქრია სიკვდილზე. ახლა კი,
როცა მისი ცივი სუნთქვა იგრძნო, მოსვენება დაკარგა.

— კარგი ბიჭი იყო მეზდრა, — თქვა ვილაცამ.

— „მეზდრა?.. რომელი იყო ცუდი?“ — ვამეხი ხალხისკენ
მოტრიალდა. — ისინი ბოლომდე ღირსეულად იბრძოდნენ, —
თქვა მან.

ყველანი ფეხზე ადგნენ.

* * *

ორმოცდარვა საათი გავიდა დამოუკიდებელი დროით, შორეულ-
პლანეტაზე კი მხოლოდ ნახევარი ღამე გაილია. კიდეც რამდენიმე
საათი და მეექვსე პარალელზე ინათებს. „წითელი ოკეანის“ ნაპი-
რებს ცისფერი დილა ესტუმრება. დილა ახალ დღეს მოიტანს, შო-
რეული პლანეტის ახალი წლის პირველ დღეს. ყოველი წლის პირ-
ველ დღეს კი დედამიწიდან ცვლა მოდის.

თუ ამჯერად არ დაიგვიანეს, იქნებ ცოცხლად დარჩენილებს
ეშველოთ.

* * *

ვამეხმა თხრობა დაამთავრა, გაჩუმდა. დასახლების უფროსმა
მძიმედ ასწია თავი.

— საოცარია, — თქვა მან. — საიდან გაჩნდა შუშხუნაში ჩვე-
ნი მსგავსი არსება. რამდენადაც ცნობილია, სამყაროში, დედამიწის
გარდა, არ არსებობს ჩვენი ფორმის მსგავსი მოაზროვნე არსებანი.

— ის ჩემზე ნაკლებად არ იყო გაცოცხლებული, როდესაც დამი-

ნახა, — თქვა ვაძეხმა. — გაფართოებული თვალებით მიყურებდა ვინ იცის, იქნებ, ისიც თქვენსავით ფიქრობდა.

შეფმა ხელები გაშალა.

— მაშინ გამოდის, უცნობ პლანეტაზე მამაკაცები რაღაც მიზეზების გამო მხოლოდ სფეროვლებად განვითარდნენ, ხოლო ქალებმა სრულყოფილი, დახვეწილი ფორმა მიიღეს.

— ეს ეწინააღმდეგება კოსმოსში ადამიანის მსგავსი არსებების გავრცელების კანონზომიერებას, — შენიშნა რუმმა. — ჩემი აზრით, ისინი ორი სხვადასხვა სამყაროს ცივილიზაციის წარმომადგენლები არიან. თუ ასეა, მაშინ იქნებ ტყვექალთან დაგვემყარებინა ურთიერთობა. მისი დახმარებით გვემოქმედა სფეროვლებზე.

— შეუძლებელია, — თქვა ვამეხმა და გაიფიქრა: „რა საოცრად ჰგავდა დიდი ლაპარაკის დროს ჩვენს ტალღაზე შემთხვევით ჩართულ უცნობი სამყაროს დიქტორს. თუმცა მას მაყვალვივით შავი თვალები ჰქონდა, ამას კი — გაცრეცილ ცასავით ლურჯი. იგი ორეულივით ჰგავდა ცისას, ეს კი მისი ნეგატიური გამეორებაა. ის იყო პირქუში, შინაგანი ცეცხლით ავისილი, ეს კი — ფერიასავით ნაზი, უსუსური. და მაინც საოცრად ჰგავდა მზისა და მთვარის ზღაპრული ქვეყნის ასულს.“

— თუ უცნობი ქალი მართლა ტყვეა, — თქვა შეფმა, — მაშინ ჩვენი ინტერესები ერთმანეთს ემთხვევა. იგი იძულებულია, კონტაქტი დაამყაროს ჩვენთან.

— ყველა მიმღები მწყობრიდან გამოვიდა, — ამოიოხრა მიამ, თორემ ვცდიდი დაკავშირებას. ჯერ არ მომხდარა, რომ ქალებს ერთმანეთისა არ გაეგოთ.

— ახალი გადამცემი უნდა ავაწყოთ. ზოგიერთი რამ სათადარიგო ნაწილების საწყობის ნანგრევებში შეიძლება აღმოჩნდეს. საინტერესოა, რა ხდება გარეთ. ჩართეთ ეკარნი!

ვამეხმა ბერკეტი გადასწია. საერთო სარგებლობის ეკრანზე დასახლების დანგრეული ტერიტორია გამოიკვეთა. სხვადასხვა ფერად განათებული სფეროები ნანგრევებს შორის დაგორავდნენ ზანტად, უხალისოდ.

— გარეთ გასვლა სახიფათოა, — თქვა რუმმა. — ცოტა კიდევ მოვითმინოთ. ბოლოს და ბოლოს მობეზრდებით უაზროდ გორვა და გაგვეცლებიან.



— სადამდე! — მოულოდნელად იყვირა რუმმა. მაგიდზე წამოი-
მართა. გაფითრებული იყო. მრისხანე მზერა მოავლო ხალხს.
კმარა! — ჩურჩულით თქვა ცოტა ხნის შემდეგ.

— რა კმარა? — იკითხა შეფმა.

— ყველაფერი, აბსოლუტურად ყველაფერი! — ამოღერდა რუმ-
მა, — ხელსაწყოები მწყობრიდან გამოვიდა. წყალი თავდება. მა-
ლე ჟანგბადის მარაგიც გამოილევა... სამალავი ძმათა სასაფლაო
გახდება. — ხელი სიღრმისაკენ გაიშვირა. — არ დაგავიწყდეთ, იქ
შეხიზნული ხალხი ჩვენს გადაწყვეტილებას ელოდება, ჩვენ კი... —
ხელი ჩაიქნია.

— ნერვებმა გიღალატეს. წადი, დაისვენე.

— ათი საათის შემდეგ ყველანი დავისვენებთ, — ამოგესლა
რუმმა.

— სისულელეს ლაპარაკობ! — გაწყრა შეფი. — ასე მხდა-
ლებიც არ იქცევიან. შენ კი... მე გამოცდილ კოლონისტად გთვლი-
დი. ეს რომ ახალბედს ეთქვა, კიდევ ჰო, მაგრამ შენ..

— აღარ შემიძლია გულხელდაკრეფილი ველოდო სიკვდილს, —
ვედრებით თქვა რუმმა — გესმით? აღარ შემიძლია! — მუშტი და-
არტყა მაგიდას. ბეტატრონს წამოავლო ხელი, გასასვლელისაკენ
შებრუნდა. ვამეხი წინ გადაუდგა.

— საით?

— იქ, ბრძოლაში მაინც მოკვდები.

— სამალის საიდუმლოებას გასცემ. იქ სფეროები დაგორავენ.

— მით უკეთესი, ძვირად დაუუსვამ ჩემს სიცოცხლეს.

— აქ შენს გარდა ჩვენცა ვართ. არ გაგიშვებ!

რუმს სისხლი მოაწვა სახეზე, სუნთქვა შეეკრა.

— რა უფლებით! ყველა ჩემი წინაპარი ვაჟკაცურად მოკვდა.
ჩვენ სიმხდალე არ გვჩვევია.

— ჩვენც! — ვამეხმა მარწუხივით მოუჭირა მკლავზე ხელი.

პირისპირ იდგნენ. თვალებით ზომავდნენ ერთმანეთს. შემ-
დეგ ვამეხმა ხელი შეუშვა. ისიც ცოტათი დამშვიდდა თითქოს. მიაშ-
რადაც თქვა, მაგრამ ყურადღება არ მიაქციეს. ვამეხი გვერდზე გად-
გა.

— წადი, აღარ გაკავებ.

რუმმა ზურგი შეაქცია. ბეტატრონი მაგიდაზე დააგდო. ძელში ჩაჯდა. სახე ხელებში ჩამალა.

შეფმა უსიამოვნოდ გააქნია თავი.

— უფრო მეტი სიღინჯე გემართებს, — თქვა მან, — მეტი თავშეკავებულობა. კინკლაობას გირჩევენიათ ვადამცემი დაამონტაჟოთ. ვიდრე ცვლა დაგვიკავშირდება, მზად უნდა იყოს. თქვენ კი ვამეხ, ორანჟერეაში გადით, დაათვალიერეთ. იქნებ ვინმე გადარჩა, დროზე უნდა ვუშველოთ.

ვამეხი უხმოდ გავიდა მეორე ოთახში. სკატანდრი მოირგო. ბეტატრონი სამაგრზე ჩამოიკიდა და გარეთ გავიდა. რამდენიმე ნაბიჯი გადადგა სიბნელეში. ღამეში ხედვის აპარატი თვალებზე ჩამოიფარა. განათდა.

დასახლებას ველარ იცნობდი. სადღა იყო ობსერვატორიის მთავარი კორპუსი, ორანჟერეა საცდელი ნაკვეთებით, ზოობალი ან დამხმარე სათავსოები, დასახლება ნაქალაქარს ჰგავდა. ყველაფერს მუქი ყავისფერი მტვერი ედო. მხოლოდ დამსხვრეული აპარატურა ლაპლაპებდა ვარსკვლავთა შუქზე.

ვამეხმა ქუჩა გადაკვეთა. სადისპეტჩეროსაკენ გაუხვია. ნანგრევებში შევიდა. ძლივს გაარჩია სადისპეტჩეროს მთავარი დარბაზი.

„რამდენიმე საათის წინ ახალწელს ვზეიმობდით, — გაიფიქრა ვამეხმა. — ახლა კი დარჩენილი სიცოცხლის საათებს ვითვლით. ვინ იფიქრებდა?“

ფრთხილად გადადგა ნაბიჯი. ერთადერთ მთელ კედელს შემოუარა. „დარბაზში“ გავიდა. უცებ მუხარადში ჩამალული მიმღები ახმიანდა. ნაცნობმა ხმამ შველა ითხოვა. ვამეხი შედგა. გაკვირვებულმა მიმოიხედა. არავინ ჩანდა.

„ალბათ მომესმა“, — დაასკვნა მან. გზა განავრძო.

ძახილი განმეორდა.

„მეზღრას ხმაა“, — მინიატურული პელენგატორი ჩართო. პაწია თეთრმა ისარმა ზუსტად განსაზღვრა მიმართულება. ხმა ნანგრევებიდან მოდიოდა.

ნანგრევებს მიადგა. ყველგანმავალის შეტრუსული კორპუსი შეათვალიერა. დიდი წვალეებით ჩამტვრია დეფორმირებული კარი, პროექტორი ჩანათა. ნახვრეტის ვიწრო ყელში მეზღრა გამოჩნდა. ვამეხის დახმარებით ამოობლდა, გასწორდა.

— ეშმაკმა დალახვროს, — თქვა მან. — ბედად გადავრჩი. ყველგანმავალში ჩაჯდომა და კედლის ჩამონგრევა ერთობაა ჩვენები როგორ არიან? გადარჩენ?

— ვინც სამალავში შესვლა მოასწრო, გადარჩა. ვინც ვერ მოასწრო...

— ვიცი, ყველაფერი ჩემს თვალწინ მოხდა. ბევრი ვეცადე, მაგრამ ვერ დავენმარე. ჩემი სიცოცხლეს ბეწვზე ეკიდა.

— შორს არიან?

— ორანჟერეის დასაწყისში.

ვამეხი ორანჟერეისაკენ წავიდა. მეზღრა გვერდით მიჰყვებოდა. ახლოდან უფრო საზარელი სანახავი იყო ნაომარი ადგილები. დამსკდარი მიწა, დამწვარ-დახრუკული პლასტიკატები, დაღეწილი აპარატურა, დაჭიმუნილი რკინის კონსტრუქციები. ლურჯად მოჭიქული ნიადაგი და მტვერი. ყველაფერს ჟანგისფერი მტვერი ედო. ვამეხმა სქელლანჩიანი ფეხსაცმელები შენიშნა. გაოგნებული იდგა. თუმცა ელოდა, მაგრამ ფაქტის დანახვამ სული აუფორიაქა, გონება აემღვრა. მეზღრა მოიხმო, გაირინდა, როდემდის იდგა ასე, აღარ ახსოვს. გონს რომ მოეგო, თავს სძლია და მეგობრის გვამი შეღარებით სუფთა ადგილზე გამოათრია. პიროვნების ამოსაცნობი ფირფიტა მოხსნა მკერდიდან, მეზღრას მიაწოდა. რკინის ნაგლეჯი მოძებნა, საფლავის გათხრა დაიწყო.

„ნუთუ ნორმალური სიკვდილის ღირსი აღარა ვართ? მეკვდართა ორბიტაც სანატრელი გაგვიხდა. მთელი ამხელა ტანჯვა-წამება წყალში გადაიყარა. რა აზრი ჰქონდა ჩვენს აქ მოსვლას, თუ ყველაფერი ასე უსახელოდ დამთავრდებოდა. განა სიკვდილი იქ არ შეგვეძლო? მაშ აქ რა გვინდა? რისთვის ვიშრომეთ? რისთვის ვთქვი, უარი დედამიწისეულ ბედნიერებაზე? — ამოიოხრა. მიწის თხრას თავი დაანება, მეზღრას დააკვირდა... — იქნებ ესეც მოკვდა და მე მეჩვენება, რომ ცოცხალია? ან ჩემს სიცოცხლეს რაღა ფასი აქვს? ხომ არ სჯობს, საფლავი გავადიდოთ და ყველა შიგ ჩავწვეთ? დიდმა ტრაგედიამ და უმოქმედობამ სიკვდილ-სიცოცხლეს შორის ზღვარი წაშალა. კოსმოსის უკიდვგანო სივრცეში გავითქვიფეთ, დავიკარგენით. — მექანიკურად განაგრძო საფლავის თხრა. ცდილობდა ამაზე აღარ ეფიქრა. მთელ გულისყურს აქსოვდა საქმეს. გულმოდგინედ მუშაობდა, ასწორებდა, ზომავდა. როცა საფლავის



თხრას მორჩა, მეზღრა დაიხმარა და მეგობრის გვამი ორმოში დაასვენა. მიწა მიაყარა. მერე საიდანღაც რკინის მოზრდილი რი მოათრია, თავთან დაუდო. ვარსკვლავთა მკრთალ გამონაშუქზე ძლივს გაარჩევდით წარწერას: „გაკეთებულია სრულიად დედამიწის“ — მერე ასოები აღარ ჩანდა. აი, ყველაფერი, რაც სიკვდილს გადაურჩა და მარადიულობას ეზიარა. ვამეხი ადგა.

— სამალავში წადი, გელოდებიან. მეც მალე მოვალ.

მეზღრამ სიტყვის თქმა დააპირა, მაგრამ ვამეხმა ხელით ანიშნა, წადიო, და ახალ საფლავთან ჩამოჯდა.

მეზღრა წავიდა. ვამეხმა ღამეში ხედვის აპარატი გამორთო. იღუმალებით სავსე სიბნელე შემოეხვია, სულში ჩაუძვრა. დროდადრო შორეული ვარსკვლავიდან ან ნისლოვანებიდან მოსული მკრთალი შუქი აირეკლებოდა საფლავის თავთან დადებულ ლითონზე. ციციანთელსავით გააშუქებდა. ვამეხმა სიბნელეს გაუშტერა თვალი. როცა მობეზრდა, მზერა ზღაპრული ფორმის მწვერვალებით შემორაგულ ჰორიზონტზე გადაიტანა. ნაპერწკლებით და წინწყლული ხვერდოვანი ცა საოცრად დადაბლებულიყო. სადღაც იქ, უსწორმასწორო ჰორიზონტს მიღმა, ახალი დღის მაცნე, ლურჯი მზის პირველი სხივი იბადებოდა. რა იმედებით ელიან ადამიანებო ამ დღის მობრძანებას შორეულ პლანეტაზე. განსაკუთრებით ახლა. ნეტა შეიძლებოდეს რამდენიმე საათით მისი მოახლოება. საათი რაა, თუნდაც წუთებით. მაგრამ დრო ბატონობს ყველგან და არა ადამიანი. დრო გვევლინება შემოქმედად. იგი ქმნის გალაქტიკებს, სამყაროებს და თვითონვე სპობს მათ. აბა, პატარა ადამიანს სხვა რა დარჩენია, მორჩილების გარდა.

რადიოსაათმა წკრიალით ჩამორეკა დრო.

„ცოტალა დარჩა გათენებამდე“, — გაიფიქრა ვამეხმა. საოცარი დაღლა იგრძნო. სხეული მოუდუნდა. სიმთვრალესავით მოერია ძილი. იცოდა, რომ გარეთ ძილი სიკვდილს ნიშნავდა მაგრამ ვერაფრით ვერ გაართვა თავი. ბურუსში გაეხვია, ჩასთვლიმა. არავინ იცის, რამდენ ხანს იქნებოდა ასე, რომ უსიამოვნო გრძნობას არ გამოეფხიზლებინა. ძალდატანებით გაახილა თვალები. ხელისფათურით მოძებნა ლილაკი. ღამეში ხედვის აპარატი ჩართო. იფიქრა მეჩვენებო. რამდენჯერმე ჩართო და გამორთო აპარატი. არაფერი არ შეცვლილა. ბოლოს ირწმუნა სინამდვილე. გაშრა, გააყრ-



ყოლა. სცადა უკან დახევა, ვერ მოახერხა. ლითონივით დასტკნა ბულიყო.

მის წინ, მტვერში, თავდაყირა ესო სფეროელი. დაგრეხილ საცეცებს გველებივით ასავსავებდა. იქვე ეყარა გადახსნილი ნახევარ-სფეროებიც.

„ნეტავ რამდენ ხანს მეძინა?“ — გაიფიქრა ვამეხმა. ბეტატრონისაკენ გააცურა ხელი. სფეროელს მისი მოძრაობა არ გამოეპარა, უკუ შეტრიალდა, საცეცებით რეფლექტორი მოიმარჯვა, დაუმიზნა. ვამეხი გახევედა.

„კიდევ ერთი საფლავი შეემატება .ამ ცოდვილ პლანეტას. გიხაროდეთ! — მიმართა ვილაცას. — ჩემი აღსასრულიც დადგა. ჩემი დროც ამოიწურა. დიახ, ასეა, ყოველთვის კოკა წყალს არ მოიტანს. ჰოდა, გათავდა, გიხაროდეთ!“ ვის უნდა გახარებოდა? რატომ? არავინ იცოდა.

მაგრამ სფეროელი არ ჩქარობდა. ცნობისმოყვარეობით ათვალიერებდა ერთადერთი თვალით. გაცეცებული ჩანდა. მერე რამდენჯერმე გარშემო შემოუბრინა და ისევ წინიდან დაუდგა.

„აღამიანად არ მთვლის. კარგია, რომ არ ვინძრევი, საგანი ვგონივარ ალბათ“. სფეროელი მიუახლოვდა, საცეცით მხარზე დაეყრდნო, ორი ზევით ასწია და სახეში მყრალი, მომწვანო სითხე შეასხა. სიამოვნებისაგან შეხტა, ნახევარსფეროებს შორის ჩადგა, სფერო შეიკრა და შუშხუნისაკენ გაგორდა.

„ნამდვილად ბედი მწყალობს, ან ამ უბედურებს ჭკუის ნატამალი არ გააჩნიათ.“

ხმაური მოესმა. ადროვა, როცა სფერო თვალს მოეფარა, წამოდგა. მინდორში სფეროებს დიდი წრე შეეკრათ და ყაპყაპებდნენ. ვამეხმა წინ წაიწია.

„თუ ყველაფერი თავიდან დაიწყო, დავილუბეთ“, — მოხერხებული საფარი შეარჩია სათვალთვალოდ.

შუშხუნიდან გადმოგდებული მდიდრულად მორთული ტანტრევანი სფეროელებმა საცეცებით აიტაცეს და დიდი ზარ-ზეიმით დაასვენეს წრის შუაგულში. მერე უკან გაქანდნენ. ორ რიგად მოეწყვენენ შუშხუნასა და ტანტრევანს შორის. გაისუსენ. კარებში ქალის სილუეტი გამოიკვეთა.

— „ტყვექალი!“ — იცნო ვამეხმა.



ტყვექალს ვილაცამ უკანიდან საცეცი ჰკრა, გადმოაგდო, როგორც ფეხს მიწაზე. როგორც ჰაერში დაიჭირეს იგი, ფრთხილად დაუშვეს. გაირინდნენ. კარებში დიდთავა სფეროელი გამოჩნდა. მკაცრად გადახედა მრევლს. უცნაური ხმა გამოსცა. შეიკუნტრუნა, ჩამოხტა. უნდა გენახათ სფეროელთა აღტაცება, როდესაც დიდთავამ ტყვექალი საცეცით აიტაცა და მოსწორებული მოედნისაკენ გაქანდა. გეგონებოდათ, მეორედ მოსვლააო. ერთმანეთს ეხეთქებოდნენ, ხტოდნენ, კიოდნენ. მტვრის კორიანტელმა დაფარა იქაურობა. დიდთავამ ქალი ტახტრევანზე დააგდო, მთელი ხმით იყვირა:

— ეკო! — თავზე წაიშინა საცეცები, ისე მაგრად, რომ ვამეხს ბრავა-ბრუვის ხმა მოესმა. მერე შეხტა და უსიცოცხლო თოჯინასავით დაეკოსა ტყვექალის გვერდით.

სფეროელებმა დიდი წრე შეკრეს. შუშხუნიდან ორი ერთი ფერის სფერო ჩამოხტა. წრეში მდგართ მწვანე კონუსები ჩამოურიგა. დიდთავას კი ოციოდე სხვადასხვა ფერის კონუსი დაულაგეს. დიდთავა თავაწეული იჯდა, ვერ გაიგებდით, ლოცულობდა თუ ვარსკვლავებს ესაუბრებოდა. უცებ სფეროელებმა კონუსი პირში ჩაიჩარეს, სითხე გამოსცალეს და ცარიელი კონუსები ერთმანეთს თავზე გადაამტვრიეს, წრე გამრუდდა, დაირღვა სიმეტრია. სფეროელებმა რწევა დაიწყეს.

„გამარჯვებას თუ ზეიმობენ“, — გაიფიქრა ვამეხმა, გვერდი შეინაცვლა.

ერთმა სფეროელმა დიდთავას მოწიწებით მიართვა ვარდისფერი მილი. დიდთავა ზედ დააჯდა. გაისმა ჯოჯოხეთური ხმები, ყიჟინა. სფეროელებმა როკვა დაიწყეს. ბურთივით ხტოდნენ, თავდაყირა ესობოდნენ, საცეცებს ასავსავებდნენ, ბუქნავდნენ. დიდთავა თანდათან გამოცოცხლდა; გაიბერა — გაიფუყა, გაწითლდა. ტყვექალს საცეცი გაჰკრა, შეხტა, თავდაყირა დაესო. ტყვექალი არც განძრეულა, ალბათ შეჩვეული იყო ასეთ მოპყრობას.

ვამეხი ისე გაიტაცა ამ სანახაობამ, რომ სულ გადაავიწყდა, სად იმყოფებოდა. გაფაციცებით აღევნებდა თვალყურს. ცდილობდა არაფერი გამოჰპარვოდა.

დიდთავა რწევა-რწევით წამოდგა, ზამბარასავით დაიჭიმა, ჯერ ერთი საცეცი ასწია, მერე მეორე. შეხტა, დაიკლაკნა. ხტუნვა დაიწყო. ამასლა ელოდნენ. სფეროელნი ზღაპრულ ილეთებზე გადავიდ-

ნენ. ჰაერში ციბრუტივით ბზრიალებდნენ, უცნაურად იგრინებოდნენ. გულისწამლებად ჭყვიტინებდა მილისმაგვარი საკრავი. მოედანი მროკავ სფეროელთა ფეხქვეშ ზანზარებდა. ყველაფერი აირია, აითქვიფა. ტყვექალი ადგა, თვალი მოავლო შემოიღო სფეროელთა და უხმოდ გაეცალა იქაურობას.

ოდნავ ინათა, უფრო სწორედ, პირველად მგრძნობიარე ხელსაწყობებმა იგრძნეს მისი მოახლოება. ეს მათთვის თენდებოდა პირველად. გაივლის ხანი და „ტექნიკურ განთიადს“ ნამდვილი დილა მოჰყვება. ყველაზე დიდი და ბედნიერი დღის დასაწყისი. ვამეხმა ლამეში ხედვის აპარატი გამორთო. ვისაც დღის ამ დროს უვლია გარეთ, მხოლოდ მას ესმის „ტექნიკური განთიადის“ მთელი მშვენიება. ირგვლივ უკუხეთია, მაგრამ გრძნობ, უფრო გრძნობ, ვიდრე ხედავ, რომ ლამე გატყდა, გაილია. სადღაც შორს, გამუქებულ პორიზონტს ფერი ეკარგება. მთის მწვერვალები კუნძულებივით რონინობენ შავ ფონზე. შემდეგ მგრძნობიარე თვალი კუპრით შედედებულ ლამეში ცვლილებას ამჩნევს. იწყება ფერთა დაბადება. ვამეხი იდგა და თვალს ვერ აშორებდა აღმოსავლეთს, სადაც იმედებით სავსე დილა უნდა გამოჩენილიყო.

მტვრევის ხმამ გამოარკვია. სფეროელნი ტახტრევანს ლეწდნენ. ზიზლით მოარიდა თვალი. სამალავისაკენ გაემართა. საფლავთან შედგა, პატივი სცა მეგობრის ხსოვნას. გადაბუგული ორანჟერეა გაიარა და სამალავში შევიდა.

— რა ხდება? — შეაგება კითხვა შეფმა.

ვამეხმა მუზარადი მოიხსნა.

— თუ მათ მოქმედებას რაიმე აზრი აქვს, გამარჯვებას უნდა ზეიმობდნენ.

— გზაში მარტოხელა სფერო თუ შენიშნე?

— არა, რა იყო?

— წელან სამალავის შორიახლო დაგორავდა. ალბათ ჩვენს ადგილსამყოფლს დაეძებს.

არა მგონია. ისინი დარწმუნებული არიან, რომ დავილუბეთ. სათვალთვალო საკანთან მდგომი მია ელდანაცემი მოტრიალდა.

— კარებთან სფეროა, — ჩურჩულით თქვა მან.

— სფერო? — გაიმეორა რამდენიმე კაცმა ერთდროულად. კარებზე ვილაცამ დააბრაზუნა. არაადამიანური ძალით მოაწვა.

რუმმა ელექტროიმპულსატორს წამოავლო ხელი, კარებთან დადგა და დანარჩენები დარბაზში ჩასაფრდნენ.

ბრახუნი განმეორდა.

— მე თუ გამოძევა, — თქვა ვამეხმა. — ან იქნებ რომელიმე მთვრალმა „რაინდმა“ ღონის მოსინჯვა გადაწყვიტა. ორივე შემთხვევაში აქ უნდა მივიღოთ, აქ იოლად გავუსწორდებით. შემოუშვით!

— სამალავის საიდუმლოებას გავცემთ.

— შემოუშვით! — თქვა შეფმა.

ეს უკვე ბრძანება იყო. ხმაურით გაიღო ვაკუუმოთახის კარი. სფერო შემოგორდა და ცისფერი ნათებით აავსო იქაურობა. დატრიალდა. მცირე დარბაზში გადმოინაცვლა, გაუფერულდა, ჩაქრა. კარგა ხანს იდგა გაუნძრევლად, მერე უცებ შუაგადაიხსნა.

„ნამდვილად გვეგიჟდები“, — გაიფიქრა ვამეხმა. თვალები დააპყვიტა.

გადახსნილ სფეროებს შორის ტყვექალი იდგა. ამაყი, ნახევრად შიშველი. მისკენ წარსდგა ნაბიჯი. გაშლილი ხელი ასწია, ჩაიღიღინა:

— ტაბია ბოა.

მამაკაცები უხერხულად შეიშმუშნენ.

— ტაბია. — გაიმეორა ტყვექალმა. ვამეხს მოუბრუნდა, ორივე ხელი დაადო მხარზე. — ტაბია, ბოა, ბოა. — ტყვექალმა კარებზე მიუთითა.

— რალაცას გვანიშნებს, — თქვა რუმმა. — იქნებ ვინმე ელოდება, ან მდევარის ეშინია. რას გაჩუმებულხართ? ხმა ამოიღეთ!

— სხვა ოთახში გადავიყვანოთ, თუნდაც ჩემთან, ჩვენ კი მოვითათბიროთ — თქვა ვამეხმა.

რუმს გაეღიმა.

— მოსასვენებლად მის ოთახი აჯობებს.

— მართალია, — დაეთანხმა ვამეხნი. — მაგრამ რა ვუთხრათ? რა ენაზე ველაპარაკოთ? როგორ გავაგებინოთ?

უხერხული ღუმილი ჩამოვარდა. ტყვექალი ყურადღებით ათვალიერებდა დარბაზში შეკრებილთ. ისე ექირა თავი, თითქოს მისთვის ყველაფერი გარკვეული და ნათელი იყო. აქაოდა, არაფერი მომხდარაო. ბოლოს მიამ გაბედა. ფრთხილად მოჰხვია ხელი, გასასვლელისაკენ მიიპატიჟა. ქალი მორჩილად გაჰყვა.



მამაკაცებმა თავისუფლად ამოისუთქეს. გათამამდნენ. ენად გაიკრიფნენ. მთელ იმედებს ტყვექალზე ამყარებდნენ. რა ვატირები ტი აღარ მოიფიქრეს. რა ხერხი არ მოიგონეს. მთასა და ბარს მოედნენ. ბევრი იქაქანეს, მაგრამ ვერაფერზე შეთანხმდნენ.

— რუმს დაევალოს საერთო ენის გამონახვა, — თქვა ბოლოს შეფმა, — ეს მისი პირდაპირი მოვალეობაა.

— უნდა სცადო, — გაამხნევა ვამეხმა. — რაც არ უნდა იყოს...

— მეტისმეტად ხომ არ დაგვაგვიანდა? — შეაწყვეტინა რუმმა, — ვის რაში სჭირდება სიკვდილის წინ მეცნიერული ექსპერიმენტები. ესეც არ იყოს, ქალებთან შენ უფრო პოულობ საერთო ენას.

ვამეხმა წყენა არ შეიმჩნია.

„შესაძლებელია, — დაეთანხმა იგი, — მაგრამ შენ მაინც უნდა სცადო.

— ვცადო?.. რატომ? ხომ არ დაგავიწყდათ, რომ ჩვენი სიცოცხლე გარკვეული დროიდან ჟანგბადის მარაგით განისაზღვრა? იცით, რამდენ ხანს გვეყოფა ჟანგბადი?

— ცხრა საათს.

— ცხრა? — რუმმა ნაძალადევად გაიღიმა. — სცდებით, ბატონებო, ცდებით! ახლა ერთი ადამიანით მეტი ვართ და ჩვენი სიცოცხლე შესაბამისად შემცირდა.

— ერთ ადამიანს გადამწყვეტი მნიშვნელობა არა აქვს.

— რასაკვირველია, — პათეტიკურად გაჭიმა სიტყვა რუმმა. — რა მნიშვნელობა აქვს, თხუთმეტი წუთით ადრე გაიგულები, თუ გვიან.

— კმარა! — მოჭრა ვამეხმა. — ტყვექალს ჩემი ულუფიდან მივცემ ჟანგბადს. შეგიძლიათ დამშვიდდეთ. იცოცხლებთ იმდენს რამდენიც გეკუთვნით.

რუმმა შუბლი მოისრისა.

„რა მომდის? რა შემართება?“ — გაიფიქრა მან.

უკვე საკმაოდ ინათა. სფეროელნი კი ძველებურად როკავდნენ ჭყვიტინა მუსიკის ტაქტზე. ვამეხი თვალს არ აშორებდა მათ მოძრაობას და უკებ ზეშთაგონება ეწვია. სფეროელთა მოძრაობასა და ქცევაში რაღაც მანქანური, არაადამიანური შეიცნო. სახეზე ნათელი მოეფინა. იმედის ნაპერწკალმა იფეთქა.

„საჭიროა მხოლოდ დამტკიცება. რუმმა თუ საერთო ენის გამო-
ნახვა მოახერხა, იქნებ ყველაფერი გაირკვეს... ან იქნებ მართლა შე-
ვცადო?...“

მუსიკა შეწყდა. სფეროელებმა როკვა შეწყვიტეს, იქვე გაგორ-
დნენ მტვერში. შუშხუნნიდან სფერო ჩამოხტა, დიდთავასთან მი-
გორდა, ყვითელი სითხე გადაასხა თავზე. ალაპარაკდა. დიდებულმა
საცეცებიდან დაიწყო გაწითლება. მთელ ტანს მოედო. ნაკვერჩხალს
დაემსგავსა. გასივდა.

„ნეტა რა უთხრეს ასეთი?“ — გაიფიქრა ვამეხმა.

იდეალური სიწყნარე დაირღვა. ყველაფერმა სული ჩაიდგა,
ამოძრავდა. დიდთავა ხტუნვა-ხტუნვით გაიქცა შუშხუნისაკენ. სფე-
როელნი სფეროებში ჩასხდნენ, მინდორში გაიფანტნენ. ერთი ჯგუფი
დასახლებისაკენ გამოგორდა.

ოთახში ტექნიკური სამსახურის ცვლის უფროსი შემოვიდა.
ძლივს სუნთქავდა. ცხვირსახოცით იწმენდდა გაოფლილ სახეს.

— ხელოვნური წყლის გამომმუშავებელი სათადარიგო აპარატი
მწყობრიდან გამოვიდა.

შეფმა მძიმედ ასწია თავი.

— რამდენი დარჩა?

— უკანასკნელი რეზერვუარი დავცალეთ.

— არაფერია, — ანუგეშა შეფმა. — გაციტ ხელშეუხებელი
მარაგიდან. მხოლოდ ექვს საათს უნდა გავძლოთ, ექვსს! ექვსი სა-
ათის შემდეგ ცვლა მოვა და ყველაფერი ბევრი გვექნება.

— ხუმრობთ?

— ასეთ დროს არ ხუმრობენ, — შეფი წამოდგა. ეს წუთია
ველაპარაკეთ მაშველი ჯგუფის ვარსკვლავთმფრენის კაპიტანს.
საჭიროა ექვს საათს გავძლოთ.. გესმით?! ასე გადაეცით სხვებ-
საც.

ვამეხმა ტუჩზე იკბინა. მან კარგად იცოდა, რომ შეფი ტყუო-
და. არავითარი მაშველი ჯგუფი არ არსებობს, არავითარი კაპიტა-
ნი. ყველაფერი მოგონილია. უბრალოდ ექვსი საათის შემდეგ
ქანგბადის მარაგი გამოილევა და... დანარჩენი თავისთავად ნა-
თელია.

— ჰო, ველაპარაკეთ, — მისდაუნებურად დამოწმა ვამეხა
შეფს. — ზუსტად ექვსი საათის შემდეგ აქ იქნებიან.



დაიმედებული ცვლის უფროსი გახარებული გავიდა და. ვამეხისა და დასახლების უფროსის მზერა ერთმანეთს შეხვდა. შეფმა სიკვდილმისჯილივით დახარა თავი.

გ ა ნ წ ი რ უ ლ ნ ი

როგორც იქნა, გადამცემი დაამონტაჟეს, მაგრამ უშუშუნას ვერ დაუკავშირდნენ. იგი ან გადამცემის მოქმედების სფეროს გარეთ იმყოფებოდა, ან მიძღები ვერ ღებულობდა სიგნალებს. ყოველი წუთი, ყოველი წამი აახლოებდა საბედისწერო ფინალს. განწირულნი ინერციით განაგრძობდნენ ცხოვრებას. მექანიკურად აკეთებდნენ ყველაფერს. შეფი გამომთვლელი მანქანის „გულში“ იქექებოდა. ვამეხი გაუნძრევლად იჯდა და ვერ გაიგებდი, ფიქრობდა თუ ეძინა, მხოლოდ მეზღრა ფხიზლობდა. ხან რას იგონებდა გასართობად და ხან რას. ახლა ჭადრაკი ჩართო პირადი სარგებლობის ეკრანზე. „კოსმოსური თავსატეხის“ ამოხსნას შეუდგა. ერთი-ორი სვლა გააკეთა. ჩაფიქრდა.

— ჩემთან ვიქნები, — თქვა რუმმა და კარებისაკენ შებრუნდა.

— არა, მოიცა, — შეაჩერა შეფმა, — დარჩი, საჭირო ხარ. იქნებ საავარიო მაცნე უშუშუნები ავუშვათ. რას იტყვი?

— უაზრობაა. ადგილსამყოფელს გავცემთ. სფეროელნი უფრო ადრე გავგანადგურებენ, ვიდრე უანგზადი გამოგველევა.

— მე კი მგონია, ეს ერთადერთი გამოსავალია. თუ ჩვენებმა დროზე შენიშნეს უშუშუნები. ვფიქრობ სფეროელთა თავდასხმის შემთხვევაშიც კი გავძლებთ მათ მოსვლამდე. რა სისტემის უშუშუნებს მიჩვენებ?

რუმმა მხრები აიჩეჩა.

— ასეთ დროს ყველაზე ეფექტურია აემ-41.

— კეთილი, იყოს აემ-41. მოამზადეთ სამი უშუშუნა. ზუსტად ათი წუთის შემდეგ მიეცით სტარტი.

რუმმა ენის წვერზე მომდგარი კითხვა უკან დააბრუნა.

„ბოლოს და ბოლოს რა მნიშვნელობა აქვს, რას გავაკეთებ, —

გაიფიქრა, — მთავარია რაღაც ვაკეთო...“ — კარები გააღო, დღე-ღამეში გავიდა.

ვამეხმა თვალი გაახილა. ზღაპრით წამოდგა, თითქოს ეს წუთია, გაიღვიძაო. მისთან მივიდა, ყასიდად იკითხა:

— ტყვექალი რას აკეთებს?

— ჩემთანაა, დგას და სამყაროს რუკას ათვალიერებს.

ვამეხმა უაზრო მზერა მოავლო ოთახს.

— რა გავაკეთო? წავალ, გავივლი.

მკრთალად განათებულ დერეფანში ადამიანის სილუეტს მოჰკრა თვალი. შედგა. კარგად დააკვირდა და იცნო. მისა ოთახთან რუმი იდგა, კარის სახელურს აწვალებდა. ვერ გადაეწყვიტა, შესულიყო თუ არა. ვამეხი ფეხაკრეფით მიუახლოვდა. ჩაახველა. რუმი დამნაშავესავით შემობრუნდა.

— მისა ნახვა ხომ არ გინდა? — გაკენწლა ვამეხმა.

— ჰო, არა... — დაიბნა რუმი. — ისე უბრალოდ. ვიფიქრე... შენ აქ რა გინდა?

— მე? მეც ისე... რაღაც ხომ უნდა გავაკეთო? ჰოდა, ვიფიქრე... შუშუნების რა ჰქენი?

— ნუთუ შენც გჯერა ამ მასკარადის?

— ნუ ფილოსოფოსობ, რუმ. გააკეთე, რაც გევალება.

რუმმა ამოიოხრა.

— რას იზამ. რახან ყველამ პირი შეჰკარით, წავალ. ღმერთმა ხელი მოგიმართოს.

რუმის ბეჭებში მოხრილი ფიგურა დერეფნის სიღრმეში გაუჩინარდა. ვამეხი ერთხანს იდგა, მერე სახელური მოსწია და ოთახში შევიდა.

ტყვექალმა თავი ასწია, სევდიანი თვალები მიაპყრო ვამეხს. ადგა. სახეზე ჩამოშლილი თმები უკან გადაიყარა. ორივე ხელი წინ გაიშვირა.

— აბუა, ბია, — ჩაილილინა მან.

ვამეხი თვალს ვერ ამორებდა ტყვექალს. მის ყოველ ნაკვთს ზომავდა, წონიდა.

„ასეთი დახვეწილი ნაკვთები მხოლოდ ცივილიზებულ, მაღალი კულტურის ხალხს შეიძლება ჰქონდეს. ბიოლოგიური პროგრესი წარმოუდგენელია აზრობრივი განვითარების გარეშე. იქნებ ჩვენ



მართლა გავუგოთ ერთმანეთს. მაგრამ, ვაი, რომ მეტისმეტად გვიყვარება, — ირონიულად გაიღიმა.

ტყვექალმა მხრებზე დაადო ხელი. რალაც ჩაიღიღინა. ვამეხმა სიტყვები ვერ გაარჩია.

„როგორ ჰგავს ცისას“, — გაიფიქრა საოცარი მსგავსებით გაკვირვებულმა.

ტყვექალმა შუბლი შექმუხნა. ეტყობოდა, რალაცაზე ფიქრობდა. ბოლოს თქვა:

— ცი.

„ნუთუ აზრების კითხვაც შეუძლია? — გაოცდა ვამეხი. — თუ ასეა, იოლად გამიგებს“, — გათამამდა, გაშლილი ხელი დაადო მკერდზე. თქვა:

— ვამეხ.

— ვა, — გაიმეორა ტყვექალმა.

ვამეხმა რამდენჯერმე მიიღო გაშლილი ხელი მკერდზე, დამარცვლით გაიმეორა თავისი სახელი. მერე ფაქიზად შეეხო ტყვექალს. თვალეში ჩახედა. ქალი ჩაფიქრდა. ხან ვამეხს უყურებდა, ხან მკერდზე დადებულ ხელს.

— იოვა, — თქვა მცირე დუმილის შემდეგ.

— იოვა? — გაიმეორა ვამეხმა. „მგონი, რალაც გამოდის. — ხალისი მოემატა. — თუ რამე გავაგებინე, იქნებ გვეშველოს.“

ვამეხი დაძაბული ფიქრობდა. უცებ გაახსენდა, რომ ყველაზე გასაგები მათთვის კოსმოსი იყო. სამყაროს რუკასთან მივიდა. მზის სისტემა მოძებნა და პაწაწკინტელა ცისფერ წერტილს თითი დაადო.

— დედამიწა, — თქვა ვამეხმა.

ტყვექალი გაირინდა. თვალეში მოწყურა, სუნთქვაც კი შეწყვიტა.

— ნაუმა, — თქვა ბოლოს, ვამეხთან მივიდა.

— დედამიწა, გაიმეორა ვამეხმა და რამდენჯერმე დაჰკრა თითი პაწაწკინტელა წერტილს.

— დეა, — წაუძღერა ტყვექალმა. ხალისით მოავლო თვალი რუკას. დიდხანს ათვალეირებდა, თან ღიღინებდა. ცენტავრას თანავარსკვლავედი მოძებნა. თავისუფალ ადგილს დაადო თითი.

— ნაუმა, — თქვა მან.

ვამეხი რუკას დააკვირდა. იქ, სადაც ტყვექალს თითი ედო, არა-



ფერი არ იყო აღნიშნული. უფრო მეტიც: რამდენიმე პარსეკის მანძილზე სიცარიელე სუფევდა. მართალია, უახლოესი მზე პლანეტას ჯგუფს ეკუთვნოდა, მაგრამ რამდენადაც ცნობილია, ასეთ მზეებს პლანეტები არ გააჩნიათ. ვამეხმა გაკვირვებით შეხედა ტყვექალს.

— ნაუმა მია ისა, — თქვა ტყვექალმა. მერე დედამიწას დაადლო თითი, ჩაიღიღინა: — დეა.

— დედამიწა, — გაუსწორა ვამეხმა და საკუთარ თავზე გაეცინა: „ორ წუთში მინდა ლაპარაკი ვასწავლო“.

ტყვექალმა ისევ დაადლო თავისუფალ ადგილს თითი. ჩაიღიღინა:

— ნაუმა, ნაუმა, ნაუმა.

ერთი რამ ცხადი იყო. ტყვექალს ან წარმოდგენა არ ჰქონდა სამყაროზე, ან იქ, სადაც თითი ედო, მართლაც არსებობდა მზის სისტემა, რომლის შესახებ დედამიწაზე არაფერი იცოდნენ. ეს ფაქტი ტყვექალის განსაკუთრებულ განათლებაზე ლაპარაკობდა. უკიდევანო სამყაროში იმდენი მზის სისტემაა გაბნეული, რომ მათი ცოდნა წარმოუდგენელია. ბოლოს არსებობდა კიდევ ერთი „მაგრამ“ — ტყვექალის ენის თავისებურება. იქნებ ნაუმა სულაც არ ნიშნავს მზის სისტემას ან პლანეტას. ხომ შეიძლება რომელიმე ნისლოვანების, ან უბრალოდ საჭმელის სახელი იყო. ვინ იცის? ვამეხმა ყოველ შემთხვევისათვის, იმ ადგილას, სადაც ქალს თითი ედო, ვიბროკალმით პატარა წრე მოხაზა. ნაუმა მიაწერა.

— ნაუმა, ნაუმა! — წამოიძახა ტყვექალმა. გახალისდა. თხელი მოსასხამი დაკეცა, ფეხქვეშ დაიგო. ხელები აღაპყრო, აბუტბუტდა. სახე აემღვრა, თვალები დაუნაკვერჩხლდა. ვამეხმა საამო თავბრუდახვევა იგრძნო. თვალებზე ბინდი ჩამოეფარა. გრძნობდა, რომ, რასაც აკეთებდა, არ უნდა გაეკეთებინა. მაგრამ ვერ ერეოდა თავს. სურვილის წინააღმდეგ მივიდა ქალთან, დაიჩოქა. ტყვექალმა ორივე ხელი დაადლო თავზე. ვამეხს ნიადაგი გამოეცალა ფეხქვეშ. ამსუბუქდა, გაფრინდა. ყველაზე საოცარი ის იყო, რომ არაფერში არ იჯდა, სკაფანდრიც კი არ ეცვა. მერე კოსმოსი გაჰქრა. ხაზებით დასერილი დედამიწისმსგავსი პლანეტა გამოჩნდა. ხაზები თანდათან გამსხვილდა, გიგანტურ მილებს დაემსგავსა. დააკვირდა, მილები თრთოდნენ. საერთოდ მთელი პლანეტა საოცრად ჰგავდა ცოცხალ ორგანიზმს. როდესაც უფრო მიუახლოვდა, ატმოსფეროში ადამია-

ნისმსგავსი არსებანი გაარჩია. ისინი თევზებივით მოძრაობდნენ — ერთსა და ერთსა. ერთ საოცრებას მეორე ცვლიდა. აი, გაუფერულდა — გაპქრა ცადაზიდული ნემსისმაგვარი ყვითელი ნაგებობა. მის ადგილას მომწვანო-მოყვითალო გუმბათოვანი დარბაზი გაჩნდა. დარბაზი ხალხით იყო სავსე. ქალები ჭარბობდნენ. აქა-იქ კაცებიც ისხდნენ, მაგრამ ქალებისგან ვერ გაარჩევდით. დარბაზის შუაგულში, კვარცხლბეკივით შემალღებულ ადგილას, ტყვექალი იდგა ხელაწეული. ყოველ მის სიტყვაზე დარბაზი გუგუნებდა. ლაპარაკობდა ვამეხის მშობლიურ ენაზე — ქართულად. რომელიღაც ახალ ბიორობოტებს აქებდა. უცებ ყველა და ყველაფერი გაქრა. ვამეხი წყვილიაღში მოექცა. მერე ოდნავ ინათა. თანდათან მოეცა გონს. ნელა ასწია დამძიმებული ქუთუთოები. გამოერკვა, შეშინებული წამოხტა.

ტყვექალი თავაწეული, შეშლილი თვალებით ჩაშტერებოდა ერთ წერტილს. ბურუსივით ეხვია ჩამოშლილი თმები. სიმივით დაჭიმულიყო. ამქვეყნიურს არა ჰგავდა. უცებ ჩაიმუხლა, სახეზე ხელები აიფარა. ატირდა.

ვამეხს მოეჩვენა, თითქოს უსაყვარლესი ქანდაკება დაემსხვრა. გული შეეკუმშა. მიუახლოვდა, მხარზე მოუთათუნა ხელი.

სადღაც დაიგრუხუნა. ტყვექალი შეკრთა. ადგა.

— მეობა ბია, — ჩაილიღინა.

„არა, ზეციერო, — ეს უკვე დასასრულია, — გაიფიქრა ვამეხმა. — მშვიდობით, ფერიავ. ჩვენ უდროო დროს შევხვდით. — ნაძალადევად გაულიმა. — სხვა დროს რომ შევხვდებოდით, რა მოხდებოდა? არაფერი, აბსოლუტურად არაფერი“, — თითქოსდა საკუთარ თავს ანუგეშებდა. თვალი მოარიდა.

ისევ დაიგრუხუნა. ამჯერად ახლოს.

— მეობა ბია, — ისევ ჩაილიღინა ქალმა.

„შენ რა, ჩვენ ვიკითხოთ, — გაიფიქრა ვამეხმა. — ჩვენი მტერი შენი მოკეთეა. ტყუილუბრალოდ არ გაგწირავენ. საოცარი ახალი წელი გათენდა. გათენდა კია?“ — კარგად იყავი. — თქვა ხმამაღლა და, რომ ცდუნებას არ აპყოლოდა, სწრაფად გავიდა ოთახიდან.

— მეობა ბია. — დაადევნა ლიღინი ქალმა. ვამეხს სიტყვები არ გაუგია. სწრაფად მოიხურა კარები. დერეფანში რუმს შეეჩხა.



— თავს როგორა გრძნობს ტყვექალი? — მრავალმნიშვნელოვანად შეეკითხა რუმი.

ვამეხმა არ უპასუხა.

— მესმის, მესმის, — გაზვიადებით განაგრძო რუმმა. — სიკვდილის წინ თქვენი პოეტური სული შთაგონების წყაროს ეძებდა. უკვე მოხაზეთ უკვდავი სტრიქონები, რითმები, რიტმი... გადაიხარხარა. — სისულელეა. ყველაფერი სისულელეა სიკვდილის გარდა. მხოლოდ სიკვდილშია პოეტური სრულყოფა... უცებ დასერიოზულდა და ყალბი პათოსით განაგრძო: — სამწუხაროა მხოლოდ, რომ უცნობი სამყაროს ასული ჩვენს უსუსურობას უნდა შეეწიროს.

— ტყვექალს ჩემს წილ ჟანგბადს მივცემ, ამასობაში ჩვენებიც მოვლენ.

— დაგავიანდათ, ვაჟბატონო, მე უკვე მივეცი ჩემი ულუფიდან.

— შენ?

— რა მოხდა? არ მოელოდი? — ღიმილი მოეფინა სახეზე. რუმს მხოლოდ რამდენიმე წუთის სიცოცხლე დარჩა. ხუთის, თხუთმეტის, დავუშვათ, ოცის. მე აღარაფერს აღარ წარმოვადგენ. ყველაფერმა ამ პატარა ჟანგბადის ბალონში მოიყარა თავი. მე აღარ განვაგებ ჩემს სიცოცხლეს. სასაცილოა, არა?

— ეს არ მოხდება. ჟანგბადს თანაბრად გავინაწილებთ. თუ სხვა გამოსავალი არ არსებობს, ყველანი ერთად დავიხოცებით.

— არა, შენ უნდა იცოცხლო. შენ დედამიწაზე გელოდებიან. მე კი არავინ მელის.

— სისულელეს ლაპარაკობ!

სადღაც, სულ ახლოს, ბათქით ჩამოიქცა კლდე. ძირფესვიანად შეირყა სამალავი. დერეფნისა და მცირე დარბაზის გამყოფი კარი ჩამოვარდა. მიმქრალ შუქზე მისა შეწუხებული სახე გამოჩნდა.

— ვიჩქაროთ, რუმ! — იყვირა ვამეხმა.

ლურჯად ჩამოიფერა კამკამა ცა. ჰორიზონტს გვირგვინად დაადგა ცისფერი მზე. მთათა ჩრდილები ზღაპრულ სურათებად გაწვენენ დაბლობებში. ნაპრალებში შუქმა ჩაიხედა. დანგრეულ-დაღეწილი დასახლება დღის შუქზე უფრო შესაზარი შესახედი იყო. ყველგან, სადაც კი თვალი მიგიწვდებოდათ, სფეროები დაგორავდნენ. სოკოსებრი ნაგებობა ციბრუტივით ბზრიალებდა. მტვრის



კორიანტელი ცას სწვდებოდა. ზოგიერთ სამალავში ნაბზარი და. ოთახებში დაგროვილი ჟანგბადი გაიპარა ნახვრეტებიდან ხიზნულმა ხალხმა ნიღბები გაიკეთა.

როგორც იქნა, სფეროელებმა მიაგნეს სამალავს, გაათრე-
ბით შემოუტყეს. ზედიზედ იძრა მიწა. სულ ახლოს უხილავი ყუმ-
ბარა გასკდა. თალი დაიბზარა. მამაკაცებმა დერეფნისკენ დაიხიეს.
ჩამონგრეულ თაღში სფეროელის მახინჯი თავი გამოჩნდა. ვამეხმა
ბეტატრონის გამშვებს გამოსდო თითი. სფეროელი ფერფლად მოე-
ფინა იატაკს.

რუმმა საათზე დაიხედა, დერეფნისაკენ დაიწყო გადანაცვლება.
მცირე დარბაზის შემოსასვლელი ჩამოინგრა. სფეროელნი ოთახში
შემოცვივდნენ. ვამეხმა ავტომატურზე გადართო ბეტატრონი. კა-
რებთან რუმმა ჩაიმუხლა. შეფი და მია კედელთან იდგნენ. სფე-
როელნი აღარ ისროდნენ, მხოლოდ ელავდნენ და ჯიუტად მიიწევდ-
ნენ წინ.

— ჩქარა დერეფანში! — იყვირა ვამეხმა.

ფეხად გაასწრეს. ორმაგი კარები ჩამრახით ჩაკეტეს. სიღრმი-
საკენ გაეშურნენ. მის ოთახთან ვამეხმა წაიბოროძკა, დაეცა. იქვე
რუმი ეგდო. სიკვდილს ებრძოდა. ჟანგბადის მაჩვენებელი ისარა-
ნულზე იყო დასული. სწრაფად მოიხსნა ნიღაბი, რუმს გაუკეთა.
დიდი წვალეებით წამოდგა. გაიფიქრა: „ოთახში შესვლა უნდა მოვა-
სწრო“, — რამდენიმე ნაბიჯი გადადგა, ყელზე იტაცა ხელი.

„აქედანაც გაპარულა ჟანგბადი, — გაუელვა თავში. — რადაც
არ უნდა დამიჯდეს, ოთახში უნდა შევასწრო... კიდევ რამდენიმე ნა-
ბიჯი...“

მუხლები მოეკვეთა, წაიფორხილა, ზედ კართან ჩაიმუხლა. წა-
მოდგომა დააპირა, მაგრამ ღონემ უმტყუნა. თავბრუ დაეხვა. თვა-
ლებზე ბინდი გადაეფარა.

სფეროელებმა ოთახის კარები შემომამტკრიეს. ვამეხმა უკა-
ნასკნელად გაიბრძოლა. ოდნავ წამოიწია და იატაკზე გაიშხლართა.

სოკოსებრი ნაგებობა გაჩერდა. მეკობრეთა შუშხუნას ელვა-
რება დაეკარგა. მინდორში გაბნეული სფეროები ერთ ადგილზე გა-
იყინენ. მიდამო უსულგულო სურათს დაემსგავსა. ასე გაგრძელდა
რამდენიმე წუთს. მერე უცებ ყველაფერი ამოძრავდა, თითქოსდა
შეჩერებული კინოფირი ჩართესო. შუშხუნა აძიგძიგდა. გაშეშებუ-



ლი სფეროები დაზზრიალდნენ. შუშხუნას მიაშურეს. უნდა გენა...
 ხათ, რა სიჩქარით გარბოდნენ. ერთმანეთს ახტებოდნენ, ელვადნენ.
 მცირე დარბაზის ნანგრევებში შემთხვევით გადაჩენილი მიმღებ
 მთელი ხმით გაჰყვიროდა:

— დასახლება ას ხუთი, დასახლება ას ხუთი! ლაპარაკობა
 ტრანსგალაქტიკური ვარსკვლავთმფრენის მთავარი კაპიტანი. გავვა-
 გებინეთ, რა ხდება? რატომ დუმხართ? დასახლება ას ხუთი...

* * *

კოსმოსის „ბებერმა ლომმა“ მიძიმედ ასწია თავი. მიკროფონი
 ჩართო, ბრძანა:

— გადადით წრიულ ორბიტაზე. დაიწყეთ დამუხრუჭება. მო-
 ამზადეთ მაშველი შუშხუნები.

ვიდეოფონის ეკრანებიდან მთავარი კაპიტნის მოადგილეები
 გაჰქრნენ. „ბებერი ლომი“ მარტო დარჩა. დროის მრიცხველს ახედა.

„თუ ყველაფერი რიგზე იქნა, მივუსწრებთ,“ — გაიფიქრა მან.

ტრანსგალაქტიკური ვარსკვლავთმფრენი ოდნავ დაირწა. პარა-
 ბოლური ტრაექტორიიდან წრიულზე გადავიდა. სპეციალური და-
 ნიშნულების სათავსოს კარები ფართოდ გაიღო. მაშველი შუშხუ-
 ნები ცივი კოსმოსის კამკამა სივრცეში გაუჩინარდნენ.

— ათი წუთის შემდეგ დავიწყებთ დაშვებას, — მოახსენა
 მთავარ კაპიტანს პირადი ხედვის ეკრანიდან მორიგე შტურმანმა.

„ბებერმა ლომმა“ თვალი გადაავლო აპარატურას. თავის დაქ-
 ნევით მისცა თანხმობა. დისტანციური მართვის ბლოკი აიღო. მიკ-
 როფონი ჩართო.

— დასახლება ას ხუთი, დასახლება ას ხუთი! გელაპარაკებათ
 კოსმომფრენ „დედამიწა 11“-ის მთავარი კაპიტანი. გვაცნობეთ ნუ-
 ლოვანი მერიდიანიდან მოსალოდნელი გადახრა. მოამზადეთ სას-
 ტარტო მოედანი შუშხუნის მისაღებად. ათი წუთის შემდეგ...

* * *

მინდორში გაბნეულმა სფეროებმა გვიან შენიშნეს მაშველი
 შუშხუნები. ბრძოლაზე ხელი აიღეს, უკუიქცნენ. უწესრიგოდ გარ-

ბოდნენ მეკობრეთა შუშუნისაკენ. დიდთავა სფეროელი შუშუნის შესასვლელ კარებში იდგა. მთელი ხმით ყაპყაპებდა. ყურადღებებს არავინ აქცევდა. ყველა ცდილობდა, გვერდი აეველო მისთვის, რაც შეიძლება ჩქარა შეედწია შუშუნაში. როდესაც მამველი შუშუნები ყოფილ სასტარტო მოედანზე დასხდნენ, დიდთავა მრგვალი კარების სიღრმეში გაუჩინარდა. შუშუნას ცეცხლი მოედო, გააღისფრდა. მრგვალი კარი მჭიდროდ ჩაეხრახნა კორპუსს. უპატრონოდ მიტოვებული სფეროები მიწოდორში გაიფანტნენ. გაისმა გრუნხუნი. ტრანსგლაქტიკური ვარსკვლავთმფრენი დაშვების ადგილს უახლოვდებოდა. წინ გაწვდილი ცეცხლის ორი ზოლი ნარნარად ნთქავდა სიჩქარეს. მერე წამით შუშუნა ჰაერში გამოეკიდა და გრძელი ამორტიზატორებით მსუბუქად შეეხო მიწას. იგი ჯერ კიდევ ირწეოდა, როდესაც საბარგო განყოფილების კარები ჩამოიშალა. დაჯავშნული ყველგანმავლები მეკობრეთა შუშუნისაკენ გაცოცდნენ. ჯიუტად მიბობლავდნენ წინ. მეკობრეთა აცახცახებული შუშუნა მზესავით გაბრწყინდა. მტვრის კორიანტელი დაყენა. სროლაზე სროლითვე უბასუხეს. მოწინააღმდეგის შუშუნის კორპუსს ტკაცატკუცით მოსწყდა ელექტრონის ლურჯი ბურთულები.

„რადიკალური ზომები უნდა მივიღოთ“, — გაიფიქრა „ბებერმა ლომმა“, — დაიწყეთ ბლოკირება, — ბრძანა მან. — მოემზადოს გრომოვი. თუ მოწინააღმდეგემ მაინც მოახერხა აფრენა, — „უშიშარა“ დაედევნოს კოსმიური აბორდაჟისთვის.

მეკობრეთა შუშუნასა და დაჯავშნულ ყველგანმავლებს შორის თანდათან მცირდებოდა მანძილი. ცოტაც და ბლოკირების წრედი შეიკვრება. ცოტადა დარჩა გაბედული ოპერაციის დამთავრებამდე. საჭიროა მეტი სიჩქარე, მოქნილობა.

მეკობრეთა შუშუნის ამორტიზატორები თანდათან დამოკლდნენ. ჩაერთო ძრავა. ცეცხლის მსხვილი ჭავლი ეძგერა მიწას. ფაფუკმა კვამლმა დაფარა შუშუნა. ცეცხლის ჭავლი თანდათან დაგრძელდა. შუშუნა კვამლს გამოეყო, ამოიწვერა. სწორედ ამ დროს იქუხა „უშიშარას“ ძრავამ. „ბებერმა ლომმა“ უკმაყოფილოდ მოკუმა ტუჩები. წარბებს ქვემოდან ახედა დროის მრიცხველს.

— წუთი დაავიანა, — თქვა მან. — ცუდია. ერთი საათია შემდეგ „უშიშარა“ საკრეისრო სიჩქარეს განავითარებს და მხოლოდ ოცდაათი საათის შემდეგ დაეწევა მოწინააღმდეგეს.



კარგა ხანია, რაც შორეული დედამიწიდან ცვლა მოფრქვევების კოსმოსის მეკობრეთა თარეშს ბოლო მოეღო. დასახლების დანგრეული ტერიტორია გაიწმინდა-გასუფთავდა. აშენდა ახალი ნაგებობანი. ახლომახლო ტერიტორია დახურული, ახალი, გზებით დაიქსელა. ზღაპრულად ბევრი საქმე გაკეთდა შედარებით მოკლე დროში და მაინც კიდევ ბევრი რამ დარჩა გასაკეთებელი. მშენებლებმა გაითვალისწინეს ვამეხის წინადადება. ძვირადღირებული დამცველი ფარი ანტიმეტეორიტული, ელექტრომაგნიტური დაცვით შეცვალეს. ზოგან თალი დამატებითი აყურული ფერმებით გაამაგრეს. თავდასხმის მოლოდინიც გაითვალისწინეს. ჰელიოელექტროსადგურების რიგს სპეციალური დანიშნულების სადგური შეემატა. მოხდა კიდევ მეტად საინტერესო ფაქტი. გადაბუგულ ორანჟერეაში ერთი ხე გადარჩა და უცხო პლანეტის ჰავას შეეგუა. ეს თითქმის გამარჯვება იყო. უცხო პლანეტის ბრმა ძალებმა უკან დაიხიეს. დედამიწიდან მოსულ სიცოცხლეს საარსებოდ ადგილი დაუთმეს. ვამეხის სიხარულს საზღვარი არ ჰქონდა. უკვე შეიმუშავა შორეული პლანეტის გამწვანების გრანდიოზული გეგმა და ახლა მის პრაქტიკულ განხორციელებაზე ფიქრობდა.

— მალე მთელი პლანეტა მწვანე მასივებით დაიფარება, — გატაცებით ამბობდა იგი. — ატმოსფეროში ჟანგბადი იმატებს. შორს აღარ არის დრო, როდესაც ადამიანები თავისუფლად ისეირნებენ მარადმწვანე ბალებში და პლანეტის ნამდვილი კოლონიზაცია დაიწყება. კიდევ ერთი დედამიწა დაიბადება სამყაროში. საჭიროა მხოლოდ პლანეტის გარშემო იონიზებული სარტყელი შევქმნათ ბუნებრივი რადიაციის შესამცირებლად. და მერე აღარაფერი დაგვიდგება წინ. ჩვენ ვიქნებით ამ პლანეტის ადამი და ევა. ჩვენვე დავწერთ მომავალი ცხოვრების, ნათელი მომავლის, ახალ ბიბლიას.

დრო კი არ ითმენს. ჯიუტად აახლოებს დედამიწაზე გაფრენის ჟამს. ტრანსგალაქტიკური ვარსკვლავთმფრენი დიდი ხანია განრიგით დადგენილ დროს ელოდება, რათა გრუხუნით გააპოს შორეული პლანეტის პირქუში ცა და გეზი დედამიწისაკენ აიღოს.

„ბებერი ლომი“ ორანჟერეაში ახლად დარგულ პურის ხესთან შეჩერდა.

„უცნაური რამ არის სიცოცხლე, — გაიფიქრა მან, — მეტი-
მეტად უცნაური. საკმარისია სადმე შესატყვისი პირობები
ვოს და მთელი ძალით ჩაეჭიდება, ფესვებს გაიდგამს. აბა, ვინ იფიქ-
რებდა ათეული წლის უკან, რომ ასე შორს გადაიწეოდა სიცოცხლის
ზღვარი. — „ბებერი ლომი“ დასახლების უფროსს მოუბრუნდა.
ჰკითხა: — როგორ ფიქრობ, სად უნდა გამქრალიყო ტყვექალი? ან
იქნებ ეს თქვენი ფანტაზიაა? ხომ გაგიგონია, „შიშს დიდი თვალები
აქვსო.“ ხომ არ მოგეჩვენათ?

— რას ბრძანებთ, — იწყინა შეფმა. — საკუთარი თვალით
ვნახე.

— მაშ სად გაქრა? — ჯიუტად ჩაეკითხა „ბებერი ლომი“.

— ზოგი ამტკიცებს, შუშხუნაში შესვლისას შევასწარი თვა-
ლიო. დანამდვილებით კი არაფერ არაფერი იცის. საერთოდ, იმდენი
რამ არის გასარკვევი, რომ ვშიშობ, დრო არ მეყოფა.

— კოსმიურ ცენტრში დროის მეტი რა გექნებათ?

— სამწუხაროდ, აქ უფრო საჭირო ვარ. შემდეგ ცვლას გამოვ-
ყვები.

— რჩებით? — „ბებერ ლომს“ გაკვირვება გამოეხატა სახე-
ზე. — მაშინ რატომ წინასწარ არ გააფრთხილეთ კოსმიური ცენ-
ტრი? იქ თქვენს მოხსენებას ელიან.

— ამას ვამეხიცი მოახერხებს.

— ვამეხიცი რჩება. როგორც გამონაკლისს, დიდმა საბჭომ ნე-
ბა დართო. უცნაური ყმაწვილია. — „ბებერ ლომს“ ღიმილი მოე-
ფინა სახეზე. იმის მაგივრად, რომ მოსულიყო და ეთხოვა, მომახ-
სენა: „მე ვრჩები. კანონიერი საფუძველის მოძებნა თქვენთვის მო-
მინდვიაო“. როგორ მოგწონთ? — „ლომმა“ გადატყეცილ თმაზე ხე-
ლი გადაისვა. მკერდზე დაკიდებულ დროის მრიცხველს დახედა.
უსიამოვნოდ გააქნია თავი და ბავშვივით წმინდა, უძირო თვალებით
ახედა ზეცას.

„უშიშარა“ იგვიანებს, რა მოუვიდა ნეტავ? — გაიფიქრა მან.

— ყოჩაღ, — შეაქო ხომალდის კაპიტანმა პირველი შტურმანი. — მშვენიერი მანევრი იყო, გადადით წრიულ ორბიტაზე და თანდათან შედით ამ უცნაური პლანეტის ატმოსფეროში.

ასეთ შექებას ახალგაზრდა ასტრონავტი არ მოელოდა, გაწითლდა, სავარძელში გასწორდა და სამართავი დაფის კლავიშებზე კარგი პიანისტივით აათამაშა ოცივე თითი...

სპირალოიდი შეტოკდა, პლაზმის ვიწრო ზოლი წინ გამოისროლა და დამუხრუჭება დაიწყო. შტურმანმა შუბლზე გამწკრივებული თვალეზი დააფახულა და დისტანციური მართვის ბლოკი აიღო. რამდენიმე ბერკეტი გადასწია, უცნობი პლანეტის ატმოსფეროს სინჯი აიღო, გააანალიზა. უკმაყოფილო დარჩა შედეგით, ისევ გადასწია ბერკეტი და ანტინივთიერების დოზირებას შეუდგა. საწვავის განყოფილებაში ერთი საცავიდან მეორეში წულით გადაინაცვლა თხევადმა ნივთიერებამ. გამომთვლელმა მანქანებმა ყველაფერი დააჯამეს, შეაჯერეს და პასუხების ჭრილში მზა მონაცემები ჩამოყარეს. შტურმანმა კმაყოფილებით გადახედა აპარატურას.

— საინტერესოა, — ჩაესმა შტურმანს კოლეგის ნაფიქრი, — არსებობს ამ პლანეტაზე სიცოცხლე, როგორც ამას ჩვენი საბჭოს ზოგიერთი წევრი ამტკიცებს, თუ ამჟამადაც ხელმოცარული დავრჩებით!

— ცისფერ პლანეტებზე საერთოდ არ არსებობს სიცოცხლე, — ფიქრითვე უპასუხა პირველმა შტურმანმა, — ასეთ პლანეტებზე ჭარბადაა ჟანგბადი, ჟანგბადი კი, როგორც მოგეხსენება, მომაკვდინებელი აირია.

— მაგრამ არსებობს მოსაზრება, რომლის მიხედვითაც...

— მოსაზრება ბევრია, ფაქტი კი ცოტა, — შეაწყვეტინა პირველმა.

სპირალოიდი წრიულ ორბიტაზე გავიდა, პირველმა შტურმანმა ანტიგრავიტონი გამოართო. მერე, ყოველ შემთხვევისათვის, ანტინივთიერების დამცველი მაგნიტური ველი გააძლიერა და სპირალო-



იდის დასაჯდომად ხელსაყრელი ადგილის ძებნას შეუდგა. დისტანციური ხედვის აპარატი გამორთო, ვიზუალურ დაკვირვებაზე გადავიდა. ყველა თვალი ერთად გააჩილა და ვიდეოფონის ეკრანს გაუშტერა. ეკრანზე გარკვევით ჩანდა ოკეანეთა და კონტინენტების კონტურები. ზოგან დიდ-დიდი მდინარეები და ზღვები ლაპ-ლაპებდნენ მზის შუქზე. მომწვანო-მოშავო ფერის ხავერდოვანი ტყის მასივები პლანეტის მთელ სიგრძეზე გადაჭიმულიყო. დაბლობები და სწორი ადგილები უფრო ღია ფერად იყურებოდნენ. სპირალოიძმა მეორედ შემოვლა დაიწყო. შტურმანმა ყურადღება გაამახვილა. გამოჩნდა მთიანი მხარე, ცოტა იქით — ციცაბო კლდეები, უფრო იქით კი — ვაკე ადგილები.

— უცნაური პლანეტაა, — გაიფიქრა მეორე შტურმანმა, — არაფრით არ ჰგავს ჩვენს ურუს.

— ურუსთან შედარებით ეს ნამცეცი პლანეტა წერტილივით გამოჩნდებოდა, — ფიქრითვე უპასუხა პირველმა შტურმანმა, — მაგრამ მეტად ბრაზიანი ჩანს.

— ყველა პლანეტა ასეთია ამ უცნაურ გალაქტიკაში, — დაეთანხმა მეორე. — ისე ბზრიალებენ და ბორგავენ, თითქოს ორაღლის სიცოცხლე ჰქონდეთ.

— იქნებ ეს ახლად დაბადებული გალაქტიკაა და სამყაროს კანონზომიერებანი ჭერჭერობით ბოლომდე არაა ჩამოყალიბებული.

— შესაძლებელია, ყველაფერი შესაძლებელია, — გაიფიქრა პირველმა და დისტანციური მართვის ბლოკზე ყვითელი ბერკეტი გადასწია. სადღაც, გიგანტი სპირალოიდის სიღრმეში, რთული მექანიზმები ამუშავდა და დაშვების ადგილისაკენ მცირე ყალიბის მართული ყუმბარა გაქანდა. რამდენიმე წუთის შემდეგ თვალისმომჭრელმა ელვარებამ წამით მზის სიკაშკაშე დარჩდილა. სითბოსა და ორთქლის მძლავრმა ტალღამ სპირალოიდადმდე მოაღწია, შტურმანმა გვერდითი ილუმინატორიდან გადაიხედა. ქვემოთ, პატარა გორაკების ადგილას, შავად მოჭიქული მრგვალი მოედანი ჩანდა.

დაიწყო დაშვება. სპირალოიდი პლანეტის ატმოსფეროს მკვრივ ფენებში შევიდა. შტურმანმა კორპუსის გამაცივებელი მოწყობილობა ჩართო და ხომალდის სისწრაფის შესამცირებლად მარაოს-მაგვარი ფრთები გაშალა. უკვე კარგად ჩანდა პლანეტის მთაგორიანი ზედაპირი და ვეებერთელა, კრიალა წყლის მასივები. როგორც



ეტყობოდა, პლანეტაზე გრიგალი ბობოქრობდა. აქა-იქ ზოგაპოვებულ ტოტებად იქსაქსებოდა ცისფერი ელვა. ხანდახან რომელიმე მღვდელის ებით შესვენებული, ვულკანი ამოიხაველებდა და დაგროვილ ბოდმას ამოანთხევდა გულიდან. შორს, სადღაც, ტყის ვრცელი მასივი იწვოდა და არემარეს ყვითლად ფერავდა.

შტურმანმა შეამოწმა ატმოსფეროს სინჯი და თავი უკმაყოფილოდ გააქნია.

— სიცოცხლისათვის მეტად მოუხერხებელი პლანეტაა, — გაიფიქრა მან. — ყველაფერს კიდევ ეშველებოდა, ატმოსფეროში ამდენი უანგბადი რომ არ იყოს. ეს მომაკვდინებელი აირი იმდენია ამ ცეროდენა პლანეტაზე, რომ გიგანტ პლანეტებსაც კი მოწამლავდა.

ტრანსგალაქტიკური სპირალოიდის დაშვება არც ისე იოლი საქმე იყო. პირველი შტურმანი დაიძაბა. მას ერთი სურვილი ამოძრავებდა: ისე სწრაფად და უხიფათოდ დაესვა სპირალოიდი, რომ მთავარი კაპიტნის ქება დაემსახურებინა.

რაც უფრო ღრმად შედიოდა სპირალოიდი პლანეტის ატმოსფეროს მკვირვ ფენებში, მით უფრო მეტად ედებოდა ცეცხლის ალი. ახლა იგი კუდიან ვარსკვლავსა ჰგავდა, რომელიც წარმოუდგენელი სისწრაფით უახლოვდებოდა დედამიწას. კიდევ რამდენიმე წუთი და ალბათ დაენარცხებოდა კიდევ, მაგრამ უცებ, მიწიდან რამდენიმე მეტრის სიმაღლეზე, ვარდნა შეწყვიტა და ჰაერში გამოეკიდა. ცეცხლის ალი მინელდა — დაცხრა. სპირალოიდი შეტორტმანდა და გრძელი, ჰიდრაველიკური ამორტიზატორებით მსუბუქად შეეხო შავად მოჭიქულ მოედანს. ნარნარად დაირწა ამორტიზატორებზე. შემდეგ გაჩერდა და ფანტასტიკურ მოჩვენებასავით გაირინდა უღრანი, დაბურული, მწვანე ტყის ფონზე.

* * *

კარგა ხანია იგი თვალების ფახულით გასცქერის მოპირდაპირე მხარეს და ფიქრობს. ძლიერ უჭირს ერთდროულად ამდენ რამეზე ფიქრი, მით უმეტეს, რომ შია და ცხოველური ინსტინქტი ტყისაკენ უხმობს. ტყე კი მისთვის, პირველ რიგში, საჭმელს ნიშნავს. იქ უამრავი გუცია, პია და ლაოლაო დადის. ამ ბუყბუყა მიწის ნა-



პირზე კი მყრალ მშის თუ დაიჭერს მხოლოდ. დაიჭერს? ესეც კითხავია, მაგრამ მაინც ვერ სცილდება იქაურობას, ბუჩქებს შორის გაწოლილი, შიშითა და ძრწოლივით გასცქერის სპირალოიდს და მის ახლომანლო მოფუსფუსე უცნაური ფორმის ცხოველებს. მერე მზერა ნაცნობ ადგილებზე გადააქვს, მაგრამ ვერ პოულობს და ძალიან უკვირს. მერამდენეჯერ აკეთებს ამას, ვინ მოთვლის, ახსოვს მხოლოდ, როგორ ამოვიდა ორჯერ ბრაზიანი მთის იქიდან მშვენიერი ამუ და ორჯერვე მოეფარა მტირალა მთას. მშვენიერა ამუ გაცილებით მეტჯერ მოევლინა ცას, მაგრამ მან მხოლოდ ორამდე იცოდა თვლა.

წოლა მალე მობეზრდა. ადგა, შავი, მოკლე ბეწვით დაფარული ფართო ბეჭები გაშალა და დაფანჩული წარბები ჩაშავებული, გრძელფრჩხილა კოტიტა თითებით მოიფხანა. მერე დაკოჟრილი ხელი დაქანებულ, განიერ შუბლზე გადაისვა, ცხვირის ნესტოები დაჰბერა და სტვენით ამოუშვა ჰაერი. ესამოვნა. ბუდეში ღრმად ჩამჯდარი თვალეები ეშმაკურად დაახამხამა და გაიფიქრა:

„მიწაში ჩაძვრა.“

სხვანაირად ვერ წარმოედგინა. განა შეიძლება მთელი მთა გაქრეს, უგზოუკვლოდ დაიკარგოს? არა, მან უბრალოდ ადგილი შეინაცვლა და მიწაში ჩაძვრა.

„აი, ისე, როგორც ლაო-ლაო, — ფიქრობდა იგი, — მე მას ვჭამ და იგი ჩემში გადმოდის, მე კი მიწაში გადავალ, როგორც ეს დიდთავა ყუს დაემართა მისთვის ყველაზე მოკლე დღეს. მიწა?...“

მიწა რალაში გადადიოდა, ეს კი აღარ იცოდა. ესეც არ იყოს მობეზრდა ამდენი უაზრო ფიქრი. დაიხარა, სასოებით აიღო ხელში ჭალარა ხის ფოთოლში განხვეული მოგრეხილი ხის ტოტი, მეორე ხელით ვეებერთელა კეტი აიტაცა და ტყისაკენ შეტრიალდა. მალიმალ იყურებოდა უკან და თანდათან უჩქარებდა ნაბიჯს. უცებ გადაავიწყდა ყველაფერი. სამი დღეა არაფერი ჩასვლია პირში. გუშინ მასის მცირეოდენი ფესვები ამოთხარა და ჭამა, მაგრამ ფესვებმა გაბერა, დაპურებით კი ვერ დააპურა.

„ლაო-ლაო რომ მომაკვლევინა, ყველას გვეყოფოდა ხორცი“, — გაიფიქრა და შუაგულ ტყეში შედგა.

ტყის სიღრმიდან მობერილმა ნიავემა ნადირის სუნი მოიყოლა. მან კისერი წაიგრძელა, დაიძაბა. თვალეები აემღვრა და ჩაუსისხ-



ლიანდა, კუნთები აუცახცახდა. უფრო მაგრად ჩაეჭიდა კეტს ქვეშ და დულად მიმოიხედა, ჰაერი დაყნოსა. ფრთხილად წაიწია წინ და თავდასასხმელად მოხერხებული ადგილი შეარჩია.

ჩამიჩუმი არ ისმოდა. მხოლოდ ერთხელ გადაიფრინა მჩხავანამ და ჭრელი ფრთების ტლაშა-ტლუშით ტყის სულ ზემო სართულის მცხოვრებნი დააფრთხო. ირგვლივ ისევ იდუმალეებით სავსე სიწყნარე გამეფდა. რამდენჯერმე შარიშურით გაისრიალა მის წინ ბრძენმა სისინამ და ჯაგნარებში მიიმალა. ეს კარგის მომასწავებელი ნიშანი იყო. იმედი მიეცა. გააასკეცა ყურადღება.

„უცებ გამოხტება ბილიკზე და თუ დამავციანდა, მერე სიკვდილიც კი ვერ დაეწევა“, — ფიქრობდა იგი.

ტყეში თითქოს გოლიათმა გაიღვიძაო, ყველაფერს გამოცოცხლება დაეტყო. დამფრთხალი მხეცები უკანმოუხედავად გარბოდნენ. ჭყვილით გადაირბინეს ხის კენწეროები ცანცარა პრანჭიებმა და ისევ გაისუსა, გაირინდა ტყე. მის მახვილ სმენას ლაო-ლაოს ძახილი ჩაესმა. გული აუჩქროლდა. საკმლის მოლოდინში ნერწყვი ჩაუდგა პირში.

სულ ახლოს ტკაცუნით გადაიმტვრა ხმელი ტოტი, ფშვინვა მოისმა. გვიმრით დაფარული ბილიკი შეირხა და ლაო-ლაოც გამოჩნდა. იგი მოდიოდა თავდახრილი, ნაცრისფერი ზურგი ნერვიულად უცახცახებდა. ხშირად ისვენებდა, ფრთხილობდა, მალიმალყნოსავდა ჰაერს და გაბრაზებული ზმუოდა: „ლაო-ლაო!“

იგი კუნთებად და სურვილებად იქცა. კიდევ წამი და ლაო-ლაოს გემრიელი ხორცი შიმშილს მოუკლავს. დენივით დაუარა ყრუანტელმა, თვალეზზე ბინდი გადაეფარა, წამით გონება დაკარგა. როცა გამოერკვა, ლაო-ლაოს უკვე ჩაევლო. დაგვიანება კიდევ რამდენიმე დღის შიმშილს ნიშნავდა. იგი ორად მოიხარა, შეიკუმშა და უცებ ფოლადის ზამბარასავით გაიშალა. მოწყვეტით ნასროლმა კეტმა ხშირ ფოთლებში გაიწეილა. ორ ხეს შორის გაჭიმულ ლიანას მოხვდა, ნახევარმთვარესავით გაზნიჭა და გაორკეცებული ძალით გამოაბრუნა უკან. თავზევით გადაუფრინა, რამდენიმე ხმელი ტოტი მოტეხა და ხმაურით დაეცა მის უკან.

ლაო-ლაომ დაიზმუილა, ბილიკიდან ისკუპა და დაბურთული ტყის სიღრმისაკენ გაქანდა. შეშინებული ცხოველების კვილმა და

ხმელი ტოტების ლაწალუწმა მთელი ტყე შეძრა, შეაშფოთა, შეაშფოთა აზანზარა.

რალაც ჩასწყდა გულის სიღრმეში. ააკანკალა, შესცივდა. მოშაო-მოყვითალო ბეწვი ყალყზე დაუდგა. უსიცოცხლო, გაფართოებულ თვალებს ელვარება დაეკარგა, დაებინდა, ჩაკვდა.

იღგა გაოგნებული. ასეთი რამ მის ცხოვრებაში არ მომხდარა. მისი ცხოვრება რაა, სხვისგანაც არ სმენია და, საერთოდ, როდის აქეთ დამეგობრდნენ ლიანა და ლაო-ლაო. თვალეზი დახუჭა. გაუგონარი ამბავია: ლიანამ უკან გამოისროლოს კეტი და ლაო-ლაო სიკვდილს გადაარჩინოს.

— აუ უ უ უ! — აღმოხდა მას.

ეს იყო განწირული ადამიანის ყმული. ცივმა, ძლიერმა ხმამ მახვილივით გააპო მყუდროება. ტყე წამით გაისუსა, გაირინდა და როგორც კი ხმა თავის სიღრმეში შთანთქა, ისევ ამოიოქვა სული, აზმიანდა. მას უკვე აღარაფერი ესმოდა. გახევებულიყო და თვალს არ აშორებდა ლიანას, რომელიც ჯერ კიდევ ირხეოდა და სისინასავით იგრინებოდა. თანდათან დაეუფლა შიში. მხერა მოარიდა და თავისთვის დაიწყო ბუტბუტი:

„უძლიერესი ცეცხლის მარად უქრობ სულს ვფიცავ, არ მეგონა, თუ შენ მისი მეგობარი იყავი. მე მხოლოდ ლაო-ლაოს მოკვლა მინდოდა. ტყუილად ბრაზობ და იკლაკნები... მე შენ წყენინებას არ ვაპირებდი... მე მხოლოდ ძალიან მშია და...“

თავი ასწია, ლიანას შეხედა. ლიანა უძრავად ეკიდა ორ ხეს შორის. კარგად ენიშნა მისი გაჩერება. გათამამდა. მიუახლოვდა, ახლოდან დაუწყო თვალეზება. დიდხანს, ძალიან დიდხანს აკვირდებოდა და რალაცას ბუტბუტებდა თავისთვის. ბოლოს გაბედა, ხელითაც შეეხო, სინარულისაგან შეხტა და იმ ხის გარშემო დაიწყო სიარული, რომელზედაც ლიანა იზრდებოდა. სულ უფრო და უფრო სწრაფად უვლიდა ხეს გარშემო და გამუდმებით ბუტბუტებდა. როცა დაიღალა, ხის ძირას ჩაჯდა. ისევ გაუშტერა თვალეზი ლიანას.

„შენ ჩემი მეგობარიც უნდა გახდე, — დაასკვნა მან. — ძალიან მჭირდება. შენ მე პატარა შვილს მაჩუქებ, მე კი ყველაზე საზიზღარი და ბრაზიანი ბუხუნას ჰრელ ტყავს მოგართმევ, შენს ფერხთით დავაგებ, როცა თეთრი დღეები გვესტუმრება, აღარ შეგცივდება, თბილად იქნები“.



ადგა, ფრთხილად მიეალერსა, მიესიყვარულა. წელზე დაკრძალული პატარა ძვლის დანა შეიხსნა, ყველაზე ნორჩი ტოტი შეიშითა და ძრწოლვით აიხედა ზევით. სახე გაებადრა, ყურებამდე გაიღიმა. ლიანა უძრავად ეკიდა ორ ხეს შორის.

„გმადლობთ, ჩემო კეთილო მეგობარო, გმადლობთ, გაიფიქრა თავისთვის. — დღეის იქით ჩვენი მეგობრობა ცეცხლისა და ხის მეგობრობაზე მტკიცე იქნება. ხშირად გესტუმრები, დაგეზმარები და რასაც შეგპირდი, იმასაც მალე მოგართმევ.“

ხალისი დაუბრუნდა. ჭრელი ხის ფოთოლში გახვეული მშვილდვით მოქნილი ტოტი ამოიღო და ლიანასთან ერთად შეახვია. როცა საქმეს მორჩა, შიმშილმა ისევ მოაგონა თავი და ყველაფერი გადაავიწყდა. ველური სურვილები მიეძალა, აწრიალდა, აცმუკდა. ნაღვლიანი თვალები მოავლო ტყეს.

„წავალ სადგომში, — გაიფიქრა მან. — იქნებ სხვამ მოკლარამე“.

მოკლე და ჩქარი ნაბიჯით მიდიოდა. ბეჭებმოხრილი ბილიკს ჩაშტერებოდა და სხვას არაფერს არ აქცევდა ყურადღებას. უნდოდა, რაც შეიძლება, ჩქარა მისულიყო სადგომში და გამძღარიყო. ცალ მხარზე კეტი გაედო, მეორე ხელში კი ჭადარა ხის ფოთოლში შეხვეული მშვილდის ფორმის ტოტი და ლიანა ეჭირა.

დღე გაილია, გაუფერულდა და ღამეში აითქვიფა. იგი შედგა, მიმოიხედა. ნესტოები აუცახცახდა. სახე ნიავს მიუშვირა. კვამლის სუნით იგრძნო სადგომის სიახლოვე. უფრო ენერგიულად გაუყვა ბილიკს. შიშითა და მოჩვენებებით სავსე თხელი ტყე გაიარა და მიწისა და ცის შესაყართან ცეცხლის ალს მოჰკრა თვალი. იმწამსვე დაეუფლა სიმშვიდე, შიში გაქრა და გარსშემოხვეულმა მოჩვენებებმა უკან დაიხიეს. ახლა იგი თავაწეული მიიბიჯებდა.

მთის ძირას, იქ, სადაც გამოქვაბულები იწყებოდა, დიდი კოცონი ენთო. კოცონის გარშემო მისივე მსგავსი არსებანი იდგნენ. იდგნენ გაუნძრევლად და ჩუმად. მან იმწამსვე იცნო შავი ცის ფონზე მარტოდ მდგარი მრისხანე ტუ. იგი ყოველთვის განცალკევებით იდგა და ორივე ხელით ეყრდნობოდა ვეება კეტს, რომელიც მას, როგორც ყველაზე ძლიერს, გოლიათი კაპუს სიკვდილის შემდეგ ერგო. კეტი მაშინ დიდი მოწიწებით გადასცა მას სადგომის ყველაზე უხუცესმა წევრმა. ტუ ერიდებოდა კოცონს. ცეცხლთან სია-

ხლოვე მის მორჩილებად მიაჩნდა. ტუ კი ყოველგვარ მორჩილებას სისუსტედ თვლიდა. მეტად დამოუკიდებელი ხასიათის იყო. სხვა თვისებებთან ერთად ამანაც განსაზღვრა მისი წინამძღოლად არჩევა.

„არაფერია, როდისმე მეც გავხდები წინამძღოლი“, — გაიფიქრა მან და სადგომს მიუახლოვდა. დიდცხვირა ლოდს ამოეფარა, ტოტი და ლიანა საგულდაგულოდ დამალა, რაღაც გაუგებარი სიტყვები ჩაიბუბუნა და თამამად მივიდა კოცონთან. ახალი ხორცის სუნი ეცა. ჩასისხლიანებული თვალები მოავლო სადგომს. ძველი კოცონის ნანაცრალში შიშველ ქალებს და ბავშვებს ეძინათ, ცოტა იქით ნახევრად შექმული გიგანტი ეგდო. თვალთ დაუბნელდა, გონება აემღვრა. მხეცური სიშმაგით მიიჭრა ლეშთან, ძვლის დანით საკმაოდ მოზრდილი ნაჭერი ააჭრა, ორივე ხელით ჩაბლუჯა და თავგამოდებით დაუწყო გლეჯა მეჩხერი, გრძელი კბილებით.

შორს, ძალიან შორს, ტყეში რომელიღაც მხეცი აყმუვლდა. მას რამდენიმე წვრილი ხმა აჰყვა. მერე სადგომის ახლოს ქშენით გაირბინეს ჭრელთვალა ნაცარებმა და ირგვლივ ისევ სამარისებური სიჩუმე გამეფდა. შეენაბადმოსხმული ღამე კოცონის ირგვლივ დასახლდა. მყუდროება ტუმ დაარღვია:

— ბევრჯერ გვესტუმრა მშვენიერი ამუ, შენ კი არ ჩანდი, — ისე თქვა მან, რომ არ განძრეულა და არც მოუხედავს მისკენ. — ალბათ ისევ მზის შვილის სანახავად იყავი წასული მყრალი მიწის ნაპირას.

იგი მხოლოდ ერთი წამით შეჩერდა. დაუფარავი ზიზლით შეხედა ტუს და ისევ განაგრძო ჯერ კიდევ თბილი ხორცის ჯიჯგნა. სიჩუმეში დროდადრო მისი ტუჩების წკლაპუნის ისმოდა. პირისახე და მკერდი სისხლით მოესვარა, დახრული ძვლების გროვას ფეხი გაჰკრა, დაშალა. დამშვიდდა. გაძღა და სიამოვნებისაგან გაიზმორა. აღარ ეამა უმი ხორცი. კოცონიდან მუგუზლით გავარვარებულ ბრტყელი ქვა გამოათრია და ზედ ხორცის ნაჭერი დადო, ყური მიუგდო. ხორცის შიშხინის ხმა შემოესმა, გახარებულმა ხელი ხელს შემოჰკრა და მოგუდული, გაურკვეველი ტემბრის ხმა ამოუშვა პირიდან.

— შენ კარგავ ადამიანის სახეს, — კვლავ გამოხდა სიბნე-

ლეში ტუს გამოკვეთილი ხმა. — შენ ემსგავსები უძლურ გვეძს. განა შეიძლება ძლიერ ადამიანს ასე მოშვიდეს?

მან არ უპასუხა, ხორცი გადააბრუნა და ნაცრიან მიწაზე პატარა წკეპლით ხაზების გავლება დაიწყო.

მშვენიერმა ამუმ ნახევარ გზაზე მეტი განვლო ღრუბლიან ცაზე და მტირალა მთისკენ გადაიხარა. კოცონის გარშემო უმეტესობას უკვე ეძინა ფეხმდგომელა, ფრთხილი ძილით. უბრალო ფაჩუნზე თრთოდნენ და შეშინებული იყურებოდნენ აქეთ-იქით. ეს იყო მხოლოდ თვალის მოტყუება, ბურანში გახვევა. ყოველ წუთს, ყოველ წამს, კაშკაშა კოცონის მიუხედავად, მოსალოდნელი იყო რომელიმე მხეცის თავდასხმა. წუხელ ორი უყურადღებოდ მიტოვებული ბავშვი გაიტაცა ბრაზიანმა ბუხუნამ. ამ ღამითაც შენიშნეს მწვანე თვალეები სადგომთან და ამიტომ იყო დღევანდელი ღამე ასე შიშოანი და იღუმალებით სავსე. ფხიზლობდა ტუ და მის გარშემო მდგარი რამდენიმე მამაკაცი. ფხიზლობდა ბებერი ტამოც, ცეცხლის მოვლა-პატრონობა რომ ევალა და უხუცესთა შორის პირველ კაცად ითვლებოდა.

„ცეცხლს განსაკუთრებული მოვლა-პატრონობა უნდა, — იცოდა ხოლმე მან თქმა, — თორემ თუ გაგინაწყენდა, გაიპარება და სხვის სადგომში გადასახლდება“.

ბებერ ტამოს ცეცხლთან ყველაზე ახლოს ჰქონდა ადგილი მიჩნეული და მის სულიერ მამად ითვლებოდა. მას დღისით ეძინა, საღამოობით კი ცეცხლს დარაჯობდა. იგი ახლაც ფხიზლობდა და ბოროტად აცეცებდა ბუდეებში ღრმად ჩამჯდარ წირბლიან თვალებს. დღეს ტამო ჩვეულებრივზე მეტად ჩაფიქრებული და გულჩათხრობილი ჩანდა. მისი განწყობილება სადგომის სხვა წევრებსაც გადაედო და მთელი დღის განმავლობაში ერთი მხიარული სიტყვა არ თქმულა, ერთხელ არ გაუღიმიათ. ბებერი ტამო ხმადაბლა ბუტბუტებდა ცეცხლის სადიდებელ ლოცვებს და დროდადრო კოცონის თავზე ლურჯად მოლივლივე ალს უშტერებდა თვალს. ხან თბილ ნაცარს მომუჭავდა ხელით და ჰაერში აბნევდა, ჩამოცვენილ მტვერს თვალს გააყოლებდა და ფერი ეკარგებოდა, შეშდებოდა. აი, მან ერთხელ კიდევ მომუჭა ნაცარი და ჰაერში გაფანტა. მერე თვალეები მილულა, სუნთქვაც კი შეეკრა. სისხლი მოაწვა დამჰკნარ თვალეებზე.

— აააა! — იკივლა უცებ.

მთელი სადგომი შეტორტმანდა, ფეხზე დადგა. ტუ ენერგიულად ჩაეჭიდა ორივე ხელით კეტს და მძიმედ მოატრიალა. წელში გასწორდა, ბეჭები გაშალა.

ბებერმა ტამომ ხელები გაასავსავა და ტუჩები ააცმაცუნა, თუმცა ხმა არ გამოუცია და სიტყვა არ უთქვამს. მიცვალებულს დაემსგავსა. შიშითა და ველური მორჩილებით შემოეცალა ხალხი. ისინი ეძებდნენ ტამოს ასეთი ცვლილების მიზეზს, მაგრამ ვერ პოულობდნენ და უფრო მეტად ეძალებოდათ შიში. ბებერი ტამო ცახცახებდა და იგრინებოდა.

„ალბათ ცივმა მიწამ მოუხზო“, — გაიფიქრა ტუმ და კოცონს თვალი მოარიდა, შებრუნდა. ტამოს არ გამოპარვია მისი მოძრაობა.

— მე ვხედავ მას, — როგორც იქნა ამოთქვა ხრინწიანი ხმით და თვალები გაუბრწყინდა, აუციალდა. — მე ვხედავ მას, — ჩურჩულით გაიმეორა ცოტა ხნის შემდეგ და ადგა. ორივე ხელი ალაპყრო ცისკენ, თითები მომუჭა და უხილავ მოწინააღმდეგეს დაემუქრა. ქალები კივილით დაემხნენ ნაცრიან მიწაზე და თავი ხელებში ჩამალეს. ბავშვები აბლავლდნენ და დედებს მიეკრნენ. კაცები ტუს გარშემო შემოიკრიბნენ.

იგი არ განძრეულა. თავდაღუნული ავლებდა წკეპლით ნაცარში ხაზებს და ფიქრობდა. მერე წკეპლა კოცონში ისროლა, შემწვარი ხორცი ქვიდან გადმოიღო, ნაცარი ჩამოაბერტყა და უხალისოდ დაუწყო ძიძგნა.

„დროზე უნდა მოვიცილოთ თავიდან“, — გაიფიქრა ბებერმა ტამომ და მანჭვა-გრეხას თავი დაანება. დამშვიდდა. თვალი შეავლო თავზარდაცემულ ხალხს. მიხვდა, სადგომი რომ მის გადაწყვეტილებას ელოდა და საკუთარი თავის უპირატესობა იგრძნო. — „ახლა ყველაზე ხელსაყრელი დროა, — დაასკვნა მან. — თუ დღეს არ გადაწყდა, ხვალ უკვე გვიან იქნება. ხვალ მეორე წავა მყრალი მიწის ნაპირას და მალე სადგომში აღარც ერთი მონადირე აღარ დარჩება. გიგანტის ხორცი ორ დღეში გათავდება და მერე შიმშილით სიკვდილი გველის მოხუცებს.“

— მე ვხედავ მას, — განსაკუთრებული იდუმალეობით წარმოთქვა ტამომ, — იგი ღამესავით საშიში და ცეცხლივით გაუმაძღარი ბოროტებაა. მას შიმშილი და სიცივე მოაქვს. მის წინაშე თვით მარადუქრობი ცეცხლის სულიც კი კრძალვით თრთის. ჩვენს გარ-

შემო ნოტიო მიწის მოციქულები დაეხეტებიან და მხოლოდ ხელსა-
ყრელ მომენტს ელიან, რომ ხელიდან გამოგვეგლიჯონ დღე და მათთან
დიულ სიბნელეში გადაასახლონ ჩვენი სული. ფრთხილად, ეს ბო-
როტება ჩვენს შორის არის და ჩვენსავე რისხვას ელოდება.

ყველამ ერთმანეთს გადახედა, მერე რატომღაც ტუს შეხედეს.

— შენ ქარაგმებით ლაპარაკი გიყვარს, — თქვა ტუმ, — პირ-
დაპირ თქვი და ვინც არ უნდა იყოს იგი, ჩემი კეტის სიმძიმის
ქვეშ გაიჭყლიტება.

— მალე თეთრი დღეები ეწვევა ჩვენს მხარეს, — მაინც შე-
პარვით წამოიწყო ტუმ. — მდინარეები და ტბები სქელი ქერქით
დაიფარება, ხეები გაშიშვლდება, სიცივე ნემსებს მოიმარჯვებს და
ჩხვლეტას დაგვიწყებს. ნადირი უფრო ფრთხილი და უკარება გახ-
დება. ჩვენ ერთმანეთის ხორცის ჭამას დავიწყებთ და...

— ეს არ მოხდება! — ერთდროულად წამოიყვირა რამდენიმე
ხმამ.

ქალები ნაცრიან მიწიდან წამოიშალნენ და პატარები გულში
ჩაიკრეს, ხელებით დაფარეს, თითქოს მათ უპირებდნენ შექმას.
მრისხანე მზერა მიაპყრეს ტამოს. სიჩუმე ჩამოვარდა. მოჩვენებე-
ბით სავსე ღამემ სუნთქვა შეიკრა, გაისუსა. გაისუსა ტყე, წყალი,
ზეცა. ნიავე უსიცოცხლოდ გაწვა მიწაზე, ბალახებში გაითქვიფა.
გაუჩინარდა. კოცონმა რამდენჯერმე გაიტკაცუნა და ლურჯად მო-
ლივლივე ალი ვარსკვლავებივით აკიაფებულ ნაღვერდალში ჩაძვ-
რა, ჩაიფერლა. უფრო მეტად მოეძალა სიშავე ღამეს.

ტუმ შეირბა. იგი გრძნობდა, რომ ახლა მისი ჯერი იყო. ყველა
მას მიშტერებოდა, მისგან ელოდა პასუხს. დაგვიანება ძალაუფლე-
ბის დაკარგვას ნიშნავდა.

— ეს არ მოხდება! — დაიბუხუნა მან კარგა ხნის ფიქრის
შემდეგ და გამარჯვებულის მზერა მოავლო სადგომს.

ტუმ მთელი თავისი გულისწყრომა ამ ორ სიტყვაში ჩაატია,
თუმცა გაცილებით მეტის თქმას აპირებდა. სამაგიეროდ, რაც სიტ-
ყვებით ვერ თქვა, თვალებით გამოხატა.

„მალე ტუს კეტს საქმე გაუჩნდება“, — გაიფიქრა ცბიერმა
ტამომ და სიამოვნებისაგან ენა გააწყლაპუნა. — აქვე უნდა გაყო-
ჭონ და ცეცხლში ჩააგდონ, რომ მისი ფერფლი ტყე-მინდორს მო-
ფინოს ქარმა.



იგი შეაშფოთა განსაკუთრებულმა სიწყინარემ. შეიშმუნა ცის წიწკნას თავი გაანება, წამოიზღაზნა, გაიზმორა და ახლა შენიშნა მის გარშემო მდგარი ხალხი. სათითაოდ შეათვალიერა ყველა. მერე მზერა უფრო შორს გადაიტანა და ტუს თვალებს შეეფეთა, ნაკვერჩხლებივით რომ ბრდღვიალებდა სიბნელეში. არ ესიამოვნა, ინსტინქტურად დაიხია უკან და დიდცხვირა ლოდისაკენ გააპარა მზერა. თვალი შეავლო საიმედოდ დამალულ ნივთებს და წელში გასწორდა. ჩამქრალ თვალებში იმედის ნაპერწკალმა იელვა ამოიგმინა.

სადგომი შეტორტმანდა. კოცონის გარშემო გაწოლილი ჩრდილები აფარფატდნენ, გადაიხლართნენ, ერთმანეთში აირივნენ. ამ მოულოდნელ მოძრაობას ყმუილით გამოეხმაურა ტყე და ყველამ და ყველაფერმა სული ჩაიდგა, ამოძრავდა. თანდათან შეიკრა მის გარშემო უხილავი ჯადოქრული წრე. მან მოწყალებით ახელა მშვენიერ ამუს და ვედრებით მიმართა:

„შენ დამიფარე, მშვენიერო ამუ, ბოროტ ადამიანთა რისხვისაგან. მიეც ჩემს სხეულს ძალა და გამბედაობა. გამიხსენ გონება, გამინათე გზა აზრით და იმ მთის ძირს, სადაც ყოველდამ ინებებ ჩაბრძანებას, ყოველთვის დაგხვდება ჩემგან საჩუქარი. ან მიბრძანე და...“

მას მოეჩვენა, თითქოს ამუმ თვალი ჩაუკრა და გაუღიმა. უფრო მეტად გაბრწყინდა ვარსკვლავებით მოქედილ ცაზე და ვერცხლისფერ ნათებად მოეფინა არემარეს.

თავისუფლად ამოისუნთქა. კარგად ენიშნა ამუს აკიაფება. მადლიერების გრძნობა გამოეხატა სახეზე. სხეულს შიშით წართმეული ძალა დაუბრუნდა და გონებას აზრი მიეცა. დამშვიდდა და ოდნავ გათამამდა.

— რა მოხდა? — გაბედა, როგორც იქნა, — რატომ მიყურებთ ასე?

— შენ არღვევ ყოვლისმძლე ცეცხლის წმინდა კანონს, — ჯიქურ შეუტია ბებერმა ტამომ, — აღარ ემორჩილები სადგომის გადაწყვეტილებას. მაინც დადიხარ ცბიერი მზის შვილის სანახავად მყრალი მიწის ნაპირას. შენი საქციელი გადამდებია, და თუ კვლავ ასე გაგრძელდა, ჩვენი ამქვეყნად ყოფნის დღეები საოცრად შემცირდება. შენ უნდა მოკვდე!

— არა! — წამოიყვira მან.

— უნდა მოკვდე! — ჯიუტად გაიმეორა ტამომ და ბოროტად მოჭუტა თვალეზი. — სხვანირად სიმშვიდე არ გვეღირსება. გუშინ შენს გატყეპნილ ბილიკს ორი ახალგაზრდა გაპყვა და გიგანტებზე ნადირობისას ოთხი ძლიერი ხელი დაგვაკლდა. დღის მობრძანებისას კიდეც ორმა სცადა გაპარვა და ასე იქნება მანამ, სანამ შენს ცოდვილ სულს ნოტიო მიწა არ მიიბარებს.

მან ნაბიჯი წარსდგა წინ, სიტყვის თქმა დააპირა, მაგრამ მიხვდა, რომ თავის მართლებას ან შეცოდებას აზრი არ ჰქონდა. ტამოს სიტყვებმა თავისი გააკეთა: ხალხში შიში და უნდობლობა დათესა და ახლა გადაწყვეტილების შესრულებამდე ცაზე ვარსკვლავის გაელვებაზე უფრო ნაკლები დრო დარჩა.

ტუმ კეტი მოიმარჯვა და დაიძრა. იგი წინ წახრილი მოდიოდა და გოროზ ტანს მსუბუქად მოათამაშებდა. ნადირივით აბრიალებდა ჩაწითლებულ თვალებს და საკუთარი ძალით გათამამებული ნეტარებდა. მალე მისი შემწეობით ყველაზე საშიშ ბოროტებას მოეღებოდა ბოლო, უხაროდა. უფრო მეტად ამალღებოდა კაცების თვალში, ხოლო დღეის შემდეგ ყოველი ქალის ოცნება გახდებოდა მის გვერდით წოლა.

„მე მოვკლავ მას, — ფიქრობდა ტუ. მოვკლავ პირველივე დარტყმით, ერთი მოქნევით, დანარჩენზე ტამო იზრუნებს. მე კი... — თვალი შეავლო საქალებოს, — იმ უკარება აღქაჯს დავითორევ ამ ღამით...“

თანდათან მცირდებოდა მათ შორის მანძილი.

— შენ ვერ ვაბედავ, ვერა! — დაიქუხა მან და შეჩიხული ნადირივით აწრიალდა.

ეს იყო მომაკვდავის უკანასკნელი გაბრძოლება. ხმა გრგვინვასავით დაირხა სიბნელეში და იმდენად მოულოდნელად, რომ ტუ შედგა, შეყოყმანდა. მაგრამ ყველაფერი გაელვებაზე უსწრაფესად მოხდა და ტუს შეყოვნება არავის შეუღმჩნევია. იგი გააოცა წამიერმა სისუსტემ, უფრო ენერგიულად გასწია წინ, ჯიქურ მიიჭრა მასთან და ვეება სიმძიმის კეტი მსუბუქად აიტაცა ორივე ხელით. მერე ყველაფერი სიზმარივით უცნაურად და სწრაფად მოხდა. კეტმა წუილით მოხაზა ნახევარწრე სივრცეში და მიწას დაასკდა. მაგრამ

რაც ყველაზე საოცარი იყო, მან მოასწრო გვერდზე გახტომა სიბნელეში გაუჩინარდა.

ტუ თვალებს არ უჯეროდა. კარგა ხანს ეგონა, რომ მისი მსხვერპლი კეტის სიძიმემ მიწაში ჩაიტანა. თავდახრილი ჩაშტერებოდა ერთ წერტილს, კვალს ეძებდა, მაგრამ ამაოდ. ნაბზარიც კი არსად აჩნდა მიწას. გაკვირვებული თვალები მოავლო ხალხს. მათ გაცრეცილ, ფერდაკარგულ სახეებზე შიშის გარდა ვერაფერი ამოიკითხა. მერე მოწყვეტით მობრუნდა და ისევ იმ ადგილს დააშტერდა, სადაც რამდენიმე წამის უკან სამსხვერპლო იდგა. მყუდროება სიბნელიდან მოვარდნილმა სიტყვებმა დაარღვია:

— მე მოვალ! აუცილებლად მოვალ დილასთან ერთად და შურს ვიძიებ!

ეს იყო ზარივით წმინდა და ფოლადივით მტკიცედ თქმული სიტყვები, ელვასავით მოკვეთილი და გრგვინვასავით ძლიერი.

ტუმ რამდენიმე ნაბიჯი გადადგა სიბნელისაკენ და უცებ შედგა, ბოროტად გაელიმა. კისრის ძარღვები დაებერა, დაეჭიმა. თვალები აუწყლიანდა. აეწვა. სახე მოექცა. გაეცინა, თანდათან აუწია ხმას, ახარხარდა. გაბოროტებული თვალები გაუფართოვდა, ხელები გაშალა და გაოგნებული ერთ ადგილზე დატრიალდა. მისმა ძლიერმა ხმამ მიძინებული ღამე გამოაფხიზლა და ყმუილ-ხრიალი აიყოლია. თავზარდაცემული ხალხი პირქვე დაემხო, ბავშვები აბღავლდნენ. ყველაზე გულადმა კაცებმაც კი ცეცხლთან სიახლოვე ამჯობინეს ტუს გვერდით დგომას. ბებერ ტამოს იმედი გადაუწყდა, ორად მოიკეცა და კოცონის პირას ჩაცუცქდა.

ტუ ძველებურად როხროხებდა და ექოთი დაბოხებული მისი ხმა ლომის ბუხუნევით გაისმოდა ვიწროებში. მერე უცებ შეწყვიტა ხარხარი და სიტყვაუთქმელად განმარტოვდა ჩაფიქრებული.

ამ ამბის შემდეგ დიდმა დრომ განვლო. ტყე ახლად შეიმოსა, მინდვრები ლორთქო ბალახით დაიფარა. თეთრი დღეები შორეულ ქვეყნებში გადასახლდა და ზამთრით წელგაწყვეტილმა ადამიანებმა შვებით ამოისუნთქეს. ნადირთა ტყავის მძიმე ქურჭები შეიხსნეს, გახალისდნენ და ჟივილ-ხივილით მოედვენენ სადგომის ახლომახლო ველ-მინდვრებს. სიკვდილის პირას მისულმა ბებერმა ტამომ თვალბში გამოიხედა, სული მოიბრუნა, თავის ძველ საქმიანობას მიჰყო ხელი და სწრაფად აღიდგინა ავადმყოფობით შერყეული მდგო-

მარეობა. კაცებმა ახალი იარაღის შეკვრა-გამოთლა დაიწყეს და
ხშირად წესიერი კაჯის ძებნას მთელ დღეს ანდომებდნენ. ბევრნი
ბი ძლივს ერეოდნენ, იმდენი მოჰქონდათ საჭმელი ბალახი და
დასხვა მცენარის ფესვები. ცეცხლზე განუწყვეტლად თუხთუხებდა
წყალი, იხარშებოდა საჭმელი. ყველა რაღაცას საქმიანობდა, ფუს-
ფუსებდა, მხოლოდ ტუ იყო უცვლელი. იგი ისევ განცალკევებით
იდგა გულჩათხრობილი და იმდამინდელ ამბავს ვერ ივიწყებდა. გუ-
ლისფანცქალით ელოდა ყოველი დილის მობრძანებას, მის გამოჩე-
ნას, ელოდა, თუმცა დარწმუნებული იყო, რომ იგი კარგა ხანია
რომელიმე მხეცის ლუკმა გახდა და, თუ მართლა გამოჩნდებოდა
სადმე, აუცილებლად ნადირის სახით. ან იქნებ თეთრმა დღეებმა
გაიყოლიეს თან. ზოგჯერ მასზე ფიქრი სისულელედ ეჩვენებოდა.
მაგრამ ხანდახან ღამით, რაღაც გაურკვეველი, ცხოველური ინს-
ტინქტი გამოაფხიზლებდა ჩათვლემილს და შეშფოთებული ამახვი-
ლებდა სმენას, თვალს უშტერებდა ფერდაკარგულ ღამეს.

აი, ახლაც რაღაცამ ისე ძლიერ შეაწუხა, რომ თვალები ჭყიტა
და მორგვევით კისერი რამდენადაც შეეძლო წაიგრძელა. თვალი
შეავლო სადგომს — ყველას ეძინა. ეძინა ყველაზე ფხიზელ ყურ-
საც. ამან დაამშვიდა. ცას ახედა და დაბერილი ფილტვებიდან შუი-
ლით ამოუშვა ჰაერი. ირგვლივ საეჭვო არაფერი იყო, თუმცა რაღაც
გაურკვეველი გრძნობა მაინც არ ასვენებდა და აფრთხობდა.

შორს, ქვეყნის დასალიერს, ცას ნათელი შეეპარა. დაიწყო ფერ-
თა ჯადოქრული მოსვლა-მოზღვაება. სამყარო გამოცოცხლდა და
ამოძრავდა. მთელ ღამეს ფეხზე მდგარი მთები ნაცრისფერ ჩრდი-
ლებად გაწვინდნენ დაბლობებში. არემარე დაფერიანდა, ახავერდდა.
ჯერ ერთი გულჭრელა მიესალმა დილის მობრძანებას, მერე — მე-
ორე, მეორეს მესამე მოჰყვა, მესამეს — მეოთხე და რამდენიმე
წუთში სამყარო ყალიბივით შეივსო ხმებით. ყვავილებმა კისკისით
გამოანათეს ბრდღვიალა ფერებით და ფიანდაზად დაექარგნენ ფერ-
დობებს.

ტუმ ხარბად შეისუნთქა დილის ჰაერი და უხალისოდ შეიშმუშ-
ნა. თვალები მუშტით ამოისრისა, რაღაც ჩაიბურღლუნა და ორივე
ხელით დაეყრდნო კეტს. მამაკაცებისაყენ გააპარა მზერა. მამაკაცებმა
ფეხზე მდგომთ ეძინათ. ესამოვნა მათი სიფრთხილე. ხალისით გა-
ხედა ჰორიზონტს, უხერხულად მოიქეჭა კეფა და მხრები შეათამაშა.



მსხვერპლს დადარაჯებული ნადირივით გაირინდა, ყურები ცეკვიტა-
 მის მახვილ სმენას ჩქამი ჩაესმა. წინ გადაიხარა, გაიხედ-გამოიხედდა
 ხმაური აღარ განმეორებულა. დამშვიდდა. სხვა რამეზე დაიწყო
 ფიქრი. წარბები შეჰყარა, შუბლი დაუნაოჭდა. გამალებით ფიქრობ-
 და: დღეს, როგორც კი მზე ნაკვერჩხალს გააუფერულებს, ტამო
 ნიშანს მისცემს და ნადირობისადმი მიძღვნილი ცეკვა დაიწყება.
 შემდეგ კი, თუ მარად უქრობი ცეცხლი ინებებს, სანადიროდ წაიყ-
 ვანს ხალხს. ეს იქნება ამ წლის პირველი და ყველაზე დიდი ნადი-
 რობა. მის კეთილად დამთავრებაზე ბევრი რამ არის დამოკიდებული.

„ახლა იოლია ხალხის დამორჩილება, — ფიქრობდა იგი. —
 ყოველდღე სანადიროდ ვივლი და მზის შვილზე ფიქრისთვის აღარ
 ეცლებათ. ძველი ტყავაკბაც გაცვდა, გაიქეჭა, გამოსაცვლელია, ტყა-
 ვი კი არა გვაქვს. ხორციც აღარ გვქონია კარგახანია საძღომად. თეთ-
 რმა დღეებმა ხალხი დააბეჩავა და დააჩაჩანაკა. უსაქმობისაგან გა-
 ირყვნენ — ზიზლით გადახედა კოცონის პირას მიგდებულ ორ ახ-
 ალგაზრდას. — რა ჯანდაბა იზიდავს ამ უბედურებს მყრალი მიწი-
 საკენ. მზის შვილი ამაყი და დაუნდობელია. განა მის დედამშო-
 ბელს — მზესა ჰგავს, რომელიც გვათბობს და ნათელით გვმოსავს.
 რომ შემეძლოს...“

ტუმ ფიქრი შეწყვიტა და შეწუხებულმა მიმოიხედა. ისევ
 ჩაესმა რალაც ხმა, მაგრამ ვერ მიხვდა, გამხმარი ტოტი ჩამოტყდა
 ტყეში, თუ შამბნარში მხეცმა გაირბინა. სხვა დროს ამ უმნიშვნელო
 ხმაურს ამდენ ყურადღებას არ მიაქცევდა, მაგრამ დღეს რატომღაც
 ყველაფერი აღიზიანებდა და ზედმეტად აფრთხობდა.

„დიდი ხანია აღარ მინადირია და ალბათ ამის ბრალია, —
 დაასკვნა მან. — გადამავიწყდა მაცდური ტყის ენა“, — მერე სი-
 ამოვნების ტალღამ გადაუარა სახეზე, საკუთარ მკერდსა და ხელებ-
 ზე დაიხედა. ესიამოვნა ქვასავით მკვრივი კუნთების თრთოლვა და
 მორებივით მსხვილი ხელების ხილვა.

„თუ ნადირობამ კარგად ჩაიარა, თეთრი დღეების მეორედ
 მობრძანებამდე ხალხი მორჩილებაში მეყოლება და ბებერი ტამო
 ჩემს თავს შეავედრებს ყოვლისმძლე ცეცხლს. მთავარია, პირველი
 ნადირი მე მოვკლა, თანაც ერთი დარტყმით.“

ამ უკანასკნელმა სურვილმა ის წყეული ღამე მოაგონა. მა-
 შინაც ერთი დარტყმით აპირებდა მის მოკვლას, მაგრამ არ გამოუ-

ვიდა და რის ვაივავლახით შეინარჩუნა ავტორიტეტი. ცუდ ნასიარ-
ზე დადგა. უხალისოდ აიტაცა კეტი ცალი ხელით და მეორე ხელს
თრევა-თრევით სადგომის შემოვლა დაიწყო. ფეხაკრევით და შე-
პარვით მიაბიჯებდა. ქურდივით აცეცებდა თვალებს. ყველას და
ყველაფერს აკვირდებოდა, თითქოს პირველად ხედავსო. უწესრი-
გოდ მიყრილ ქალებთან და ბავშვებთან შედგა. მიიმედ დაუშვა
კეტი. დიდხანს ეძება იგი, ვისი დამორჩილებაც იმ ღამით ვერ მოა-
ხერხა. ბოლოს შენიშნა. განაპირად იწვა დედამისის ახლოს და სა-
ხეზე ხელები ჰქონდა აფარებული. ყურცქვიტას გაქეჩილი ტყავა
სანახევროდ უფარავდა სხეულს. სპილენძისფერი ხორცსავსე ტანი
უცნაურად ბზინავდა ძალადაკარგულ კოცონის შუქზე. მკვრივი,
შიშველი მკერდი ზომიერად ადი-ჩაუდიოდა. ყელზე ირიბად გა-
წოლილი ძარღვი მშვიდად უცემდა. ტუმ პირში დაგუბებული ნერ-
წყვი გადაყლაპა, წელიდან დაცურებული წინსაფარი შეისწორა და
სიამოვნებისაგან ხელი-ხელს შემოჰკრა.

„უნდა მივეპარო და მოულოდნელად ვეცე“. — გაიფიქრა მან.
კატასავით ფრთხილად გადააბიჯა მძინარე ქალებს, გაინაპირა
და ძუნძულ-ძუნძულით გაეშურა მისკენ. ფეხაკრევით მიუახლოვდა,
თავზე წაადგა.

„იმღამინდელივით კბენა რომ დამიწყოს, — გაიფიქრა მან, —
სინილასავით მოვახრჩობ.“

უცებ მოიხარა წელში, ცალი ხელი მხარში ჩაავლო და კა-
ტის კნუტივით აიტაცა. შემობრუნდა, ბანჯგვლიან მკერდზე მიიკრა.

გოგო ჯერ კიდევ ბურანში იყო და ბრმად ემორჩილებოდა მის
ველურ ვნებას. ტუ უცებ შეკრთა, თმა აებურძგნა, აეშალა. ყუ-
რები ყურქვიტასავით აუთამაშდა. დამდულრულივით შეუშვა ხე-
ლი მსხვერპლს. გოგონა მოწყვეტით დაეცა მიწაზე, გონს მოეგო
და შეშინებულმა შეჰკივლა.

ტუმ თვალები დახუჭა. სისხლად მოწოლილი ვნება უკუიქცა.
გაფითრდა. გვერდით წუილით ჩამოუქროლა რალაცამ და უხმოდ
ჩაერჭო მიწაში, ზუსტად მის ფეხთან. იგი არ განძრეულა, ოდნავ
მოატრიალა თავი, ქუთუთოები მიიმედ ასწია და ჩასისხლიანებული
თვალეები მიწაში ჩარჭობილ თხილის წვრილ ღეროს გაუშტერა. ღე-
რო ჯერ ისევ ქანაობდა. წინ გადაიხარა, გაავებული ხარვიით დახა-
რა თავი და მკერდზე ნიკაპმიბჯენილი კარგა ხანს იდგა. მერე მოტ-



რიალდა და წარბებს ქვემოდან ახედა მოსალოდნელ მოწინააღმდეგეებს. ალლომ არ უღალატა. უახლოეს ბეჭობზე, იქ, სადაც ქალები თავდებოდა, ამაყად იდგა მისი მოსისხლე მტერი და უტიფრად უყურებდა.

„შურისძიების ყამი დადგა“, — გაიფიქრა ტუმ და რამდენიმე ნახტომით კეტთან გაჩნდა. ჩვილი ბავშვივით აიტაცა ხელში და გულში ჩაიკრა. იმწამსვე მიეცა ძალა, დამშვიდდა და გათამამდა. თვალები დაუბრიალა ქალებს. ქალები წივილ-კვილით შემოეცალნენ. პირქუშმა მამაკაცებმა, ყოველი შემთხვევისათვის, იარაღი მოიმარჯვეს. ვინ კეტს დაეყრდნო, ვინ ქვაგამობმულ ჯოხს წაატანა ხელი, ვინ უბრალოდ გამოჩორკინილ შუბისმაგვარ ტოტს წაებოტინა.

— გათავდა! დღეს გაიმარჯვებს ყველაზე ძლიერი! — წამოიყვირა ტამომ და წამოდგა. ტუსთან მივიდა და მრავალმნიშვნელოვნად ჩახედა თვალებში. ტუმ უხეშად ჩამოიცილა გზიდან და თამამად გადადგა ბეჭობისაკენ ნაბიჯი.

„მთავარია ერთი დარტყმით ნოვკლა, რომ იმდამინდელი ამბავი არ განმეორდეს“, — ფიქრობდა და ჯიუტად უახლოვდებოდა მოწინააღმდეგეს.

— კიდევ ნაბიჯი და შენ მოკვდები! — მოისმა ბეჭობიდან.

ტუმ შედგა. სიბრახისაგან ნაკვერჩხალივით გაწითლდა. კბილები გააკრაკუნა, ერთი კი მოიხედა უკან და ბეჭობისაკენ ისკუპა.

ტუმ ჯერ კიდევ ჰაერში იყო, როდესაც მან მშვილდევით მოხრილი ხე მარცხენა ხელით ასწია. მის ბოლოზე გამობმულ ლიანას წვეტიანი თხილის წვრილი ტოტი გამოსდო და ლიანა, რაც შეიძლებოდა, დაჭიმა. მერე უცებ გაუშვა ხელი და გაირინდა.

ტუმ დაიბღავლა, მკერდზე იტაცა ხელი და მიწას დაენარცხა. ტკივილებს სძლია. წამოხტა, მაგრამ ისევ დაეცა და აფართხალდა. ორივე ხელით ჩაეკიდა თხილის წვრილ ღეროს. მკერდიდან ამოძრობა სცადა, მაგრამ ამაოდ: რაც უფრო ცდილობდა, მით უფრო მეტად მოსჩქეფდა სისხლი ჭრილობიდან. სხვა რომ ვერაფერი მოახერხა, სიმწრისაგან ჯოხი ჭრილობაშივე გადატეხა და ნაკუწებად აქცია. აღარ ბლაოდა. მხოლოდ ზმუოდა და ამაოდ ლამობდა ფეხზე წამოდგომას. ერთი-ორჯერ ჩაიმუხლა კიდევ, მაგრამ პირქვე ჩაემხო და თვალცრემლიანმა განუტევა სული. უკანასკნელად ესლა გაიფიქრა:

„რაც მთავარია... ერთი დარტყმით უნდა მოგ...“

მეტი აღარ დასცალდა. მისი დაუდგრომელი სული ნოტიო მიწის მოციქულებმა მიიბარეს.

იგი ღინჯად ჩამოვიდა ბექობიდან, ჯერ კიდევ თბილ გვამს მიუახლოვდა, ფეხი გაჰკრა, გაასწორა და ზედ შედგა. გამარჯვებული სახით გადახედა თავზარდაცემულ ხალხს. მერე მსუბუქად ჩამოხტა ძირს, ტუს კეტს წამოავლო ხელი, ემძიმა, მაგრამ არ შეიმჩნია და სადგომს მიუახლოვდა. ხალხი ორად გაიყო და გზა მისცა. თავაწეულმა გაიარა მათ შუა, კოცონთან მივიდა და ტუს ხელისუფლების სიმბოლო — კეტი ცეცხლში ისროლა.

გმინვა აღმოხდა ხალხს. ბებერმა ტამომ უკმაყოფილოდ ჩაიბურღლუნა, მაგრამ სწრაფად გაჩუმდა და ფარული მხერა გააპარა ტუს კეტისაკენ. გამომშრალ ხის მორს ხარბად ლოკავდა ცეცხლის ენები და კუნძისხელა კეტი თვალის დახმაცხამებაში დანაკვერჩხლდა; ტამო გაოცდა.

„გათავდა, ყველაფერი გათავდა“, — ფიქრობდა იგი და კოცონს თვალს არ აშორებდა. თანდათან გაუარა დაბნეულობამ. კოცონის გარშემო დაიწყო ქოთქოთი და ყველას ყურადღება მიიპყრო. მისგან ელოდნენ ამ გაუგონარი ამბის ახსნას. ეს ტამოს კარგად ესმოდა, მაგრამ პასუხისათვის დრო იყო საჭირო და სწორედ ამიტომ დაიწყო კოცონის გარშემო ხტუნვა-ხტუნვით სიარული. ბოლოს შედგა, გაშეშდა. ორივე ხელი ზეალაპყრო და გადმოკარკლული თვალები ცეცხლის აღს გაუშტერა.

— აღსრულდა! — აღმოხდა მას, — გაიმარჯვა უძლიერესმა. დღეიდან ჩვენი წინამძღოლი მზის შვილის მეგობარი იქნება, ჩვენ კი მისი ნების აღმსრულებლები და მორჩილნი. ასეთია ყოველის-შემძლე ცეცხლის ნება-სურვილი.

ცხოველური მორჩილებით გადახედა ტამომ ახალ წინამძღოლს და ხელით ანიშნა კოცონთან ახლოს მისულიყო. იგი სიამაყისაგან წამოწითლდა, მაგრამ უხერხულობას სძლია, კოცონთან მივიდა და ყველას გასაგონად თქვა:

— ნადირობის დღეს სხვა დროს დავნიშნავ. ახლა ქალები წავლენ შიშველი მთის ძირას და ჩემს ნანადირევს მოიტანენ. ხორცი ბლომად არის, ბევრ დღეს გვეყოფა.

თქვა ეს და განერიდა აღტაცებულ ბრბოს. დიდცხვირა ლოდ-

თან მივიდა მხრიდან მშვილდი მოიხსნა, ქამრიდან ისრები ამოაცხრა და მოწიწებით დაალაგა მიწაზე. გვერდით მიუჯდა, ხელი მიუჭრა თათუნა გამომშრალ თხილის ღეროებს, ზურგით ლოდს მიესვენა და ოცნებაში წასულმა ჩასთვლიმა.

იგი უჩვეულო ხმამ გამოაფხიზლა, მაგრამ ვიდრე გონს მოვიდოდა, რაღაც ძალამ ჰაერში აიტაცა, ამოტრიალდა და მიწას გააკრა. მწარე ტკივილის მიუხედავად სწრაფად წამოხტა, მშვილდ-ისარს ხელი წამოავლო და შეშფოთებულმა მიმოიხედა.

ირგვლივ გაუგონარი ამბავი ხდებოდა; მთები და ბორცვები ირყეოდა, მიწა ზანზარებდა, რამდენიმე ადგილას ღრმა ნაპრალს დაედო პირი. ძირიანად ამოგლეჯილი ვეებერთელა ხეები უწესრიგოდ ეყარა, ზოგიც ბალახივით გაწოლილიყო მიწაზე. ხმელ ხეებს ცეცხლი ეკიდა. ბუჩქები დაფერფლილიყო. ჰაერში წყლისა და მტერის ბული იდგა. მზე საესე მთვარესავით ეკიდა ჰორიზონტზე და ყველაფერს რაღაც სევდიანი, მოყვითალო-მონაცრისფრო ელფერა გადაჰკრავდა. საოცარია, რაღაც ერთი წუთით ჩასთვლიმა მხოლოდ და როგორ შეიცვალა ყველაფერი.

სადღაც შორს, გულისშემადონებელად წუოდა რაღაც და თუმცა ხმა თანდათან სუსტდებოდა, მაინც ისე ჰრიდა სმენას, რომ სხეული თრთოდა. ირგვლივ არავინ ჩანდა. აქა-იქ ცოცხალ-მკვდარი ადამიანები ეყარნენ. მისგან ხელმარცხნივ, ჩამქრალ კოცონთან, ტამოს გულადმა ამოტრიალებული გვამი ეგდო.

ჩამოცხა. ბურუსი აიშალა, ზემოთ აიწია, იჭექა. მერე ცხელმა ნიავმა წამოუბერა და წამით ცა გახსნა. მან თავი ასწია და თუმცა მზის ელვარებამ დააბრმავა, მაინც შეავლო თვალი, როგორ მიფრინავდა მზისკენ ცეცხლმოდებული პატარა ბურთი.

„წავიდა, მზესთან დაბრუნდა“, — გაიფიქრა მან.

ცა დიდი ხანია შეიკრა, წვიმამაც მოუხშირა, მაგრამ იგი ძველებურად თავაწეული იდგა და თვალდახუჭული მაინც ხედავდა მზის შვილს, გრძნობდა მის ძალას და სიდიადეს. იდგა გაუნძრევლად და მისი სველი სხეული ბრინჯაოს ქანდაკებასავით ლაპლაპებდა პირველყოფილი ბუნების ფონზე.

როდესაც სათადარიგო ძრავები გამოერთო და სპირალოიდზე

ხელოვნური მიზიდულობა ჩართეს, პირველი შტურმანი სასტარტო აბაზანიდან ამოძვრა და სამართავ პულტთან მოიკალათა. მეორე მანს დაესწრო მისთვის და სტარტის დროს დაშვებულ შეცდომებს ასწორებდა. ხომალდი თანდათან გადადიოდა ძირითად კურსზე.

— მე მეგონა, უფრო გაძნელებოდა სტარტი, — გაიფიქრა პირველმა შტურმანმა. — ურუდან აფრენა უფრო მტკივნეული იყო.

— პლანეტის ატმოსფეროს აფეთქების ეშინოდათ, — უბასუხა მეორემ, — მაგრამ, საბედნიეროდ, ყველაფერმა კარგად ჩაიბრა. უცნაური პლანეტა იყო, — დაუმატა მანვე ცოტა ხნის შემდეგ.

— მე კი ძალიან მომეწონა. განსაკუთრებით ფერთა გამა და ორ ქვედა კიდურზე მოარული სასაცლო ცხოველები. სიამოვნებით ვიცხოვრებდი ამ პლანეტაზე, ამდენი ჟანგბადი რომ არ იყოს. იგი ისეთი პატარა და საყვარელია, რომ ზუსტად ერთი ოჯახისთვისაა განკუთვნილი. ასეთი ბუნებრივი თანამგზავრები მაინც მისცა ურუს, — ინატრა მან.

— მე კი არასოდეს ვინატრებდი ასეთ პლანეტაზე ცხოვრებას. ერთ დღეს იქნება, ჟანგბადი აფეთქდება და მერე მშვიდობით, სიცოცხლევ, კოსმიურ მტვრად იქცევა შენი საყვარელი პლანეტა.

— ეგ არ მოხდება, — არ დაეთანხმა პირველი. — მალე იქ მოაზროვნე ცხოველები გაჩნდებიან, ჩამოყალიბდება ადამიანი. ვახსოვს, რა ჭკვიანი თვალები ჰქონდა იმ ორ კიდურზე მოარულ ცხოველს, ჩვენს შორიახლოს რომ დადიოდა და გვითვალთვალებდა. ხიმმა მისი ტვინის იმპულსები ჩაიწერა და გაშიფვრისას იმ დასკვნამდე მივიდა, რომ შეიძლება აზროვნებდნენ კიდევ. ყოველ შემთხვევაში, იმპულსებს შორის გარკვევით შეინიშნება ლოგიკური თანმიმდევრობა.

— ვიცი, ვიცი, — შეაწყვეტინა მეორემ. — ორგანული სიცოცხლის განვითარების ცნობილი თეორიაა. გაჩნდება ადამიანი, შემდეგ საზოგადოება, ცივილიზაცია, პროგრესი. შეიქმნება კულტურა, დაიხვეწება ფორმა...

სპირალოიდი გასცდა ყვითელი მზის მიზიდულობის სფეროს და ძირითადი მარშრუტის ელიფსოიდის შემოვლა დაიწყო. იგი თანდათან უმატებდა სიჩქარეს და მალე კოსმოსის ზავერდოვან სივრცეში პაწია ვარსკვლავად აკიაფდა. მერე ელვარე წერტილად იქცა და ბოლოს, სამყაროს უკიდევანო სივრცეში გაუჩინარდა.

ვუძღვნი ნოდარ დუმბაძის ნათელ ხოვნას.

იისფერი ბარბერის მიღმა

როდესაც შემოქმედთა დიდი საბჭოს უხუცესი ფორუმის შუაგულში გამოვიდა და სწორკუთხა თეთრი ფირფიტა აღმართა, მოლოდინით დამძიმებული დარბაზი ტაშმა შეატორტმანა. ტალღა ყველა კუთხე-კუჩქულს მოედო. დარბაზი აზრი აღდა, აზანზარდა. ხალხი წამოიფოფრა, წამოიშალა. ვილას ესმოდა სიტყვები, ისედაც ყველაფერი ნათელი იყო.

ულოცავდნენ.

ულოცავდა ყველა: მოხუცი თუ ახალგაზრდა, ქალი თუ კაცი, მტერი თუ მოყვარე. მეგობარი, ვინც დღენიადაგ მის გვერდით იდგა თუ მოწინააღმდეგე, რომელსაც პროექტის გრანდიოზულობა, მასშტაბები აშინებდა და ეჭვი ეპარებოდა მის განხორციელებაში.

ერა ძლივს მიიკვლევდა გზას შედეგებულ ზღვა ხალხში. სიხარულით გაოგნებულს ერთი მიზანი ამოძრავებდა; რაც შეიძლება სწრაფად გასცლოდა მოზეიმე დარბაზს და იქ, მარტოობაში, ერთხელ კიდევ აეწონ-დაეწონა ყველაფერი. ყველაფერი თავიდან გაეანალიზებინა, ყველა დეტალი გაეჩხრიკა და თუ სადმე უზუსტობას შეამჩნევდა, უარი ეთქვა, უარი ეთქვა იმ დიდებაზე, დღეს რომ ხალხმა ფიანდაზად გაუგო ფეხქვეშ. ჯერ კიდევ შეიძლებოდა უარის თქმა. უზომო პასუხისმგებლობისაგან განთავისუფლება. მაგრამ ეს მხოლოდ სიხარულით აფორიაქებული გონების წამიერი სისუსტე იყო, რადგან შეუძლებელია შენთან ერთად დაბადებულ, ახდენილ ოცნებაზე უარის თქმა. დღესავით ნათელ და წმინდა ოცნებაზე, ფიქრიან ღამეებზე, იმედ-უიმედობის გაუთავებელ ჭიდილზე, კამათზე, რომელსაც არც ბოლო ჰქონდა და არც დასაწყისი.

— „ჩქარა ოცნების ბაღში“, — ფიქრობდა იგი და ნაბიჯ-ნაბიჯ მიიწევდა გასასვლელისკენ. „ჩქარა! — აჩქარებდა საკუთარ თავს. — ჩქარა! მხოლოდ იქ შეიძლება განვმარტოვდე, გავერთეულდე.“

რის ვაი-ვაგლახით მიაღწია გასასვლელს, კარებში გასხლტა და



უკან მოიტოვა სიხარულით შეშლილი სახეები, გაბრწყინებულ ღრმობები. მისალოცად აღმართული ხელების ტყე და ყოყინა, რომ რეკდა თავში. კიბეები ჩაირბინა. სასტარტო მოედნისაკენ გაიქცა. შორიდანვე შენიშნა შინდისფერი დისკომფრენი. როგორც ყოველთვის ეულად ეკიდა სივრცეში და თრთოდა. აღარ დაელოდა ღუზის აშვებას, მხარზე მოიგდო მრავალფენოვანი სიფრიფანა წრე და როცა გაფრინდა, მხოლოდ მაშინ ჩართო სამარშრუტო ავტომატი. შვებით ამოისუნთქა. ეამა სხეულის ამსუბუქება, მოხერხებულად შეატყუბა ფეხები, ჰაერის აღმავალ ტალღაზე გაწვა და ისარივით გაქანდა ცისკენ.

„ზევით! რაც შეიძლება ზევით! — ფიქრობდა იგი. — ზევით! იქ, სადაც სიმაღლე და სიწმინდეა, აბსოლუტური სიმარტოვე და სისავსე. იქ, სადაც სისწრაფეა, ზღვარდაუდებელი სისწრაფე... ფერების სამყაროში... იისფერი ბარიერის მიღმა“.

ოდნავ შებრუნდა. სახე შეაგება ჰაერის გრილ ნაკადს. სასიამოვნო ურჯოლამ დაუარა სხეულში. სიგრილე შემოეჭდო, შემოესალტა. სულსა და გულში გაუჯდა. გადატრიალდა. მზერა გააპარა ქვემოთ. იქითკენ, სადაც რამდენიმე წუთის უკან სიცოცხლის განვითარების ახალი ერა დაიწყო.

გაეღიმა.

„წუთი, — გაიფიქრა მან. — რა მცირე დროა და როგორ ტევადი. მთელი ჩემი სიცოცხლე, ნამოღვაწარი, ოცნება, ფიქრი იმ ერთ წუთში ჩაეტია, რაც უხუცესმა თეთრფირფიტიანი ხელის აწევას მოანდომა. არადა ადრე რამდენი წუთი ყოფილა ჩემს ცხოვრებაში, ვინ მოთვლის. მილიონი? არა მილიარდი და უფრო მეტი. და მაინც იმ ერთ წუთს ხვდა წილად ბედი, დასაბამისი მიეცა სიცოცხლის ახალი ტალღისათვის. მე თუ მკითხავთ, წუთი წყვეტს ყველაფერს, ყველა დანარჩენი კი ჩვეულებრივი დროის მდინარეობაა და სხვა არაფერი. წუთია, როცა ახლადშობილი პირველად ჩაისუნთქავს ჰაერს. წუთია, როდესაც პირველად შეეხედავთ სამყაროს, პირველად ვიგრძნობთ ტკივილს და მარტოობას, ცრემლსა და სიხარულს. პირველად შევიყვარებთ და პირველად მოგვიკვდება გული. წუთია, როცა პირველად ავალთ გამარჯვების კვარცხლბეკზე და პირველად მოვიხდით ჩვენს ადამიანურ ვალს ქვეყნის წინაშე. და ბოლოს, წუთია ის უამი, როდესაც ვემშვიდობებით ამქვეყნიურ



სიცოცხლეს და ფერთა სამყაროში გადავსახლდებით. აბა, რა მნიშვნელობა აქვს ამ რიცხეთ ეს წუთები ჩვენი ცხოვრებიდან და რა დაგრჩებათ? მარტოდ მარტო ერთფერი დრო, სხვა არაფერი.

ქალაქს გაჰხედა. წყვილი მზის სხივებით დაფერილი მუდმივ-მოდრავი სფერო უცნაური სანახავი იყო ამ სიმაღლიდან; უზარმაზარი, ათასფრად მოციმციმე, ცოცხალი ორგანიზმივით მოთახთახე, მოუსვენარი, ზღაპრავით მიმზიდველი. ქალაქი სივრცეში! აზროვნების უსასრულობისა და მუდმივი მოძრაობის სიმბოლო. ქალაქი ქარაგმა! სადაც ყოველი სახლი, ქუჩა თუ ბაღი, ან სხვა რამ ნაგებობა, ყოველ წუთს, ყოველ წამს ადგილს იცვლის და სხვა ფორმით გველინება. სადაც არასდროს არაფერი არ მეორდება, სადაც ჯადოქრულ ფერთა სიმრავლე ფანტასტიურ ფარდაგებს ქსელავს. სადაც ყოველთვის ახალს ელი და მუდმივ ძიებაში ხარ.

ერამ თვალეში მოწყურა. ძლივს შეიცნო ფორუმი და მისი შემოგარენი. ადამიანები პალიტრის ლაქებივით აჩნდნენ სივრცეს. ისიც თანდათან იშლებოდა, იფანტებოდა. ბოლოს ჰორიზონტს იქით გაუჩინარდა, გაქრა, სივრცემ შეისრუტა. ქალაქი უფრო შეიკრა, ბურთივით დამრგვალდა.

სიმაღლემ იმატა. აცივდა. ავტომატურად ჩაერთო მიკროამინდი. ერას გარშემო უხილავი ბარიერი შეიკრა. ზომიერად დათბა. სუნთქვა გაიოლდა. სიჩქარე კი სულ მატულობდა და მატულობდა. გარემო გაერთფერდა, განაცრისფერდა.

„— ცოტა კიდევ, სულ ცოტა და დადგება ის ნეტარი ჟამი, რომლის გააზრება შეუძლებელია, — ფიქრობდა იგი. — ჟამი, როდესაც სიჩქარე მაქსიმუმს მიაღწევს და სამყაროს შეერევი, ფერად იქცევი. ვიქნები ყველგან და ყველაფერში და არსად, უსასრულობად გადავიქცევი.“

მას ყველაზე მეტად ეს გარდამავალი წამი ხიბლავდა. წამი როდესაც უნდა გამქრალიყო ხელმეორედ დასაბადებლად, ახალ, დღემდე უცნობ ფერად. ახლაც მოახლოებული ნეტარების მოლოდინში გაინაბა, თვალეში დახუჭა. ისევ იმატა სიჩქარემ. იგი გრძნობდა, როგორ პატარავდებოდა, როგორ კარგავდა წონას. როგორ იშლებოდა ნაწილაკებად. სულ უფრო და უფრო მცირე ნაწილებად. ატომებად. გრძნობდა როგორ იძარცვებოდა თანდათან სხეულისაგან. შიშვლდებოდა გონება. იკვეთებოდა მხოლოდ აზრი

და გრძნობა. კიდევ რაღაც კილომეტრები... რაღაც წუთები და ისფერი ბარიერის მიღმა....

ვიდრე გონება რამეს აღიქვამდა მან უფრო იგრძნო, ვიდრე შეიცნო სიკვდილსა და სიცოცხლეს შორის მდგარი ზღვარი. ზღვარი, რომლის ხილვა ჯერ არვის ღირსებია და ამდენად მხოლოდ თეორიულად არსებობს. მისი მათრობელა სუნთქვა მოეძალა, უსაზღვროება დაეუფლა და უცებ განათდა. მზის დაბადებასავით გადაანათა იქაურობა რაღაცამ. მთელ სამყაროს მოედო. აცილდა-ათინათინდა. სიჩქარის გრძნობა გაქრა. არაამქვეყნიური სიმშვიდე დამკვიდრდა. მარადიულობაში გადასახლდა.

ფრთხილად გაახილა თვალები. გაოცდა. ფერად ქცეული უცნაურ ფერთა სამყაროში დაცურავდა. ამდენი ფერი ერთად არასოდეს უხილავს. აქ იყო ყველა ფერის ყველა სპექტრი, ყველა ტონი თუ ნახევართონი. თვალით უხილავი ნათება, რომელსაც მხოლოდ გონება სწვდება. მათი ნამრავლი, შერწყმა, შეუღლება. ეს იყო უამი, როცა იგი მხატვრობაზე ოცნებობდა, ფერით აზროვნებაზე. ფერად მუსიკაზე, პოეზიაზე. უსაზღვრო სიყვარულზე. მისთვის რომ გეკითხათ ამ დროს, გიპასუხებდათ — „არაფერია ამ ქვეყანაზე ფერის გარდა. არსებობს ფერი, მხოლოდ ფერი და დიდი გრძნობა. სხვა დანარჩენი მირაყია არარსებულის.“

ირველივე ყველაფერი პულსირებდა, ციმციმებდა, ფეთქავდა. სხვადასხვა ფერთა გამები ერთმანეთს ერწყმოდნენ, ერთფერიანდებოდნენ, ქრებოდნენ და ასე დაუსრულებლად. თვალსაწიერზე გამთლიანებული სამყარო მუდმივ ფერთაცვლაში იყო, რომლის საზღვართწვდომა მხოლოდ გონებას თუ შეეძლო.

ერა ცდილობდა ყველაფერი დაენახა, შეემჩნია, გაეგო. დედაარსის სიღრმეს ჩასწვდომოდა. რამდენჯერმე, როცა თეთრ ფერს ჩაუქროლა, გულში ჩახედა და საკუთარ ანარეკლს მოჰკრა თვალი. ძლივს შეიცნო ალისფერი ნათება. ფრიად განწმენდილი და ჰაეროვანი. უსხეულო, უსახო, სიმივით გაჭიმული. წამიერად დაიხატა და გაჰქრა მის სიღრმეში. სხვათა ფერში აითქვიფა.

„—წინა გარდასახვისას მეწამულ ფერად დავიბადე, — გაიხსენა მან, — ახლა ალისფრად. ალბათ სხვა სიჩქარით ვმოძრაობდი, ნეტა რომლით?“

არეშარე შეათვალერა. ნაცნობ ფერს დაუწყო ძებნა — იისფერს,

სევდიან ცაზე განთიადისას რომ გამოკრთება. მაგრამ ამოდ- ის
იისფერი არსად ჩანდა. სხვა კი მის გონებას არ იზიდავდა. ერთხელ
თითქოს თვალი მოჰკრა მის ანარეკლს, გამოეკიდა კიდეც, მსგავს
ამოდ, ვერ დაეწია. სხვა მრავალ ფერთა სიჭრელეში გაუჩინარდა.
გაქრა. დაენანა მანძილის ასე უაზროდ ხარჯვა. შემოტრიალდა. პი-
როსპირ შეეფეთა უკან ატუხულ შავ ფერს და გვერდი უქცია. მო-
ერიდა მასთან შეხლა-შეჯახებას. მზერა დაადევნა. მხოლოდ ახლავდა
შენიშნა პირველად, რომ მათი სიმრავლე ფერით იყო გამოწვეული,
შავი ფერით. სინამდვილეში ცოტა ერია აქა-იქ. მობეზრდა ცქერა
მხიარულ ფერთა გუნდისაკენ გაექანა. ჯერ უსაშველოდ გაიჭიმა,
გაიწლაწნა. მერე შეიკუმშა, ბურთივით შეიკრა და, როცა მიუახ-
ლოვდა, უცებ გაიშალა — გაიბნა. მთელ არემარეს მოედო. სხვა
ფერები თითქოს შეკრთენ, წამით ჩაქრენ. მაგრამ როცა იგი კვლავ
გამთლიანდა, სხვა ფერებიც აკიაფდნენ. ძველი ხალისი და სიკაშკაშე
დაიბრუნეს. გარს შემოეხვივნენ, შემოესალტენ. ყველა ცდილობდა
მიახლოებას, შერწყმას, შეერთებას. მაგრამ მის ფიქრს არცერთი
არ იზიდავდა. ყველას მოხდენილად უსხლტებოდა, მაგრამ ისე, რომ
ზიანი არავისთვის მიუყენებია. და ახლა სხვა ფერთა გუნდისკენ
მიიჩქაროდა.

— ფუჭად ირჯები! — ჩაესმა უცებ ხმა შორეული. — შენ
შეუძლებელს ეძებ. ფერი, რომელსაც შენ დაეძებ, არ არსებობს.
მოგონილია.

იგი შეკრთა.

— მაგრამ მე ვნახე, ნამდვილად ვნახე! — უფრო ვედრებით
წარმოთქვა მან, — წინა გარდაქმნისას ვნახე. დღესაც მოვკარი თვა-
ლი. იისფერი იყო. ნამდვილი იისფერი.

— აბა მიმოიხედე, იისფერით სავსეა სამყარო.

— ის სხვა ფერია, სხვა იისფერი. როგორ გითხრა? როგორ
აგინსნა? უპრეტენზიო, წმინდა, უმანკო. ყოვლის გამგე და ყოვლის
მომცველი. მე ვიცი, მჯერა, აქ არის იგი. თუ შეგიძლია, დამეხმარე
მის მოძებნაში.

კარგა ხანს დუმილი ჩამოვარდა. მერე ისევ ალაპარაკდა სამყა-
როს აზრი:

— ფერი, რომელსაც შენ დაეძებ, შენვე შექმენი და შენში-
ვეა. შენ შენს თავს ეძებ. ეს კარგია და მივესალმები. მაგრამ გახ-

სოვდეს, ამ უსასრულობაში თავი რომ იპოვო, სხვა სიჩქარეებით
უნდა იმოძრაო. სხვა გარდაქმნები არის საჭირო, სხვა გარდასახვა,
სხვა ფერად დაბადება.

საქართველოს
საზოგადოებრივი
მედიის ცენტრი

— მე მსურს სრულყოფა. სრულყოფა კი მასთან შერწყმაა, მი-
სი შთანთქმა!

— მცდარი აზრია. შთანთქმით გასრულება მისი მსხვერპლშე-
წირვაა. შენ აკლებ სამყაროს, იმის ნაცვლად, რომ რამ შეჰმატო,
გააბევრო, გაასავსეო. ფერი, რომელსაც შენ დაეძებ, შენ მოიგო-
ნე. ეგ ნიუანსი მხოლოდ შენშია და მისი შობაც შენზე არის დამ-
ყარებული. უფრო ჩაღრმავდი საკუთარ თავში. რაც უფრო ხშირად
ჩააკითხავ აზრთა სიღრმეებს, მით უფრო მეტად ამადლდები. აზრი,
რომელიც უსაზღვროა, უკიდევანო, ყველა კითხვაზე პასუხს გაგ-
ცემს. აუხდენელი აგიხდება, აგიცხადდება. ფერსაც იპოვნი, სიჩქა-
რესაც და უკვდავებას ეზიარები როგორც სამყარო.

ხმა გაწყდა, გაჰქრა. არემარე დაყრუვდა უცებ.

იგი ფერთა ორომტრიალში მიექანებოდა. სიმძვიით ვიწრო და
გრძელი, ხაზივით აჩნდა სამყაროს გულს. მკრთალ ნათებად, მუდ-
მივ მოძრავ და მოუსვენარ აღისფერ ხაზად.

სიჩქარემ იკლო. ფერები გაქრნენ. თანდათან მიეცა სხეულს
წონა. ხავერდოვანი შავი ცის ფონი ვარსკვლავებით დაიჩითა. აქა-იქ
შორეული გალაქტიკები თეთრ ლაქებად დაეხატა სივრცეს. სადღაც,
შორს, ქვემოთ, ურუ ბორგავდა. მძიმე-მძიმედ უვლიდა დედაპლა-
ნეტას გარშემო. სამარშრუტო ბლოკში ჩამრთველმა გაიტკაცუნა და,
როცა ერა საკუთარ სხეულს დაუბრუნდა, უკვე ოცნების ბაღში
იყო. ხეებით დაბურულ ჩრდილში ძლივს ატანდა მზის სხივი. ქოლ-
გისმაგვარი დაძარღვული ფოთლები ოდნავ ირწეოდნენ დაბინდუ-
ლი ჰორიზონტის ფონზე. იდეალური სიმყუდროვით, სიმშვიდით,
ყვავილთა მათრობელა სურნელით გაჟღენთილიყო სივრცე.

ერა გადამტვრეულ ხის მორზე იჯდა. სახე ხელებში დაემალა
და იდაყვებით მუხლებს ეყრდნობოდა. ღუზადაშვეებული დისკო-
მფრენი, იქვე, სივრცეში ეკიდა და თრთოდა. ტყის ბინადარნი სიზ-
მარეულად უცებ გამოკრთებოდნენ ბუჩქნარებში ჩამღრჩვალ ბილი-
კებზე და ასევე უცებ გაუჩინარდებოდნენ. მალე კაიტუნაც მოფ-
რინდა ჭრელი და გრძელი ფრთებით და იქვე ახლოს მორზე ჩა-

ძოჯდა. აშლილი ბუმბული დაილაგა, მახვილი ფრთები შეიკეცა და წითელნარევი შავი თვალებით ერას მიაშტერდა.

ერა არ განძრეულა.

კაიტუნამ თითქოს იწყინა უყურადღებობა, გაიფხორა და სივრცის გამკვეთი ბგერა გამოსცა.

ერა უხალისოდ შეიშმუშნა.

კაიტუნამ იქით-აქეთ დაიწყო სიარული.

— ვიცი, ვიცი, ნაწყენი ხარ, — თავისთვის ჩაილაპარაკა ერამ. — ყურადღება ვერ მოგაქციე, გვიან მოგინახულე.

კაიტუნა შეჩერდა. ღრმად შეისუნთქა ჰაერი და ისევ ის ცივი, გამყინავი ხმა გამოსცა.

— გასაგებია. — თქვა ერამ. — შენ როგორც ჩემი ოცნების ნაყოფს, საუბარი გსურს. აზრი გინდა გაგიზიარო. დაგარწმუნო გადაწყვეტილების სისწორეში. კეთილი, იყოს შენებურად. — ერა ჩაფიქრდა. მერე თითქოს საკუთარ თავს ელაპარაკებო, ჩუმად დაიწყო: — მაგრამ თუ ფერი, რომელსაც ვეძებ, არ არსებობს და მართლა ჩემშია, მაშინ ძიებას რა აზრი აქვს? ანდა საჩინოს აღმოჩენა რა ბედენაა? იქნებ გონების უსასრულობაში უნდა ვეძიოთ სახეთმრავლობა და არა მის მიღმა. გონებამ მისცა აზრი სამყაროს, მანამ კი მხოლოდ ქაოსი იყო. აზრის წყალობით შევიცნობთ მყობადს და ამ ბნელეთით მოცულ სამყაროში გონების შუქი თუ გაგვინათებს გზას და ბილიკებს. ოოო... კაიტუნა, კაიტუნა, ჩემი სულის ორეულო, ყველაზე მეტად შენ გესმის ჩემი. კაცის, რომელიც დღეის იქით გალაქტიკის მოქალაქეა, ხედავ, ძვირფასო, რაზე ფიქრობს.

ერამ ხელები ჩამოუშვა, გასწორდა. ზურგით გადატეხილი ხის ტანს მიეყრდნო. ფიქრი განაგრძო:

„— ეჭვები მიპყრობს, ჩემო კარგო, შავი ეჭვები. ნუთუ ვიპოვით იმ ენერგიას, დაუსრულებლად რომ ვიმოდრაოთ. ამ სიჩქარით კი, ახლა რასაც ვფლობთ, შორს ველარ წავალთ. ჩვენი გალაქტიკის გარშემო თუ ვიხეტიალებთ, ეს იგივეა, უკვე ცნობილი ვეძიოთ ისევ. მუდმივ სიჩქარით მოძრაობა კი სიკვდილია. შეხედე ურუს, სულ უფრო და უფრო ჭირს ახლით ცხოვრება. ყველგან მოვედეთ. აღარსად დარჩა ადგილი, ჩვენ რომ არ ვიყოთ. ეს სიკვდილია, გადაშენება. თუ არ დავმკვიდრდით უსასრულობაში, დავიღუპებით. სამყა-

რო უსასრულოა და თუ აზრსაც არ აქვს სასრული, მაშინ სიცოცხლეც უსასრულო-უქცვადვი არის. ისიც მოძრაობს ისე, ვითუცხელ და ყველაფერი. მაშასადამე, ჩვენი უქცვადვებაც მოძრაობაშია და არა მყოფად არსებობაში. თუ არ ვიპოვეთ ენერგია ახალ-ახალ სიჩქარეთათვის, თუ არ მოვედეთ, განვეფინეთ მთელ სამყაროში, დავიღუპებით! მოძრაობა სიცოცხლისთვისებაა და ისიც ფერივით, სიჩქარეების მიხედვით, იცვლის სახეს და ფორმას.

ერამ თვალეზი გაახილა. ღიმილმა გადაურა სახეზე. ხელი გადაუსვა კაიტუნას; დრუნჩხე ჩამოჰკრა. კაიტუნამ იწყინა, მოშორებით დგომა არჩია. მერე ცას შეხედა. ღონივრად მოიქნია ფრთები და დაბურულ ხეთა ფოთლებში გამოწურულ მზის სხივს გაჰყვა. ერას არ უცდია მისი შეჩერება. მხოლოდ დაღლილი მხერა გააყოლა და, როცა თვალს მოეფარა, ისევ განაგრძო ფიქრი:

—თუკი ჩვენ ვბრუნავთ დაუსრულებელ მოძრაობაში, იქნებ არსებობს ამოსავალი წერტილი სადმე, საიდანაც იწყება და სადაც მთავრდება ყველაფერი. საიდანაც ყოველ წუთს, ყოველ წამს რაღაც იბადება და რაღაც კვდება. მარადიული შობა და განქრობა სამყაროს მეორე ძირითადი თვისებაა. მისი მაჯისცემა მისი წონასწორობაა. და თუ პირობითად არა, სინამდვილეში ამოსავალი წერტილი არ არსებობს. ან უფრო სწორად: ამოსავალ წერტილად სამყაროს ნებისმიერი მონაკვეთი შეიძლება მივიჩნიოთ. ძასაც გონების თვალით თუ დავინახავთ, თორემ ამ კოლოსალური სიჩქარეების დროს, მისი აღქმა-დანახვა შეუძლებელია. სამყარო სავსეა ასეთი წერტილებით. ნებისმიერზე შევაჩეროთ ჩვენი გონება და დავრწმუნდებით, რომ ადრე შობილი თავის სიკვდილით ახალს შობს და ასე უსასრულოდ. უსწრაფესი სიჩქარეებით აზრი მოივლის მთელ სამყაროს სიცოცხლის სახით. ხოლო აზრი უპირველესი თვისებაა სამყაროსი. არარა ხდება აზრის გარეშე და თუ ჩვენ მიანც ბევრი რამე უაზრობად გვეჩვენება, მხოლოდ იმიტომ, რომ ვერ ვწვდებით გონების სიღრმეს. მხოლოდ ჟამიერ ჩაეღრმავდებით და მაშინ სამყაროც გაგვეხსნება-გაგვიმჟღავნდება. უაზროს აზრი მიეცემა, გაცნაურდება და ასე უსასრულოდ.“

ერას გულის სიღრმეში რაღაც ჩაეღვენთა. უჩვეულო სიბზო მოედო სხეულს. მხერა იგრძნო. შეიშმუშნა. მძიმედ ასწია თავი. თვალეზი გაახილა.

— ვიცოდი, რომ აქ გიპოვიდი. — გალობასავით გაისმა სიტყვა.
ვა. — ეს ბალი შენი ოცნების ნაყოფია, მე კი ნაწილი მისი. — ზუს
თვალეები უციმციმებდა.

— რატომ ნაწილი, დასაბამისი. — ერა წამოდგა. მოწიწებით
მოჰხვია ხელი. თუ რამე ხდება ჩემში, ჩემს ირგვლივ შენით ხდება.
განა არ იცი?

ზუმ ფრთხილად გააშვებინა ხელი. გვერდზე გადავა, საზეიმო
პოზა მიიღო.

— მომილოცავს! — თქვა მან და წარბებს ქვემოდან გამოანა-
თა მზერა. — ფორუმზე ვერ მოვახერხე, მეორედ მოსვლა იყო.
ხალხი კინალამ შეიშალა. იმდენი თაყვანისმცემელი გაგიჩნდა უცებ,
რომ...

— რატომ ვერ გნახე?

— ისე იყავი გაოგნებული წარმატებისგან, რომ მე კი არა, ვე-
რავის ველარ ამჩნევდი. რა სახე გქონდა, რა თვალეები. რა გატაცე-
ბით ჰყვებოდი მომავალ მოგზაურობაზე...

— მხოლოდ შენ! — ჯიუტად თქვა ერამ. — მხოლოდ შენა
ხარ ჩემი თავდავიწყება, ჩემი გატაცება. შენ ხომ ჩემი..

— ოცნება ვარ, — სიტყვა ჩამოართვა ზუმ, — აუხდენელი
ოცნება, ამის თქმას აპირებდი, არა?

— ზუსტად მიმიხვდი.

ზუმ ეშმაკურად მოწყურა თვალეები.

— თუ ასე არის, ერთი ეს მიბრძანე; იმ შორეული მოგზაურო-
ბისას როგორ გაძლებდი მარტო, უჩემოდ?

— უშენოდ? უშენოდ რატომ? განა ოცნება მიმატოვებს? განა
იმედი ჩემთან არ იქნება იმ შორეული მოგზაურობისას? განა შენ
შეძლებ უჩემობას?

— მე ხომ ფერთა სრულყოფაზე ვმუშაობ ახლა. იმედიანი
შედეგებიც მაქვს. კიდევ ცოტა და შენ ველარ იცნობ ადამიანს. მი-
სი სრულყოფა იდეალურს მიაღწევს მალე.

ერამ თვალი ააყოლა სიფრიფანა თეთრი სამოსით დაფარულ
სხეულს. წელის ნატიფ ხაზებს, მარმარივით მკვრივ მკერდს, ყელს,
ტუჩებს, ცხვირს და თავლისფერი თვალეების ვნებიან ოკეანეში ჩა-
იძირა მისი მზერა.

„—ნუთუ არსებობს ამაზე მეტი, — გაიფიქრა მან, — სად არ



ვყოფილვარ, რა არ მინახავს, მაგრამ მსგავსი მშვენება — არსადღეს^{საქართველოში} ხმამაღლა კი დაუმატა: — ჩემო კეთილო მეგობარო, შენ თუ ფორ-
მათა სრულყოფაზე მუშაობდი, მე არ ვიცოდი. მე მეგონა მუზითა
და ფერადი მუსიკით იყავი გატაცებული.

ერა მიუახლოვდა, მოეხვია.

— ეგ ადრე იყო, — თქვა ზუმ, — ახლა მე მინდა ადამიანი
სრულყო როგორც ბუნება და მივალწევ კიდეც. რატომ მიყურებ
ასე? იქნებ ჩემი კანის ფერი არ მოგწონს. მალე ადამიანი კანის
ფერს ისე იოლად გამოიცვლის, როგორც სამოსს ან სხვა რამ ყო-
ველლდე სახმარ ნივთს. დილის მზის ფერი კი შენს საამებლად ავარ-
ჩიე, დღევანდელი დღის პატივსაცემად. თუკი ისურვებ, შენს საყ-
ვარელ ფერადაც ვიქცევი.

— იისფრად! — აღმოხდა ერას და რატომღაც ის წამი გაახ-
სენდა, როცა ფერთა სამყაროში იისფერს მოჰკრა თვალი.

— ის ფერი მე ვიყავი, — ჩაიღიღინა ზუმ.

— შენ?!

— დიახ, მე! და იცი რატომ? შენ ჩემზე მეტად შეიყვარე ის
იისფერი და ისე ძლიერ, რომ შენმა სურვილმა ახალი ძალა-ენერგია
შემძაძლებინა. ახლა მე სულ სხვა სიჩქარეებით ვმოძრაობ და თუკი
ისურვებ, იისფრადაც გადავიქცევი.

ერამ ეხლალა შეამჩნია ზუს ახალი დისკომფრენი, რომლის სიფ-
რიფანა რკალი ოქროსფრად ელავდა ზურგს უკან. მისი ანარეკლი
ლაწვებზე კრთოდა და ფერფლისფერ თმაში ბუდარაობდა.

— გამოდის, ფერი, შენ რომ იქცევი, ჩემი სურვილით იბა-
დება, — გაცხებულმა ჩაილაპარაკა ერამ.

— თითქმის, — ჩაფიქრებით თქვა ზუმ, — თითქოს იმიტომ,
რომ მე ავაცხადე შენი ნება, შენი სურვილი. შენ ის მოგწონდა, მე
კი მსურდა ვყოფილიყავ მოწონებული. ჰოდა, ვეცადე გარდასახვას.
იისფრად ვიქეც.

— გამოდის, ჩვენი სურვილების ასაცხადებლად ჩვენი შერწყ-
მია საჭირო და გაერთიანება, — ერას თვალეზი გაუბრწყინდა.

— როგორც სიყვარული მარად შევსებაა ერთი მეორით.
მუდმივი ნდომა, მყუდრო სავანე. სადაც ვაგება საფარია შმაგი აზ-
რების, სადაც აკრძალვა არ არსებობს. სადაც გრძნობათა მოზღვა-

გებას არა აქვს სასრული და სადაც სიცოცხლის მარადიული ტესტის
ღვივდება.

— მუზეუმის ენით ლაპარაკობ ჭეშმარიტებას.

ერამ ხელი მოჰხვია ზუს. საამო ყრუოლამ დაუარა. პაწია ჩი-
ტივით უცემდა გული. აღმური მოედო სახეზე. სუნთქვა მოეძალა.
საამო თავბრუდახვევა იგრძნო. გარემო გაჰქრა-გაუფერულდა. ბუ-
რუსში გაეხვია. სამყაროც გაისუსა-გაინაბა. ნეტარი უამი დადგა.

როდესაც ერა გონს მოეგო, ურუსკენ მიფრინავდა. იქვე, გვერ-
დით ზუ მიცურავდა აფრასავით გაშლილი თმით.

— რა იყო? რა მოხდა? — იკითხა ზუმ.

ერა გულადმა ამოტრიალდა. ქვემოდან მოექცა ზუს.

— სიზმარი ვნახე. — ჩურჩულით უთხრა მან, — თუმცა არ
ვიცი, სიზმარი იყო თუ სინამდვილე... ერთი ცხადია. მე გადმოვსახ-
ლდი შენში და იყო უამი, როდესაც ორთავე დავიკარგეთ, ვნებად-
ქცეულნი გავქრით.

ზუმ ყელზე აკოცა.

— ჩემი სიზმარი გინახავს. — მორცხვად ჩაიღიღინა მან. —
უჩვეულო ცეცხლი მომედო. სხეულის ყოველ კუნჭულში დამიარა.
მერე სამყარო ააღდა თითქოს. სულმა სხეული მიატოვა, გონებამ —
თავი. გავთავდი, დავშრი, აღარ ვიყავი. მაგრამ ეს არ იყო გარდაც-
ვლება, რადგან სამყაროც აღარ იყო, აღარაფერი აღარ იყო. საყრ-
დენგამოცლილი მივენდე ნებას.

ზუს კიდევ უნდოდა რალაცის თქმა, მაგრამ ერამ აღარ დააცა-
ლა, მკერდში ჩაიკრა და კოცნით დაუფარა სახე.

ტრასაზე გამალებული მოძრაობა იყო. ვინ საით მიფრინავ-
და, ვინ საით. ზოგი სწრაფად, ზოგი ძლივს იძვროდა, ზოგიც ადგილ-
ზე გარინდულიყო ჩაფიქრებული. უმეტესობა ჩერდებოდა ერას
დანახვავზე, ხელებგაშლილი ესალმებოდა და ულოცავდა. ულოცავე-
დნენ დაუსრულებლად.

მშენიერი ამინდი იყო. დედაპლანეტის მზიან მხარეზე ღრუბ-
ლის ნატამალი არ ჰაჰანებდა. ამ გაკრიალებულ სივრცეში ხელის-
გულივით ჩანდა სუყველაფერი. ხვერდოვან ველ-მინდვრებს მუქი
მწვანე ტყეები ცვლიდა, ტყეებს — სიმწიფით გადაყვითლებული
პურის ყანები. ყანებს ხეხილის ბაღები, მდინარეები, ტბები. ფი-
რუზისფერი ზღვები, ვეება ოკეანენი და ისევ ტყეები, ბალჩა-ბღები,



პურის ყანები... მას შემდეგ, რაც პლანეტის მთელი მოსახლეობა ლოვენურ თანამგზავრ ქალაქებში გადასახლდა, თანდათან გაქრა სუპერქალაქები, ინდუსტრიული უჯრედები, დაბა-სოფლები. დედაპლანეტამ პირველყოფილი სახე დაიბრუნა. მწვანით შეიმოსა, აფერიანდა. კრიალა ცა დაიმხო თავზე და აივსო ნადირ-ფრინველით. დამუშავებული ნაკვეთები რომ არა, ვერც იფიქრებდით, უახლოეს წარსულში ამ გიგანტ პლანეტაზე თავის უმაღლეს განვითარებას რომ მიაღწია კაცობრიობამ.

— საოცარი სილამაზეა, — თქვა ზუმ. — გულგრილად ვერასოდეს ვუყურებ. ანდამატივით მიზიდავს და მენატრება. სიამოვნებით ვიცხოვრებდი რომელიმე პატარა კუნძულზე, მარტოდმარტო, ბუნების პირისპირ.

— ეს უკვე იყო ჩემო კარგო, დიდი ხნის წინათ. რახანია, რაც გამოვედით მაგ ასაკიდან. ახლა პლანეტა ჩვენი მხოლოდ მარჩენალია და არა სახლი, ანდა კიდევ თავშესაფარი. გაივლის ხანი, ეგ საზრუნავიც მოგვეხსნება, ფუჭი საქმისგან დავიხსნით თავს. დედაპლანეტაც მოისვენებს და ძველებურად გასრულდება, პირველშობილ სახეს მიიღებს. ათასში ერთხელ თუ ვესტუმრებით, ისიც წარსულ ზმანებათა ასაცხადებლად. ჩვენთვის იგი ხომ აკვანი იყო, მცირე აკვანი, სადაც დაირწა ჩვენი დიდი ცივილიზაცია და სხვა არაფერი.

ზუმ მხრები აიწურა.

— მე კი უცნაური სევდა მიპყრობს მის დანახვაზე. ასე მგონია, ჩვენი წასვლით რაღაც დააკლდა, დაცარიელდა. სანამ იქ ვცხოვრობდი, ასე მეგონა მისი ნაწილი ვიყავ, ორგანულად საჭირო და აუცილებელი. ახლა გამოდის, თურმე მარტო საკვებად გვინდა, ისიც ღრობებით. განა ჩვენ ამით არ შეურაცხვეოფთ მშობელს. იმას, ვისგანაც ვიშვით?

— ასე ეგონათ ადრე. სინამდვილეში ჩვენ დრომ და სივრცემ გვშობა. და იგივე განგვაქრობს. განგვაქრობს, რათა ხელმეორედ დავიბადოთ ამ უკიდევანო სამყაროს სულ სხვა მხარეში. აი, მაშინ კი ყველაფერი განმეორდება.

— ნეტავი მალე დადგებოდეს ეგ აღსასრული, — მხიარულად წამოიძახა ზუმ, მერე მცირე ხანს ჩაფიქრდა და გამომცდელად შეხედა ერას, — შენ როგორ ფიქრობ, რად შეიძლება მოვევლინო მე ამ ქვეყანას განმეორებით?

— მხოლოდ ფერიად!

ზუსტად გაეღიმა.

— ზღაპრულ ქმნილებად? — ჩაეკითხა იგი, — განა რაღაც სხვა რატიონალი არაფერია? რატომ გამძარცვე ადამიანურ თვისებებისგან? რატომ წამართვი შენთან ყოფნის, სიახლოვის ბედნიერება. რატომ გამხადე უსხეულო, ხელშეუხებელი? ეს ღმერთი ფაქტიურად განმორებია, ჩრდილად ქცევა. განა შეძლებდი არარსებულის შეყვარებას?

ერა მიხვდა, რომ ცუდად გამოუვიდა. რომ მას სულ სხვა რაღაცის თქმა უნდოდა, უფრო მეტის, ამაღლებულის. იმაზე მეტის, რაც იყო და რაც არსებობდა... და უფრო მეტის. მაგრამ, ეტყობა, სიჩქარისგან უკეთესი ვერ მოიგონა და უნებლიეთ დასწყვიტა გული. ყველაფერი კი ურუს ბრალი იყო. მისმა დანახვამ, მასზე ფიქრმა მიწისეული შედარება დააცდინა. უკვე მერამდენეჯერ მოსდის ასე. ვერ იქნა და ვერა წარსულის დავიწყება. წავა, წამოვა და, ისე როგორ იქნება, რომ ატავისტურმა აზრებმა უკან არ დაქაჩონ. არ დააბრუნონ იმ სამყაროში, როცა მისი წინაპრები შიშითა და ძრწოლივით შესცქეროდნენ ყოველ სიახლეს. როცა სიამე და ბედნიერება მიუღწეველი ქიმერა იყო. როცა სრულყოფის გამოსახატავ ნორმად და ნიმუშად იდეალიზებული სიმბოლოები მოიგონა ადამიანმა.

ერამ უხერხულობის დასაფარავად სალაპარაკო თემა გამოცვალა.

— მძიმე საქმე ვიტვირთე, — თქვა მან, — რას ვიფიქრებდი, თუ ზღვა საკითხების გადაწყვეტა მომიხდებოდა. ხანდახან შიში მიპყრობს. ვაითუ ვერ შევძლო? დღემდე შედარებით იოლი იყო. ყველაფერი ჩემზე იყო დამოკიდებული. შედეგიც მე განმადიდებდა ან დამცემდა. ახლა პასუხისმგებლობა იმდენად გაიზარდა, რამდენი კაციც ჩემთან ერთად იმოგზაურებს! ერთი უბრალო, პაწაწინტელა შეცდომა შეიძლება საბედისწერო აღმოჩნდეს. რაღაც უმნიშვნელო, გაუთვალისწინებელ ელემენტარულ შემთხვევაზეა დამოკიდებული ამდენი ადამიანის ბედი. შედეგი უღმობელი და საბოლოოა. კოსმოსს არ უყვარს შეცდომები და ამიტომ ყოველი მათგანი სიცოცხლის ფასად უჯდება ადამიანს.

— სამაგიეროდ, შენში ხედავს ახლა ხალხი ხსნას. ერთადერთ

მისაღებ გეგმად შენი ირჩია. ფრიად დიდი პატივია უწინამდებარე, უმეგზურო ახალ მიჯნების ათვისებისას. გაყინვისაგან იხსნა აჭერი, წინ გადადგმული ნაბიჯია შეუცნობადში. ისევ იფეთქებს სიკვანძება. ახალ-ახალი აღმოჩენები გაამდიდრებს აზრთა სალაროს. ჩვენ მოვედებით უსასრულო სამყაროს სივრცეს და უკვდავებას ვეზიარებით. ამაზე მეტის, ვფიქრობ, ნატვრაც არ შეიძლება.

— სიმართლე უთქვამთ მუხათმფლობელებს, რომ ქალი არის წყარო სინათლის, იმედის წყარო. ფიქრის სათავე, ნუგეში. სიტბო. ქალი რომ არა, ვერასოდეს ვერ გაგებდავდი, შეეჭვიდებოდი ასეთ დიდ საქმეს. რწმენის გარეშე არ არსებობს შემოქმედება, რწმენის მიზეზი კი შენ ხარ, ძვირფასო.

— ანდა პირიქით, — დაიმორცხვა ზუმ, თუმცა აშკარად ესიამოვნა ერას შექება. გონების თვალი გადაავლო ყველა საქმეს, ყველა ქმედებას, რაც ოდნავ მაინც ეხებოდა მათ სიახლოვეს. ვერ მოიხილა ვერაფერი დასაეჭვებლად. მან ყველაფერი გააკეთა, რაც კი ევალა, როგორც ქალს და როგორც მეგობარს. უფრო მეტიც; არ გაუშხილა, თორემ მუზა და მუსიკა იმისთვის დათმო, რომ მისი ნება აღასრულოს თავით ბოლომდე. რომ სულის გარდა გონებითაც გადაეჭდოს იმ ადამიანს, რომლის გარეშე არ არსებობს მისი ცხოვრება. ზუმ ხელის აქნევით მოიცილა ფიქრი და ჩაილიღინა:

— რომელი ფორმა შეარჩიე სამოგზაუროდ?

— სფერო, — თქვა ერამ, და მცირე დუმილის შემდეგ დაუმატა: — არის რაღაცა სიმრგვალეში ამოუცნობი და მიმზიდველი. შეკრულია ყოველი მხრიდან და, ამავე დროს, ყველა ფორმა, ყველა ზომა ეტევა მასში. გარდა ამისა მიმოიხედე; ჩვენ გარშემო ყველგან წრეა, სავსე სიმრგვალე. შეხედე ურუს, უბის, თანაველს. მზეებს შეხედე! ვარსკვლავებს, სივრცეს. საცა თვალს ჰკიდებ, ირგვლივ ყველგან სიმრგვალე არის.

— ერთი შეხედვით, მართლაც, ეგრეა, — დაეთანხმა ზუ, — მაგრამ თუ უფრო ჩაუუკვირდებით, სამყაროში ელიფსი ჰპარბობს. გარდა ამისა, ელიფსს მეტი აქვს ამოუცნობი და ამდენადვე უფრო მეტად გვაინტერესებს. სიმრგვალე კი თავის სისრულით-ფორმით, მრავალჯერსმენილ სიმფონიის ბოლო აკორდს ჰგავს.

— თუნდ ეგრე იყოს. ჩვენი საქმისთვის სიმრგვალე მიჯობს. ის ტევადია. წასაღები კი იმდენი არის, ამ შორეული მოგზაურობისას,

რომ მარტო ჩამოთვლა მთელ თვეს წაიღებს. თანაც სიმრგვალი შეუძლია იმოძრაოს ყოველგვარ გარემოში, ყველა სიჩქარით. გარდა ამისა, ყველა ფორმა მისკენ მიილტვის და, ადრე თუ გვიან, სიმრგვალედ იქცევა. ესეც არ იყოს, სიმრგვალეა ჩვენი საწყისი. თანაც ხომალდის პლანეტასთან მსგავსება გაგვიოლებს განშორებას, მოულოდნელ გაჭირვებებს, წინ რომ მოგველის. ხუმრობა საქმე ხომ არ არის, წახვიდე ისე, რომ აღარასდროს აღარ დაბრუნდე. არ ინახულო შენი მხარე, შენი ქვეყანა. ჩვენ ხომ ურუსთან გრავიტონიულ თასმების გარდა, სულიერადაც მიჯაჭვული ვართ. ეს ხომ ჩვენი პირველი გაკოსმოსებაა, პირველი ნაბიჯი საიდუმლოებით მოცულ მომავალში.

— იქნებ წარსულში? — გამომწვევად ჩაეკითხა ზუ. და ერას სახეზე გაკვირვება რომ ამოიკითხა, განაგრძო: — დიახ წარსულში, — უფრო თამამად გაიმეორა მან. — თუ სიცოცხლის თვისება მოძრაობაა, თანაც წრიული, როგორც ყოველდღე მზის ამოსვლა, ვით ფოთოლთცვენა ხელმეორედ შესამოსელად. როგორც თესლის გაღვივება-აღმოცენება, მხოლოდ იმისთვის, რომ ხელმეორედ თესლად იქცეს. როგორც წყალი ორთქლად ქცეული წყლად იქცევა, ასევე ერთ დროს იქნებ ჩვენც ვიყავით და მოვედით განმეორებით. და თუ ასეა, მაშინ სიახლე მოგზაურობით გამოწვეული, არ გაგვაკვირვებს, რადგან იქნებ ჩვენ სწორედ იქ მივდივართ, საიდანაც დავიწყეთ.

ერა გაოცდა. ეს აზრი მასაც აწუხებდა, თან არაერთხელ. მაგრამ ახლა, როცა იგი სხვისგან ისმინა, დამაჯერებლად მოეჩვენა. სფეროს არ იყოს, ეს დებულებაც სრულყოფილს ჰგავდა, ხოლო სრულყოფა თავისთავად კანონი არის.

— მე მიფიქრია ამ საკითხზე. — ჩაილაპარაკა ერამ. — მიფიქრია ათიათსჯერ. — ირონიული ღიმილი გაწვა სახეზე. ჩაფიქრდა, — პარადოქსია, — თქვა მან. — გასაოცარი პარადოქსი! ბუმერანგივით დაბრუნდე უკან, მაშინ როდესაც სულ წინ მოძრაობ, მხოლოდ წინ და ირგვლივ არაფერი არ მეორდება. ვერ გამოგია რანაირად უნდა დავბრუნდე?! — ისევ ჩაფიქრდა. — ნაგრამ არსებობს სხვა თვალთახედვაც; თუ ჩვენ ვმოძრაობთ ნებისმიერი ფორმის შეკრულ სამყაროში დაუსრულებლად, მაშინ, ადრე თუ გვიან, მართლაც უნდა დავუბრუნდეთ რომელიმე ნებისმიერად აღე-



ბულ საწყის წერტილს. გამოდის ჩვენი მოძრაობა ასევე ტილთა ჯამი არის, რომელთა შორის ჩვენი ურთუც იგულისხმება. ასე ამრიგად, აქ ჩვენ ერთხელ უკვე ვიყავით და მხოლოდ იმისთვის ვტოვებთ ამ მხარეს, რომ ხელმეორედ მოვევლინოთ დედასამყაროს. ამასობაში მილიარდობით სხივწელი გავა. მოვალთ და ენახავთ სულ სხვა ქვეყანას, სულ სხვა მხარეს. სხვა სანახები გადავეშლება. არაინ იცის რა დაგვხედება. იქნება ვაკუუმი? სიცოცხლისთვის უვარგისი, ან ნეიტრონი მომაკვდინებელი გამოსხივებით? ანდა პირიქით — სამოთხე დაგვხვდეს. მოვალთ და შევჩერდებით, იქნებ არც შევჩერდეთ. გადავიდეთ ახალ წერტილში, სხვა სივრცეში გადავინაცვლოთ. შესაძლოა, სისწრაფის გამო წინმავალ ცივილიზაციას წამოვეწიოთ. იქნებ გავუსწროთ კიდეც და ჩვენს კვალს ჩვენს საწყისს წავაწყდეთ სადმე, არა სიცოცხლის ზოგად საწყისს, რომლის მიგნება ადამიანს არ შეუძლია, რადგან ასეთი არ არსებობს ჩვენს სამყაროში... შესაძლოა, შევჩერდეთ კიდეც, თუმცა სამყაროსთვის ეს შეჩერება არ იარსებებს, როგორც არ არის, არ არსებობს კაცის სიცოცხლე ისტორიისთვის. რამდენი წელი, საუკუნე არ უნდა გავიდეს, სამყაროსათვის მაინც წამი იქნება ყველა. ან უფრო მცირე, უმცირესი დროის ნაწილი. ეს შეჩერება ჩვენ გვჭირდება მგზავრობით დაღლილთ ახალ-ახალი სასიცოცხლო ენერჯის ასათვისებლად, — არა სამყაროს.

ანდა ვინ იტყვის, სად განვქრებით, ან სად მოგვიწევს ხელმეორედ გამოცოცხლება. რომელ სივრცეს, რომელ მხარეს დაეუბრუნდებით. რა დაგვხვდება, სად და როგორ ჩავისახებით. რა ფორმაში მოგვიხდება გარდასახვა, გადასახლება. ხომ შეიძლება ატომებად დავიშალოთ უსწრაფესი სიჩქარეების დროს, როგორც ეს იისფერი ბარიერის მიღმა ხდება? სხეულისაგან განვიძარცვოთ, აზრად ვიქცეთ, ფერად აზრად! ყველაფერი შესაძლოა მოძრაობისას. ჩვენ რომ შეგვეშლოს მომავლის ხილვა, მასთან შეხვედრა, დროის სიშორის გამო, ვერ შევიცნობდით. უცხო სამყაროდ მივიჩნევდით. ხედავ, რა რიგ იცვლება უმტკიცესი კანონები დიდ მასშტაბებში უსასრულოდ სწრაფად მოძრაობისას?

ავილოთ ხაზი, სწორი ხაზი, რომლის გარეშე არ არსებობს ჩვენი ყოფა, ჩვენი ცხოვრება, იგივე ხაზი სამყაროსათვის არ არის სწორი. მას მხოლოდ ჩვენი თვალსაწიერი მიიჩნევს სწორად. სინამდვი-

ლეში არავინ იცის მისი ფორმა, მოხაზულობა. ის შეიძლება ნაწილი იყოს ტეხილი ხაზის, მრავალკუთხას, წრეხაზის წრფისა ელიფსის. ანდა პირიქით: სადაც წრფეს ვხედავთ, იყოს ნაწილი ელიფსისა, წრის თუ ოთკუთხას. მაგრამ ერთი რამ ყველასათვის საერთო არის. ნებისმიერი სწორი ხაზით უსასრულოდ მოგზაურობისას შეკრულ სამყაროში, რა ფორმისაც არ უნდა იყოს იგი, ეს სწორი ხაზი, ბოლოს და ბოლოს, შეიკვრება და საწყის წერტილს დაუბრუნდება. აი, რატომაა, რომ ჩვენ შეიძლება იქ მივიდეთ, საიდანაც ვიწყებთ მოძრაობას, ჩვენ — როგორც სიცოცხლე. ან უფრო სწორად სიცოცხლე მივიდეს ჩვენი სახით .

ეს თეორიული მსჯელობაა. პრაქტიკულად კი სამყაროში არც „იქ“ არსებობს და არც „აქ“. რადგან ის, რაც მოძრაობის დასაწყისისას „იქ“ იყო, „იქ“ აღარ დაგვხვდება და როცა „იქ“ მივალთ აღარც „აქ“ იქნება თავის ადგილზე. და არა უბრალოდ გადაადგილდებიან ეს სივრცეები სამყაროში, არამედ თვისობრივად იცვლებიან ღრობის წყალობით. სამყარო ამ განახლებული, ახალ-ახალი სივრცეებით ივსება მუდამ. სწორედ ამიტომ ასეთ სამყაროში მოძრაობა არის სწორედ უსასრულობა და არა სივრცეში უთავბოლოდ გასროლილი სწორი ხაზის დაუმთავრებლობა.

— მომილოცავს, — ჩაესმა ერას ხმა შორეული და მხარზე ხელის მოთათუნება იგრძნო. უცებ ვერ მიხვდა, მამაკაცის ხმას არ ელოდა. მერე უსასრულობაში გატყორცნილი აზრი მოთოკა, მოიწია და შეიცნო მეგობარი.

— მაღლობელი ვარ თქვა ერამ, — მაგრამ რატომ მილოცავ? ეს გამარჯვება ხომ ყველასია — ზუს, შენი, ჩემი“ ვანა მე ისეთს რას მივალწი, თქვენ რომ არ გსურდათ?

— მართალი ბრძანე, — დაეთანხმა რა. მერე ერთხანს ყოყმანობდა: ეთქვა თუ არა და ბოლოს მაინც თქვა ნაღვლიანად: — მაგრამ ჩემს პროექტს რომ გაემარჯვა, ისიც ხომ ჩვენი იქნებოდა — ზუს, შენი, ჩემი?

უხერხული დუმილი ჩამოვარდა.

— შენ კარგად იცი, ხალხმა ირჩია უკეთესი, — თქვა ბოლოს ერამ.

რამ ზუს შეხედა საყვედურით და ამ მზერაში ჩააქსოვა სუყველაფერი. ზუმ სიჩქარეს მოუმატა და დაწინაურდა.

— როგორ უხდება ზუს მზის ფერი, თეთრი სამოსი. — უფრო
თავისთვის ჩაილაპარკა რამ. — ოცნებასავეთ ლამაზია, ხანდახან
ვეჭირობ, უსხეულოა, მარტოსული. განსაკუთრებით, როცა სადმე
მიიჩქარის განმარტოებით. ფიქრით რთული, ამოუცნობი...

— მიხარია, რომ ასე მოგწონს. — ერამ ხელი მოჭხვია მეგობარს,
ზუზე ანიშნა. — აი, მიზეზი გამარჯვებისა, ეგ, რომ არა, ოც-
ნებად დარჩებოდა ჩემი დიდება.

— მაგრამ ხალხი? — გაოცდა რა. — ნუთუ ხალხი, ვისაც
ეკუთვნის შენი პროექტი, ვინც ასე წრფელად მოგილოცა დღეს გა-
მარჯვება — არაფერია?

ერამ სერიოზული სახე მიიღო და დიდხანს დუმდა.

— ეგ თავისთავად, — თქვა ბოლოს, — რასთან მივიდა. —
ყური დამიგდე, ჩემო კარგო. როცა რამეს ქმნი, მიზანი მუდამ კონ-
კრეტულია. ხოლო როცა გსურს, შენი ფიქრი ან იდეა საყოველ-
თაო გახადო, მაშინ ყველას აზრი უნდა გაიზიარო, დაქუცმაცდე-
გაყველავდე და დაიკარგო. სულ სხვაა, როცა შენი ფიქრი, შენი
მიზანი, შენი ყოფით, შენი გრძნობით დაბადებული, შენეულ მი-
ზანს ემსახურება. როცა შენ თავად სრულყოფას აღწევ, მაშინ
მიზანიც სრულყოფილია და თავისთავად ყველასი ხდება. სწორედ
ამიტომ, ზუზე ფიქრმა დაბადა აზრი, რის გამოც დილით ასე უხ-
ვად დამაჯილდოვეს. მე უმისობას ვერ ავიტან. ამიტომაც მთელი
იდეა ერთ წერტილში დამიფოკუსდა, ჩემს ნებას დაჰყვა, ჩემს მი-
ზანს დაემონა და მხოლოდ შემდეგ დამენახვა — გასაცნაურდა. —
ერა ჩაფიქრდა. — რა არის ყველა? ყველა კრებითი გაგებაა, სხვა
არაფერი, უსახო, უსხეულო. გახსოვდეს, ძმაო; როცა ყველასთ-
ვის აკეთებ რამეს, აღარავისთვის აკეთებ მაშინ. ყველასათვის
კეთება აღარავისთვის კეთებას ნიშნავს. ხომ ცნობილია, როცა ყვე-
ლა ბოროტი არის, ბოროტება აღარ არსებობს. ან — როცა ყველა
კეთილია, მაშინ სიკეთეს ტყუილად ეძებ. ან სიყვარული. განა შე-
ძლებდი ყველას სიყვარულს? განა ყველას იმის მოცემა შეუძლია,
რასაც ერთი გაძლევს? თავს ნუ იტყუებ! ყველას რომ შეეძლოს იმის
მოცემა ან გაკეთება, რასაც თითოეული აკეთებს ცალკე, მაშინ
სამყაროც ყველად იქცეოდა და ასეთ სახეთმრავლობაზე არ იზრუ-
ნებდა. შეიქმნებოდა რალაც ერთი ყოვლისმომცველი, სხვა ყველა-
ფერი, რის გულისთვისაც ღირს სიცოცხლე, არ იქნებოდა. გავკ-



რებოდით მე, შენ, ისინი. წამით ჩაფიქრდი, სულ ზუ რომ იყოს, ან შენ ან მე; რა იქნებოდა? აი, რატომ არ ვფიქრობდი მაშინ ახლა, ახლა, რადგან ყველაზე ფიქრი, არავიზე ფიქრი გამოდის.

უფრო მეტს გეტყვი. ყოველ წუთს, ყოველ წამს ზუს ხატება მედგა თვალწინ. მისმა ყოფამ, მისმა უსაზღვრო სიყვარულმა გადამაწყვეტინა, უკვდავმეყო იგი. მინდა, რომ მუდამ იყოს ეს სიყვარული. მაშინაც კი, როცა განგვრებით და არ ვიქნებით, ეს სიყვარული განმეორდება. შესაძლოა, სიცოცხლის სულ სხვა ფორმაში, მაგრამ მჯერა, რომ უეჭველად განმეორდება. რადგან სრულყოფა თვისებაა უსასრულობის, ჩვენი ნდომაც სრულყოფილია და უსასრულო.

— დამაჯერებლად ლაპარაკობ. სხვანაირად წარმოუდგენელია ხალხის მეთაური, უსასრულობაში მეგზური კაცი. შენ რაც თქვი ახლა, ყველაფერი მართალი არის, მაგრამ ჩვენ მაინც წვეთი ვიცით. სამყარო მუდამ შეუცნობადი დარჩება.

— არა იმიტომ, რომ გონება ვერ სწვდება საიდუმლოს, არამედ მიტომ, რომ მუდამ ცვალებადია თავად სამყარო. ჩვენ ვერ ვასწრებთ ერთის ამოხსნას, რომ ახალი დილემის წინაშე ვდგებით. მასაც ამოვსხნით, ახლა სხვა დილემა აღიმართება და ასე მუდამ... სხვა სანახები, სხვა სივრცეები, სხვა ჰორიზონტი ახალ პრობლემებს დააყენებს ჩვენ წინ.

გამოძახების ბლოკზე წითელი ნათურა აციმციმდა. ერამ ვიდეოფონი მიღებაზე გადართო.

— რატომ გაქვთ კოორდინატორი გამორთული? რამდენი ხანია დაგეძებთ და ძლივს გიპოვეთ. ოცნების ბალის შემდეგ დამეკარგეთ, გაქრით.

ერამ კოორდინატორი ჩართო.

— თავად არ ვიცი, — თქვა მან. — ალბათ უნებურად. — თითი შეახო ლილაკს. არემარეს მისი სამყაროში გადაადგილების უზილაკი სიგნალები მოედო.

— ყველაფერი რიგზეა, — ისევ მოისმა მიმღებიდან, — ჩვენ კი იისფერი ბარიერის მიღმა დაგეძებდით. — მერე ტონი შეიცვალა, ცივი და მბრძანებლური გახდა. — გადადეთ ყოველგვარი საქმე და სასწრაფოდ გამოცხადდით შორეული კავშირის ცენტრში.



— მესმის, მაგრამ... — ერას უნდოდა ეთქვა, რომ სწორედ გუშინ შეათანხმა იქ ყველაფერი, მაგრამ ვიდუოეკრანი მტკიცედ უნდა მორეული კავშირის ცენტრში? თანაც საჩქაროდ? — ჩაილაპარაკა ერამ. — რას უნდა ნიშნავდეს ეს?

— მე შენთან ერთად წამოვალ. — თქვა ზუმ. ერას მხარეს გადაინაცვლა. სახე გაუცისკროვნდა, გაუღიმა. — რაღაც წვრილმანი იქნება დასაზუსტებელი. — ჩაილიღინა მან.

— რასაკვირველია. — კვერი დაუკრა რამ. მერე უცებ იცვალა სახე; აფუსფუსდა, აჩქარდა. — ცილის დამამზადებელი აგრეგატი შეფერხდა. — თქვა მან. — ურუხე უნდა დავეშვა. — ზუსტად მიაპყრო სევდიანი მზერა. — მე კი მეგონა, ჩემთან ერთად წამოხვიდოდი. ადრე მუდამ გიტაცებდა ურუხს ხილვა. მიწაზე ფეხის დადგმა. ზღვის პირას ჯდომა. ტალღათა ჩურჩულის სმენა... მიწისეული სიკეთით დამუხტვა, როგორც შენ გიყვარდა თქმა.

ზუ შეკრთა.

— არა, არა! სწრაფად თქვა მან, თითქოს ცდუნების ემინიაო. — მხოლოდ ახლა არა! სხვა დროს თავად შემოგვეხვეწები. შენთან ერთად გასეირნება ყოველთვის დიდი ბედნიერებაა. სამივე წავალთ. ახლა კი არა, ნუ გეწყინება.

რამ მორჩილად დახარა თავი. გამომშვიდობების ნიშნად ორივე ხელი გაშალა, შეტრიალდა და შურდულივით გაქანდა ქვევით.

ერამ მზერა დაადევნა. რა თანდათან დაპატარავდა. წერტილს დაემსგავსა. ბოლოს სულ გაქრა. ურუხს ფონზე გაუფერულდა. დაიკარგა. ისე როგორც წვეთი იკარგება ოკეანეში, ისე როგორც ქვიშის ნამცეცი — უდაბნოში, როგორც ატომი — სამყაროში.

ფიქრის კვადრატი

— ტრანსმთვარეულ ტრასაზე შეწყვეტეთ ყოველგვარი მოძრაობა, — მოისმა მიმღებიდან ცივი, ლითონისებური ხმა. — მიმდინარეობს მიწის მორიგი პარტიის ტრანსპორტირება. დაიცავით უსაფრთხოების მანძილი. ვიმეორებ!..

შეჩერდა ერა, შეჩერდა ზუტ. ერთმანეთს გადახედეს. ერამ კომფრენის შემოსავლელ მარშრუტზე გადართვა დააპირა. ზუმ შეაჩერა, ხელი დააფარა ჩამრთველს.

— ნუ წამართმევ ამ იშვიათი სანახაობის ხილვის ბედნიერებას. რაც შემოვლისას დროს დაგკარგავთ, მოდი აქ დავყოთ. წუთები უკვე ველარ შეცვლის მათ აზრს, ვისაც სურს, რაღაც სიახლე გამცნოს. სამაგიეროდ, მე ვიხილავ შენი პროექტის დაბადებას. დაბადება კი, როგორც სიკვდილი, ერთხელ ხდება ამ ქვეყანაზე.

ერამ გაუღიმა.

— როცა ვუყურებ მიწის ვეებერთელა მასის გადაადგილებას სივრცეში, — განაგრძო ზუმ, — სიამაყით მევსება გული. ასე მგონია ყოვლისშემძლე შემოქმედი ვარ.

ერა ჩაფიქრდა. მას აოცებდა ზუს ფიქრები და პრეტენზია. ასე მხოლოდ მას შეეძლო. უცებ, დაუფიქრებლად, დაესკვნა რამე. ასეა, მაგრამ მაინც ეამა, რადგან შეცდომა, თანაგრძნობით გამოწვეული, უკვე შეცდომა აღარ არის და სხვა რამე ჰქვია.

— დიახ, ასეა, — თქვა ერამ, — თითქმის ასე. თითქმის იმიტომ, რომ ჩვენ უკვე არსებულს ვიყენებთ, როგორც მასალას მზამზარეულს და როდესაც რაიმეს ვქმნით, აუცილებლად რაღაცას ვანგრევთ. სხვანაირად არ შეგვიძლია. როგორც ბავშვები, ფერად-ფერადი კუბებისაგან, სხვადასხვა მოცულობებს ქმნიან, ასევე ჩვენც, არსებულის კომბინაციით ვაღწევთ სიახლეს. ეს თავისთავად დიდი საქმეა. მაგრამ არაფრისაგან რომ შეგვეძლოს რაიმეს შექმნა, პაწაწკინტელა მატერიის, ატომის მაინც, ან მასზე მცირე სხვა ნაწილაკის, მაშინ მართლაც რომ შემოქმედი ვიქნებოდით; საწყისთა საწყისი. ერთ დროს ამასაც მივალწევთ ალბათ. სადღაც, ამ უკიდურესო სამყაროში, რომელიმე ცივილიზაციამ შეიძლება მიიღწია კიდევ განვითარების ისეთ სიმაღლეს, რომ არაფრისაგან რაიმეს შექმნა მათი ყოველდღიური საქმიანობა — ზრუნვა არის. სხვანაირად, გონიერების, აზრის გარეშე. შეუძლებელია ასეთი მრავალსახა სამყაროს არსებობა. მართლა თავისთავად, ყოველგვარი ნებისა და სურვილის გარეშე, უმიზეზოდ, არაფრის გამო, სტიქიონისგან ხომ არ იშვა ამხელა სივრცე. ასეც რომ იყოს, თვით სტიქიონიც შედეგია რაღაც მიზეზის, ვიღაცის ნების.

— შენი სიტყვები ჯაღოსავით მოქმედებს ჩემზე. — ჩაილილი-



ნა ზუმ — ახლოს მიფრინდა. ფაქიზად შეეხო მხარზე
 წია, მიეტკიბა. — აზროვნების ასეთ სივრცეებს მხოლოდ გონე-
 ბის თვალი თუ წვდება, გრძნობა კი ვერა. როცა ვფიქრდები, რა
 შორეთში იკარგება ჩვენი საწყისი, ანდა ბოლოს სად უნდა დავმთავ-
 რდეთ, შიში მიპყრობს, ვპატარავდები. ისე ვმცირდები, ვიკარგები,
 ასე მგონია აღარ ვარსებობ. რა საჭიროა ამ სიშორიდან სამყაროს
 ჭვრეტა. ხომ შეიძლება, ამ სიმაღლიდან, სიშორის გამო, უნებლიეთ
 მეტად საჭირო, სადღეისო, საქმე გამოგვჩხეს. თანდათანობით გან-
 ვიძარცვოთ ადამიანურ თვისებებისგან, გონებად ვიქცეთ; მანქანურა
 აზროვნების ლოგიკურ წყებად. ჩავეძიებდეთ მხოლოდ მართალს,
 მხოლოდ სწორ გზას ვირჩევდეთ მუდამ. განა შეცდომა ადამიანთა
 ხვედრი არ არის? განა სამყარო მართლა ასე დალაგებულ-დაწყობი-
 ლია? ან უცოდველი, უშეცდომო, როგორც შენ ამბობ?.. ვერ დავი-
 ჯერებ! — ხმამაღლა დაასკვნა ზუმ. მერე ერთხანს იყუჩა და ისევ
 გაიმეორა უკვე წყნარად და ჩუმად: — ვერ დავიჯერებ. ვერა, რად-
 გან მშობელი მუდამ მის მსგავსს შობს და თუ ჩვენ მართლა ამ ვეე-
 ბერთელა სივრცის შვილნი ვართ, დროის ნაყოფი როგორც ამტკი-
 ცებ, და მაინც ვცოდავთ. ან რამ გვეშლება, ყველაფერი მშობლის
 ბრალია. მან გვიწილადა საკუთარი თვისებების რაღაც ნაწილი და
 ჩვენ ქცევებზეც თვითვე უნდა აგოს პასუხი. მამ სხვანაირად რითა
 ავხსნა ან ვით გავიგო ის შეცდომები, აჩრდილივით უკან რომ
 დაგვედევს. ყოველ ნაბიჯში, ყოველ ქცევაში იმალება რაღაც შეც-
 დომა და თუ არა ჩანს, ან ვერ ვამჩნევთ, მხოლოდ იმიტომ, რომ
 თვით შეცდომა პაწაწაა და უმნიშვნელო, მაგრამ არის! ჩასაფრე-
 ბული მუდამ თან გვდევს და თუ გვიყელა, თუ სიმართლემ, სიკეთის
 ხმამ არ დათრგუნა, დააჩიავა, შესაძლოა ეს მცირე ვნება ბოროტე-
 ბად გადაიქცეს, სიცოცხლეს რომ სპობს. — ზუ დადუმდა. მერე
 უცებ სახე გაუცისკროვნდა, გვერდზე გადა და გადაიკისკისა. —
 აუ! — თქვა მან. — სად მომისროლა მომავლის ფიქრმა. ჯანდაბას,
 იყოს, როგორც არის. მე იმითაც კმაყოფილი ვარ, შენს გვერდით
 რომ ვარ. რომ მცირედ მაინც ვალამაზებ შენს დიდ ცხოვრებას,
 რაღაცით ვავსებ. რომ ის რაღაცა, შენ რომ ასე ძლიერ გჭირდება,
 მარტო მე მაქვს, მე გამაჩნია. და არ არსებობს ქვეყნად მეორე ჩემი
 მსგავსი, ჩემი შემცველი, თავად სამყაროც, ის რომ მოგცეს, რაც
 ჩემში არის. ის მცირე რაღაც, შენ რომ ასე ძლიერ გჭირდება. თა-



ვად არ ამბობ, რომ ჩემმა ყოფამ, ჩემზე ფიქრმა ფრთები შეასხა შენს იდეას და გამარჯვება მოგიტანა. არა იმიტომ, რომ გაკვირვებ გონიერებით, ან აზრის სიღრმით გაგაოცე, არამედ იმიტომ, რომ უბრალოდ ვარსებობ, როგორც ზღვაწყალი, ჰაერი, ცეცხლი, როგორც სიცოცხლე მიწასავით მარადმშობელი. ეს მე ვარ ერთი, ამ ზღვა ხალხში გამორჩეული. უფრო მეტს გეტყვი! ეს მე შეგქმენი, მე გაგაჩინე არა როგორც ძე დედისშობილი, არამედ კაცად, სიყვარულად დაბადებული. მე მივეც ბიძგი აზროვნებას, მე შთაგოგონე ის იდეა, ასე რომ ამკობს შენს დიდებას. უპირატესის სწორედ ეს თვისება მაფიქრებს და მაგულიანებს, რომ მდედრი არის სწორედ ის ძალა, რომელმაც შექმნა ყველაფერი, თავად სამყაროც.

შარავანდელით მოცულ ზუპ მხესავით უბრწყინავდა თვალები. იგი ნებიერად გაწვა სივრცეში და თვითკმაყოფილი გაეთიშა ირგველივ სამყაროს. გაკვირვებული ერა წამოეწია, მაგრამ მყუდროების დარღვევა ვერ გაუბედა. შორი-ახლოდან უცქერდა, როგორც საოცრებას პირველადნილულს და რატომღაც სინდისის ქენჯნას განიცდიდა.

„—განა ისეთი რა ვთქვი? — ფიქრობდა იგი. — რამ აუფორიაქა, რამ აუშალა ფიქრი? ვაითუ, მომავალზე ოცნებას გამოკიდებულმა ყურადღება დაეაკელი? — ერა უფრო ახლოს მივიდა. მაპატიე. — თქვა მან თუმცა სულაც არ აპირებდა ამ სიტყვის თქმას. — მაპატიე, — გაიმეორა ისევ, — ისე შორს იყო ჩემი აზრი... წამით კონტაქტი დამეკარგა. თუმცა მოწმეა ზეცა, შენს წყენას სულაც არ ვაპირებდი. — რა სისულელეებს ვლაპარაკობ, — გაიფიქრა ერამ. დაფიქრდა. — ჭეშმარიტებას ლაღადებდა შენი ბაგენი, — ჩაიდუღუნა მან, — ის აფეთქებაც, შენს აზრს რომ მოჰყვა, მდედრის თვისება იყო ყოველთვის და არა გონის სისუსტეთა გამომჟღავნება. რაოდენ ნაზი, მიმზიდველი იყავი მაშინ, როცა ამბობდი, რომ მშობელი მუდამ მის მსგავსს შობს. რომ ერთი არის მშობლისა და შვილის ბუნება. მხოლოდ შევნიშნავ, რაც არაერთხელ აღრეც მითქვამს, რომ ჩვენ, მე და შენ, რომ ისინი, ყველანი ერთად, პაწაწკინტელა ნაწილი ვართ დიდი სამყაროს. უპირატესის ის თვისებაც, ასე რომ ამკობს შენს სიცოცხლეს, თავად სამყაროს უპირატესი თვისებაა მდედრის სახით გამოხატული. კა-



ცობრიობა თანდათანობით შეიცნობს იმას, ვისგანაც იშვიათად გორც ბავშვები, დიდობისას იგებენ, რაა მშობელი. — ერამ ოხრა. — მაგრამ ჯერ მრავალი მზე ჩაქრება ცაზე, და უფრო მრავალ მზეთა დაბადების მოწმე გავხდებით, ვიდრე გავიგებთ რანი ვართ, ან რა ვიქნებით.

ხვალეზეც ფიქრი არასოდეს არ გამოიციხავს დღევანდელობას. ასე დაყოფა ათელისათვის არის საჭირო. სინამდვილეში დღეს და ხვალე არ არსებობს. და თუ მაინც გსურს, ასე იყოს, დღეისაში მუდამ ხვალეა, ხოლო ხვალეში დღევანდელი დღე. ასე რომ, ფიქრი საწყისზე ან ბოლო დღეზე, საყოველღეო ფიქრი არის მხოლოდ დიდი დღის. და ნუ გაშინებს ნურც სირთულე და ნურც სიშორე, ნურც სიმაღლიდან გადმოხედვა დააფრთხობს შენს სულს. ზემოდან მუდამ უკეთა ჩანს ერთიც, მეორეც. ნურც მე დამძრახავ, თუკი ფიქრი გამექცა უცებ, აღარ ძალმიძს მისი მოთოკვა. — ერამ უფრო იგრძნო, ვიდრე იხილა, რომ სადღაც ქვემოთ, რაღაც ხდებოდა. ყურადღება გაამახვილა. — თუმცა რაღა დროს ამაზე ლაპარაკია, — თქვა მან, — შეხედე, დატკბი. ჩვენ ხომ იმისთვის შევჩერდით აქ, რომ ასეთი იყო შენი სურვილი, სურვილი მდებდრის.

ზუ გამოერკვა, გახალისდა, გამოიცივალა. თვალის ცეცება დაიწყო. ვერსად შენიშნა საგულისხმო, საყურადღებო. გაკვირვება ველარ დაფარა ნათელ სახეზე.

— უფრო ქვემოთ, ოდნავ ხელმარცხნივ, — წამოეხმარა ერა.

ზუს თვალის გუგები გაუფართოვდა. ათასი უხილავი წვრილმანი შეამჩნია, აღრე რომ ვერ ამჩნევდა. ბოლოს მისი მზერა მიეჯაჭვა ურუს იმ ნაწილს, სადაც პაწია ნაპერწყალი აენთო უცებ. სხვა დროს ასეთ მცირე ნათებას ყურადღებას არ მიაქცევდა, მაგრამ ახლა, რატომღაც, მზერა ვერ მოსწყვიტა. ურუს ზედაპირზე მნათი წერტილი თანდათან გაიზარდა, გამოიკვეთა. მონაცრისფრო კვამლი მოედო მწვანე პლანეტას. მერე იფეთქა. ეს აფეთქება პირველს არ ჰგავდა. ცეცხლის ენები ცის კიდეს მისწვდა. არემარე გადაანათა. რაღაც ნაწილი მათ სახეებზეც აირეკლა. ყველაფერი ერთ წამში მოხდა. მერე თეთრ ბურუსს უფორმო მასა გამოეყო და ცისკენ გაქანდა. ზღაპრულად სწრაფად იზრდებოდა და როგორც კი პლანეტის ატმოსფეროს გასცდა, უცებ შემოეცალა ბული. თანდა-

თან გამოიკვეთა მიწის ვეება ცილინდრი, რომელიც ისარივით მიე-
ქანებოდა ზემოთ. უკვე ყველაფერი კარგად ჩანდა; სივრცე-სივრცე
ბოლოში სასაცილოდ მიკრული, საბარგო ატომომფრენი, ის-
ფერი ცეცხლის მოკლე კუდი. ეს მოძრაობა მოჩვენებას ჰგავდა,
რადგან სივრცეში სხეულის გადაადგილებისას საგანი ზღაპრის გმი-
რივით მოცულობაში დიდდება ყოველ წამს, ყოველ წუთს და სიჩ-
ქარეს მხოლოდ მაშინ შეიგრძნობ, როდესაც ცხვირწინ ჩაგიჭრო-
ლებს და დაჩუტვა-დაპატარავებას დაიწყებს. ახლაც ასე მოხდა. სა-
ნამ ზუ ყველაფერს გაიაზრებდა, გიგანტური ზომის ცილინდრმა
უცებ გაუელვა თვალწინ და სადღაც იქით გაუჩინარდა. მაინც მოას-
წრო დაენახა, როგორ ისრუტავდა ვაკუუმი ჰაერის ვეებერთელა
ბუშტულებს. ატომომავალის ღუშებიდან გამოტყორცნილი ცეცხ-
ლის ალის სიმბურვალეც იგრძნო და სულ ეს იყო. გათავდა, ყველა-
ფერი თვალისდახამხამების უმალ გათავდა. ზუს უკმარისობის
გრძნობა დაეუფლა, ამაოდ იყურებოდა იმ მხარეს, საითაც მიწის
მასა გაუჩინარდა, სივრცემ შიიწოვა.

„— ნუთუ მომეჩვენა და სინამდვილეში არაფერიც არ მომხდა-
რა“ — გაიფიქრა ზუმ და ერას შეხედა.

ერამ გაუღიმა.

— არ მოელოდი? გეგონა, იხილავდი მზის დაბადებას, რაღაც
გრანდიოზულს, ჯერ არნახულს.

ზუმ მზერა მოარიდა.

— სინამდვილეში ყველაფერი უბრალოდ ხდება. — თანაგრძ-
ნობით წამოიწყო ერამ. — გაცილებით უბრალოდ, ვიდრე ჩვენ
ვეფიქრობთ და მხოლოდ მაშინ გვიკვირს, როდესაც შედეგს ვხე-
დავთ. შედეგისგან კი ძლიერ შორსა ვართ. სამაგიეროდ, მოწმენი
გავხდით იმ დიდი ისტორიისა, რომელიც სადღაც იქ დაიწყო და
სადღაც იქ უნდა დამთავრდეს. — ერამ საწინააღმდეგო მხარეს
გაიშვირა ხელი სივრცეში. — ჩვენ ამ დიდი ისტორიის დასაწყისი
არ გვინახავს, ვერც ბოლოს ვნახავთ. ჩვენთვის ის მაშინ დაიწყო,
როცა პირველი ნაპერწკალი შევნიშნეთ ურუხე და მაშინ დამთავრ-
და, როცა სივრცეში დაიკარგა, გაუჩინარდა. სინამდვილეში ყველა-
ფერი გაცილებით ადრე იყო და არვინ უწყის როდის დამთავრ-
დება. გაივლის ხანი და ამდაგვარი ფრაგმენტებისგან, სამყაროში,
ურუხს ახალი ხელოვნური თანამგზავრი დაიბადება! მომავლის ხე-

მალდი, ოცნების ბინა. ასე ნელ-ნელა, ნაწილ-ნაწილ, სიცოცხლის მარადყოფნის მთელი ფილმი აიკინძება. აი, შედეგი იმ მცირე საქონლის, ჩვენ რომ ვიხილეთ.

ტრასა „გაიხსნა“. ერა გაფრინდა. ცოტა ხნის შემდეგ ზუც აედევნა. დუმდნენ. არცერთს არ სურდა დაერღვია ერთფეროვნება. ზუც წუხდა. მისი ბუნება ვერ შეეგუა, რომ ყველაფერი ასე უცებ, მარტივად მოხდა. ჩაფიქრებული მიფრინავდა და მალიმალ იყურებოდა იმ მხარეს, საითაც ვეებერთელა მიწის მასა გაუჩინარდა. მერე წყვილიადში, გონების სხივმა, თითქოს რაღაც საგანი გაანათა, სულ რაღაც წამით და ირგვლივ ისევ დაუნახავი წყვილიადი ჩადგა.

პორიზონტზე შორეული დასახლების კონტურები გამოიკვეთა. უცნაურად დაქსელილი სივრცე მეწამული ფერის მზის შუქზე ათასფრად ელავდა, ცილებდა. სხვადასხვა ფორმის ანტენები მძიმედ ბრუნავდნენ და ახალ-ახალ ობიექტებს დაეძებდნენ სამყაროში. ზოგი ჯიუტად ჩაშტერებოდა ერთ წერტილს და წლობით ელოდა, როდის ალაპარაკდებოდა „სიცარიელე“. ასე ნათლავდნენ მეცნიერები სამყაროს იმ ნაწილს, სადაც, მათი აზრით, არაფერი არ იყო და მაინც გულდაგულ უთვალთვალებდნენ, მოთმინებით ელოდნენ. ელოდნენ, რადგან იყო შემთხვევა, როცა „სიცარიელე“ ალაპარაკდა და გოლოგრაფიულმა რადიოტელესკოპებმა ახალი გალაქტიკები, ბიოლოგიური სიცოცხლის არსებობის მოსალოდნელი სივრცეები აღმოაჩინეს.

ზუც ერას წამოეწია.

— ზომალდს, რომელსაც შენ აშენებ, ალბათ ნახევარი ურუ მაინც დასჭირდება, — ჩაილიღინა მან.

— ასი ისეთი ცილინდრი, წყლან რომ იხილე.

— ასი?! — გაუკვირდა ზუს და მცირე დუმილის შემდეგ დაუმატა: — ასი ბევრია, განახევრდება დედაპლანეტა. ხალხი?

— რა სთქვი?

— ხალხს რა მოუვა? ვინც დარჩება, იმათ რა ელით? — ალბათ, სიკვდილი. შენ აქ ხელოვნურად სპობ სიცოცხლეს, რომ მერე იქ, სადაც შეუცნობადში, ხელმეორედ დაამკვიდრო იგი. ეს თვითმკვლევლობა, ჟინი უფროა, ვიდრე ლოგიკური აუცილებლობა. აბა, დაფიქრდი.

— დავფიქრდე, ახლა?! — ელდანაკრავივით შედგა ერა, —

მერამდენეჯერ? ასი ათასჯერ ნაფიქრია სუყველაფერი, წვრილმანი. განა პროექტში მოიხილე რამე საეჭვო. ან ვით იფიქრე სხვათა განწირვა. ან შემიძლია სისხლიანი გზებით ვიარო? რაღა აზრი აქვს მაშინ მიზანს, ნახევარა თუ შევეწირებით. ტყუილად დარდობ, ამით ურუს არაფერი არ დააკლდება და უფრო მეტიც; ის გიგანტები, შენ რომ იხილე, ოკეანეთა ფსკერებიდან ისე ამოგვაქვს, იმ ანგარიშით, რომ მილიონობით ჰექტარი მიწა წყლის ტყეობიდან განთავისუფლდეს. წყლის დონე დაიკლებს, ახალ-ახალი სახნავ-სათესი შეემატება დედაპლანეტას. მართალია, ზღვა არანაკლებ საკვებს იძლევა, მიწა სულ სხვაა. ახალი მიწები ახალი საკვებია, ჰარბი საკვები — ახალი სასიცოცხლო ენერგია. ჩვენი მგზავრობით მოსახლეობაც განახევრდება და ახალი ძალით იფეთქებს ცივილიზაცია. მერე, ვინ იცის, რა სიმალღეებს დაიპყრობენ ჩვენი არყოფნით.

— თუ ასე არის, როგორც შენ ამბობ, გამოდის, კლებაც სასარგებლოა. მაშ, რატომ ვილტვით გასაგვებად, გასასრულებლად. თუკი მოკლებით შეგვიძლია მივადწიოთ იმავე მიზანს. გამოსახშირად ნუთუ სხვა გზა არ არსებობს, გარდა სივრცეში გაბნევა-გადასახლებისა. თუ ჩემი ყოფის ბოლო სიკვდილია, როგორც ამტკიცებ. რაღა აზრი აქვს, სად მოგვედები აქ თუ იქ, გზაში. მითუმეტეს, რომ არავინ იცის, რა გველის ხვალე. რა ხიფათები, ტანჯვა-წამება. ხომ შეიძლება მიზნამდე გავქრეთ? მაშინ ამდენი ჯაფა-შრომა უქმად ჩაივლის და ყოველივე, რაც ჩვენ წინ გველის, თვითმკვლელობა უფრო იქნება, ვიდრე სიცოცხლის უკვდავეყოფა.

ერას ქვასავით მოხვდა გულზე ზუს ნათქვამი. რაღაც შორეულმა, ყრუ ტკივილმა წამოყო თავი, დარდად შემოაწვა. თითქოს წაიბორძიკაო, უსუსურად გაშალა ხელები. გაცეხულმა შეხედა ზუს და, როცა მის სახეს გაცეხის ნატამალი ვერ შეამჩნია, თვითდაჯერებამ შეაშფოთა. ეს ეჭვი იყო. სწორედ ის ეჭვი, დღენიადაგ სულს რომ უღრღნიდა. ეჭვი, რომელიც მომავლის ნათელხილვას ჩრდილივით დაჰყვა, მოსვენება დააკარგვინა. მართალია, ასე ათასში ერთხელ ხდებოდა, მაგრამ ეს ერთხელ ისე არყევდა რწმენას, რომ იმ ათასს მართალს, მრავალჯერ გათვლილს და ნაფიქრს. შემოწმებულს და შეჯერებულს, საეჭვოდ ხდიდა.

„— მართლაც და რაა ჩვენი ნება, ჩვენი სურვილი. — ფიქრობდა ერა, — იმ მანძილებთან, წინ რომ მოგველის? სამყაროს



ცენტრი, საითქენაც ასე მივიღტვით, ისე შორს არის, რომ შირაქში ვით მოჩანს მიზანი. ირგვლივ, საითაც არ გაიხედავ, ათასობით პარსეკის მანძილზე, არაფერია; სიცოცხლის ნიშანწყალიც კი არსადა ჩანს. ირგვლივ ვაკუუშია, ცივი და უსიცოცხლო, სხვა არაფერი... იქნებ სწორია, ვინც ამტკიცებს, რომ ჩვენი სიცოცხლე, ჩვენი ყოფა ლოკალურია, რაღაც ფართობით, რაღაც სივრცით შემოფარგლული. ვინ იცის, იქნებ მართლაც ბიოლოგიური ბარიერის ტყვე ვართ და მთელი ჩვენი მეცადინეობა ფუჭი და ამოა? იქნებ ამ ბარიერის იქით სხვა სიცოცხლეა, ჩვენი კი არა? ერას ტუჩის ბოლო გაეჭკა, სახეზე ნაძალადევი ღიმილი გამოეხატა. — რა არის ეს? განაგრძო ფიქრი. — შიში თუ ჭეშმარიტების ქვეშეცნობითი აღქმა? იქნებ სისუსტე?.. როგორ ყველაფერი მზესავით ნათელია და რატომღა დაჰკრავს მაშინ ჩრდილი ამ ბრწყინვალეობას? — ერთმ გონება დაძაბა, უფრო ჩაღრმავდა საკუთარ თავში. ასიათასჯერ გადაქექა ასიათასჯერ უკვე ნაქექი. გადაამოწმა შედეგები, წინაპარობა. მერე რაღაცამ გაიბრწყინა გონებაში მცირედ, მაგრამ ისე ძლიერ, რომ ყველა ეჭვი გადაჩრდილა. თავისუფლად ამოისუნთქა, გაელიმა. — ყველაფერი გასაგებია. — თქვა ხმამაღლა და ხალისით დაუმატა: — შენ დაგაეჭვა კონკრეტულზე ფიქრმა და შიშმა. შემოიზღუდე შენი არსით, შენი სიცოცხლით. ხელოვნურად გამოეყავი დედამშობელს და როგოც მდედრმა მოინდომე დასაბამი მიგვეცა მისთვის, ვინც თავად შეგქმნა. ის ინტერესიც, რამაც ასე შეამფოთა შენი ბუნება, მხოლოდ და მხოლოდ პირადული განცდის ბრალია. რაც შეეხება იმ სანახებს, წინ რომ მოგველის, იქ სხვა წესი და კანონები ბატონობენ. თუ ყველაფერი აქ ჩვენს ნებას ემორჩილება, იქ არვინ იცის, რა ვიქნებით, როგორ ვიქნებით. ერთი ცხადია, რახან ეკთხელ გავჩნდით ამ ქვეყნად, გავჩნდით იმიტომ კი არა, რომ ჩვენ ასე გესურდა, არამედ იმიტომ რომ თვით სამყარომ შობა აზრისმთქმელად ადამიანი. ასე იყო, ასე არის, ასე იქნება. ასე იქნება მანამ, სანამ თავად სამყარო არ გაბერწდება. ჩვენ შეიძლება მართლა გავქრეთ, გარდავიცვალოთ, მაგრამ სიცოცხლე აღარასდროს აღარ ჩაქრება, ვით ვერ გაქრება სამყარო-სივრცე. და თუ ოდესმე დადგება ჟამი, როცა სუყველა, ყველაფერი, თავად სამყაროც უნდა მოკვდეს, გაქრეს, დაივსოს, მხოლოდ იმისთვის რომ ქაოსიდან ხელმეორედ იშვას სიცოცხლე, იშვას აზრი. რადგან ყო-



ველი: ლექსი, ნახატი, ნებისმიერი მოქმედება, შენება-ნგრევა, არა-
 რაობად იქცეოდა შემფასებელი აზრის გარეშე. მხოლოდ აზრის
 წყალობით საცნაურდება სინამდვილე. აბა წამით წარმოიდგინე მარ-
 ტო თავი, უჩემობა, ან შენი ტრფობა სანაცვლოს გარდა, მთა, ზღვა,
 ეს სივრცე ჩვენს გარეშე. თუნდ შენი თავი სამყაროსდარად ასე
 დიდი და უკიდევანო, მრავლასახა და მრავალფერი. წარმოიდგინე,
 რომ ყველაფერი, რისი ქონებაც შესაძლოა, გაქვს და ისიც, რასაც
 ვერ წარმოიდგენ, მაგრამ არსებობს, რა იქნებოდა შემფასებლის,
 აზრის გარეშე? არაარაობა! მაშასადამე არსებობისთვის მარტო ყოფა
 საკმარისი როდი ყოფილა. საჭირო არის შენი ყოფის შემფასებელი.
 საჭირო არის ყველა იმის გააზრება, რაც უკვე იყო, ანდა რაც არის,
 თორემ, როცა გონების თვალთ საწყისს ვწვდებით, შორეულ ქა-
 ოსს, მართლა ქაოსი კი არ იყო, როგორც ზოგს სჯერა. როგორც რა-
 ლაცა ამორფული, უშინაარსო, უსახო და უკანონო, წესისა და რი-
 ვის გარეშე, ეფემერული რაღაც სივრცე, ნაგვისმაგვარად რომ ეგდო
 საღღაც და მერე ვინმემ დააღაგა, გაანაწილა. ეს გონდახშული სი-
 ბეცეა, სიბნელე აზრის. სინამდვილეში რასაც ვხედავთ, ვუყურებ-
 დით ანდა ვიხილავთ, უხსოვრად დიდხანს არსებობდა, თუმც სახე-
 ცვლილი, მაგრამ სახეცვლა ქაოსს არ ნიშნავს.

გაივლის ხანი, უსაზღვროდ დიდი. ვინ მოთვლის, ანდა ვინ გან-
 საზღვრავს, რამდენი დროა კიდევ საჭირო, ვიდრე სამყარო განმეო-
 რებით იმშობიარებს. მას სხვა სამყარო არ სჭირდება, დრო-ჟამის
 გარდა. ეს კია, განუზომელ ტკივილს განიცდის, ის აფეთქებაც, და-
 ბადებას წინ რომ უსწრებს, მეორედ მოსვლა უფრო არის, ვიდრე
 ამებისმსგავსი, უმტკივნეულო ორად გაყოფა. აი, ასეთ დროს ხელ-
 მეორედ იბადება სუყველაფერი, თავად სიცოცხლეც, მაშინ,
 როცა სამყაროსათვის ეს ყველაფერი სახეცვლაა და სხვა არა-
 ფერი.

და თუ ჩვენ მაინც ვიშველიებთ ქაოსს საწყისად, შეცდომა
 ჩვენი ცოდნის სისუსტეში უნდა ვეძიოთ. შენ ალბათ გახსოვს უძ-
 ველესი ეს ისტორია, ღმერთმა რომ შექმნა ადამიანი, რომ ადამიანს
 შემდეგ ეცნო მისი შემქმნელი. მანამ ღმერთიც ქაოსი იყო, ვიდრე
 არ გაჩნდა აზრისმქმელი. მისი საქმის, მისი ყოფის შემ-
 ფასებელი. ვით ბავშვობაში ჩვენ არ გვესმის, რაა მშობელი, ზრდას-
 თან ერთად ცოდნის თვალთ გამყლავნდება ეს საიდუმლო, რაც



ადრე სხვისთვის დიდი ხანი ცნობილი იყო. ასე სამყაროც დათანობით გაგვიმჟღავნებს იმ საიდუმლოს, რისგანაც არის და რაღა იქნება. მაგრამ რომ ჩავწვდეთ ამ საიდუმლოს, ჩვენი ცოდნის ფარგლებს მიღმა უნდა გავიღეთ, ხოლო ამისთვის სხვა სიჩქარე, სხვა იმპულსი არის საჭირო.

აქ ყველაფერი შევიცანით. რისი გაგებაც კი შეგვეძლო, უკვე გავიგეთ. ყველა რესურსი ამოვწურეთ. კარგა ხანია ერთ ადგილს ვტკეპნით. სინამდვილეში ერთ ადგილზე ვერ გაჩერდები, რადგან შენს ირგვლივ ყველაფერი მოძრაობს, ბრუნავს და ჩვენი დგომაც ერთ ადგილზე დგომა კი არა, უკუსვლაა, დეგრადაცია, გნებავეს სიკვდილი.

ჩვენ ხომ პაწია ნამცეცი ვართ სამყაროსათვის, სულ პაწია, პაწაწკინტელა. ჩვენი სიცოცხლაც ხომ არაფერია იმ სიცოცხლის მაჯისცემასთან, სამყაროს რომ აქვს. და თუ მაინც გვსურს ვიყოთ მუდამ როგორც ბუნება, კლებით კი არა, გასრულებით მივალწვეთ მიზანს. ხედავ სად ცდები, ჩემო კარგო, როცა სამყაროს პირადული სიცოცხლით ზომავე. უფრო მეტს გეტყვი: ჩვენი ყოფა, შენი, ჩემი, ყველას ერთად, იმ შორეული დასაწყისიდან იმ ბოლოს ჩათვლით, რომლის კონტურებს სიშორის გამო ვეღარც კი ვხედავთ, არაფერია იმ უსაშველოდ დიდი სიცოცხლისათვის, რომელსაც არც საწყისი აქვს და არც ბოლო, მუდმივად არის. რამდენჯერ გითქვამს, გინატრია სახეცვლა, უამი განშორების — გარდაცვალების, რომ ხელმეორედ მოვევლინოთ ამ ქვეყანას სხვა სახით, ფორმით. რომ ხელმეორედ, ახალი ძალით, იფეთქოს აზრმა, რომ სიახლეში არის ხსნა და მარადყოფნა. მხოლოდ ასე შეიძლება უკვდავყოფა და სულერთია ვინ იქნება იგი, ადამიანი თუ მისი მსგავსი სხვა რამ არსება, რომელიც შემდეგ, მილიარდი წლების შემდეგ, მოვევლინება ამ სამყაროს, ჩვენი სიცოცხლის გაგრძელება, ჩვენი პირმშო, ჩვენი შვილი იქნება მაინც. და არა სისხლით, არა ხორციით ნათესავი, არამედ გენით, იმ ბობოქარი გენის წყალობით, რომელიც ასე არ ასვენებდა ჩვენს წინაპარ მშობელს, ჩვენ არ გვასვენებს და არ მოასვენებს მომავალში მას, ვისაც წილად ხვდება მოაზროვნის ტვირთის ტარება.

ის მოგზაურობაც შეუცნობადში, წამით რომ ასე შეაშფოთა შენი ბუნება, ახალ-ახალი აღმოჩენებით შევსებული სიცოცხლეა, სხვა



არაფერი. ის ხიფათებიც, წინ რომ მოგველის, ჩვენი სიმტკიცის გამოცდაა. ისიც ცხადია, გარკვეული შიში არსებობს, მოსალოდნელი ტანჯვა, წამება, გადაულახავ პრობლემებთან პირისპირ დგომა. საკითხი ვინ ვის, მუდამ ჩრდილივით თან დაგვეყვება. კიდევ ათასო უთვალავი შემთხვევითობა, ცალ-ცალკე, ერთად, მოგველის, მაგრამ განა სიცოცხლეს უამისოდ რამე აზრი აქვს? შეხედე ურუს, თანამოდმეთ, თვითდაჯერებულ მათ სახეებს. მათი ყოფა თანდათან კარგავს იმ ელვარებას, მძაფრ აზრს რომ ახლავს. მათ ქცევაში სიყალბე გაჩნდა. თანდათან ქრება გულწრფელობა. სამაგიეროდ, მოცდალათ შური და მტრობა. ყველა საკუთარ სამყაროში ცდილობს ჩაკეტვას, ეგოცენტრულ მიკროსივრცეში. ყველა ყველაფერს ლაპარაკობს, მსჯელობს, კამათობს. აზრის გამოთქმა სავალდებულო ნორმად იქცა. უნდა არ უნდა, იცის თუ არა, მაგრამ აზრი თუ არ გამოთქვა, ასე ჰგონია აღარ არის, აღარ არსებობს. საღადაა ჭეშმარიტება. ნავარჯიშები სპორტსმენივით ბევრის თქმით ცდილობს დაგიმტკიცოს უმტკიცებელი. თუ გამძლეობამ გიღალატა, იქნებ გამტყუნდე კიდევ. აბა გაბედე და ის უწოდე, რისიც ღირსია, ანდა სიმართლე მოიმარჯვე, თუკი მას არ სურს. ზოგი თანხმობაში, მორჩილებაში ჰვრეტს სიკეთეს და მერე ისე თავხედდება, შენგანაც იგივეს მოითხოვს. ბევრის პრინციპით მოქმედებენ. აკი საქვეყნოდ ცნობილია, როცა სუყველა კეთილია, ანდა ბოროტი, მაშინ არცერთი არ არსებობს, რადგან საზომი დაკარგულია. ამიტომ ცდილობენ, ყველა ერთს ჰგავდეს და ერთი ყველას. გაერთფერება ზოგს ხელს აძლევს, რადგან ერთად ქცეულ მრავალში მოწინააღმდეგე არ არსებობს და უფიცობა თამამად ხარობს. ის, ვინც მოითხოვს ბობოქარ აზრის სტანდარტიზაციას, ადრე თუ გვიან დაიღუპება. დედაკანონი გადხვევას არ აპატიებს. როცა ვინმე ძირითადად უარყოფს, უარყოფს თავის თავს. როგორც შეუძლოა ერთგვაროვან რაღაც ერთ მასად შეჰკრა სამყარო, ასევე შეუძლებელია სუყველაფრის გაერთაზრება. და თუ მაინც ძალადობით, იძულებით ან სხვა ხერხით, დროებით ვინმე დედაკანონს დაარღვევს და მიზანს ეწევა, ეს გამარჯვება კი არაა, სიკვდილია. და როგორც ჩირქი ჯანსაღ სხეულზე, ზედმეტი ხორცი ფუჭი და უქმი, თავად ბუნება მოიშორებს და კვლავ აღდგება წონასწორობა. ისე ვით ჩვენ ვიშორებთ ყოველგვარ ზედმეტს, რაც კი სიცოცხლეს სარფთხეს უქ-



მნის. კიდევე კარგი, რომ ამ სენისაგან საკმაოდ შორს ვართ, მაგრამ ზოგ-ზოგან მაინც ვხვდებით მის მცირე ნიშნებს. თითქოს უღრმეს ურს, მაგრამ საშიშს, დამაფიქრებელს. ნუ, თორემ ამ სენმა თუ მართლა იმძლავრა, ის თაობები, შემდეგ რომ მოვა, ისე საშინლად გაზულუქდება, ადამიანის სახეს დაკარგავს. ჭეშმარიტება ჩაიძირება ბრწყინვალეებით გარემოცულ სიყალბეში, რომელიც თვალს ჭრის, გონებას კი სათოფეზე არ ეკარება. მე ველარ შეეძლებ შენს სიყვარულს, შენ კი დაკარგავ უპირატესის იმ თვისებას, ასე რომ ამკობს შენს ცხოვრებას. შთაგონების წყარო დაშრება და ყველაფერი, რაც ასე აკრთობს გულს და გრძნობას, რაც ნათელ მიზნად გვეხატება მომავლის ცაზე, უცებ გაქრება. ადამიანი გაკვირვებაგაოცებას გადაეჩვევა. ამის შემდეგ ცოტას იცოცხლებს, მერე მოკვდება, უკვე მოკვდება და არა გარდაიცვლება, რომ სახეცვლილი ერთხელ კიდევე მოველინოს ამ ქვეყანას გასააზრებლად. აი, რატომ გადაწყვიტეთ შეუტყობადში მოგზაურობა. და თუ ჩვენ მართლა ამ სამყაროს შვილები ვართ და თუ ჩვენ მართლა აზრისმთქმელად გავჩნდით ამ ქვეყნად, მაშინ გავუძლებთ, გადავრჩებით. თუ არა და უმიზნობის, ფუჭი დიდების, საკუთარ კეთილდღეობაზე ფიქრის სიმძიმის ქვეშ გავიჭყლიტებით. მაგრამ მე არ მსურს, ჩემი აზრი ვერ ეგუება, რომ შეიძლება შენ დაგკარგო, აღარ იყო. გამიქრეს ნდომა, მონატრების ტკბილი სურვილი. ან სილამაზე, მზეებს რომ ჩრდილავს. სიზმრად ნანახი სიხარული, ასე რომ არ ჰგავს სინამდვილეს და მაინც გჯერა. დაიკარგება შვილის უფლება, ჩვენი შვილის, შენი და ჩემი. არა, ძვირფასო, გამოხშირვით მხოლოდ ნაწილს უნდა დარჩეს. ამ სიკეთეთა სამკაული და ვინც მოკვდება, უნდა მოკვდეს მხოლოდ იმისთვის, რომ მისმა ტოლფასმა ასე ისურვა. აქ მე ვერ ვხედავ ვერც ლოგიკას, ვერც გამართლებას. რა უფლება გვაქვს მოვსპოთ თუნდაც რაღაც ნაწილი, როცა სამყაროს სასიცოცხლო სივრცეს ბოლო არ უჩანს. როცა არსებობს მარადყოფნის საშუალება, რად ვთქვათ უარი.

ერამ ზუს დამშვიდებულ სახეს შეხედა. მიხვდა, რომ წამიერი აფეთქება უკვალოდ გაქრა. რომ ზუს ის უფრო სჯეროდა, რაც მოისმინა, ვიდრე ის, რაც დაეჭვებულმა წელან იკითხა. საოცარია მდებარის ბუნება. დაუზარელი, ფრთხილი, იცის, სჯერა და მაინც ეჭვობს. ახალ-ახალ საბუთებს ეძებს. სურს ყველაფერი კიდევე ერთ-



ხელ გადაამოწმოს. ვაითუ ცდება, ანდა უფრო მოკლე, სხვა გზა სებობს. იქნებ სიფრთხილე მდებრის სწორედ ის თვისებაა, რომლის გარეშე თვით სიცოცხლე ვერ იარსებებს. გაამაყებული ერა თვალს ვერ ამორებდა ზუს, რადგან გრძნობდა, რომ მისი აზრის მკაცრი მსაჯული, სიყვარულით ეჭვიანობდა, რომ ეს იყო მოფრთხილება, ზრუნვა, შიში. ზუ ერთხელ კიდევ დარწმუნდა ერას აზრების სისწორეში, დამშვიდდა და ვინ იცის, ახლა მისი ფიქრი სად დაჰქროდა, რომელ საჭოჭმანო საკითხს დაჰფარვავტებდა.

კარგა ხანია რაც შორეული კავშირის ცენტრის სივრცეში შევიდნენ. მართვა ადილობრივი დისპეტჩერის ნებას დაემორჩილა. ერა აღარ ირჩევდა მარშრუტს, მხოლოდ თვალს ადევნებდა მიმართულებას, სურდა გაეგო, სად მიიყვანდა გზა, ვინ იბარებდა. ტერიტორიაზე სწრაფად ფრენა აკრძალული იყო. სიჩქარემ იკლო. ახლოდან შორეული კავშირის ცენტრი აბურდულ მორგვს ჰგავდა. სხვადასხვა ზომის სადენები, თუ გზა-გვირაბები, ისე იყო ერთმანეთში გადახლართული, რომ არც დასაწყისი უჩანდათ და არც ბოლო. ყველაფერი ელავდა და ცოცხალი ორგანიზმივით თახთახებდა. ყველაზე მეტად ჰელიოსადგურები გამოირჩეოდნენ. ვეებერთელა მანძილებზე გადაჭიმული, ჩაზნექილი სარკეები იმ მზისფრად ციალებდნენ, რომლისკენაც დამიზნებული იყვნენ და მასთან ერთად ბრუნავდნენ. დრო და დრო ჰელიოსადგურების ანტენებს სხვადასხვა ფერის ბურთულები მოსწყდებოდა და სივრცეში იკარგებოდა. მათი ფერი და ელვარება მუხტის ენერგიასა და სიდიდეზე იყო დამოკიდებული. აქვე იყო ენერგიის ძირითადი მომხმარებელიც — შორეული კავშირის ცენტრი. ობობასმაგვარი ქსელით დაფარული მთავარ კორპუსიდან სხვადასხვა ფორმისა და დანიშნულების ანტენებს ამოეყოთ თავი. აქ იყო მუდმივი და პერიოდული კავშირის უბნები. ურუს მართვის ცენტრი. სავარსკვლავთშორისო კავშირის პრესბიურო. სხვა ცივილიზაციებთან მუდმივი კავშირის ბლოკი, რომელსაც დრო და დრო რომელიმე ფერი ტალღასავით გადაუვლიდა. ყველა ეს ნაგებობა ერთმანეთთან ვეებერთელა მოქნილი შლანგით იყო დაკავშირებული.

კაცის ჭაჭანება არ იყო. მართალია, ერამ ზონაში შესვლისას თვალი მოჰკრა ერთს, მაგრამ უცნობი ზურგით იყო, დისკომფრენი ფარავდა და ვერ შეიცნო. იქვე, მის ახლოს, სივრცეში ნებიერად



გაწოლილი ზუ მოფრინავდა. ღიმილი დასთამაშებდა სახეზე და მოიღუშებოდა, ტუჩებს მოკუმავდა და შუბლზე ნერვიული ხაო-
კი აუთამაშდებოდა. ხან თვალები გაუბრწყინდებოდა, გადაუნათდე-
ბოდა სახე. გაიღიმებდა, თითქოს ვიღაცას ეფერება-ელოლია-
ვებო. ერამ გამოლაპარაკება დააპირა, მაგრამ ზუ ისე შორს იყო
რეალობისაგან, გადაიფიქრა.

ისევ შეიცვალა მიმართულება. შორეული კავშირის ცენტრმა
თანდათან დაიწყო დაშორება, დაპატარავება. სიჩქარემ ოდნავ იმა-
ტა და ერა მიხვდა, სადაც იბარებდნენ, ვისთანაც მოუხდებოდა სა-
უბარი. ამ მიხვედრამ უფრო გააკვირვა, რადგან წინ ბიოლოგიური
სიცოცხლის გავრცელების არეალის შემსწავლელი მთავარი კორ-
პუსი იყო. იქ იყო თავმოყრილი სამყაროში ბიოლოგიური სიცოცხ-
ლის განვითარების, ყოველნაირი ფორმისა და სახის, ურთულესი-
დან უმარტივესამდე, შეგროვილი, შეჯერებული და გაანალიზებუ-
ლი მასალა. ყველაფერი, რისი შეგროვება და შესწავლაც ურუს
ცივილიზაციამ მოახერხა.

თეთრი ტეტრაედრი შორიდან ვეებერთელა კრისტალს ჰგავ-
და. როცა მიუახლოვდნენ, გამოირკვა, რომ მისი ოდნავ გამობურ-
ცული კედლები უამრავი სხვადასხვა ზომის ნახვრეტით იყო და-
ფარული, ათასფერი მოთუხთუხე მასით შევსებული ნახვრეტებ-
დროგამოშვებით ელავდა. ზოგჯერ ყველა ერთად იფეთქებდა და
ტეტრაედრის ჩოფურა გვერდს ფეიერვერკის ფერები გადაუვლიდა.
ერა შეუნელებელი სიჩქარით უახლოვდებოდა ტეტრაედრის ქიმს.
მერე უცებ იცვალა მიმართულება და, სანამ რამეს წესიერად მო-
ისაზრებდა, მის წინ ერთ-ერთი ნახვრეტი გაიხსნა, ზუსტად იმხელა
და იმ ფორმისა, თვითონ რომ გატეულიყო და, როცა უკან მოი-
ხედა, შენიშნა, როგორ გამოიწურა კედლიდან ზუ და მის გვერდით
დაეშვა გამჭვირვალე კვადრატულ იატაკზე.

— ეტყობა, აღარ ხუმრობენ, — თქვა ერამ და დისკომფრენი
გამორთო. მიმოიხედა. ჩაფიქრებულმა გააქნია თავი. — საუბარიც
უფრო სერიოზული გვექნება, ვიდრე ველოდი.

ზუმ არ უპასუხა, იგი დარბაზის დათვალიერებით იყო გარ-
თული. ზევით იყურებოდა და, როცა მისი მზერა ვერ მისწვდა დარ-
ბაზის გვირგვინს, აზრობრივად დაამთავრა ის, რაც არ ჩანდა. ქვე-
მოთაც ასე იყო, მაგრამ ვერ გაარკვევდით: ის, რაც ჩანდა, ზედას

ანარეკლი იყო თუ მისი გაგრძელება. იდეალური სისუფთავე და სიწყნარე სუფევდა.



მოპირდაპირე მხარეს, რამდენიმე ადგილას, წამით გაიხსნა კედელი და ისევ დაიხურა. დარბაზში სამი მამაკაცი შემოვიდა. მკაფიოდ გაისმა მათი ნაბიჯების მწყობრი ხმა. იყო რაღაც უჩვეულოდ საზეიმო და დიდებული მათ მსვლელობაში. ერა შეფიქრიანდა. შავ რეიტუზებში გამოწყობილი მამაკაცები შორიახლო შედგნენ და ხელების გაშლით მიესალმნენ დამხდურთ. საპასუხოდ ერამაც გაშალა ხელები. ქალებთან მისალმებისას ასეთი რიტუალის დაცვა სავალდებულო არ იყო და მხოლოდ შეხედვით დაკმაყოფილდნენ. ერა ელოდა საუბრის დაწყებას, მაგრამ მასპინძლები რატომღაც არ ჩქარობდნენ. იდგნენ თავდახრილნი.

— ალბათ ვინმეს ელიან, — გაიფიქრა ერამ. სწორედ ამ დროს მოპირდაპირე მხარეს ისევ გაიხსნა კედელი და დარბაზში შუახნის, ჩაფსკვნილი მამაკაცი შემოვიდა. მოკლე, ჩქარი ნაბიჯებით გამოეშურა ცენტრისკენ. შორიდანვე მისალმების ნიშნად ხელები გაშალა და დარბაზის შუაგულში შეჩერდა. ყველანი მისკენ გაემართნენ. მცირე წრის გარშემო დადგნენ.

— დაბრძანდით, — თქვა ბოლოს მოსულმა და თვითონ პირველი დაჯდა იატაკიდან უცებ ამოზიდულ სკამზე. სავარძელმა იმ წამსვე მისი სხეულისათვის მოსახერხებელი ფორმა მიიღო. დანარჩენებიც დასხდნენ.

— ჩვენი ლაპარაკი კატეგორიული და პრინციპული იქნება, — თქვა ბოლოს მოსულმა.

ერამ გაკვირვებით შეხედა. არ ესიამოვნა ბოლოს მოსულის ტონი, შესიტყვება დააპირა, მაგრამ როცა თვალი შეავლო მის დადლილ, მშვიდ თვალებს, მკაცრად მოკუმულ ტუჩებს, ნერვულად დაჭიმულ თხელ ცხვირს, მიხვდა, რომ აქ მკაცრი ლოგიკური მტკიცების გარეშე ლაპარაკს აზრი არ ექნებოდა.

— თქვენ მოგიხდებათ სვლა-გეზის შეცვლა, — დაარღვია მყუდროება ბოლოს მოსულმა.

ერას ელდა ეცა. ყველაფერს, მაგრამ ამას არ ელოდა. მოულოდნელობისგან სავარძლიდანაც წამოიწია. გული შეეკუმშა აფო-

რიაქებულ გონებაში აზრი ვერ იპოვა სათქმელად. რაღაც მას ძალამ ენა დაუბორკა.

— ჩემთვის გასაგებია თქვენი მღელვარება. — თქვა ბოლოს მოსულმა. — მაგრამ მდგომარეობა გვაიძულებს ასე მოვიქცეთ. თქვენ გამგზავრებით ათასმეშვიდე კვადრატისავენ.

— პერიფერიაში? არასოდეს! — აღმოხდა ერას. ადგა. სავარძელი იმ წამსვე გაქრა. კარგა ხანს ჩუმიდ იდგა გაოგნებული. როცა ოდნავ დამშვიდდა, ისევ ამოიღვა ენა: — ყველას კარგად მოგეხსენებათ, რომ ათასმეშვიდე კვადრატი სიცარიელეა, სტერილური ვაკუუმი. თან ისე შორს არის სამყაროს ცენტრიდან, რომ მისი ყოფაც საეჭვოა და მხოლოდ თეორიულად არსებობს.

— სიცოცხლისათვის არ არსებობს პერიფერიის ის გაგება, თქვენ რომ ახლა თქვით. სიცოცხლეს მხოლოდ საარსებო ფართი სჭირდება, სხვა არაფერი — გაისმა დარბაზში.

ერამ რატომღაც ზევით აიხედა, თუმცა ხმა ყოველი მხრიდან მოდიოდა. მიხვდა. საუბარში ბიოლოგიური სიცოცხლის მთავარი ტვინი ჩაერთო.

— მესმის, მესმის, — სწრაფად დაეთანხმა ერა, — მაგრამ რა აზრი აქვს სიცოცხლეს, თუ აზროვნება გაყინულია. ყველაზე კარგი, სრულყოფილი ერთფეროვნება, უბრწყინვალესიც, სიკვდილია პროგრესის და მიზნის გარეშე. იმაზე აუტანელი არაფერია, როცა საკუთარი ყოფის შენარჩუნებაზე იხარჯება მთელი ენერჯია. როცა არავინ არის მაძიებელი აზრის მქონე, რომ გაანათოს მომავალი, დღე ხვალინდელი. ახალ სანახთა დასალაშქრავად გაუძღვეს ხალხს და დრომოქმულ დამყაყებულზე უარი თქვას. ჩვენ მუდამწამიერ წინ უნდა ვიდოდეთ. პერიფერიაში გამგზავრება კი უკან, წარსულში დაბრუნებაა. ისიც სწორია, რომ წარსულში უნდა ხშირად ვიხედებოდეთ, როგორც მრავალჯერ წაკითხულ წიგნში, მაგრამ არა იმისთვის, რომ ხელმეორედ გავიმეოროთ ის, რაც იყო, არამედ იმიტომ, რომ მომავალში შეცდომებისგან დავიცვათ თავი. თანაც ყოველი განმეორება ენერჯიის ფუჭი ხარჯვაა, უკვე მრავალჯერ გატკეპნილი ადგილის ტკეპნა. მაშ რაღად გვინდა იმ შორეულ წარსულში დაბრუნება, როცა ჩვენ თვითონ წარსული ვართ სამყაროსათვის, განვითარების შორეული პერიფერია. აქამდის ყველას საზრუ-

ნავი ცენტრისკენ ლტოლვა იყო, სამყაროს იმ გულისაკენ, სადაც აზროვნებისათვის კოლოსალური ენერგია არსებობს, იმდენად, რომ საზომად თავად სამყარო თუ გამოდგება. ჩვენი ვალია გასრულება, შეძენა, ცოდნა. ცოდნა იმისა, რა ვიყავით, რანი ვართ და რანი ვიქნებით.

— რასაც თქვენ ამბობთ, — შეაწყვეტინა ბოლოს მოსულმა, — სულაც არ უარყოფს ჩვენს მოსაზრებას. ასე გვეგონა ადრე სუყველას, ახლა სხვაგვარად გვიხდება ფიქრი. საქმე ის არის, რომ წუხელ, მოულოდნელად, ათასმეშვიდე კვადრატი ალაპარაკდა. ჩვენ მთელი ღამე არ გვიძინია, სანამ გავშიფრეთ რამ შეაწუხა ჩვენი სხეულის ეს შორეული ნაწილი. — ბოლოს მოსული წამით დაღუძმდა. დაღლილ თვალბუზე მოისვა ხელი, მოისრისა, მერე განაგრძო: — თურმე სიცოცხლე იქაც არსებობს, იმ სტერილურ სიშორეში, იმ ცივ და უსულგულო ვაკუუმში, როგორც თქვენ ინებეთ წელან თქმა. თანაც ისე მაღალგანვითარებული, რომ ჩვენთან დაკავშირებაც მოახერხეს. თქვენ ალბათ გესმით, რაოდენ დიდი ენერგია არის საჭირო იმ უთავბოლო მანძილების დასაფარავად, ჩვენ რომ გვაშორებს. ჩვენ, მაგალითად, უკუკავშირს ვერ შევძლებდით, საამისო ენერგია არ გაგვაჩნია. ახლა გასინჯეთ, საით უფრო უკეთესია, იქით, სადაც უკვე ცნობილი სამყაროს გული გელოდებათ, თუ იქით, სადაც ყველაფერი წყვილიაღშია მხოლოდ იმიტომ, რომ ჩვენ მის შესახებ არაფერი არ გვსმენია? იქნებ სამყაროს ორი გული აქვს, ორი ცენტრი, ან უფრო მეტიც? ან რატომ ფიქრობთ უკვდავსაყოფად ერთი გზაა, ერთი მიზანი?.. რა არის ერთი? ერთი ბევრის ნაწილაკია და არვინ უწყის, რომელია უფრო სწორი, უფრო მართალი. ხომ შეიძლება ის გზა, რომელიც აირჩიეთ, ჩიხით დამთავრდეს. გზად, რომელიც აღარსად მიდის და მიზნის ეფემერული სიშორის გამო, გზად მიიჩნიეთ. წარმოიდგინეთ, რა იქნებოდა ხელოვნება მარტო სკულპტურით, ლექსის, პროზის, ღვთაებრივი გალობის გარეშე, ან გრაციების ტანთა რხევის, როკვა-თამაშის, ან იმ ლამაზი მშვენიერების ხატვა-განწყობის გარეშე, გარს რომ გვარტყია. ეს და მრავალი, სხვა კიდევ ბევრი, ხელოვნებისკენ გზასავალია. თქვენ კი რაც ბრძანეთ, დედაკანონს არ ეგუება. თუკი სამყარო უსასრულოდ მრავალსახაა, მაშინ მიზანიც უთვალავი უნდა იყოს და მათკენ ლტოლვაც უსაშველოდ მრავალნა-



ირო. აბა ვინ იცის, იქნებ სწორედ იქ იმალება ის ენერგია, ჩვენ რომ გვჭირდება. ან ხომ შეიძლება მათთვის ჩვენ სწორედ სამყაროს ის ნაწილი ვართ, სიცარიელედ, პერიფერიად, რომ მივიჩნევთ. ხედავთ, როგორ იცვლება სუყველაფერი, როგორც კი სამყაროს სხვა წერტილიდან დაუწყებთ ცქერას. ახალი აზრის დაბადებამ არ უნდა შეგვაშფოთოს. აზრთა მრავლობა ჭეშმარიტებისაკენ მიმავალი გზაქსელია. იმ უსასრულოდ გრძელი გზის მეორე ბოლო სიშორის გამო რომ არა ჩანს, მაგრამ არსებობს როგორც ერთი, მთლიანი სამყაროს, ერთი სხეულის ჯერ გაუაზრებელი ნაწილი. აი, რატომ გთავაზობთ სელაგეზის შეცვლას.

ეს ყველაფერი ერასათვის ცნობილი იყო, გრძნობდა საკითხის მასშტაბურობას, სიღრმეს და მაინც სჯეროდა, რომ მართალა იყო, რომ მისი ფიქრი ქვეყანას მისწვდა, რომ ყველაფერი აწონდა-აწონა. ახლა გამოდის თურმე ფუჭად უმუშავნია. როგორი ნათელი, ახლობელი მიზანი ჰქონდა, ახლა კი ყველაფერი ბურუსში გაუხვია.

„--ნუთუ სამყაროს ცენტრიდან ასე შორს, — ფიქრობდა იგი, შეიძლება არსებობდეს სიცოცხლის კერა? ათასმეშვიდე კვადრატით ხომ ჩვენი სამყაროს საზღვარია, მისი კიდე. რა ენერგია შეიძლება არსებობდეს ამ სიშორეზე, როცა ჩვენ თვითონ, ცენტრთან ახლოს არ გვეოფნის იგი? მეორე ცენტრი?.. ან იქნებ ეს სწორედ ის ადგილია, სადაც ადამიანთა ყოველდღიური საქმიანობა ახლის შექმნაა? ან ნეტა როგორ მოახერხეს იმ ენერგიის დაოკება, ჩვენ რომ გვაწვდინეს.

ან?..

ან?..

ან?..

ბოლო არ უჩანდა კითხვებს.

— ვფიქრობ, ყველაფერი ნათელია!

— დიახ, დიახ, რასაკვირველია, — სწრაფად დაეთანხმა ერა, თუმცა სულაც არ აპირებდა ამის თქმას და გაოგნებული სავარძელში ჩაჯდა. — გასაგებია. — გაიმეორა მან და ხმამაღლა დაიწყო ფიქრი: — რატომ მაინცდამაინც ათასმეშვიდე კვადრატით განა სიგნალებს სამყაროს ცენტრიდან აღარ ვღებულობთ? ან უფრო ახლოს შეუსწავლელი ობიექტი აღარ არსებობს? მარტო ზერე-



ლე ვარაუდით, ათამდე უცნობი ცივილიზაცია უნდა შემოგვეხვედეს გზაზე. მათი გაცნობა, კონტაქტები, ურთიერთობა, განა ცოტაა? ესეც არ იყოს, თუ მათ მართლა განვითარების ისეთ მაღალ საფეხურს მიაღწიეს, რომ ჩვენთან კავშირი მოახერხეს, რატომ თავად არ უნდა გვესტუმრონ? ვინ იცის, იქნებ გზაშიც არიან? აქ ბევრი რამე ბუნდოვანი, გასარკვევია. ასე უბრალო სიგნალებმა ვით შეაშფოთა თქვენი გონება, სამყარო სავსეა ასეთი სიგნალებით, კიდევ მრავალი აღმოჩნდება თანდათანობით, ყველასკენ ჩვენ რომ გავეშუროთ, რა ხალხი გვეყოფა, რა ენერგია?

— საქმე ის არის, — გაისმა ისევ ყოველი მხრიდან, — ჩვენ კარგა ხანს პასუხს ვერ გავცემთ, საამისო ენერგია არ გავგაჩნია. ვაითუ დუმილი სიცარიელედ მიიჩნიონ ჩვენმა შორეულმა თანამოძმეებმა და ხელმეორედ დაკავშირება აღარ ისურვონ. ასეა ხშირად, როცა საგან-მოვლენებზე არ გვსმენია, ისინი ჩვენთვის არც არსებობენ, მაგრამ ეს იმას როდი ნიშნავს, რომ ასე არის სინამდვილეში. მართალია, სიგნალები მცირეა, მაგრამ ისეა დატვირთული ინფორმაციით, რომ სწორედ ენერგიის სიმცირეზე მაფიქრებინებს. ამიტომ განმეორებითი კავშირის იმედი აღარა გვაქვს. ასეთი მაქსიმალური ეკონომია გაჭირვების ბრალი უფროა, ვიდრე მდიდარი კაცის ხელგაშლილობა.

დუმილი ჩამოვარდა. ეტყობოდა, ბიოლოგიური სიცოცხლის შთავარმა ტვინმა ახალი ინფორმაცია მიიღო გადასამუშავებლად. დარბაზში მქრქალი, ლურჯი ფერი აციალდა. სადღაც, შორს, თითქოს ზარმა ჩამორეკა.

— მართალია, საბოლოო პასუხამდე კარგა დიდი დრო გავა. — გაისმა ისევ ყოველი მხრიდან. — მაგრამ ზოგი რამ ახლაც ნათელია. გადაცემის რიტმი, სიხშირე, ფსიქოლოგიური ანალიზი გვაფიქრებინებს, რომ სიგნალები საგანგაშოა. აჩქარებით, სახელდახელოდ შედგენილია. არც კოდი არის შერჩეული შესაფერისი. გამოდის, უჭირთ.

— უფრო ზუსტად! — შეევედრა ზუ.

— მე ვფიქრობ! — იყო პასუხი. შემდგომ კითხვებს აზრი არ ჰქონდა. როცა ტვინი ფიქრობს, მასთან საუბარი აკრძალულია.

— მაშ ასე, — თქვა ბოლოს მოსულმა. — ყველამ გავიგო-

ნეთ, რაც ახლა ითქვა. სიგნალები გადაუდებელი აუცილებლობით არის გამოწვეული. მართალია არ ვიცით რით, მაგრამ... ეპიკურული
ნიმუში

— იქნებ სიცოცხლე საფრთხეშია? — შეაწყვეტინა ნუშ.

— შესაძლებელია, თუმცა ვადაწყვეტით რაიმეს თქმა არ შეიძლება. — ბოლოს მოსული ერას მოუბრუნდა. — ერთი კი ცხადია, რაც უფრო მეტი საიდუმლო გვექნება ამოსაცნობი, მით უფრო საინტერესო ხდება ათასმეშვიდე კვადრატი. მით უფრო გამართლებულია სვლაგეზის შეცვლა. იქნებ ეს მხარე სამყაროს სწორედის ნაწილია, თქვენ რომ ოცნებობთ. იქნებ ნგრევის, დაბადების მოწმენიც გახდეთ, უშუალო მონაწილე. ამაზე მეტს შემოქმედიც ვერ ინატრებდა.

ბოლოს მოსული ერას სანუკვარ ოცნებას შეეხო. იმ სათუთ გრძნობას, ფარულად რომ ინახავდა განუხორციელებელ სურვილთა შორის.

„ნუთუ ეს შესაძლებელია? — გაიფიქრა მან და სულწასულობის შერაცხვა. ძალად მოიშორა აკვიატებული აზრი. — რა ღროს ესაა!“

— ის რაც სტკივა, სამყაროს, შენი, ჩემი, ყველას სატკივარია. — დაარღვია ერთფეროვნება ბოლოს მოსულმა. — განა ის კიდე, ის საზღვარი, რომელმაც თავი მოგვაგონა, ერთი მთლიანი სხეულის ნაწილი არ არის, როგორც გული, ფილტვი, ფეხი, ხელი ჩვენი სხეულისათვის? განა ჩვენ გვახსოვს მათი ყოფნა, თუ არ ვიგრძენით, ან არ დაგვკვირდა. უნდა აგვტკივდეს, რომ გავგახსენდეს. სწორედ ტკივილით შევიცნობთ ჭეშმარიტებას. წუხილი არის ერთადერთი გზა სინამდვილისკენ. დარდი ჩრდილია სიხარულის. მხოლოდ ამ გზით გავიგებთ, რანი ვართ, სადამდე ვართ, რას ვფლობთ, რა გვეკუთვნის და, როცა დავრწმუნდებით, რომ ერთი მთლიანი სამყაროს ნაწილი ვართ და არა რაღაც თავისთავადი, უცხო სხეული, მაშინ ჩემი-შენი აღარ იქნება და ჩვენი დიდი სხეულის რომელი ნაწილიც არ უნდა შეწუხდეს, ყველას ტკივილი იქნება და აუცილებლად გავუწვდით დახმარების ხელს.

ერას გული შეეკუმშა, სავარძლის ზურგს მიესვენა. ყრუ, შორეული, ტკივილი იგრძნო. ტკივილი თანდათან მოედო სხეულს. სულში ჩაუძვრა, გონებაში გაიდგა ფესვი. შესძრა, შეაზანზარა. თვალები დახუჭა, მაგრამ ნათლად დაინახა განსაცდელში ჩავარდ-



წილი თანამოძმის განწირული სახე. ყვირილი მოესმა. ისე ძლიერ
 რომ მისი ხმა სამყაროს შუაგულს მისწვდა. საშველად გამოწვდილი,
 ათრთოლებული, ცივი ხელების შეხება იგრძნო. გაარჟროლა. ბოლმა
 აუგუნდავდა ყელში. სუნთქვა შეეკრა. შეშინებულმა გაახილა თვა-
 ლები და მისი მზერა ვედრებით სავსე უცნობის თვალებს შეეფეთა.
 თვალი თანდათან გაიზარდა, გაფართოვდა, გადიდდა. მთელი დარ-
 ბაზი შეავსო. ყველა კიდე და კუნჭული. სივრცეს მოედო. სამ-
 ყაროსავით დიდი და ცასავით კრიალა გახდა და ერა მისი სილურ-
 ჯის სიღრმეში ჩაიძირა.

ს ა რ ჩ ე ვ ი

გაუკველავი გზიგით	3
საგანგებო შემთხვევა	3
უხილავი მღვეარი	15
სტარტი	30
კოსმოსის მიკოგრინი	40
კატასტროფის წინაშე	40
ელჩობა	68
თავდასხმა	81
მოულოდნელი სტუმარი	94
განწირულნი	107
ცისფერი პლანეტაზე	118
შსასრულოგიდან	139
იისფერი ბარიერის მიღმა	139
ფიქრის კვადრატი	152

ს. ბ. № 1275

რედაქტორი ნ. ქ ა რ თ ვ ე ლ ი შ ვ ი ლ ი
მხატვარი გ. მ ა ქ ა რ ა შ ვ ი ლ ი
მხატვრული რედაქტორი შ. დ ო ლ ი ძ ე
ტექნიკური რედაქტორი ზ. დ ო ნ დ უ ა
კონტრ.-კორექტორი ლ. ს უ ლ თ ა ნ ი შ ვ ი ლ ი
კორექტორი გ. ტ ო გ ო ნ ი ძ ე

გადაეცა ასაწყობად 5. 07. 85. ხელმოწერილია დასაბეჭდად
8. 04. 86. ქალაღდის ზომა 60X841/16. გარნიტური ვენა,
ბეჭდვა მაღალი, პირობითი ნაბეჭდი თაბახი 10,69 საბ. ქალაღ-
ღი № 1. საღებავგატარება 11,27. სააღრ.-საგამომცემლო თა-
ბახი 9. ტირაჟი 20.000. უე 01563. შეკვ. № 223.

ფახი 80 კაბ.

გამომცემლობა „ნაკაღული“, თბიღისი, მშვიღობის გამზ. 28

Издательство «Накаღული», Тბიღისი, пр. Мира 28

საქართვეღოს კბ ცკ-ის გამომცემლობის სტამბა, თბიღისი, ლენინის ქ. № 14.

Типография издательства ЦК КП Грузин, г. Тბიღისი, ул. Ленина, 14.

Садрадзе Отар Никифорович

ПИРАТЫ КОСМОСА

(на грузинском языке)

Детюниздат Грузинской ССР

«Накадули», Тбилиси, 1986

ძვირფასო მკითხველო!

ამ წიგნს რომ წაიკითხავთ, არ
დაიზაროთ და მოგვწერეთ თქვენი
შთაბეჭდილებანი.

ჩვენი მისამართია:

თბილისი, ვაჟა-ფშაველას პროსპექტი № 15
„ნაკადულის“, საბავშვო წიგნის სახლი

52/7

სადრადე ო. ნ.

კოსმოსის მეკობრენი. თბ.: ნაკადული, 1986, 184 გვ.
(მეცნიერულ-ფანტასტიკური ლიტერატურა).

მეცნიერულ-ფანტასტიკური მოთხრობები კოსმოსზე. ავტორი სა-
ინტერესოდ ჰყვება უცხოპლანეტელთა და დედამიწელთა მომავალ
შეხვედრებზე.

საშუალო და უფროსი ასაკის მოსწავლეათვის.

70803—3

C ————— 138—86

M—603(08)—86

